

ჩვენი მწერლობა


გამოდის თვეში ორჯერ პარასკეობით

ფასი 1,50 ლარი

11 ივნისი 2010

№12(116)

პაატა ჩხეიძის ალუდა
დავით წერედიანის ლექსები
ოთარ ჭილაძე, ოთარ ჩხეიძეზე
ინგა მილორაჯას პუბლიცისტური ესეი
დემილ ჰემეტი — მკაცრი დეტექტივისტი
მერაბ კალანდაძე აღექსანდრე ორბელიანზე
ზურაბ ლავრელაშვილის ახალი რომანი
ნანა კუცია მარიამ ნიკლაურზე
ერიკ-ემანუელ შმიტის ნოველა
უტილიტარული სიბრყვენი
ნანა გასვიანის ლექსები



შინაარსი

ჩვენი ყოფა, წუთისოფალი	2	ინგა მილორავა ქარაპანი მიღის
ღაბაჟივის გაპირი	5	ნიკა თევზაძე დეშილ ჰამეტი — მკაცრი დეტექტივის უშუამდებელი
მსარას-ინტერვიუ	9	გიორგი დათუნაშვილი „დავტოვო კვალი“ (მოამზადა ნატა ვარადაძე)
მწერალი მწერალზე	10	მიხეილ კოპალეიშვილი „არ დავჰსცხე ვირა ვიყო“ (ოთარ ჭილაძის სიტყვა ოთარ ჩხეიძეზე)
პროზა	12	ზურაბ ლავრელაშვილი ქალაქი მტვერში
პოეზია	26	დავით წერეთლიანი მებრული მოტივი
	27	ნანა გასვიანი რეპორტაჟი ტაძრიდან და სხვა ლექსები
ახეივანი	30	ბენჯამინ დიზრაელი უტილიტარული სიბრძნეები
დაუწინდარი სახელები	33	მერაბ კალანდაძე ალექსანდრა ორბელიანი ახალი ისტორიის საკითხეზა
რეპორტაჟი	35	ეკა ბუჯიაშვილი აი, ასეთი რობერტ სტურუა
გამოხმაურება	38	ნინო ჩხიკვიშვილი სად დანისვას წარტილი (ზვიად კვარაცხელიას ახალი ნოველის გამო)
ერთი ლექსის სივრცე	39	ნანა კუცია „სეპლის ფარვანებით შეხუპვილი“ (მარიამ ნიკლაურის „მეფარნე“)
საორბი	42	გივი გამრეკელი ანანდი: დიხ, ჭადრაკი ინდოეთში გამოიგონეს
სამინარი: სამი ისტორია	44	პასუხისმგებლობა და მოვალეობა
აინტოლა	47	ნუნუ კუბრეიშვილი „მძივი“, როგორც ცხოვრება (ლია ბარათი კოტე კაკიტაძეს)
კრიტიკა	48	მარინე ტურავა შინაგანი სიტყვა (ზაზა ბიბილაშვილის „წელიწადი, როგორც ერთი დღე“)
ისტორიის თათრი ლექსი	49	ნინო ვახანია ...რათა ტრაგედია აღარ განმეორდეს (ფოტოგამოფენა საბჭოთა რეპრესიების ისტორიიდან)
პარსონაჟი და გიჟივანი	50	პაატა ჩხეიძე და სხვა „ალუდა“...
უსწორი ნოველა	52	ერიკ-ემანუელ შმიტი დაუპატიჟებელი სტუმარი
ნაკვებები	61	მასვილსიტყვაობის ნიმუშები
მოზიკა	63	უნიგნური შექსპირი

ორკვირული ჟურნალი

დამფუძნებელი „ილიონი“

მისამართი: თბილისი,
ჩუბინაშვილის №41

რედაქცია – (995 32) 96_20_62

რეკლამა – (995 93) 65_93_68

გავრცელება – (995 77) 11_24_30

ფაქსი: (995 32) 96_20_62

E_mail: info@mtserloba.ge



დაბაჟილი საბაჟო "ომეგა ტეგი" PRINTED BY "OMEGA TEGI" PRINT HOUSE
საქართველო, თბილისი, სარაიშვილის 17 TBILISI, GEORGIA, 17 SARAJISHVILI STREET
ატელფონი: +995 32 53 03 62 TELEPHONE +995 32 53 03 62

მთავარი რედაქტორი – როსტომ ჩხეიძე

პროზის რედაქტორი – ივანე ამირხანაშვილი

პოეზიის რედაქტორი – მკაჯ ჯოხაძე

კრიტიკისა და თარგმანის რედაქტორი – თამაზ ნატროშვილი

მხატვრული რედაქტორი – კარლო ფაჩულია დიზაინერი – მალხაზ იაშვილი

სტილისტ-კორექტორი – ნინო დეკანოიძე დაკაბადონება – თენგიზ რობიტაშვილი

ოპერატორი – თამარ ჩიხლაძე სარეკლამო მენეჯერი – ეკა ბუჯიაშვილი

გავრცელების სამსახური – ლევან კიკნაძე

გარეკანზე: რობერტ სტურუა, ლადო ჩაჩუას ფოტოგრაფი

წმინდა ნიკოლოზის ეკლესია დუშეთში, ბაბუა ალუდაურის ფოტოგრაფი

„ჩვენი მწერლობის“ მომდევნო ნომერი გამოვა 25 ივნისს

ინგა მილორავა

ქარავეანი მიღის...

როგორც თითოეული ადამიანი, ცალკეული პიროვნება, ისე მთელი ერი თავის ჭეშმარიტ არსს მხოლოდ და მხოლოდ ექსტრემალურ ვითარებაში ავლენს. დღეს, ფასეულობათა ტოტალური გადაფასების ეპოქაში, როცა ჩვენც რეალურად დაგვემუქრა ეროვნული ნიჰილიზმის მოძალეების საფრთხე, ეროვნულისა და კაცობრიულის საზღვრების და კუთვნილი სფეროების ნათლად დანახვა და გააზრება შეიძლება ერთ-ერთი მნიშვნელოვანი ნაბიჯიც კი გახდეს ეროვნული ცნობიერების (სულიერების, შემოქმედების, ზნეობის) შენარჩუნებისა და განმტკიცების გზაზე. არადა, აქ ზომიერების დაცვა ძალიან ძნელია.

ერთი მხრივ, იგივე ნიჰილიზმი და პრაგმატიზმი, გადანული კარგად დაგეგმილ კოსმოპოლიტურ შემოტყვებთან და, მეორე მხრივ, უკიდურესი ფანატიზმი, თვითტკობით გატაცება და შეზღუდულობა, საკუთარი – თუნდაც არასრულყოფილი – თავით ღრმა კმაყოფილება. ამ ორ უკიდურესობას შორის ყველა ერის გასავლელად ბენვის ხიდია გადებული. ყველა ერი, ხალხი, თავისი ტრადიციისა და კულტურის ტვირთით ზურგდამძიმებული დგება ამ ხიდზე, თავისი გამორჩეული პრობლემები ექმნება მისი გავლისას და ასევე საკუთარი ხერხების გამოიმუშავებაც უხდება.

„მე მტკიცა ესპანეთი!“ – მიგელ დე უნამუნოს ეს სიტყვები ზუსტად გამოხატავს თავისი სამშობლოს ბედით შეზღუდული იმ ადამიანის გრძობას, რომელიც ამავდროულად ჩაბმულია მარადიულ ორთაბრძოლაში, რომელსაც ეწევა მოაზროვნე, მშვენიერი იდეებით ანთებული კაცობრიობის ნაწილი ბნელი, უხეში, ანგარებიანი და უვიცი ძალების წინააღმდეგ. სიტყვა „ესპანეთის“ ნაცვლად ნებისმიერმა შეიძლება ჩასვას თავისი ქვეყნის სახელი და მაშინ უკვე გასაგები იქნება უნამუნოს იდეების ზოგადსაკაცობრიო და ეროვნული მნიშვნელობა, სწორედაც რომ ერთდროულად თან ღრმად ეროვნული და თან ზოგადსაკაცობრიო, რაც ჭეშმარიტი ეგზისტენციური წვდომით, სიღრმეში ჩამალულის, უნივერსალურისა და ირაციონალურის ძიებით და უკიდურესად ახლობლად გარდაქმნით მიიღწევა.

მისი ფილოსოფიური სისტემის ცენტრში დგება ადამიანი. იგი უნდა იყოს პიროვნება, ინდივიდი – განუმეორებელი და ერთადერთი, და მხოლოდ მაშინ შეიძლება გადაიქცეს ხალხად, ერად, კაცობრიობად. სწორედ ერად გარდაქმნილი ადამიანების მიერაა შექმნილი უნამუნოსეული ე.წ. „ინტრაისტორია“, რაც არსებითად განსხვავდება ქვეყნის ისტორიის, კულტურის ისტორიის, ლიტერატურის ისტორიის და ა.შ. ერთად აღებული ან ცალ-ცალკე ისტორიისაგან.

ეს არის მატერიალურისა და სულიერის ურთიერთმედნევეთ შექმნილი მყარი ველი, რომელიც გარს ეხვევა და იცავს ერად ქცეული ადამიანების თაობების ჯაჭვს დროში (მიგელ დე უნამუნო, „სულის სიღრმეში“).

დაახლოებით იმავეს გულისხმობდა ნიკოლაი ბერდიაევი,

როცა წერდა: „ერი არ არის ესა თუ ის კლასი, არ არის ემპირიული რაოდენობა ამჟამად მცხოვრები ადამიანებისა. ერი არის მისტიკური ორგანიზმი, რომლის იდუმალ სიცოცხლეს ჩვენსავე სიღრმეში ვწვდებით, როცა ჩვენ თავს ვანებებთ ზედაპირულ ცხოვრებას, გარეშე ინტერესებით ცხოვრებას, როცა ჩვენ ვთავისუფლდებით იმ გარსთაგან, რომლებიც ადამიანებს ერთმანეთისაგან ამორებენ... თავის ყველაზე სრულყოფილ და უმაღლეს გამოხატულებას ერი გენიაში აღწევს. გენია ყოველთვის ხალხურია, ეროვნულია, მასში ყოველთვის ისმის ხმა ნიალიდან, ეროვნული ცხოვრების სიღრმიდან. ერის სული ყოველთვის გამოიხატება პიროვნებათა თვისობრივი შერჩევით, რჩეული პიროვნებების მეშვეობით. არავითარი ეროვნული დემოკრატია თავისი რაოდენობრივი მექანიკით არ შეიძლება იყოს ერის სულის გამოხატველი. ერის ნება გამოუთქმელია არითმეტიკულ რაოდენობებში, იგი არ არის უმრავლესობის ნება. ერის ნებაში მონაწილეობენ არა მხოლოდ ცოცხალნი, არამედ გარდაცვლილნიც. მონაწილეობს დიდი წარსული და ჯერ გამოუცნობი მომავალი. ერში შედიან არა მხოლოდ ადამიანთა თაობები, არამედ ტაძართა, სასახლეთა და კარმიდამოთა ქვებიც, საფლავის ლოდები, ძველი ხელნაწერები და წიგნები და იმისათვის, რომ მივწვდეთ ერის ნებას, უნდა ვუსმინოთ ამ ქვებს, ნავიკითხოთ გაცრეცილი ფურცლები“ („ერი და კაცობრიობა“).

როცა მამულის, კერიის შეგრძნებას გადმოსცემს, სწორედ ე.წ. „ინტრაისტორიის“ არსებობას ამყარებს ნიკოლორთქიფანიძეც: „უმრავლესობისთვის მხოლოდ სამწუხაროა ოჯახის, მამულ-დედულის გაყიდვა, კერიის დანგრევა, – მექნება და შევიძენ უკეთესსო, ინუგეშებენ თავს. მაგრამ ვისაც სახლ-კარ-მიდამოში მთელი გვარის ლეგენდები, ზღაპრები, წინაპრების ტანჯვა და სიხარული ჩამარხული ეჩვენება, სახლის გაყიდვასთან, წარსულის დაშორებასთან ეკარგება მომავალიც. წინ აღარაფერია ჩვენთვის, თუ უკანიდან არ შემოგვეყურებს წინაპრის მკაცრი ულმობელი სახე – ტრადიცია, თუ ისა გვყავს, კიდევ ბევრი რისთვისმე ვვარგვივართ, რაც საჭიროა ქვეყნისთვის“.

ამკარაა, რომ ერის, მასში ცალკეული ინდივიდის სრულფასოვანი არსებობისათვის და მომავლის დადგომის შეგრძნებისთვის აუცილებელია საკუთარი „მიდა ისტორიის“ – მატერიალურის, ხილულის და სულიერის, უხილავის მთლიანობაში წარმოდგენა, დაცვა, გადარჩენა, განვითარება და დროთა კავშირის უზრუნველყოფით მისი სიცოცხლისუნარიანობის განმტკიცება. ამ პროცესში კი, ჩემი ღრმა რწმენით, უდიდესი ვალი აძევთ იმ ადამიანებს, რომელნიც თავის სულში ატარებენ ნიგნისმიერ სამყაროს – ვინც ქმნის, ვინც იმეცნებს, ვინც სხვას გადასცემს, თუ რალაც ფორმით უკავშირდება და ემსახურება ლიტერატურას. ეს პროცესი კი, როგორც ბევრი რამ ჩვენს ქვეყანაში, ძალიან დიდი სირთულეების წინაშე აღმოჩნდა. შეიძლება ვინმემ იფიქროს, რა დროს ლიტერატურის განსაცდელზე ლაპარაკია, როცა დაკარგულია ქართული მინა, როცა უამრავ ადამიანს ასე უჭირს, ბევრი გახიზნულია თავისი ქვეყნიდან, ბევრმა ისიც არ იცის, რა ქნას, რითი უშველოს თუნდაც ყოველი ახალი დილის გათენებისას თავის შვილს, დედ-მამას, საკუთარ თავს.

მაგრამ „შინაგანი ისტორია“ სწორედ მატერიალურის და სულიერის იმგვარ კავშირს წარმოაჩენს, რომელიც ნათელს ჰყენს ერის არსებობის უმთავრეს შესაძლებლობას – მხოლოდ ფიზიკურის და სულიერის ჰარმონიული განვი-

თარების შემთხვევაში შეიძლება ყოფნა ანმყოფი და წარსულისა და აწმყოს გავლით გადასვლა მომავალში. ცალ-ცალკე, ნაწილ-ნაწილ რაიმეს გადარჩენა შეუძლებელია. და აქ არის ლიტერატურაც! ისიც შეიძლება, კარგად მყარი არგუმენტი, ჩემი აზრით კი აუტანელი ფრაზა – „ყველამ თავისი საქმე აკეთოს“ – მოვიხმოთ, მაგრამ რას ნიშნავს საქმის კეთება, ან როგორ? ვნეროთ, ვიკითხოთ, შევეცადოთ „მოვერგოთ“ დროს და დაველოდოთ, რომ რაღაც შეიცვლება, თავისით, ან უცებ უნიგნურობისთვის განწირულ თაობებს თავისთავად გონება გაეხსნებათ და ბიბლიოთეკებს შეესევინან? თუმცა ისიც მართალია, რომ დღეს საყოველთაოდ გამეფებული ვირტუალური ბედნიერების ფონზე იქნებ მართლაც დონ-კიხოტის ქარის ნისქვილებთან ბრძოლის ტოლფასია ხმის ამოდება, თუნდაც მოკრძალებული დანუნუნებაც კი? მითუმეტეს, რომ ნისქვილებთან ბრძოლაში დაღვნილ დონ-კიხოტს ერთი სანჩო პანსა მაინც ჰყავდა თანამგრძნობელი და მომასულიერებელი, ჩვენი საზოგადოება კი ისეა შეშინებული თუ შერყვნილი, რომ ნაქცევულს არც მიეკარებიან და, თუ მიეკარნენ, ისიც ნიხლის მისაყოლებლად.

მაგრამ როცა გულისტკივილი გაუსაძლისი და შემანუხებელია, ალბათ, სჯობს, გამოითქვას. განსაკუთრებით იმ შემთხვევაში, როცა ხედავ, როგორ ნელ-ნელა იჩრტიება და მერე კი იხევა ის უფაქიხესი სიტყვიერი ქსოვილი, რომელიც ამდენი ხანი გარს ეხვია იმ ხილულ სხეულებს, რომელიც დრომ შეინახა და ამ ნაჩვრეტების მიღმა მომზირალ სიბნელესა და სიცარიელეში ნელ-ნელა მიედინება ის, რასაც ჩვენი „ინტრაისტორია“ ჰქვია.

ცხადია, არ შეიძლება თქმა, რომ ყველაფერი უკვე დაინგრა. ეს მკრეხელობა იქნებოდა, ადამიანები წერენ, ქმნიან, იბრძვიან, როგორ და რა შედეგით, სხვა საკითხია. ლიტერატურული პროცესი კუნძულ-კუნძულ შემონახულია და ცალკეული ადამიანებისა და ჯგუფების უდიდესი ძალისხმევით აკავებს და ინარჩუნებს ბევრ რამეს, შემოაქვს სიახლე და როგორც შეუძლია, წინ მიიწევს. ბოლოსდაბოლოს ყოველთვის მოიძებნებიან ადამიანები, რომლებიც თავიანთ ძალასა და სიცოცხლეს შესწირავენ იმას, რაც ძალიან უყვართ, ამ შემთხვევაში, ლიტერატურას! მაგრამ საქმე არა ინდივიდებსა ან ჯგუფებში, არამედ მთელ სისტემაშია, ტენდენციაში, რომელიც ამ ინდივიდებსა და ჯგუფებს მთელ ერთან ორგანულ შერწყმასა და დროში კავშირის გაბმაში უშლის ხელს.

ლაპარაკი არ არის საყოველთაო განათლებაზე. კომუნისტებს რომ უყვარდათ, ისეთი ქოხ-სამკითხველოების ჩამოყალიბებასა და მასობრივი წიგნიერების დანერგვაზე. თავისთავად ეს არაბუნებრივი და შეუძლებელიცაა და

ისიც კარგად დავინახეთ, რა ამაზრზენი შედეგი მოიტანა მწერლობისა და, ზოგადად, სულიერებისათვის, ადამიანის აზროვნებისა და გრძნობების ჩარჩოში მოქცევის, ადმინისტრირების საბჭოურმა გამოცდილებამ. მაგრამ დღეს, XXI საუკუნეში, როცა ერთი შეხედვით ღია საზოგადოებაში ვცხოვრობთ, როცა ხელმისაწვდომია ყველაზე გამოგნებელი ფილოსოფიური სისტემები, როცა სადღაც, ყრუ კედლის იქით აღარაა ის სამყარო, რომელშიც პიროვნული თავისუფლება და პასუხისმგებლობა ყველაზე მეტად ფასობს, ვფიქრობ, ტრაგედიაა, რომ თითქმის ყველაფერი ისევ მეორდება, ხდება ფასეულობების პროფანაცია, გაყალბება და ის, ვისაც შეეძლო სულიერი განვითარების, შემოქმედების გზაზე დადგომა, ვერ შეძლებს ამას, რადგან ირგვლივ გამეფებული ტენდენცია – უპასუხისმგებლობა, პროფესიონალიზმის, ნიჭიერების, შინაგანი თავისუფლების უარყოფა – სასტიკად და დაუნდობლად უშლის ხელს.

რატომ შორდებიან ადამიანები წიგნს? კავშირს იმ სულიერ, ფაქიზ, უხილავ, მხოლოდ შეგრძნებებში იმ სამყაროსთან, ურომლისოდაც მინიერი, ხორციელი არსებობა დაუკმაყოფილებელ, უსაზღვრო სურვილების ასპარეზად, ანგარების ზეიმად, ამაოების ბაზრად და შედეგად „მეობის“ დაკარგვად იქცევა? ალბათ ათასობით წერილმანის და მსხვილი მიზეზის ჩამოთვლა შეიძლება. უმთავრესი კი, ვფიქრობ, მაინც უზნეობაა.

უზნეობაა, როცა გაღატაკებულ და ღირსებაშეღებულ მასწავლებელს იმის ნაცვლად, რომ წიგნის მშვენიერ სამყაროში სამოგზაუროდ წაუძღვეს მოსწავლეს, ხვალინდელ დღეზე შიშით ფიქრში ეკუმშება გული. უზნეობაა, რომ ყოვლად უგვანი კონკურსების შედეგად სტუდენტს ისეთი ლექტორი ჰყავს, რომელსაც „მოზი დიკი“ მელვილის კი არა, მელვინის დანერილად მიაჩნია (სავარაუდოდ, ალბათ, ყველა სიკეთესთან ერთად რუსიც ჰგონია) და თავისი „მჭევრმეტყველების“ შედეგად ისეთ დასკვნას გამოატანინებს, რომ მარკ ტვენის დროს მისისიპიზე არგონავტების გემები დაცურავდნენ. უზნეობაა, როცა გასაცოდავებულ მკვლევარს გრანტის მოლოდინში ეწურება გული და, თუ მოხერხდა და მიიღო, ძალიან ხშირად იმას წერს, რაც არც მას და არც ქვეყანას, არც დღეს და არც მომავალში არაფრად გამოადგება. და თუ ვერ მიიღო, ჩნდება უსამართლობის განცდა, ეჭვი, შური, ერთმანეთის აივალისწუნება, ჯიბრი, გათითოკაცება და, სადაც ეს ხდება, იქ ხომ უკვე ყველაფერი დამთავრებულია, მითუმეტეს შემოქმედებით ზრდასა და რაიმე ფასეულის შექმნაზე ხომ ზედმეტია ლაპარაკი.

ასე დაბეჩავებული და სახედაკარგული ადამიანები რანაირად მოემსახურებიან ლიტერატურას. დიახაც, მოემსახურებიან, რადგანაც ეს სამსახური ყველაზე საპატიო და მშვენიერია. ყოველ შემთხვევაში, დღემდე ასე იყო. „შენია-



ინგა მილორავა

ნი-ჩემიანის“ პრინციპით დაჯგუფებული, თავისუფლება და მორალურსახედაკარგული ადამიანების ხელში ჩაგვარდნილი წიგნი ვერ იცოცხლებს, ვერავის სულის კარს ვედარ შეაღებს და მერე სრულიად ფუჭი და ამაოა ახალგაზრდების უნიგნურობაზე ჩივილი და ყველაფრის კომპიუტერზე გადაბრუნება. თანაც კომპიუტერი მხოლოდ უნიგნურობის შემთხვევაშია საშიში, თორემ ისე ინფორმაციის შესანიშნავი წყაროა და, გონივრულად გამოყენებით, შემეცნებისთვის დიდი სიკეთის მოტანაც შეუძლია.

ჩვენ ვხედავთ, ყოველ შემთხვევაში, თუ თვალებს ძალით არ ავიხვევთ, უნდა ვხედავდეთ, როგორ ნელ-ნელა, მეთოდურად „აჩოჩებენ“ გვერდზე იმათ, ვინც რაღაც ჩარჩოებში არ ჯდება, ვინც იმას და ისე არ წერს, რაც „საჭიროა“. ჩვენთვის, საბჭოთა ეპოქის გამოცდილების მქონეთათვის, ეს რა გასაკვირი უნდა იყოს, მაგრამ ახალი ტექნიკა უფრო დახვეწილია და შემპარავი, ნელი და უცებ ვერშესამჩნევი. დღეს, XXI საუკუნეში, კედელთან ველარავის მიყენებენ და დახვერტენ, სამაგიეროდ, დიდი წარმატებით ხორციელდება არასასურველის თარაშ ემხვარის ან თეიმურაზ ხევისთავის ბედთან ზიარება, იგნორირება, გასაქანის მოსპობა, მატერიალური გაჭირვებით სულიერი ძალეების დათრგუნვა და შემოქმედებითი იმპულსების ჩახშობა. აი, ეს შეგვრჩა იმ დასავლური, ევროპული ღირებულებების სანაცვლოდ, რომელთაკენაც მთელი არსებით მივისწრაფოდით და რომლებიც სწორედ პიროვნებისა და შემოქმედების თავისუფლებას, მიუკერძოებლობას, თავისუფალ კონკურენციას ეფუძნება, ყოველ შემთხვევაში, დიდწილად მაინც. რა თქმა უნდა, ეს თითოეული ამ ადამიანის ტრაგედიაა, მაგრამ საბოლოოდ უფრო დიდი უბედურება ერისთვის, მისი „შინაგანი ისტორიისთვის“, წიგნისთვის, რომლის გამოც ვწუხვართ ახლა.

ბოლოსდაბოლოს ყველა ადამიანმა იცის (უნდა იცოდეს), რომ სიცოცხლე წარმავალია. რა ტკივილს, სევდასაც უნდა ითმენდეს გული, დღეს თუ ხვალ მაინც ყველაფერი დამთავრდება, მაგრამ რა ეშველება საერთო საქმეს, იმას, რამაც საუკუნეებს გაუძლო და არასოდეს არ უნდა დასრულდეს?

გასაგებია, რომ ამგვარი ვითარება მხოლოდ ვიღაცის კარგი ცხოვრების სიყვარულის, ვერაძაძლეული გვაროვნულ-თემური წყობილებისდროინდელი მენტალიტეტის ან მარტივი უპასუხისმგებლობის ბრალი არაა. რა დასაძალია, რომ არსებობს გარკვეული იდეოლოგია და მისი მსახურები, რომლებიც ხელს უწყობენ ასეთი მდგომარეობის შექმნას. შეიძლება გასაკვირი იყოს, მაგრამ მაინც ვიტყვი, რომ არაფერი სანინალმდეგო თუნდაც უკიდურესად ლიბერალური ან კოსმოპოლიტური იდეოლოგიისა არა მაქვს. არც გლობალიზაციაა ისეთი საფრთხობელა, როგორც ბევრს ეჩვენება. ის გარდაუვალია და ჯანსაღი პატრიოტიზმის პოზიციიდან სწორი მიდგომის ჩამოყალიბების შემთხვევაში დიდი სიკეთის მოტანაც შეუძლია. საერთოდ, ყველა იდეოლოგიას, როგორც ყველაფერს და ყველას ამქვეყნად, აქვს არსებობისა და განვითარების უფლება, მაგრამ არსებობის და არა ძალმომრეობით ბატონობის!

იყვენ, იფიქრონ, წერონ, გაავრცელონ თავიანთი ნააზრევი, ოღონდ თანაბარ პირობებში და ერი ბრბო არ არის და მისი შვილები თვითონ აირჩევენ, რა გზას დაადგენ, რა მიიღონ და შეიყვარონ.

სხვათა შორის, იმაშიც დარწმუნებული ვარ, რომ ჭეშმა-

რიტად თავისუფალ საზოგადოებაში ყველანაირ ტენდენციას გამოუჩნდება მხარდამჭერი და მიმდევარი და ეს ასეც უნდა იყოს. მაგრამ არა ძალმომრეობით. თუ ოდესმე ვინმე რაიმეს დაჩაგვრას ან აკრძალვას გაბედავს, თუნდაც ჩვენთვის ყოვლად მიუღებელ ნააზრევს საფრთხე დაემუქრება, მის დასაცავადაც უნდა დაედგეთ, რადგან როცა სხვას გასაქანს არ აძლევ, იდებ ცოდვას მომავლის წინაშე, ისეთივეს, როგორც თავის დროზე ბოლშევიკებმა და ნაციონალ-სოციალისტებმა იტვირთეს.

რაც შეეხება ცოდვას, როგორც ჩანს, ადამიანი მართლა ბოლომდე ჩაფლულია ჭაობში და, თუ თავის ზემოთ, უსაზღვრო სივრცეში არ გრძნობს იმას, ვინც ყველაზე და ყველაფერზე მეტია, არცა აქვს ამ ჭაობიდან ამოსვლის არავითარი საკუთარი ძალა.

ძნელი სათქმელია, ვინ არიან ეს ადამიანები, რწმენის თვალსაზრისით, მართლმადიდებლები, კათოლიკეები, პროტესტანტები, თუნდაც იეღოველები, ან, შესაძლოა, ისე „გაფართოვდა“ მათი თვალსაზრისი, რომ ბუდიზმსაც ეზიარნენ, მაშინ კარმის კანონიც ეცოდინებათ, რომ ჩადენილი ცოდვისთვის შეიძლება ვირთხად, კობრად ან რალაც სხვა უბედურებად მოვევლინო ხელახლა ამ ქვეყანას – ნებისმიერ შემთხვევაში, თუ რაიმე რწმენა არსებობს, იქვეა დანაშაულისა და სასჯელის შეგრძნებაც და, თუ ათეისტებთან გვაქვს საქმე, ეს მაინც არაფერს შეცვლის მათთვის: როცა დრო მოვა და მათი თანამზრახველი და კოლეგა ეშმაკები კუპრის ქვაბში ჩააყურყურებულავენ, არა მგონია, „არ არსებობს!“, „არ მწამს!“ ძახილმა რამე უშველოთ.

ძალიან ძნელია ასეთი სიტყვების თქმა. მითუმეტეს, რომ თავი უცოდველი არ მგონია და ისე არ ვესვრი სხვას ქვევს. საკუთარ პასუხისმგებლობასაც ვგრძნობ, თუნდაც იმიტომ, რომ არ ვიცი, როგორ მოვიქცე, მარტო ლაპარაკი კი ვერაფერს შევლის, მაგრამ არც გაჩუმება ვარგა. ჩვენ, ადამიანებს, არაჩვეულებრივი ნიჭი გვაქვს საკუთარი თავის ისევე საკუთარი თავის წინაშე გამართლებისა: პასუხისმგებლობა ოჯახის წინაშე, შიში სოციუმში იმ ადგილის დაკარგვისა, რომელიც ასე თუ ისე კიდევ გიკავია, და, შესაბამისად, საყვარელი საქმის კეთების საშუალების მოსპობისა, მორიდება, რომ არ აწყენინო უცნობ თუ ნაცნობ ადამიანებს, რომლებიც, თუ არ გიყვარს, ნამდვილად არ გძულს. და თანაც ადამიანური ურთიერთობები სიცოცხლის მარილია და, თუ ის აღარ არის კეთილი და ლამაზი, ყველაფერს ეკარგება აზრი...

ამ საფრთხეების შეგრძნება გვაიძულებს შევიძალოთ სოროებში და ყური მივუგდოთ, როგორ ირყევა ჩვენი ერის შენობა, მისი სხეული, ღმერთმა არ ქნას, ყველამ ერთად (სწორედაც რომ ერთად) ისე მოვარყიოთ, რომ ჩამოინგრეს, და მაშინ ყველას და ყველაფერს ერთიანად ჩაიტანს და აღარც სულის ისტორიის კვალი დარჩება, აღარც ფიქრი და აღარც იმედი.

შესაძლოა, ძალიან უხეშად და მძიმედ უღერდეს ის, რაც ითქვა, მაგრამ გაგებდავ და მიგელ დე უნამუნოს სიტყვას ჩვენებურად ვიტყვი: „მე მტკივა საქართველო!“ (მე-ში არ ვგულისხმობ საკუთარ თავს, კონკრეტულ ერთ ადამიანს, არამედ ყველას, ვინც ასეთ ტკივილს ატარებს გულში). მეტიც – „მე მტკივა მომავალი!“ და ანმყოც კი მტკივა, რადგან ანმყოში დაჭრილ და შეშინებულ წარსულს ვხედავ. არცერთი ჩვენგანის ბედნიერება არ ღირს იმად, რომ ერმა დაკარგოს თავისი „შინაგანი ისტორია“, სულისა და სხეულის ჰარმონია,

რომლის ერთ-ერთ უზრუნველმყოფელ ძალად ამ შემთხვევაში მწერლობა, ლიტერატურა ჩანს. ნურავინ დაგვჭყვივლებს ფარშევანგივით თავზე, ახლა პოსტმოდერნიზმის ეპოქაა, ყველა საზღვარი გადალახულია, ყველა თხრილი ამოვსებულიაო (ჯერ ერთი, აღარ არის, აღარ! დამთავრდა უკვე), ანუ ზნეობა და უზნეობა, პასუხისმგებლობა და ზერელობა, სიძულვილი და სიყვარული არეულია, გადაზელილი და, აი, ეს არის ეს სამყარო, სულ ეს არისო! არ არის და რომც იყოს, მაშინ მაინც ყველაფერს ჰქონია არსებობის უფლება და მიეცით სინათლესაც, სიყვარულსაც, სამართლიანობას, სისუფთავეს, არჩევანის თავისუფლებასა და მშვენიერებასაც. ნუ გადაიქცევით სოცრეალიზმის ავისმომასწავებელ მონუმენტურ მონსტრებად და შეხედეთ, თავისუფალ ქვეყანაში, თავისუფალი ადამიანებისაგან შემდგარი თავისუფალი ერთი თვითონ რა გზას აირჩევს, შეინახავს თუ არა თავის მაცოცხლებელ ერთადერთ სუბსტანციას – „შინაგან ისტორიას“.

დალიან ვწუხვარ, რომ ასეთი ტონი აქვს ამ წერილს. ჯობდა სხვანაირად, მაგრამ ალბათ უნდა თქვა ის, რასაც გული გიკარნახებს. თუმცა, სამწუხაროდ, ისიც ნათელია, რომ ჩვენი ეპოქის დევიზი – „ძალი ყვეს, ქარავანი მიდის“ ძალიან ძლიერია და, შესაბამისად, მე ძალი გამოვდივარ, რაც სრულებით არ მეთაკილება.

ნეტა კი შემაძლებინა ძალღვივით ერთგული (ვიმონმებ სულხან-საბას), პატიოსანი, კეთილი და მოსიყვარულე ვიყო. ეს კი ყველა კი არა, მხოლოდ გულმოკლული ნკავნკავია მაშინ, როცა ხედავ, როგორ ტაბათით მიქანაობს ქარავანი

ღატაქტივის მაგიერ

ნიკა თევზაძე

დაუბილ ჰამეტი – მკაცრი ღატაქტივის ფუქიმდებელი

პირველი მსოფლიო ომის შემდეგ დეტექტიური ჟანრის გარშემო ატეხილი აჟიოტაჟი ჩაცხრა. დეტექტიური ლიტერატურა კვლავ დიდი ტირაჟით გამოდიოდა, მკითხველიც საკმაოდ ჰყავდა, მაგრამ სერიოზული ლიტერატორები ხმამაღლა გამოთქვამდნენ უკმაყოფილებას, სომერსეტ მოემი წერდა:

— დეტექტივმა ამოწურა თავი. ეს, რასაკვირველია, იმას არ ნიშნავს, რომ დეტექტიური რომანები აღარ გამოვა და მათ აღარ ნაწიკითხავ. დეტექტივი სამუდამოდ გადაიქცა მეორე ხარისხის ლიტერატურად, სადაც არაა ასახული რეალური ცხოვრება, სადაც არც სოციალური პრობლემებია და არც პერსონაჟთა ხასიათებია ნაჩვენები. ყველა დეტექტიურ ნაწარმოებში ერთი და იგივე სქემა მეორდება საიდუმლოებით მოცული დანაშაული და გენიალური მაძებარი, რომელიც წარმატებას აღწევს იქ, სადაც ოფიციალური პოლიცია უძლურია, მაძებარს მუდამ ჰყავს მოსულელი, მაგრამ ერთგული მეგობარი, თუმცა გაუგებარია, რა ფუნქციებს ასრულებს, რადგანაც ხელის შემშლის მეტი არაფერი ძალუძს. სიუჟეტი თითიდანაა გამოწოვილი. ზღაპარს უფრო მოგვაგონებს, ვიდრე რეალობას.

მაღე მოემის შეხედულება გაბათილდა და ეს ამერიკელი მწერლის სამუელ დემილ ჰემეტის სახელთაა დაკავშირებული.

ბედნიერი კაცი

— იგი ბედნიერი კაცი იყო, იმიტომ, რომ მთელი ცხოვრება დაუცხრომელ შემოქმედებით ძიებაში გაატარა, — ასე ახასიათებს ჰემეტს დეტექტივის მეორე ოსტატი რაიმონდ ჩენდლერი.

დაიბადა 1891 წელს. მამამისი ბიზნესმენი იყო, დედა ფრანგული არისტოკრატიული გვარის დე შიელის წარმომადგენელი. მომავალი მწერალი ცამეტი წლისა იყო, როდესაც მამა გაკოტრდა. შვილმაც მიატოვა ბალტიმორის კოლეჯი და მუშაობა დაიწყო. იგი ადგენდა რეკლამებს სავაჭრო ფირმებისათვის და ეს სამუშაო ძალიან მოსწონდა.

— რეკლამის შედგენა ლიტერატურულ ასპარეზზე გამოსვლის ჩემს პირველ მცდელობად შეიძლება ჩაითვალოს, — იგონებდა შემდგომ ჰემეტი.

საინტერესო სამუშაო მუდამ კარგად როდი ანაზღაურდება ხოლმე. ჰემეტმაც მიატოვა ფირმა და რესტორანში ჭურჭლის მრეცხავად მოეწყო. ანაზღაურება არც აქ აკმაყოფილებდა, ამიტომ ოფიციალტობა ამჯობინა. ეს კარგად ანაზღაურებდა სამუშაოდ ითვლებოდა და მასზე მოწყობა იოლი როდი გახლდათ.

— მომიხდა პროტექტორის მოძებნა, რათა ოფიციალტად მიველე, — იგონებდა ჰემეტი.

თუმცა დიდხანს არც ამ სამუშაოზე დარჩენილა. როდესაც რესტორნის ერთ-ერთი მთვრალი კლიენტი აუხირდა, ჰემეტმა უნმანურობაზე უნმანურობით უპასუხა. გაიმართა ჩხუბი, რაც სტუმრისათვის სავალალოდ დასრულდა.

— თავშეკავება დაჯიკარგე და მთელი ძალით ვთხლიშე, მგონი ყბა მოვტეხე, — იგონებს ჰემეტი.

ამას სამსახურიდან მოხსნა მოყვა. ერთხანს უმუშევარი იყო. შემდეგ პინკერტონის სახელგანთქმულ კერძო სააგენტოში დაიწყო მუშაობა. ასე გახდა კერძო მაძებარი. ეს იყო უაღრესად მძიმე და საშიში სამუშაო. ჰემეტს პირადად უწევდა მკვლელობების გახსნა, განგსტერებთან ხელჩართულ შეტაკებებსა თუ სროლებში მონაწილეობა.

— ამ დროს ხელთ ჩამივარდა ერთი ინგლისური დეტექტიური რომანი. მისი ავტორი წერდა, თუ რაოდენ რო-

მანტიკული კერძო მადებრის სამუშაო. ერთი გვარიანად შევიკურთხე და წიგნი მოვისროლე. გავიფიქრე, ნახევარი თვე მაინც გამოუშავა პინკერტონის სააგენტოში, მაშინ ნახავდი, რა რომანტიკაცაა მადებრის პროფესიაში-მეთქი.

მაღე პირველი მსოფლიო ომი დაიწყო. ჰემეტი მასში მონაწილეობს როგორც სანიტარი. ამ დროს შეხვდა კიდევ თავის მომავალ მეუღლეს. შეკითხვაზე, რა პროფესიისა ხარო, ჰემეტმა მიუგო:

- კერძო მადებრად ვმუშაობდი პინკერტონის სააგენტოში, მაგრამ მინდა მწერალი გავხდე!
- როდის გადაწყვიტე?
- აქ, ფრონტზე.

სამშობლოში დაბრუნების შემდეგ ისინი დაქორწინდნენ, ჰემეტი კვლავ დაუბრუნდა პინკერტონის სააგენტოს. იმავდროულად აქვეყნებდა კრიტიკულ სტატიებს „ნიუ-იორკ ივინგ პოსტში“. სტატიებმა დადებითი გამოხმაურება ჰპოვეს. მაღე ჰემეტს ლიტერატურული რუბრიკის წაყვანაც დაევალა.

— ეს მხოლოდ პირველი ნაბიჯებია. მახსოვს, რომ გეუბნებოდი, მინდა მწერალი გამოვიდე-მეთქი? ახლა ჩემს პირველ მოთხრობაზე ვმუშაობ.

- რაზეა მოთხრობა?
 - კერძო მადებრებსა და დამნაშავეებზე.
 - გონს მოდი, დევილ! წიგნის ბაზარი დეტექტივებითაა გაჯერებული! შენ ვის რაში სჭირდები?!
 - მინდა ახალი მიმართულება შევქმნა. აქამდე დეტექტივი ზღაპარივით იყო. მე რეალობა მსურს აქსახო.
 - ბედნიერი კაცი ხარ! — ხელი ჩაიქნია ცოლმა.
- ჰემეტმა არაფერი უპასუხა. იგი ბევრს და დაუღალავად მუშაობდა. კერძო მადებარიც იყო, თავისუფალ დროს კი მოთხრობას აშალაშინებდა.

მსოფლიო აღიარება

1922 წელს ჟურნალ „ბლექ მესქში“ გამოქვეყნდა ჰემეტის მოთხრობა „მინებებული“. კრიტიკოსთა გამოხმაურება დადებითი იყო:

„მისტერ ჰემეტმა ასახა რეალური ცხოვრება, რაც დეტექტიურ ჟანრში მანამდე არ გვხვდებოდა“
ნარმატებამ ფრთები შეასხა, ჰემეტმა მიატოვა პინკერტონის სააგენტო და მთლიანად გადაერთო ლიტერატურაზე. ახლა რომანზე მუშაობს, რომლის სათაურიცაა „წითელი მკა“. ის 1929 წელს გამოიცა. ნარმატება გრანდიოზული იყო:

— რევოლუცია დეტექტიურ ლიტერატურაში! მისტერ ჰემეტმა შექმნა ახალი მიმართულება! — ასეთი გახლდათ კრიტიკოსთა ერთსულოვანი აზრი.

რომანის მოქმედება აშშ-ს ერთ პატარა ქალაქში ხდება. კერძო მადებარი იძიებს ადგილობრივი მაგნატის უილსონის ვაჟის მკვლელობის საქმეს. ქალაქში ჩამოსულ მადებარს თვალწინ სავალალო სურათი გადაეშლება; მთელი ქალაქი განგსტერთა ხელშია, რომლებიც საკუთარ ქუჩაზე ათამაშებენ პოლიციასაც, პროკურატურასაც, სასამართლოსაც. რაშია საქმე? თურმე აქ მუშათა გაფიცვამ იფეთქა. უილსონმა დახმარებისათვის განგსტერები მოინვია. მათ მშრომელთა პროტესტი ჩაახშეს, მაგრამ შემდეგ მთელი ქალაქი დაიპყრეს. ამრიგად, კერძო მადებარი მარტო აღმოჩნდა მთელი ბანდის წინაშე. თამაშდება ამერიკული სათავგადასალო ლიტერატურისათვის ტიპური სქემა: ერთი გამირი ყაჩაღთა მთელი ბანდის წინააღმდეგ.

ჰემეტი რეალისტია. მისი გამირიც მარტოხელა კეთილშობილი რაინდი როდია. დიახ, ის მამაცია და უკან არ იხევს, მაგრამ დაუნდობლობაში, ვერაგობასა თუ სისასტიკეში განგსტერებს არ ჩამოუვარდება.

— სისხლი სისხლის წილ! ვერაგობა ვერაგობის წილ! — ასეთია მისი ფილოსოფია.

კერძო დეტექტივი იყენებს მეთოდებს, რომლებიც განგსტერთა ხრიკებისაგან დიდად როდი განსხვავდება. იგი დეტალურად აანალიზებს შექმნილ მდგომარეობას და იწყებს სხვადასხვა კლანებს შორის ომის პროვოცირებას. შედეგად იწყება საშინელი ომი. წესრიგის დასამყარებლად ქალაქში ნაციონალური გვარდიის შემოყვანა ხდება საჭირო. მოსავალი მართლაც სისხლიანი გამოვიდა. აქედანაა კიდევ სათაური: „წითელი მკა“.

შთამბეჭდავია რომანის ფინალი. მკვლელობა გახსნილია, განგსტერები განადგურებულნი არიან, მაგრამ დაუსჯელი რჩება ადგილობრივი მაგნატი უილსონი, ვისი გამოისობითაც დატრიალდა მთელი ეს სისხლიანი ქარბორბალა. უილსონის დასასჯელად წყობილების შეცვლა საჭირო. ეს კი კერძო მადებრის ძალეზე აღემატება. ამრიგად, „წითელ მკაში“ არა გვაქვს ტრადიციული ჰემეტი-ენდი, რაც კიდევ უფრო გამოკვეთს ნანარმოების რეალიზმს.

„წითელი მკა“ მყისვე ითარგმნა გერმანულად, ფრანგულად, ესპანურად, ოდნავ მოგვიანებით იაპონურად და იტალიურად.

ლუი არაგონი წერდა:
„ჰემეტმა დაგვიხატა რეალისტური სურათი, შემთხვევითი როდია, რომ მისი გამირები იყენებენ სლენგს, ანუ ლაპარაკობენ ისე, როგორც განგსტერებსა და მადებრებს სჩვევიათ. ჰემეტის გამირი ენერგიული და აგრესიული ახალგაზრდა კაცია, რომელსაც არ ეშინია ძალადობის. იგი ძალადობის ატმოსფეროში ცხოვრობს, ანუ აკეთებს იმას, რასაც აკეთებს დღეს ნამდვილი კერძო მადებარი“.

ბუალო და ნარსეჟაკი ხაზგასმით აღნიშნავენ, რომ ჰემეტი იყო პირველი, ვინც ასახა კერძო მადებრის ნამდვილი და არა მოგონილი ყოფა.

„მან გვიჩვენა, რომ მადებრის პროფესია სულაც არაა რომანტიკული. ჯერ ერთი, ყოველ წამს ტყვიას ეთამაშება, მეორეც, მადებარი არავის არ უყვარს. დამნაშავეებს გასაგებ მიზეზთა გამო სძულთ, პოლიციას კონკურენტად მიაჩნია, უბრალო მოქალაქეებზე ამრეზით უყურებენ, რადგანაც სხვის ჭუჭყიან საცვლებში იქექება. ამრიგად, მადებრობა რთული, უაღრესად საშიში და არაპრესტიჟული პროფესიაა, რაც ჰემეტმა აქნობამდე არნახული მხატვრული სიძლიერით გვიჩვენა“.

„წითელი მკაში“ დახატული მადებრის ტიპი ჰემეტის ყველა რომანში მეორდება. ეს არაა შერლოკ ჰოლმსივით მოცლილი და სამართლიანობაზე თავგადადებული კაცი, რომლისთვისაც დანაშაულის გახსნა ერთდროულად გართობაცაა და ბოროტებასთან ბრძოლაც. ჰემეტის გამირი პროფესიონალია, რომელიც მადებრობით არსობის პურს შოულობს. სწორედ ეს ამოძრავებს მას და არა გართობა, ან სა-

მართლიანობის აბსტრაქტული გრძნობა. როგორც ყველა პროფესიონალს, ჰემეტის გამოსაც სათაკილოდ მიიჩნია განგსტერებთან გარიგება, მისთვის უცხოა შიში და უკან დახევა, იგი პროფესიონალია, რომელიც კეთილსინდისიერად ასრულებს დაკისრებულ სამუშაოს, რომელიც ჯუნგლებში ცხოვრობს და ჯუნგლის კანონებით მოქმედებს. ამიტომაც მიმართულებას, რომელიც შექმნა ჰემეტმა, „მკაცრი დეტექტივი“ ეწოდა. ამერიკელმა კრიტიკოსმა ტრენტმა იხმარა ტერმინი „მაგრად მოხარული“. ეს განსაზღვრა არა მხოლოდ ჰემეტის, არამედ მკაცრი სკოლის ყველა წარმომადგენლის მიმართ გამოიყენება.

„წითელ მკას“ მოჰყვა რომანები: „დენთა საგვარეულო წყევლა“, „მალტიური შევარდენი“, „მინის გასაღები“. ყველა მრავალ ენაზე ითარგმნა და ეკრანიზებულ იქნა. ჰემეტს საგანგებოდ იწვევენ პოლივუდში, სადაც თვითონვე წერს სცენარს ამ ფილმებისთვის. განსაკუთრებით დიდი იყო: „მალტიური შევარდენის“ წარმატება.

— მკითხველი აღტაცებული დარჩა მისი მთავარი გმირით სპეიდით, — წერს იულიან სემიონოვი.

მისი სახით ჰემეტმა მართლაც შექმნა ამერიკელი კერძო მაძებრის კოლორიტული სახე, თუმცა სპეიდმა მარტოდენ ამერიკელთა გული როდი მოინადირა. სპეიდი თბილად მიიღეს ინგლისში, საფრანგეთში, გერმანიაში, ისეთ ქვეყნებსა, სადაც იმჟამად დეტექტიური ლიტერატურა არ ყოფილა განვითარებული (ესპანეთი, შვეიცია). მალე ეკრანებზე ტრიუმფით გავიდა ფილმი „მალტიური შევარდენი“, რაც დღემდე ე.წ. „შავი კინოს“ კლასიკადაა მიჩნეული.

ბესტსელერად გადაიქცა რომანი „მინის გასაღებიც“. მისი მოქმედება აშშ-ს ერთ-ერთ პროვინციულ ქალაქში ხდება. მოკლეა სენატორ ჰენრის ვაჟიშვილი ტელიორი. ეჭვმიტანილია ქალაქის პოლიტიკური ბოსი პოლ მედვიგი. მისი მეგობარი ნედ ბომონტი დარწმუნებულია, რომ ეს განზრახ კეთდება. ნედი კერძო ძიებას იწყებს. მართლაც, ბომონტის კონკურენტი შედ ო'რორი დაინტერესებულია მისი ჩაძირვით და ყველაფერს აკეთებს, რათა მედვიგი გაასამართლონ. თუმცა ო'რორი არაა მკვლეელი. ბომონტის დაჟინებული ძიება ბოლოს გამოიღებს შედეგს, მკვლეელი მხილებულია. იგი ტელიორ ჰენრის მამა სენატორი ჰენრი აღმოჩნდება. დანაშაული გახსნილია, თუმცა ამას როდი მოჰყვა სამართლიანობის დამკვიდრება. პირიქით, უამრავი ადამიანი გაუბედურდა, სენატორის კეთილშობილი სახელი შებღალულია და მისი ოჯახიც ინგრევა. ჰენრის ქალიშვილი ჯანეტი, რომელიც პოლ მედვიგს უნდა შეერთო, ნედ ბომონტს მიყვება და ქალაქს ტოვებს. ამან სამუდამოდ დააშორა ერთმანეთს აქნობამდე განუყრელ მეგობრები ნედი და პოლი. ამრიგად, ტრადიციული ჰეფი-ენდი აქაც ცხოვრებისეული რეალობითაა გაფერმკრთალებული.

„შემთხვევითი როდია რომანის სახელწოდება „მინის

გასაღები“, — წერს ზოგომილ რაინოვი, — ესაა ბედნიერების გასაღები, რომელიც კარის გაღების მცდელობისთანავე ტყდება. მართლაც, საზოგადოებაში, რომელიც აღწერა ჰემეტმა, ბედნიერება შეუძლებელია.“

წინამორბედთა მსგავსად „მინის გასაღები“ ეკრანიზებულ იქნა და მრავალ ენაზე ითარგმნა. ასევე მსოფლიო ბესტსელერებად გადაიქცა მოთხრობები „ას ექვსი ათასად შეფასებული თავი“, „დიდი თავდასხმა“, „დაუპატიჟებელი სტუმარი“ და ა. შ. ზოგიერთი კრიტიკოსი ჰემეტს ახალ გენიას უწოდებს. ამან მწერალი აღაშფოთა:

— ვინც ასეთ რამეს ლაპარაკობს, ან დამცინის, ან სულელია!

პოპულარობის ზენიტშიც კი ჰემეტს რეალობის გრძნობა არ ღალატობდა.

ჰემეტი – საზოგადო მოღვაწე

ამრიგად, ჰემეტი ცნობილი მწერალი და მილიონერი გახდა. მან მტკიცედ დაიკვიდრა თავი ამერიკის მაღალ საზოგადოებაში. მისი წიგნები მთელს მსოფლიოში დიდი ტირაჟით გამოდიოდა. უდიდესი წარმატება ხვდა მათ მიხედვით გადაღებულ ფილმებსაც, რომელთა სცენარის ავტორიც თვითონ ჰემეტი გახლდათ. დიდების ზენიტში მყოფმა მწერალმა გამოსცა რომანი „გამხდარი კაცი“. ზოგიერთი საბჭოთა კრიტიკოსი ამტკიცებდა,

თითქოს ჰემეტმა ამის შემდეგ წერას თავი დაანება. ეს არ შესაბამება სინამდვილეს. ჰემეტი განაგრძობდა აქტიურ მოღვაწეობას პოლივუდში როგორც სცენარისტი. იმავდროულად გამოსცა მემუარები („კერძო დეტექტივის მოგონებანი“), ნოველების კრებული, პიესები და ა. შ.

ინყება ჰემეტის, როგორც საზოგადო მოღვაწის, კარიერაც. სახელმწიფოებში მწერალმა ახლაც გააოცა საზოგადოება. დაუახლოვდა მემარცხენებს, გამოვიდა ესპანეთის რესპუბლიკის დასაცავად. ჰემეტი ხმამაღლა აცხადებს, რომ მხარს უჭერს კომუნისტებს. მეორე მსოფლიო ომის დროს, მიუხედავად იმისა, რომ მსოფლიოში ცნობილი მწერალი და მილიონერია, მოხალისედ მიდის ფრონტზე.

— ნაციზმი კაცობრიობის მტერია და მასთან ბრძოლა ყველა პატიოსანი ადამიანის მოვალეობაა! — აცხადებს ჰემეტი.

ომის შემდეგ ჰემეტი კვლავ განაგრძობს მემარცხენეებთან თანამშრომლობას და ხმამაღლა აცხადებს კომუნისტებისადმი თავის სიმპათიებს. მაკარტიზმის ხანაში ჰემეტს ეს გატაცება ძვირი დაუჯდა. მწერალი საპატიმროში მოათავსეს. ზოგიერთი მაღალჩინოსანი მოითხოვდა:

— ჰემეტის წიგნები უნდა აიკრძალოს!
ამის წინააღმდეგ ხმა აიმაღლა საზოგადოებამ. ხელი-სუფლებამაც უკან დაიხია. ჰემეტის წიგნების აკრძალვაზე უარი თქვეს. მეტიც, მათ წინააღმდეგ დაწყებულმა კამპანიამ მათი პოპულარობა, შესაბამისად ტირაჟიც, გაზარდა. თუმცა მწერალმა ციხის კედლები ნახევარი წელი ხეხა.



დევილ ჰემეტი

ჰემეტის ნიგნების გედი სსრკ-ში

ჰემეტი მემარცხენე და სსრ კავშირის მემობარი გახლდათ. პარადოქსია, რომ მისი ნიგნები სსრკ-ში დაინუნეს. მთელს მსოფლიოში მწერლის რომანები დიდი ტირაჟით გამოდიოდა. სსრკ-ში კი აიკრძალა:

— საოცარია, ჰემეტი ამთრახებს ამერიკას, მაგრამ აშშ-ში მისი ნიგნები დიდი ტირაჟით გამოდის, მათი მიხედვით იღებენ ფილმებს, სსრკ-ში კი ჰემეტის გაგონებაც არ უნდათ, თუმცა ეს მწერალი აშკარა მემარცხენე და სოვეტოფილია! — წერდა ცნობილი ფრანგი მწერალი მორანი, ავტორი გახმაურებული პამფლეტისა “მე ვწვავ მოსკოს”.

მორანი ამტკიცებდა, რომ ჰემეტის რომანების გამოცემაზე უარი სტალინის მითითებით ითქვა, რომ თითქოს სტალინს სძულდა დეტექტიური ლიტერატურა, რადგანაც მას თავისი რეჟიმისათვის საშიშად მიიჩნევდა:

— დეტექტიური ლიტერატურა ავითარებს მკითხველში ლოგიკურ აზროვნებას. მკაცრი დეტექტივი განაპირობებს არსებული რეალობის კრიტიკულ აღქმას, ხელს უწყობს მკითხველში დემოკრატიული იდეალების დამკვიდრებას. სტალინს ხელს არ აძლევს ასეთი ლიტერატურა — მკაცრი დეტექტივი, თუნდაც მისი ავტორი სოვეტოფილი ჰემეტი იყოს!

ამ მოსაზრებას იზიარებდა დეტექტიური ჟანრის კლასიკოსი ინგლისელი მწერალი ჯონ დიქსონ კარიც:

— მკაცრი დეტექტივი აჩვენებს ამერიკული ცხოვრების ჩრდილოვან მხარეს, მაგრამ ის არ ჯდება ე.წ. „სოციალისტური რეალიზმის“ ჩარჩოებში. ეს დევილ ჰემეტის რომანებსაც ეხება, სადაც „ამა ქვეყნის ძლიერთ“ მარტოხელა გმირი და არა კომუნისტური პარტია უპირისპირდება. „ასეთი ფილოსოფია საბჭოელთათვის მიუღებელია, ამიტომაც სსრკ-ში ჰემეტი დაინუნეს

მორანის სტატიაში დიდი მითქმა-მოთქმა გამოიწვია. ანრი ბარბიუსმა, რომელმაც სტალინს მთელი ნიგნი უძღვნა, მოსკოვში ყოფნისას დიქტატორს ასეთი შეკითხვა დაუსვა:

— ბატონი სტალინ, დასავლეთში ზოგიერთები ამტკიცებენ, თითქოს თქვენ კრძალავთ დეტექტიურ ლიტერატურას, რადგანაც ამას სახელმწიფოსათვის საშიშად მიიჩნევენ.

— დეტექტიური ლიტერატურა არ მიყვარს, ეს მართალია, — მიუგო სტალინმა, — მაგრამ ის, რომ ამას სახელმწიფოსათვის საშიშად მივიჩნევ, აბსურდია. არასდროს ვკრძალავდი რაიმეს და არც მომავალში ვაპირებ, მითუმეტეს, რომ კანონითაც არა მაქვს ამისი უფლება.

— თქვენ განაცხადეთ, რომ დეტექტიური ლიტერატურა არ მოგწონთ, რატომ?

— იმიტომ, რომ არ ასახავს რეალურ ცხოვრებას, სიუჟეტები თითქმის დამონოვილი, მოქმედი პირები ცოცხალ ადამიანებს კი არა, გამოპრანჭულ მანეკენებს ჰგვანან. ასეთი ლიტერატურა მხოლოდ ამახინჯებს მკითხველის გემოვნებას, ქმნის ყალბ ნარმოდგენებს, ამკვიდრებს ყალბ ფასეულობებს.

— ახლა დასავლეთში ძალზე პოპულარულია დევილ ჰემეტის რომანები, სადაც ნაჩვენებია რეალური ცხოვრება.

— ჰემეტის ნიგნებს არაფერი აქვთ საერთო ლიტერატურასთან. ესაა ბილწნიტყვაობის, ძალადობისა და გარყვნილების ნაზავი. ესაა დაბალხარისხოვანი გასართობი მაკულატურა, რაც მკითხველთა გონებაზე მხოლოდ მავნე ზეგავლენას ახდენს.

— მაგრამ უნდა ვალიაროთ ისიც, რომ ჰემეტს მკითხველთა ფართო აუდიტორია ჰყავს...

— გილიოტინასაც მეტი მაცურებელი ჰყავდა, ვიდრე შექსპირის თეატრს, მაგრამ არავის მოუვა თავში განაცხადოს, რომ გილიოტინა ხელოვნების ნიმუშია, — მიუგო სტალინმა.

მეორე მსოფლიო ომის დროს კვლავ ცდილობდნენ გამოეცათ სსრკ-ში ჰემეტის ნიგნები. ამას ისეთი ავტორიტეტული მწერალი ლამობდა, როგორიც ილია ერენბურგი გახლდათ. არაფერმა გაჭრა. არც ერენბურგის ავტორიტეტმა, არც იმან, რომ ჰემეტი მემარცხენე და საბჭოთა კავშირის მემობარი იყო. ომის შემდეგ ერენბურგმა კვლავ სცადა „გაეთრია“ ჰემეტი. ამოდ. სტალინზე არც იმან იმოქმედა, რომ მწერალი კომუნისტებისადმი სიმპათიის გამო მაკარტიზმის დროს ციხეში მოხვდა.

სტალინის სიკვდილის შემდეგ ვითარება შეიცვალა „კომსომოლსკაია პრავდაში“ ქვეყნდება სტატია „დაეიცოცხლოს დეტექტივის რომანტიკამ!“ ამით დეტექტიური ლიტერატურის გავრცელებას „ზემოდან“ მწვანე შუქი აენთო. დაიწყო დასავლელ ავტორთა თარგმნაც. თუმცა ჰემეტის გამოცემა არც ახლა გახდა შესაძლებელი. საბჭოთა ფუნქციონერები ჯიუტად ამტკიცებდნენ:

— დევილ ჰემეტის თხზულებანი საბჭოთა ადამიანებისათვის უცხო და მიუღებელია!

„ხრუშჩოვის ხანაში“ ისე ჩაიარა, რომ სსრკ-ში ჰემეტის ნაწარმოებები არ გამოცემულა. დისკუსიამ “გვჭირდება თუ არა ჰემეტი” ე.წ. „უძრაობის პერიოდშიც“ გადაინაცვლა. აქ გადამწყვეტი ახალი საბჭოთა ლიდერის ლეონიდ ბრეჟნევის პოზიცია გამოდგა. მოხდა ისე, რომ ბრეჟნევი დალიან მოეწონა ფილმი „ას ექვს ათასად შეფასებული თავი“, რომელსაც საფუძვლად ჰემეტის მოთხრობები დაედო. ამის შემდეგ კრებულში „მათი ცხოვრების წესი“ დაიბეჭდა ჰემეტის მოთხრობა „ადამიანი, რომელმაც მეტისმეტად ბევრი იცოდა“. იდგა 1971 წელი, ჰემეტი უკვე კარგა ხნის გარდაცვლილი იყო.

„უძრაობის ხანაში“ რუსულად გამოსცეს რომანი „მინის გასაღები“ აგრეთვე მოთხრობა „კაცი, რომელსაც ერქვა სპეიდი“. მალე ტალინფილმმა „მინის გასაღების“ მიხედვით გადაიღო მხატვრული ფილმი „ხროვა“. რომანები „მაღტიური შევარდენი“, „ნითელი მკა“ და „დეინთა საგვარეულო წყევლა“ კი უკვე „პერესტროიკის“ ხანაში გამოიცა.

ეპილოგი

დევილ ჰემეტი გარდაიცვალა 1961 წელს. მწერალი არლინგტონის სასაფლაოზე დაკრძალეს, იგი ხომ ორი მსოფლიო ომის მონაწილე გახლდათ.

„მკაცრმა სკოლამ“ კი, რომელიც ჰემეტმა შექმნა, წარმატებით დაიმკვიდრა თავი მსოფლიო ნიგნის ბაზარზე.

გიორგი დათუნაშვილი

„დავტოვო კვალი“

— თქვენი აზრით, რა არის უკიდურესი გაჭირვებული მდგომარეობა?

— როდესაც ადამიანი უსინათლოა და არ შეუძლია იმ სილამაზის დანახვა რაც უფალმა შექმნა.

— სად ისურვებდით ცხოვრებას?

— ჩემს მშობლიურ ქვეყანაში. საქართველოში.

— რა არის უმაღლესი ბედნიერება?

— ვიყო საკუთარი თავის წინაშე ყოველთვის მართალი და ვიცხოვრო ისეთი ადამიანების გარემოცვაში, ვისთანაც თავს სულიერად მშვიდად ვიგრძნობ.

— თქვენი საყვარელი ლიტერატურული პერსონაჟები?

— დათა თუთაშხია, ზვიადაური.

— თქვენი საყვარელი ისტორიული პერსონაჟები?

— გიორგი სააკაძე და ცოტნე დადიანი.

— თქვენი საყვარელი მხატვარი?

— მოდილიანი და ნიკო ფიროსმანი.

— თქვენი საყვარელი კომპოზიტორი?

— გამორჩეულად არავინ მყავს. თუმცა ბევრს ვაფასებ.

— რომელ თვისებებს აფასებთ ყველაზე მეტად მამაკაცში?

— ვაჟკაცობას და თავმდაბლობას.

— რომელ თვისებებს აფასებთ ყველაზე მეტად ქალში?

— პატიოსნებას და ერთგულებას.

— რომელი ადამიანური სათნოებაა თქვენთვის უფრო მომხიბლავი?

— სიკეთის კეთება.

— თქვენი საყვარელი საქმიანობა?

— ლექსების წერა.

— თქვენთვის ნაცნობი რომელი ადამიანი გინდოდით ყოფილიყავით?

— არასდროს მქონია სურვილი სხვა ვინმე ვყოფილიყავი.

— თქვენი ხასიათის მთავარი თვისება?

— სიბუნებურად და გულახდილობა.

— რას აფასებთ ყველაზე მეტად მეგობრებში?

— ერთგულებას და გასაჭირში გვერდში დგომას

— თქვენი მთავარი ნაკლი?

— სიზარმაცე.

— თქვენი წარმოდგენა ბედნიერებაზე?

— როდესაც გვერდით გყავს საყვარელი ადამიანი და ბევრი შვილები. არაფერი გიჭირს და ბედნიერი ხარ.

— რა იქნებოდა თქვენთვის ყველაზე დიდი უბედურება?

— საყვარელი ადამიანების უდროოდ გარდაცვალება, რომელიც სამწუხაროდ უკვე განვიცადავ.

— როგორი გინდოდით ყოფილიყავით?

— მაგაზე არასდროს მიფიქრია, მაგრამ სჯობდა უკეთესი ვყოფილიყავი.

— თქვენი საყვარელი ფერი?

— მწვანე.

— ყვავილი, რომელიც ყველაზე მეტად გიყვართ?

— ვარდი.

— თქვენი საყვარელი ფრინველი?

— არნივი.

— თქვენი საყვარელი მწერალი?

— ილია ჭავჭავაძე.

— თქვენი საყვარელი პოეტები?

— შოთა ნიშნიანიძე, გალაკტიონ ტაბიძე, ნიზამი განჯელი.

— საყვარელი ლიტერატურული გმირი ქალბი?

— ოთარანთ ქვრივი და სანათა.

— საყვარელი გმირები რეალურ ცხოვრებაში?

— ყველა ის ადამიანი, ვინც სამშობლოსათვის თავს გასწირავს ყველა გმირია ჩემს გულში.

— საყვარელი გმირი ქალი ისტორიაში?

— შუშანიკი.

— საყვარელი სახელი?

— ნინო, დავითი, თორნიკე, თამარი.

— რას ვერ იტანთ ყველაზე მეტად?

— ტყუილს და ლალატს.

— ისტორიული პიროვნება, რომელმაც თქვენი ზიზღი დაიმსახურა.

— არც ისტორიაში და არც რეალურ ცხოვრებაში ადამიანები ზიზღს არ იწვევენ ჩემში. უბრალოდ, უბრალოდ მიუღებელია მათი მხდელი საქციელი ჩემთვის.

— საომარი მოქმედება, თქვენი აზრით, ღირსი მეტნაკლები ალტაცებისა?

— იქ, სადაც ადამიანების სისხლი იღვრება, ზედმეტად მიამჩნია ალტაცებაზე საუბარი.

— რეფორმა, რომელსაც თქვენ განსაკუთრებით უმაღლეს შეფასებას აძლევთ?

— მომავალ თაობაში სამშობლოს სიყვარულის ჩანერგვა.

— ნიჭი, რომელსაც გინდათ ფლობდით?

— ამითაც მაძლობელი ვარ, რაც ღმერთმა მომცა.

— როგორი გინდოდით რომ მომკვდარიყავით?

— „არ მიფიქრია მე ჯერ სიკვდილზე, არ დამიკარგავს სიცოცხლის ფასი, ისე, მეფური, ამაღლებული ტაბიძისა და ნიკალას მსგავსი“. და კიდევ: „წავიდე ისე ზეცა სტიროდეს, ამაყად ვიდგე ცოდვილი ღმერთთან, დავემშვიდობო ბოლო მზის სხივებს და ჩემი კვალი დავტოვო ყველგან“.

— თქვენ სულიერი მდგომარეობა ამჟამად?

— მშვიდი.

— ქმედებანი, რომლებიც თქვენს შემწყნარებლობას იმსახურებენ?

— ისეთი არაფერს ვაკეთებ, რომ ვინმეს შემწყნარებლობა დამჭირდეს.

— თქვენი დევიზი?

— „დავტოვო კვალი გამხმარ მიწაზე, დროს დავენიო და ვიქცე იმად, ვინც სამშობლოსთვის თავი გასწირა და გამხმარ ფესვებს მოედო წვიმად“.

— თუკი ოდესმე შეხვდებოდით ღმერთს, რას ისურვებდით, რომ მას თქვენთვის ეთქვა?

— მოგეტეოს ყველა შენი შეცოდებანი.



მიხეილ კობალეიშვილი

„არ დავჰსცხრა პირა პიყო“

□

**ოთარ ჭილაძის
სიტყვა
ოთარ ჩხეიძეზე**

იმ წელს ბატონ ოთარ ჩხეიძის წიგნიც წარადგინეს აკაკი წერეთლის პრემიაზე.

როგორც მოგეხსენებათ, სიის გამოქვეყნების შემდეგ, საზოგადოებრივი აზრის შესაქმნელად, მასმედიაში ქვეყნდება მასალები, სადაც საუბარია წარდგენილ ნაწარმოებებზე, მათ ავტორებზე, შემოქმედებასა და ღვაწლზე ქართულ ლიტერატურაში.

რა თქმა უნდა, პრეტენდენტები სხვებიც იყვნენ, მაგრამ კონკურენტებში მისი უპირატესობა, მისი დამსახურება ისე ცხადი იყო, რომ იოტისოდენა ეჭვიც არ შეგეპარებოდათ ბატონ ოთარის გამარჯვებაში. ალბათ ამიტომაც ვიჩქარე (ეს შემდეგ გამოჩნდება!), გავზედე და შევეხუმრე: ლაურეატობა ყელქცეულში უნდა აღვნიშნოთ-მეთქი. სათვალადან ღიმილით აციმციმებული სხივიანი თვალებით გამომხედა. ოღონდ, როცა დაფუკვირდი, შევამჩნიე, რომ ამ თბილ გამოხედვას ერთგვარი ირონიული დაეჭვებაც ახლდა. ჰქონდა კიდეც საამისო საფუძველი: ხანგრძლივი და ნაყოფიერი ცხოვრების გზაზე უსამართლო კრიტიკისა და დაუფასებლობის მეტი რა შეხვედრია, რა ენახა, მაგრამ მაინც... ზედი ერთხელაც გამოსაცდელი იყო!

„ამჯერად მაინც უნდა გავიმარჯვოთ!“ — ჩავითქვი და რადიოს პირველი არხისათვის გადაცემის მზადებას შევუდექი. გეგმა შევადგინე. მერე ლიტერატურა შევარჩიე და იმაზე დავინწყე ფიქრი, თუ ვის უნდა მიეღო მონაწილეობა გადაცემაში. უპირველესად ოთარ ჭილაძეს დაფურეკე, რადგან ვიცოდი მისი აზრი თავის უფროს კოლეგაზე, მაგრამ ეს მისთვის მაინც იმდენად მოულოდნელი აღმოჩნდა, რომ თავიდანვე უდროობა მოიმიზეზა: — რომანის დასასრული მანვალეებს, ვერაფერს ვუხერხებ. გარდა ამისა, ბატონი ოთარი ის მწერალი არ არის, მის პიროვნებასა და ღვაწლზე ასე ნაუცბათევეად და მოკლედ დავწერო.

მართალია, ფრიალ საპატიო მიზეზები დაასახელა, მაგრამ, როგორც ინტონაციაში (ფსიქოლოგიაში დადასტურებულია, რომ ინტონაცია იძლევა ინფორმაციის ორმოც პროცენტს!) შევამჩნიე, კატეგორიულ უარს არ ამბობდა, ამიტომ ადრევე მოფიქრებული უწყინარი, ე.წ. „ჟურნალისტური ტყუილი“ შევაპარე: — ვაიმე, შენი სახელით ბატონ ოთარს უკვე ვუთხარი და ახლა როგორმე უნდა მისხნა-მეთქი...

ტელეფონი საეჭვოდ დადუმდა.

ნამდვილად არ გვქონია ისეთი ურთიერთობა, ყურმილი უბრად დაედო, ამიტომ მოთმინებით ვუცდიდი...

— იცი, რა, — გაისმა ბოლოს, — დღეს ხომ ოთხშაბათია, იმ კვირის პარასკევს მოდი, თორმეტ საათზე...

შეხვედრა მის სამუშაო ოთახში საყვედურით დაიწყო: შემდეგში ჩემი სახელით ნურავის დაპირდები რაიმესო. საქმე ის გახლდათ, რომ რამდენიმე წლით ადრე, როდესაც ვამზადებდი გადაცემას საქართველოს სახალხო მხატვარზე გიორგი ოჩიაურზე, ოთარს ვთხოვე, გავხსენებინა, როგორ წაიყვანა სულ პირველად, 1951 წლის ზაფხულში, მშობლიურ სოფელ ახილში — ხევსურეთში — ის და მისი მეგობრები: გურამ რჩეულიშვილი, გურამ თიკანაძე, ანზორ სალუქვაძე, ჯანსუღ ჩარკვიანი, ერლომ ახვლედიანი, და მაშინაც ეს ფანდი გამოვიყენე...

თაბახის ორი ხელნაწერი ფურცელი გამომიწოდა: — აბა, ნაიკითხე!

— მე კი არა, შენ უნდა ნაიკითხო-მეთქი, — გავეხუმრე და ხმის ჩამწერი აპარატის გამართვას შევუდექი.

დიდ ადამიანებს, დიდ მწერლებს თავიანთი უცნაურობები ახასიათებთ. მე, მოკვდავმა ჟურნალისტმა, ჩანერამდე, წინდან უნდა შევაფასო, რას ფიქრობს ერთი სახელოვანი შემოქმედი თავის ასევე სახელოვან კოლეგაზე. მისაღები იქნება თუ არა მისი აზრი თანამოკალმისათვის, საზოგადოებისათვის. გარემოებამ დააკავშირა ისინი ერთმანეთს. ერთ დროში უხდებოდათ ცხოვრება. ქვეყნისა და ერის სატივრით ცხოვრობდნენ და წერდნენ. ერთი თავისებურად, მეორეც თავისი სტილით. ღრმად წვდებოდნენ ადამიანის გარეგან და შინაგან სამყაროს. ჯიუტად ეძებდნენ მათ ადგილს ამ მოუწყობელ და მოუწესრიგებელ წუთისოფელში, ან უფრო უკეთ, ამ უკიდევანო სამყაროს ერთ პანანკინტელა წერტილში — თავიანთ სამშობლოში: „გულზე ახლოს ხარ და ღმერთზე ზემოთ“. ასე აღწერდნენ მათ ხასიათებს, დამოკიდებულებას პიროვნებასთან, საზოგადოებასთან მიმართებაში. ზედაპირზე ამოჰქონდათ დაფარული, ქართულ პროზაში აქამდე ნაკლებად გამოკვეთილი თუ ვერშემჩნეული ენებები, ხინჯი (ოთარ ჭილაძისა არ იყოს, მაინც რა ისეთი ზადი შეჰყვა უფალს მოზეელი თიხით ადამიანის შექმნისას, რომ დღემდე ვერ მოუცილებია) თუ ღირსება, ისეთ მხატვრულ ყალიბში აქცევდნენ, რომ თითოეულის კერძო, პირადული ნიშან-თვისება ზოგადის ხასიათს იძენს და ვინაშე ეროვნულობის ფარგლებს სცილდება.

ოთარ ჭილაძე განსაკუთრებით გამოარჩევა თავისი უფროსი კოლეგის ადამიანურ თვისებებს, პრინციპულ დამოკიდებულებას წერის თავისებური, საკუთარი მანერისადმი — სტილისადმი. აღნიშნავდა, რომ, ამ მხრივ, ქართულ ლიტერატურაში არც ერთ მწერალს, გრიგოლ რობაქიძისა და კონსტანტინე გამსახურდიას გარდა, არ შეხვედრია იმდენი კრიტიკა და წინააღმდეგობა, რამდენიც ოთარ ჩხეიძეს. მას კი არასოდეს, ერთი მისხალითაც არ დაუთმია თავისი პოზიცია, მრწამსი, და შემოქმედების დასაწყისში იმგვარადვე წერდა, როგორც იმჟამად. რა თქმა უნდა, ეს არ ნიშნავს, რომ არ იხვეწებოდა ფრაზის, წინადადების შინაგანი კონსტრუქცია. ამის დასტურია მთლიანად მისი პროზა და პუბლიცისტური წერილები, რომლებშიც ნამოჭრილია თანამედროვე ლიტერატურული თუ საზოგადოებ-

რივი ცხოვრების უმწვავესი სადღეისო და, აქედან გამომდინარე, სამერმისო პრობლემები. საუბრის დასასრულს კი, აჯამებდა რა თავის გამოსვლას, ასკვნიდა, რომ მთელი ცხოვრებითა და შემოქმედებით ოთარ ჩხეიძე უდავოდ იმსახურებდა აკაკი წერეთლის პრემიას.

თუმცა გამობდა ხანი და, როგორც ჩვენში ხშირად ხდება ხოლმე, საპატიო ჯილდო „ჩანყოფის საქმეში გამობრძმედილმა“ მწერალმა ირგუნა.

და ამას მოჰყვა ის, რომ თითქოს განგებ-სპეციალურად, ნაიშალა რადიოს, ე.წ. „ოქროს ფონდისათვის“ განკუთვნილი ჩანანერი და, მასადაამე, მთელი ტექსტი.

როგორც ჩანს, ასეთი „უცნაური“ შემთხვევები, მოულოდნელობები საკმაოდ ხშირი იყო ოთარ ჩხეიძის შემოქმედების ბიოგრაფიაში. აი, თუნდაც, ერთი მაგალითი: 1990 წლის თებერვლის ბოლოს რადიოს პირველი არხის ლიტერატურულ-ჰუმბლიცისტურ პროგრამაში „დროება“ გადაიცა სიუჟეტი იმის შესახებ, რომ ქართველმა მწერალმა (მოდით, ვინაობას ნუ გავამხელთ, რა მისი ბრალია) გამოსცა რომანი, რომელშიც ასახულია ორმოცდათექვსმეტი წლის 9 მარტის ტრაგიკული დღეები (ლაპარაკი იყო რომანზე და არა სხვა ფორმის ნაწარმოებზე). შეიძლება, ყურადღება არ მიგექცია იმისათვის, რომ ავტორს, მისგან დამოუკიდებელი მიზეზებისა გამო, დიდხანს არ უცხოვრია საქართველოში, კარგად არ იცოდა მშობლიური ენა, რომანი რუსულად დაწერა და შემდეგ ითარგმნა ქართულად, მაგრამ, როდესაც „დროების“ წამყვანმა მსმენელს წარუდგინა ნაწარმოები, წინასიტყვაობაში აღნიშნა: ეს არის პირველი რომანი, რომელშიც, გარემოებათა გამო, აქამდე მივიწყებული ცხრა მარტის მოვლენებია ასახულიო. შემდეგ კი მსახიობმა ნაიკითხა შერჩეული ნაწყვეტი. საეთერო ვიზას ამ გადაცემას მეც ვაძლევი, რადგან იმუამად რედაქციის მთავარი რედაქტორი გახლდით. გულახდილად რომ ვთქვა, წინასიტყვაობა არ წამიკითხავს, მაგრამ, ამ შემთხვევაში, მაინც ვერაფერს შევცვლიდი, რადგან არ ვიცნობდი ოთარ ჩხეიძის რომანს „გამოცხადებაი. Apokalipsis“.

ბატონი ოთარი თურმე, როგორც იტყვიან, „დროების“ აქტიური მსმენელი ყოფილა. უფრო ზუსტად, რაც უნდა დაკავებული ყოფილიყო, არ გამორჩებოდა მიმდინარე ლიტერატურული ცხოვრების უწვრილმანესი დეტალიც კი. რა თქმა უნდა, მოუსმენია ეს გადაცემაც. ყველა დამეთანხმება, და სავსებით ბუნებრივად არის, ძალიან გულნატკენიც დარჩენილა. რა ვიცოდი, თორემ იმ დროს მას-

თან შეხვედრას მაინც მოვერიდებოდი! არადა, ერთი სატელევიზიო გადაცემის გამო სახლში ვენვიე. ყოველთვის პირდაპირ და პირში მთქმელ ადამიანს წყენა არ დაუმაღავს. გაფუჭებულ საქმეს რაღა ეშველებოდა, მაგრამ მაინც გულწრფელად ვუთხარი, რაშიც იყო საქმე. ეტყობოდა, მაინც და მაინც მის მიმართ ამდენი, ნებით თუ უნებლიეთ, დაშვებული შეცდომა გულს იოლად ვერ უმრთელებდა, შებრუნდა, წიგნის კარადასთან მივიდა, ერთი შავყდიანი წიგნი შეარჩია და გამომიწოდა:

— აჰა, გადაათვალიერეთ მაინცა!

თუ არ წაიკითხავთ, თქვე მამაცხოვრებულეხო, „გადაათვალიერეთ მაინცა“-ო.

„ოთარ ჩხეიძე. გამოცხადებაი“.

თვალი მოგკარი შავ ფონზე მსხვილი, თეთრი ასოებით გამოყვანილ წარწერას. ვიდრე გამოვართმევდი, მუნჯურად, მარჯვენა ხელით ვანიშნე — რაიმე მიაწერეთ-მეთქი. ერთი კი გადმოკრა თვალი, მაგრამ, ეტყობა, ხელსაყრელი დრო შეეფურჩიე, მაგიდასთან მივიდა, ყდა გადაშალა, ორი ფურცელიც ზედ მიაყოლა და, შერიგების ნიშნად, თავფურცელზე წვრილი, თითქოს სათუთად გამოყვანილი ასობგერებით დაანერა:

„ბატონ მიხო კოპალეშვილსა. პატივისცემითა.

ოთარ ჩხეიძე. 3.III.90.“

რომანის წერა მშობლიურ ყელქცეულში 1973 წელს გაუსრულებია. როგორც სარედაქციო მინაწერი გვაუწყებს: „საჯაროობამ და დემოკრატიის ვითარებამ ხელი შეუწყო ოთარ ჩხეიძეს გამოეცა პირუთენელი და მართალი წიგნი 1956 წელს თბილისში, სანაპიროზე, ახალგაზრდობის გამოსვლების გამო“.

დიახ, „საჯაროობამ და დემოკრატიის ვითარებამ“. თორემ, როგორც თვითონ წერს ერთგან: „ჩვენი გამომცემლობების დამოკიდებულება ჩემდამი ყოველთვის ამგვარი იყო: გეგმიდან გეგმაში გადაჰქონდათ ჩემი წიგნები და ათ-თხუთმეტ წელიწადს მაინც ანდომებდნენ. ახლაც დევს ჩემი „ვენეციური ჭალი“ გამომცემლობებსა თუ სტამბაში ამდენი ხანია, ხოლო „ამალეობა“, „მნათობში“ რო დაიბეჭდა, აღარც არსად წარმიდგენია“. ამიტომაც არის, რომ გამომცემლობა „მერანმა“ რომანი ასე დაგვიანებით — 1989 წელს დაბეჭდა.

ჰოდა, აგერ, წინ მიძევს წიგნი, სადაც, თავიდან ბოლომდე, თითქმის დოკუმენტურად და ჩხეიძისეული დიდი მხატვრული ოსტატობით არის ასახული მარტის ის დღეები. მაშინ 21 წლის სტუდენტი გახლდით. ცხადია, იმ ამბების ჩემებურად აქტიური მონაწილე და, როგორც ფართო



ოთარ ჩხეიძე

პანოზე ცოცხლად დახატულ სურათს, ისე ვუცქერი რომანში აღწერილ ეპიზოდებს, მოვლენებს.

რომანის დასასრულიდან, ამჯერად, აქ ერთ პატარა ნაწყვეტს მოვიტან. ის მე შემდგომ ამბავზე გადასასვლელად მჭირდება: „პირველი ტყვიაც მაშინ გავარდა, გავარდა, ოღონდ ჯერ იქვე არა, ზევით გავარდა, რუსთაველზედა, ჯორჯიაშვილის ქუჩის თავშია, კავშირგაბმულობის სახლი რო დარქმევია, იქიდან გავარდა პირველიცა და უამრავიცა, იქიდანაცა და სასტუმრო „თბილისის“ სახურავიდანაცა, ჯვარედინი ცეცხლი ჩაიბა; ინვიმა ტყვიამა თუ ცეცხლმა, ინვიმა, გადმოიფრქვა და დიოდა, დიოდა, ადიოდა სისხლიცა რალა თქმა უნდა, ავარდა მტვერიცა, სისხლი და ცეცხლი მტვერში გამოეხვია, ხოლო ხალხი — მტვერშიცა, სისხლშიცა, ცეცხლშიცა ცხადია“...

აი, ზუსტად ამ კავშირგაბმულობის სახლის შესასვლელთან დავინახე ბატონი ოთარი. 1991 წლის, მგონი, ნოემბრის შუა რიცხვები იყო. ჯგუფ-ჯგუფად შეყრილიყვნენ ეროვნული ხელისუფლების მომხრეები და მონინალმდევგები. ერთმანეთს ხმის ჩახლენამდე ყვირილით (ჯერჯერობით, ყვირილით. ცოტა ხანში აქ ქვემეხიც აქუხდებოდა და ავტომატის ტყვიის წვიმაც წამოვიდოდა) უმტკიცებდნენ თავიანთ სიმართლეს. სწორედ აქვე, ახლო იყო მათი გამყოფი ხაზი. უეცრად დავინახე: წრედ შემდგარი ერთი ჯგუფის განაკიდეს ბატონი ოთარი იდგა. ღიანაცრისფერი ლაბადა ეცვა, ხელები უკან დაეწყო, წელში ნახრილიყო და გულისყურით, დაძაბული უსმენდა მოჩხუბარ-მოკამათეებს. ზოგჯერ ვილაც მოვარდებოდა, უხეშად მიწვე-მონევედა ადამიანებს, წრეში შევარდებოდა და ის დაიწყებდა თავისი ანუ სრული ჭეშმარიტების მტკიცებას. ზოგჯერაც იქედან გამოარღვევდა ხოლმე ვილაც წრეს. მწერალს უხეშად, დაუდევრად ხან აქეთ მიაგდებდნენ, ხანაც იქეთ. ის კი, ვითომც არაფერი, ადგილს შეირჩევდა, სათვალეს გაისწორებდა, ხელებს კვლავ უკან დაიხეობდა, წინ გადაიხრებოდა და გაფაცოცებით უგდებდა ყურს ერთმანეთზე სამკვდრო-სასიცოცხლოდ გადაკიდებულ თანამემამულეებს. ვილას ახსოვდა აქ, ამ ადგილზე (მართალია, სხვა მიზნითა და ვითარებით) დატრიალებული ტრაგედია, 35 წლის წინანდელი ისტორია. თუმცაღა ისტორია ხომ არაფერსაც არ გვასწავლის... თუ ჩვენ არ ვსწავლობთ არაფერს?

ყური მიუფადოთ მწერალს. ის უკეთ აგვიხსნის ყველაფერს: „ნუ გეგონება თითქოს ესაოდა ძველი ამბავიაო, თითქოსდა ამა და ამ დროს ესა და ეს რო მოხდა, მას მერე შეიცვალა ყველაფერიო. ნუ გეგონება, ადვილადაც არაფერი იცვლება ამა ქვეყნადა, ყოველშემთხვევაში, ჩვენ რა ისტორიაც ვიცით კაცობრიობისა, არცრა შეცვლილა, არც პირი უჩანს შეცვლილებისა, ადამიანები სჭამენ ერთმანეთსა, სჭამდნენ და სჭამენ, სჭამენ და შესჭამენ, ჰოდა ნუ გეგონებათქო, ყმანვილკაცი სჩანხარ, ყმანვილკაცურად ნუ გეგონებათქო; ხელისუფლება არ გაგიმხელს ამნაირადა. არ გაგიმხელს, რად გაგიმხელს?“ („გამოცხადებაი“)

და ბოლოს. წიგნისათვის ავტორს ეპიგრაფად შეურჩევია ანტონ პირველის სიტყვები: „არ დაეჰსცხრე ვირე ვიყო“. ამ დევიზში ჰქონდა ჩაქსოვილი თავად ოთარ ჩხეიძეს საკუთარი ცხოვრებისა და შემოქმედების დედაზრი და ბოლომდე ერთგულად, თავდადებით, გაუზზარავად ემსახურა მას!

ზურაბ ლავრელაშვილი

ქალაქი მტვერში

და რომელსა ქალაქსა შეხვდეთ და არა შეგიწყნარონ თქვენ, გამო-რაეხვდოდეთ უბანთა მისთა, არქუეთ მათ: აჰა, ესერა მტვერი რომელ აღეკრა ფერხთა ჩუნთა ქალაქისაგან თქუენისა, განვიყრიოთ თქუენ ზედა. გარნა ესეცა უწყით, რამეთუ მოახლოებულ არს სასუფეველი ღმრთისა.
ლუკა, 10, 10:11

მანჯურიელი გან ბაოს დუქანი ხიდის ყურში იდგა. ხიდ-ქვეშ შარდისფერი ლეღე მიიღოდა. ზაფხულობით ლეღე ჭაობდებოდა და გარშემო ხაშმიან სიმყარაღეს ავრცელებდა. ლეღეს ორივე ნაპირას ნაგავი ეყარა. სიმყარაღე ბაზრის მოედნამდე უწევდა, რომლის მიღმაც ცემენტის ქარხნის თითქოს ცამდე აჩაჩხული მიღები ჩანდა. დილიდანვე ბოლავდა ეს მიღები სქელი, მღვრიე კვამლით, მძინარესავით გასუდრულ ქალაქს ხრილივით ეფინებოდა და თითქოს ეს როდი კმაროდა საიმისოდ, რომ ტრამალზე გაფენილი ქალაქი გაჩხიბულს დამსგავსებოდა — ლარტაფის ირგვლივ შემოჯარული ცარცოვანი ბორცვებიდან თუ უნაყოფო, ბერნი ტრამალიდან წამოხვეტილ მტვრის ბურს კუდიანი ქარი რუხ, ნაცრისფერ შუქებსა თუ მოედნებზე დააჯირითებდა და ქალაქიც მტვრის ბურუსში უჩინარდებოდა — უსახო, მიმქრალი, თითქოსდა ჯადოქრის კვერთხის აქნევას დამორჩილებული და აღარაფერი იხილვოდა მტვრის ამ განუწყვეტელ მოფენაში; მტვრის ცახე კრანუნებდა კბილებში, ცარცის უწვრილესი დანაფიფქი ედებოდა გამვლელებს თავსა და მხრებზე, ბოლივით მოძრავი კირქვის ბოლქვები აღწევდა ყოველ ღრიჭოსა თუ ნასვრეტში და მართლაც საოცარი იყო, თუ როგორ ცხოვრობდნენ ადამიანები მტვრის ნისლეულში... თუმცა ზოგჯერ, უქარო, წყნარ ამინდში, როცა თეთრი ფარდა აინეოდა, ქალაქი ცოცხლდებოდა და ამოძრავდებოდა. მოქალაქეები გარეთ გამოეფინებოდნენ, რათა გამოხუნებული ცისთვის თავიანთი სახლებისა თუ ქოხმახების პარმადიდან ეთვალთვალათ. მოლოდინით საეჭვოდ აფუსფუსებულ ქალაქს ზოგჯერ მართლაც ხსნასავით მოვევლინებოდა ხოლმე შხაპუნა წვიმა და ფანჯრებს მომდგარი მოქალაქეებიც ხედავდნენ, თუ როგორ მიჰქონდა ქუჩებში დაქანებულ ნიაღვარს სახლის სახურავებიდან თუ კედლებიდან ჩამორეცხილი ცემენტის აქაფებული ხსნარი. წვიმის დროს ლეღეც დიდდებოდა და ნაპირებიდან მოხვეტილი ნაგავი ხიდის რკინის ბურჯებს ედებოდა. გაცოფებული წყალი მაღლა იწევდა, მანჯურიელის დუქანის თითქოს წალეკას უქადადა, მაგრამ რალაც საოცრად, ჩამპალი ფიცრებით შეკრული ხუხულა უფნებელი რჩებოდა — ალბათ დუქნის პატრონის გამოუცნობი, ფარული ძალმოსილების გამო. ქალაქში ჭორად დადიოდა გან ბაოს მჩხიბაობისა თუ ჯადოქრული უნარის ამბავი; ისიც იოლად ერწმუნათ, მანჯურიელს სტიქიონის დამორჩილება ძალუძსო. ხიდის ყურში მიყუჟული დუქანიც თითქოს საკრ-

ძალად ადგილად ქცეულიყო. იშვიათად თუ ვინმე შეივლიდა მოხუც მანჯურიელთან, რომელიც არასოდეს სჩვენებია მუშტარს. დუქანი ორად იყო გაყოფილი: წინა ოთახში სავაჭრო იყო, უკანა ოთახში კი თავად დუქნის პატრონი ცხოვრობდა. წინა ოთახის კარი ზამთარ-ზაფხულ ლიად ეგდო, მომსვლელი საჭირო ნივთს იღებდა, კრძალვით იჭვრიტებოდა უკანა ოთახისაკენ, სადაც განურჩეველი ბინდი იდგა, ფულს დახლზე სტოვებდა და წასვლას ჩქარობდა.

ტრამალის მხრიდან წამოსულ მტვერს დუქანი წისქვილივით გაეთეთრებინა. სინესტისაგან დამპალ ფიცრებზე ლაქებსა და ხავეს გაუგებარი ნიშნები აღებუქდა. დრო-ჟამის დინებისგან გამორიყული კიდობანივით იდგა დუქანი უკაცრიელ ალაგას, თუმცა ქალაქის სტუმარი მას გვერდს ვერ აუქცევდა. ჩინური კერპივით უძრავად იჯდა მანჯურიელი სიბნელეში და თითქოს სიკვდილსაც დაჰვინებოდა — არავინ იცოდა რა ხნის იყო ან როდის მოსულიყო ამ მხარეში; ქალაქელმა ჭორიკანებმა ვერც ეგ დაადგინეს, ვინ ამარაგებდა მანჯურიელს საბაყლო თუ წვრილმანი საქონლით — ნივთები თითქოს თავისით ჩნდებოდნენ არარადან, ოდენ მოხუცის ნებითა თუ სურვილით და დუქნის სიბნელესავით განუჭვრეტელი, გონისთვის მიუნვდომელი ეს ყოფა, მინისქვეშა დინებასავით უხილავი და უგრძობი, მანჯურიელს ზღაპრულ, საარაკო შარავანდედში ხვევდა. გან ბაოს ხსენებას ერიდებოდნენ და თუ ვინმე მაინც ახსენებდა, უმაღლე პირფარს გადაისახავდა ან ავი თვალისგან დამცავ ლოცვას ნაბუტბუტებდა. მტვრის საფარქვეშ მოქცეულ ქალაქს სხვა საჭირობოროტო საქმეებიც ულევნი შპონდა და მოხუცისთვის არავის ეცალა. ისიც უხმოდ იფერფლებოდა დუქნის ბინდებუნდში, თითქოს განილეოდა და პატარავდებოდა და ბნელშიც ნელი-ნელ მქრქალდებოდა ცვილივით ყვითელი სახება მანჯურიელისა, ჭერიდან ჩამოღწეული მთვარის სხივი უფრო მეტად რომ აყვითლებდა ზღვის ფსკერიდან ამოღებულ ქარვასავით.

ერთხელ, ერთადერთხელ გამოლოდა მანჯურიელი დუქნიდან და ისიც იმ დროს, როცა თავსდატყენილმა უბედურებამ მთელი ქალაქი ააფორიაქა. უბედურების მაცნე კი უცხო კაცი იყო, ქალაქში რკინიგზის ბაქნიდან რომ მოვიდა და აქ ორი კვირა დაჰყო.

* * *

ავგისტოს დამდეგს ქალაქს გამომძიებელი ეწვია. შუახნის კაცი იყო, სასიამოვნო შესახედაობისა; მაღალს, გამხდარსა და მხრებში შესამჩნევად მოხრილს რუხი სერთუკი ეცვა, ნაცრისფერი კარტუზი ეხურა. ხელში საკვოიაჟი ეჭირა და მიხრა-მოხრით, იერიითა და ქცევით კომივოიაჟერს უფრო ჰგავდა, ვიდრე საგანგებო დავალებით მოვლინებულ პირს. დილის მატარებელს ჩამოჰყვა ქალაქში, ბაქანზე სხვებზე გვიან გადმოვიდა და იქვე გაჩერდა, ყური მიუგდო სადგურის უფროსისა და შავი ანაფორით მოსილი მღვდლის საუბარს.

— მიბრძანდებით, მამაო? — სადგურის უფროსს ხელი ზარის თოკზე ეკიდა, მღვდელს პირისპირ ედგა, მსუქან სხეულზე ფორმის ტანსაცმელი შემოსალტვოდა. პატარა და ხნიერი მღვდელი ვაგონებს თვალს აყოლებდა, ამიტომაც უკანმოუხედავად უპასუხა:

— მივიდვარ

— გვტოვებთ? — სადგურის უფროსმა თოკი მძაფრად

შეარხია და ზარის რეკამ უცებ გადაურბინა ბაქანს, სივრცეში გაიჭრა.

— დავილუბებით, — აჩქარებით თქვა მღვდელმა და ისე აქლოშინდა, თითქოს დიდი მანძილი გაერბინოს, — ამ ქალაქში ეშმას დაუბუდია.

— თქვენც თუ მიდისხართ, ვინღამ უნდა გვიხსნას ბოროტისაგან? — სადგურის უფროსს მოწყენილი სახე ჰქონდა, მღვდლის მხარს ზემოთ დაძრულ მატარებელს უყურებდა.

მღვდელი მკვეთრად შემობრუნდა მისკენ.

— აქამდეც უნდა წავსულიყავი. დიდი ხანია აქაურობა ღვთის სიტყვამ მიატოვა, — მან ანაფორიდან მტვერი ჩამოიბერტყა და ქოლგა გაშალა.

სადგურის უფროსმა ამოიხვნეშა.

— რა გაენწყობა... — თქვა მოწყენით, — გზა მშვიდობისა, მამაო...

მიბრუნდა და სადგურის შენობაში შებაჯბაჯდა. ბაქანზე დარჩენილმა მღვდელმა ქოლგა წამოიხურა თავზე და ახლდა შენიშნა უცხო კაცი, მას რომ ცნობისმოყვარედ მისჩერებოდა. მღვდელი შეცბა, ოდნავ მიბრუნდა. გამომძიებელმა ქუდი მოუხადა. მღვდელმა თავი დაუქნია.

გამომძიებელმა კარტუზი დაიხურა, საკვოიაჟს დასწვდა და გასასვლელისკენ გააღაჯა. ბაქნის კიდესთან შედგა, სადგურის შენობას მოხედა, მზერით თითქოს ნაცნობს ეძებდა, მაგრამ ბაქანზე აღარავინ იყო — მღვდელიც კი გამქრალიყო. გამომძიებელმა თვალი შენობას ააყოლა. ლავგარდანზე ბათქაში ამოუნგრია და უჩვეულო ძალმოსილებით ჰყვავოდა ნაცარქათამა. გამომძიებელმა შენობიდან მზერა ქარხნის მილებზე გადაიტანა. იქიდან უხვად ამოდიოდა სქელი კვამლი. ულურჯეს ცაზე გველეშაპივით განოლილი თეთრი ბაირალი კაცს ვაგონის ფანჯრიდანვე შეენიშნა, მაგრამ ბაქანზე მდგარი მაინც შეაკრთო მტვრის ღრუბლის ხილვამ, ერთდროულად მოძრავიც რომ იყო და უძრავიც. უცხო კაცმა მის წინ გაშლილ ქალაქს გახედა, მერე კიბე ჩაიარა და ხიდისკენ წალასლასდა.

მთვარეულივით მიაბიჯებდა და მისი ყვითელი შტიბლეტები ფართო ნაკვალევს სტოვებდა მტვერში. მანჯურიელის დუქნთან კვლავ შეჩერდა, ცნობისმოყვარედ მიაჩერდა დუქნის იქით-აქეთ დაკიდულ ორ წითელ ფარანს, რომლებზეც პირაშკმული დრაკონები გამოესახათ. საკვოიაჟი მტვრიდან გზაზე დადო, უბიდან ნიგნაკი და ფანქარი ამოიღო და რაღაც ჩაინიშნა. ბლოკნოტზე თავნახრილს არ დაუნახავს, როგორ გაიღანდა დუქნის ლიობში მოხუცი მანჯურიელი. გამომძიებელმა ბლოკნოტი დაკეცა, ისევ უბის ჯიბეში შეინახა და მაშინლა შეხვდა მისი მზერა განბაოს.

მანჯურიელი კარის წირთხლს ეჭიდებოდა, ვაცის წვერივით თხელი და უფერული ბალანი ერხეოდა ნიკაპზე. ცალი ხელი ხიდისკენ გაიშვირა და რაღაც ჩაიჩიფჩიფა.



გამომძიებელმა იმასაც თავაზიანად მოუხადა კარტუზი. მანჯურიელი რაღაცას დაჟინებით ანიშნებდა შემართული უძღური მარჯვნივ, ბოლოს ხელი ჩაიქნია და დუქანში შებრუნდა. გამომძიებელმა კი ხელი მოიფათურა სერთუკის გვერდითა ჯიბეში, ახლა ლუპა ამოიღო და წითელ ფარანთან სათითაოდ მიიტანა. ერთმანეთის მსგავსი ფანრები იყო, არაფრით გამოჩეული — ისეთები, როგორსაც სანვრილმანობის მოსართავად ჰკიდებენ ხოლმე; რაკი დარწმუნდა, საეჭვო არაფერი, გამომძიებელმა ლუპით ახლა მტვრიანი შტიბლეტები დაითვალიერა, საკვირაჟს დასწვდა და გზა განაგრძო.

ხიდის ვავლით ბაზრის მთვლემარე მოედანზე გავიდა და აქ ისევ შედგა. მოედანი უკაცრიელი იყო. არავის დაუნახავს უცხო კაცი, არავის შეუნიშნავს ბაზრის აგურის გაღავანზე თავმიდებულ ლოთსაც კი, შუადღის ხვატში რომ ხვრინავდა გასუნთქული. ღელეს გასწვრივ საპარიკმახერო, სახაბაზო და სახელოსნო დუქნები იყო. მოედნიდან გზა ორად იყოფოდა. გამომძიებელი ერთხანს შეეყოყმანდა და მერე მარჯვნივ წავიდა, ბაზრის გაღავანს გაჰყვა. ბაზარს იქით პატარა სკვერში ჭლექიანი ხეები და დამლიერებული ნარგავები ჩანდა. ხეებს სქლად ეფინა მტვერი. გამომძიებელმა ქუჩა გადაჭრა და საკრებულოს შენობასთან კვლავ მარჯვნივ შეუხვია. მოკირწყლულმა გზამ საპატიმროსავით უშნო სასტუმროსთან მიიყვანა. ქუჩის აქეთ-იქით ქვის შენობები ებოდა ერთმანეთს პირველ სართულზე მაღაზიებითა და სახელოსნოებით. მოსულმა მსუბუქად აირბინა ქვის კიბეები, სასტუმროს ვესტიბიულში გაუჩინარდა.

იქიდან ნახევარი საათის შემდეგ გამოჩნდა, ოღონდ საკვირაჟი აღარ ჰქონდა თან. სერთუკის საყელო აენია და კარტუზიც ღრმად ჩამოეფხატა შუბლზე, თითქოს ვინმეს ემაღლებათ. ჩქარი ნაბიჯით ისევ ბაზრის მოედანზე დაბრუნდა, მაგრამ ხიდისკენ აღარ წასულა. იქვე ჩაუხვია და უცებ მის წინ უფსკრულივით განიხვნა ტრამალი — ლეგა, უსიცოცხლო, უძრავი მინა. გამომძიებელი კოლბოხებს ახტებოდა და ჯუჯა კატაფშატებს შორის წინ მიიწეოდა. ნიავი გამხმარ ღოლოს ღერებს აზუზუნებდა. შტიბლეტების ქვეშ ხმელი ბალახი იფშენებოდა. ნარეკალი შარვლის ტოტებზე ედებოდა.

შორი, უსასრულო მწკრივივით იწვა ტრამალზე რკინიგზის ლიანდაგი. კაცი ვაკისზე ავიდა და ყვითელი, თითქოსდა მტვრიანი მდინარე ახლოდან დაინახა. მდინარის იქით ცარცის კლდეები აღანდულიყო. კაცი სათითაოდ ტრიალდებოდა ოთხივ მხრივ, მაგრამ უსასრულო ტრამალისა და ამ ტრამალზე მიკარგული პატარა ქალაქის მეტი არაფერი დაუნახავს. სიო ყურში უწიოდა, შარვლის ტოტებს უფართხუნებდა. გამომძიებელმა ლიანდაგს გადააბიჯა და რკინა-ბეტონის ნანგრევებთან მივიდა. სანახევროდ ამოყვანილი კედლები და ეზოში მიმოფანტული ვეება ჩანები მონმობდა, რაოდენ გრანდიოზული უნდა ყოფილიყო ეს ნაგებობა. გამომძიებელმა დინჯად შემოუარა ნანგრევებს, ზოგჯერ ნაიკუზებოდა, ხელით მოფშენებდა გოროსს, დასუნავდა. მერე ისევ დააგდებდა და წელში მოხრილი მიუყვებოდა მესერს. გვერდით ჩრდილი მისდევდა.

მზე გადაიხარა. ნიავმა მიმართულება იცვალა. ჩირგვებში ჩიტუნიები აწრიბინდნენ. ყვითელი მდინარეც გაბაცდა და წელის პირს ჟრუანტელივით გადაურბინა კეჟომ. ნანგრევების ჩრდილი დაგრძელდა და ლამის მდინარეს

უნია. გამომძიებელმა უკან, ქალაქისაკენ მიიხედა. მისი საკუთარი ჩრდილიც დაგრძელებულიყო, გადაჩოჩებულიყო, გვერდით კი აღარ მოჰყვებოდა, უკან ასდევნებოდა და თითქოს ემაღვოდა, რათა კაცს არ დაენახა. გამომძიებელს ლუპა მოემარჯვებინა, სხარტი ნადირივით მიჰყვებოდა უცნობ ნაკვალევს. ბოლოს, დაღლილი, მდინარის პირას ჩაცუცქდა, ხელები თბილ წყალში ჩაჰყო; ფიზულად ზეერავდა მიდამოს, ზოგჯერ გაღმაც გაიხედავდა კირქვის კლდეებისაკენ და უცებ მოძრავი ნერტილი შენიშნა მათ ძირას...

კაცი ზამბარასავით წამოვარდა ზეზე, შუბლი მოიჩრდილა. მოეჩვენა, რომ კლდის ძირას პანანკინტელა ფიგურა იძვროდა, ადგილს ინაცვლებდა. კაცი იყო თუ ნადირი? როგორ არ ძაბავდა მზერას გამომძიებელი, მაგრამ დანამდვილებით ვერაფერი გაარჩია...

ვიღაც შეეხო ფეხზე. გამომძიებელი უნებურად გვერდზე გახტა და სწრაფად შემობრუნდა. ჭრელი, კუდმოკლე ლეკვი გაუგორდა ფეხებთან. მხიარულად შეჰყეფა და კუდი გაუქიცინა.

— მომშორდი! — კუშტად დაუტია კაცმა, როცა ლეკვი ნეივებზე გაეგლასუნა, მაგრამ ონავარ ცხოველს აინუნშიც არ ჩაუგდია კაცის გაბრაზება, კვლავ შეჰყეფა და შარვლის ტოტებზე დაეჯაჯგურა.

გამომძიებელი უცებ დასწვდა და ლეკვი ქეჩოთი აიყვანა, სახესთან მიიახლოვა. ლეკვი სასაცილოდ იმანჭებოდა, თათებს აქნევდა, სველი დრუნჩიდან ლოპრი ეწვეთებოდა.

— გაგტყიპავ იცოდე! — დამუქრა კაცი და დრუნჩზე მსუბუქი ნკიპურტი გაჰკრა. ლეკვი ასხმარტაღდა, კუდი ამოძრავა, თითებით ჰაერს ეჭიდებოდა. კაცმა მსუბუქადვე შემოსცხო გავაზე ხელისგული და დასვა. ლეკვი გაგულისებული გაერიდა, მოშორებით ჩაცუცქდა და ყეფა ასტენა...

გამომძიებელმა სერთუკის ჯიბეში ჩაიყო ხელი. ორცხობილა ამოიღო და ლეკვს ნატეხები მიუყარა... დაფიქრებული დაჰყურებდა, რა მსუნაგად ჭამდა ლეკვი და რა სასაცილოდ ერხეოდა ჯოხივით გაფშეკილი ჭრელი კუდი...

* * *

ქალაქში შემოვლითი გზით დაბრუნდა და ახლა აქედან დაუყვა შუკებს ბაზრის მოედანამდე. სწორედ ამ სიარული-სას აღმოაჩინა, რომ ცემენტის ქარხნის გარდა ამ პატარა ქალაქში კიდევ იყო საავადმყოფო, აბანო, სახანძრო, საპატიმრო, რამდენიმე შადრევანი და გაუსაძლისი მოწყენილობა. გამვლელები კანტი-კუნტად ხვდებოდა. გამომძიებელი სწრაფად მიიბიჯებდა. ქუდი უწინდებურად შუბლზე ჩამოეფხატა. გვერდით ლეკვი მოჰყვებოდა. ანცი ცხოველი ზოგჯერ წინაც გაუსწრებდა, ჩირგვებში მოფართხალე ბელურებს მიუხტებოდა ან გზაზე გადარბენილ კატას გაეკიდებოდა. ხანდახან დაყუცდებოდა და კაცს ელოდა, მაგრამ გამომძიებელი ყურადღებას არ აქცევდა ლეკვის სუნს, ფიზულად ათვალთვლებდა შენობებს. რამდენიმეგან შეჩერდა და ლამის აბრაზე ცხვირმიდებულმა წაიკითხა ნარწერები. ერთგან კი საკმაო ხანი შეეყოვნდა. ნარწერა მუქ აბრაზე იუნყებოდა, რომ ეს აფთიაქი იყო, სადაც სელტერის წყალიც იყიდებოდა.

კარაპანში, ბოძებს შორის, სარწვევლა სავარძელში აფთიაქის პატრონი იჯდა, ფეხები აიწინის რიკულზე შემოედო. გამომძიებელმა ის უცებ ვერ შენიშნა, რაკილა კარა-

პანში სანახევროდ ბინდი იყო და მეთაფთიაქეს ბოძიც ეფარებოდა. მხოლოდ მაშინ, როცა მოჭუტული თვალები აბრას მიუახლოვდა, აფთიაქარი მოულოდნელად წამოხტა და წინ აეტუზა.

გამომძიებელი შეცბა, ქუდი მოიხადა.

„მერცხლები დაბლა დაფრინავენ... ინვიმებს“, — ფარმაცეპტი გამოიწია, ბოძის გვერდით გაჩერდა. ჟილეტის ილღიებში ცერა თითები ჩაეყო და გამომძიებელს ღიმილით უყურებდა, მისი შეცბუნებით ტკებოდა.

„სასტუმროს ვერ მიმასწავლით?“ — გამომძიებელი ჯერ ისევ ხელში ჭმუჭნიდა ქუდს და გრძნობდა, ხელისგული უოფლიანდებოდა.

„დილის მატარებელს ჩამოჰყვით?“ — აფთიაქარი გადმოიხარა და გამომძიებელს მოკაკული საჩვენებელი თითით ანიშნა, მომიახლოვდით. გამომძიებელიც მისკენ დაიხარა.

„ინვიმებს“, — შეთქმულივით გაუღიმა აფთიაქარმა, მერე მოულოდნელად წელში გასწორდა და ბოხი, მგრავინავი ხმით დაატანა, — სანადლეოს ვდებ, დილის მატარებლით ჩამოხვედით“.

გამომძიებელი ეგრევე მოკუზული იდგა კარაპანის წინ, აფთიაქარს ქვემოდან აპყურებდა. ფარმაცეპტი საშუალო სიმაღლის მსხვილკისერა კაცი იყო, გაურკვეველი ასაკისა. სახე სიჯანსაღით უღვიოდა. შავი თმა გაფშეკოდა. ყავისფერი ჟილეტი ეცვა. პერანგის საყელი გაეღელა და ჭრელი ყელსახვევი გვერდზე დაუდევრად მოჰქცეოდა.

„გელოდით“, — კვლავ შეთქმულივით გაუღიმა მან და გამომძიებელმა უსიამო ოფლიანობა ახლა ზურგზე, ხერხემლის გასწვრივ იგრძნო. წელში გაიმართა და ქუდი მეორე ხელში გადაიტანა.

„რა იცით ვინა ვარ და რისთვის ჩამოვედი?“ — ჩახრინწული ხმით იკითხა.

„როცა ქალაქში უცხო კაცი ჩამოდის, დიდი მიხვედრა არ უნდა, რომ ჩვენს თავს რაღაც ხდება, — აფთიაქარი კვლავ იღიმოდა, მაგრამ გამომძიებელს გამსჭვალავად უყურებდა. მერე მზერა ლეკვზე გადაიტანა, ქუჩაზე რომ დაყუნცულიყო.“

„გხედავ, მეგობარი გაგიჩენიათ, — აფთიაქარმა ახლა შარვლის ჯიბეებში ჩაიყო ხელები და კარაპანის კარში გადმოდგა, ლეკვს დაუნრუპუნა. ლეკვმა შეჰყეფა.“

„გულისხმიერი ცხოველი ჩანს, — დაასკვნა ფარმაცეპტმა და გამომძიებელს კარაპანიდანვე გაუნოდა ხელი, — კეთილი იყოს თქვენი მობრძანება ჩვენს ქალაქში!.. ჩემთან მოგასვენებდით, მაგრამ ვინროდ ვდგავარ“...

„სასტუმრო გკითხეთ... ნუ შენუხდებით“, — გამომძიებელი ქუდს ორივე ხელში ატრიალებდა და წასვლას აყოვნებდა. ბოლოს მაინც მიბრუნდა და აფთიაქარის ხმაც მოესმა: დიდი ხნით ჩამოხვედითო, ეკითხებოდა.

გამომძიებელი სწრაფად შემობრუნდა.

„ეგ იმაზეა დამოკიდებული, საქმეს რამდენად სწრაფად მოვიღევ“.

„თუკი საქმე საერთოდ არ გამოგივიდათ, მაშინ რას იზამთ: სამუდამოდ აქ დარჩებით?“

„როგორ თუ სამუდამოდ?“

აფთიაქარმა ტურები ისე მომუნა, თითქოს ისევ ლეკვს უნდა დაუნრუპუნოსო.

„ზოგჯერ კაცს ჰგონია, იმდენად იოლ საქმეს შევეჭიდევ, მალევე მოვიღევ და შინაც მშვიდობით დავბრუნდებიო, —

ფარმაცეპტს სახეზე სარკასტული ღიმი დააჩნდა და გამომძიებელი მიხვდა, მოსაუბრე დასცინოდა, — საქმის სირთულეს არ გეკითხებით... ჩვენს ქალაქში ცხოვრებას თუ ისურვებდით-მეთქი, ეგ მინდოდა გამეგო“.

„სასტუმროში წავალ, — გამომძიებელმა ქუდი დაიხურა, — აქ ახლო უნდა იყოს“...

„ჰო, — უგულოდ გამოეხმაურა აფთიაქარი, — ბარემ იმასაც გეტყვით, რომ მთელი ქალაქია სასტუმრო“...

გამომძიებელმა მხრები აიჩეჩა.

„ნართაულები გყვარებიათ, — ის შებრუნდა და ძაღლს გასძახა, გადადგა ბიჯი, — სამწუხაროდ, უნდა წავიდე“.

მიბრუნდა და გააღაჯა, თუმცა ზურგსუკან აფთიაქარის მზურღავ მზერას გრძნობდა — გრძნობდა მაშინაც, როცა შუკა ჩაათავა და სასტუმრომდე მივიდა. აქ შედგა, ჯიბიდან ორცხობილა ამოიღო, შუაზე გატეხა, ნახევარი ლეკვს მიუგდო და როგორც წელან, მდინარის პირას, დაფიქრებული უყურებდა, რა სხაპუნით ყლაპავდა ლეკვი ორცხობილას ნატეხებს.

* * *

ფარმაცეპტის ვარაუდი არ გამართლდა — დილა ისევე ცხელი და სულისშემხუთველი გათენდა, როგორც წინა დღე იყო. გამომძიებელი მაინც ხალისიანად ადგა, ისაუზმა, მერე საგარეოდ ჩაიცვა და ქალაქში წავიდა.

იმ დილით საქმიანი ვიზიტით თანამდებობის ორ პირს ეწვია: პოლიციემისტერსა და ქალაქის თავს. ნაშუადღევსთვის უკვე თავისუფალი იყო და გუშინდელივით დაუყვა ქუჩას ბაზრის მოედნამდე, გუშინდელივით ჩაუხვია მარჯვნივ ისე, რომ კვლავ არ გასულა ხიდე მანჯურიელის დუქანთან (თითქოს უფრთხოდა კიდეც იქ მისვლას!), უფსკრულივით განხმულ ტრამალზე გავიდა და ქარხნის ნანგრევებსაც გუშინდელივით შემოუარა, თუმცა კვალს მაინც ვერ მიაგნო; ეგ კია, დანამდვილებით თავადაც არ იცოდა, ვის ან რის კვალს დაეძებდა. ცოტა ხანს ასე იდგა, უძრავად, ხელები ზურგსუკან შემოეწყო, თითებს ათამამებდა, მერე რიყეს აუყვა აღმა ფონის საძებრად.

ხრემის ქვა ღრჭიალებდა ფეხქვეშ. ნაწრეტებში მუმლი და კოლო ირეოდა. ნიავი აღარ იძვროდა და გამომძიებელი მალე გაოფლიანდა. პაპანება ხუფივით დასწოლოდა ვრცელ ღარტაფსა და ყვითელ მდინარეს. აქა-იქ, ფშანებთან, სადაც ხასხასა ბალახი ხარობდა და მინაც შავი იყო, მდგნალევი დაეხარათ ტოტები წყალზე. გამომძიებელი ბეჭემოკიდებულ გუბებს ახტებოდა და გამუდმებით იყურებოდა აქეთ-იქით.

ვინრო ისარაზე, თავთხელში, საქონლის ჩლიქით აჭიჭყნილ სველ ქვიშრობზე, კაცმა შტიბლეტები გაიხადა, შარვლის ტოტები აიკვალთა და ფონი გატოპა. ზვირთი მუხლამდე შემოადგა. ფსკერის ქვეზე ფეხი უცურდებოდა. ამ ადგილას მდინარე განიერი იყო და მოვაკებულ ნაპირებს შორის გაშლილიყო. გამომძიებელი გრძნობდა წყლის სუნს — ლპობის, თევზის ქერეჭისა თუ სველი ბალახის ცნობისნამდებ სუნს, გულს რომ უჩქროლებდა, და უცრად შეშინდა: ფეხქვეშ რაღაც გაუძვრა. კაცი შეჩერდა და გაბრაზებით დაჰკრა ხელისგული წყალს; ცასა და წყალს შორის გაბმულიყო უსასრულო სივრცე და თავად ამ სივრცეში გამოკიდებულს ჰგავდა. მაინც მშვიდობიანად ააღწია ნაპირს და ფეხშიშველი გაემართა მახლობელი კლდეებისაკენ, ვაკის-

ზე საგანგებოდ გაყვანილი გზით, რომლითაც, ეტყობა, ნედლეული გამოჰქონდათ ცემენტის ქარხნისათვის.

და მართლაც, აქ კარიერი იყო: კლდეები ერთიანად გამოეშინათ კირქვის მოსაპოვებლად. გამოძიებული პირის-პირ იდგა აყუდებულ მთასთან და რალაცას ფიქრობდა. მერე ვაკისზე ავიდა, მთას მარცხნივ შემოუარა. ფეხშიშველი მიაბიჯებდა კირქვის ხვინჭაზე და ტერფები ემაშრებოდა. ჭინჭარით მსუსხავი მზე უწვავდა კისერსა და მხრებს. წეროსავით კანჭანული მიაბიჯებდა კირქვის ნაყარზე და როგორც ყოველთვის, ჩრდილი ერთგული ლეკვივით მისდევდა გვერდით.

ნაყარიდან თხების ვაკვალულ ბილიკზე გავიდა, შტიბ-ლეტები ჩაიცვა მტვრიან ფეხებზე და შამბზე ხელმოჭიდებით წავიდა ფერდობზე. მზერა გაუფაციცდა, თითქოს რალაცას მოელისო და ბოლოს, დაინახა რაც უნდოდა: ფერდობის შუანელში გვირაბს დაელო ხახა. კაცმა შესასვლელს ააღწია და შიგ შეიჭვრიტა. ქვაბულში სანახევროდ ბნელოდა. გამოძიებულმა ჯიბიდან ასანთი ამოიღო, მოუკიდა და გაანათა იქაურობა. ქვაბული იმხელა იყო, რამდენიმე კაცს დაიტევდა. გამოძიებული დაიხარა და მიწურზე დაგებული თივა, ტყაპუჭი და სასთუმლად დადებული სიბი ქვა შენიშნა. ლაჭანის ახლო თიხის პირმომტვრეული დოქი და ძონძებში გამოხვეული ხის პატარა ზარდახმა იდო. კაცმა ხელი შეახო კრკილისაგან დაჭმულ ყუთს. სახურავი მოათვალიერა, რომელიც ბოქლომით ჩაეკეტათ. გამოძიებულმა ხელი მოაფათურა მიწურზე, და რომ ვერაფერი იპოვნა, კართანაზე გამოვიდა, დაზვერა მიდამო. მახლობელ ჩირგვში დაყო კუთავდა. სადღაც კალია იხერხებოდა. ქვემოდან მდინარის დუდუნი ისმოდა. კაცი მანც ოტებუნი ნადირივით ზვრავდა გარემოს, მერე ისევ ქვაბულში შებრუნდა და ზარდახმა ილღიაში ამოიღო. ერთხანს შედგა ბინდში, თითქოს ვინმეს დასტურს ელისო, მერე ზე აიხედა და ახლად შენიშნა ქვაბულის კედელზე ცარცით დაჩხაპნილი უცნაური წარწერა. კაცმა კისერი ნაიგრძელა, წარწერას დაამტერდა, როცა უეცრად ხმაურმა შეაკრთო, ქვაბულის შესავალს გაეკრა უცებ და წელში მოხრილი გასხლტა გარეთ, ტყის კაცივით გაიქცა ბილიკ-ბილიკ, ბერყენას ბებერ ბუჩქს ამოეფარა და ქვემოთ გაიხედა. ქვაბულისკენ უცნაური არსება მოდიოდა: მაღალი იყო, ჯაგარა, თხისური ემოსა, კომბალს ებჯინებოდა. მელიოტ თავზე მზე დაპნათოდა, კეფაზე შერჩენილი ჭალარა თმა ტყაპუჭის ბენვს შერთვოდა. დაკონკილი შარვლის ტოტებიდან მსხვილი, ჟანგისანი კანჭები მოუჩანდა. ბუჩქს უკან დაცუცქული გამოძიებული დაჟინებით უყურებდა განდეგილს, ვისაც ეჭვიც არ აუღია, რომ მის სადგომს უცხო კაცი სტუმრობდა... როგორც კი განდეგილი ქვაბულში შეიმალა, გამოძიებული წამოხტა და კისრისტენით დაეშვა მდინარისაკენ...

თავქვე დაქანებულს უკან ჩამვავებული კენჭების ხრიალი და კალიების გნიასი მოსდევდა. ყურებში ქარი უწიოდა, ილღიაში ზარდახმა ამოიღო, მაღი-მაღ რომ სინჯავდა და ისე მიბრბოდა, თითქოს ყვითელ მდინარეს ზედ გადაახტებო, მაგრამ რიყეზე გასული მოულოდნელად შედგა და დინჯად წავიდა ბორნისაკენ...

მზე ისევ მწვავედ აცხუნებდა, თითქოს აქაურობის აგიზგიზება სწადიაო. მხოლოდ წუთით წამოეფარა მნა-

თობს ღრუბლის თხელი ლეჩაქი — მერე კვლავ გამოიხედა ცეცხლოვანმა დისკომ და არმური აცახცახდა ხვინჭით მოკენჭილ რიყეზე.

გამოძიებული დაღლილი მიაბიჯებდა ბორნისაკენ. წყალთან მივიდა, ფეხსაცმელი გაიწმინდა, შარვალი გაიფერთხა, თმა სველი თითებით გადაივარცხნა, რუხ სერთუკზეც ჩამოისვა სველი ხელისგული და უბის ჯიბიდან გაზეთების თხელი დასტა ამოიღო. სათითაოდ შლიდა და კეცავდა საგულდაგულოდ ერთმანეთზე დაწყობილ გაზეთებს. აქა-იქ სათაურს თუ ჩაჰკრავდა ხოლმე მზერას და ახლა სხვა გაზეთს გაშლიდა, იმასაც გადასდებდა გვერდზე.

სათაურები კი, რაც მან წაიკითხა (და რაც მანამდე არაერთხელ წაიკითხა) ამას იტყობინებოდნენ:

„ანომალია პროვინციულ ქალაქში“...

„ღვთის რისხვა თუ ანგელოსთა წყალობა?!“...

„ქალაქში მოჩვენებები დასახლდნენ“.

„როდის აშენდება ახალი ბაბილონის გოდოლი?“

„პატარა ქალაქი უცხო ძალამ მოაჯადოვა“.

ნელმა სიომ დაუბერა და ქალაღდები ააშრიალა, მაგრამ გაზეთების ფურცლით გართულ გამოძიებულს თითქოს დაეინყნოდა, სად იყო და რატომ იყო — კვლავ მონდომებით კეცავდა ათასჯერ გადაკეცილ ნაბეჭდ გვერდებს, სანამ იმას არ მიაგნო, რასაც ეძებდა — პირველ გვერდზე დაბეჭდილ სტატიას, ალაგ-ალაგ წითელი მელნით რომ გაეხაზათ.

„უკვე ვიუწყებოდით, თუ რა უცნაურობა დაატყდა თავს ჩვენი მახრის პატარა პროვინციულ ქალაქს, — უხმოდ კითხულობდა გამოძიებული, — მერამდენე კვირაა, აქაურებს მოსვენებას უკარგავს ფარული ძალა, რომელიც ანგრევს და საძირკველშივე სპობს ყველა ახლადაგებულ საზოგადოებრივ შენობას... ამ მოვლენის მიზეზი ვერავინ შეიტყო, თუმცა მთავრობამ უკვე გაგზავნა იქ სწავლული კაცები უცნაური მოვლენის გამოსარკვევად... საინტერესოა, რომ იდუმალი ძალა ერჩის და ანადგურებს მხოლოდ საზოგადო ნაგებობებს, იმათ, რომლებსაც ქალაქის კეთილდღეობისათვის აქვთ მნიშვნელობა... მათ რიგშია ცემენტის დიდი ქარხანა, რის აგებასაც შევედური კომპანია ეპირებოდა, თუმცა კი კედლები ფუნდამენტს ვერ ააცილეს... უცნაურმა მოვლენამ თუ სტიქიამ თვალის დახამამებამი მოსპო საავადმყოფო, რამდენიმე სასტუმრო, პოლიციის ყაზარმა და თვით საყდარიც კი, რომლის კურთხევააც დღეღღეზე უნდა მომხდარიყო... ქალაქის გამგეობა იმდენად შეშფოთებულია ამ ამბებით, რომ უკვე არზაც შეიტანა საოლქო კანცელარიაში ნებართვის სათხოვნელად, რათა აქაურ მცხოვრებთ სხვა ალაგს მისცენ საცხოვრისი...“

გამოძიებულმა გაზეთი დაკეცა და ჯიბეში ჩაიღო, სხვები კი დაახვია და მდინარეში ჩაყარა. წყალმა აიტვიტოვა ნაბეჭდი ქალაღდები, წაიღო და მორევი ჩაიხვია. გამოძიებული ისევ ზარდახმას დასწვდა, კვლავ ილღიაში ამოიღო, ოღონდ ამჯერად სერთუკის ქვეშ, და ბორნისკენ გასწავა... საბორნეს უახლოვდებოდა, როცა მოპირდაპირე მხრიდან მომავალი ქალიშვილი დაინახა. ქალს თეთრი სამოსი ეცვა, სახე თხელი, აბლაბუდას ქსელივით მსუბუქი შავი პირბადით მოებურა. პრუნელის თეთრი ფეხსაცმელები ეცვა, რომელზეც სქლად ნაჰყროდა მტვერი. ხელში ბაბუანვერა ეჭირა. კაცს გვერდით ჩაუარა და ბორნთან მივიდა. გამოძიებულმა უხმოდ გააყოლა თვალი, სალამიც კი

გადაავიწყდა. უხერხულობა იგრძნო, მოშორებით გაჩერდა ნაპირზე და იქ იცდიდა, სანამ მებორნე მგზავრებს შეაგროვებდა, თუმცა, როგორც ჩანს, მათ მეტი გაღმა გასვლის მსურველი არც არავინ იყო... მებორნის ქოსს ზურგით მიყუდებული გამომძიებელი ქვეშ-ქვეშ გახედავდა ხოლმე უცნობ ქალიშვილს, ვისაც მოთმინება უკვე დალეოდა და მალი-მალ ფეხს ინაცვლებდა.

„გამიგონეთ, — მიეჭრა მერე მებორნეს, — გადავიხდით რაც გილირთ, ოღონდ გამიყვანეთ გაღმა...“

მებორნე — ტლუ, ნახშირით შავი კაცი, წამოიზღაზნა და ბორანზე ავიდა, ორთაყვირს დასწვდა. გამომძიებელმაც შედგა ფეხი ბორანზე, ქალიშვილი კი ისევ კუთხეს მიანწყდა, თითქოს ვინმეს ემალებაო... ხელში კვლავ ნერვიულად ატრიალებდა ბაბუანვერას ღეროს და ეს წრიალი ამხელდა მის ფორიაქს...

გამომძიებელმა თავი დაუკრა, მაგრამ ქალმა პირი მიიბრუნა.

„სეირნობისთვის მეტისმეტად ცხელა, — ნაძალადევი მხიარულებით გასძახა კაცმა და ხმაში მოულოდნელი ხრინნი გაერია, — თუმცა, ვხედავ ბუნება გყვარები-ათ...“

ქალმა წამით მოაბრუნა მისკენ ვუალით დაფარული სახე, მაგრამ არ უპასუხა. გამომძიებელმა მისკენ გადადგა ბიჯი, — ამ დროს ბორანიც დაიძრა და კაცი შეტორტმანდა, მიეახლა ქალიშვილს, რომელიც შველივით გახტა გვერდზე.

„მაპატიეთ, — მოუბოდიშა გამომძიებელმა და სერთუკის ქვეშ ზარდახშა შეიმაგრა თავისუფალი ხელით, — არ მინდოდა შემენახებინეთ ჩემი უტიფრობით, მაგრამ ვერაფრით ვხვდები, მაინცდამაინც ეგ უცნაური ყვავილი თაიგულისთვის რად შევირჩევიათ?“

„მიყვარს ბაბუანვერა, — დაიჟღურტულა ქალიშვილმა, — ჩემს ბედს მაგონებს...“

„ბედს?“

„სულს შეუბერავ და გაქრება, ვითომც არც ყოფილა ოდესმე...“

„მეტისმეტი პესიმისტი ბრძანებულხართ, — გამომძიებელი კვლავ თავის შემაგრებას ცდილობდა, რაკი ბორანი ირყეოდა და ტლუ მებორნესაც ვერ მოეხერხებინა ორთაყვირის ისე მოსმა, ბორანი დაჩქერებისთვის აერიდებინა, — მე ალბათ ყაყაჩოსა და გვირილას ვამჯობინებდი...“

ქალიშვილმა არც ამჯერად უპასუხა და გამომძიებელიც თავის ადგილს დაუბრუნდა.

ბორანი წყალზე მისრიალებდა.

გამომძიებელმა თავი ჩაქინდრა, თითქოს ზეზეულად ჩაეძინა, ნამდვილად კი ქალიშვილს ქვეშ-ქვეშ უთვალთვალედა. პირბადის იქით მის სახეს ვერ ხედავდა და ვერ ხვდებოდა, ქალიც უცქერდა თუ არა... ვინ იყო და რად დაიარებოდა მარტო იმ ადგილებში, სადაც სასეირნოდ არავინ დადის? ენის წვერზე ადგა კითხვა, მაგრამ უცნობი ქალიშვილის მდუმარებით შებოჭილს, თქმა ვერ გაებედა...

ბორანი კი ისევ მშვიდად მიცურავდა თიხისფერ წყალზე.

„მისმინეთ, ქალიშვილო, — ხმა გაიღო ბოლოს გამომძიებელმა, — ამ ქალაქში უცხო კაცი ვარ, აქაურობის არაფერი ვიცი... დახმარება რომ გთხოვოთ, ვილაც-ვილაცები გამაცანით-მეთქი, ნუთუ უარს მეტყვით?“

პირბადიანი სახე კვლავ მისკენ შემობრუნდა, მაგრამ ქალიშვილს არც ამჯერად უთქვამს რამე, არაფრით გაუმჟღავნებია, უსმენდა თუ არა...

გამომძიებელმა მისკენ გადადგა ბიჯი... ქალიშვილი არ გარხეულა... „აი, იქ, გაღმა, — გამომძიებელმა კარიერისკენ გაიშვირა ხელი, — უცნაური კაცი ვნახე... მგონი, განდეგილია... ვერ მეტყვი, ვინ არის და რა ჰქვია?“

„იონა“.

„იცნობთ?“

„ჩვენს ქალაქში ყველა ერთმანეთს იცნობს“.

„მომიყვით, რა იცით“.

„რად გაინტერესებთ?“

„უცნაურ კაცად მეჩვენა... ამ ქალაქში უცხო ვარ და მინდა მეგობრები გავიჩინო... ჰოდა, ვიფიქრე, იქნებ მეგობრად გამომადგეს-მეთქი...“

გამომძიებელმა იგრძნო, როგორ დაიჭიმა ქალიშვილი, თითქოს მისი ვუალიც უფრო ჩაშავდა. მან კიდევ გადადგა ბიჯი.

ქალიშვილმა ბაბუანვერა მდინარეში მოისროლა.

„ტყუით, — თქვა მერე, — მეგობრების შესარჩევად კი არა, გამოსაძიებლად ხართ ჩამოსული“.

„ვინ გითხრათ?“

„ეს ამბავი ყველამ იცის. ტყუილად მალავთ. მანამდეც იცოდნენ, სანამ ჩამოხვიდოდით“.

„ჰო, მაგრამ როგორ მიხვდით, რომ მაინცდამაინც მე ვარ გამომძიებელი?“

„თვალთმაქცობა არ გეხერხებათ. არც გჭირდებათ... სულ ერთია, ვერაფერს გახდებით...“

„ასე რად ფიქრობთ, კარგო ქალიშვილო?!.. ნუთუ ყველაფერს უიმედო თვალთ უყურებთ?“



მხატვარი სოფო ელიაშვილი

„არც ქალებთან საუბარი გეხერხებათ, — თქვა ისევ ქალიშვილმა, — მეტს ნულარ მკითხავთ“...

„ის მაინც მითხარით, თქვენ რა გქვიათ?“

„დაინახეთ, ბაბუანვერა რომ გადავადგდე? ჰოდა, ნულარაფერს მკითხავთ!“

გამომძიებელმა უიმედოდ ჩამოუშვა ქვედა ტუჩი და ისევ თავის კუთხეში მიდგა. მარცხიან ფეხზე თუ იყო ამდგარი... ბორანი წყალზე მისრიალებდა. მერე გაჩერდა. გამომძიებელი ნაპირზე გადავიდა და ქალიშვილს ხელი გაუწოდა, მაგრამ უცნობი ქალიშვილი ქურციკივით გადახტა ფიცარნაგზე და თითქმის გაიქცა. გამომძიებელმა თვალი გააყოლა, მერე ზარდახშა მოისინჯა ხელით და პირში შაბის გემო იგრძნო, თითქოს ენა დაუშაშრესო...

ვინრო ქუჩაზე, აფთიაქის წინ, აფთიაქარი იდგა და ჯიბეებში ხელებჩაყოფილი, ცას აჰყურებდა. გამომძიებლის დანახვისას არ განძრეულა, ოღონდ ცალი თვალით გამოხედა და ასე უმზერდა, სანამ გამომძიებელი მიუახლოვდებოდა.

„ისევ აქ ხართ? — ჰკითხა მერე, — ნუთუ არ წასულხართ?“

„გეგონათ, გაეკიცვოდით?“

აფთიაქარმა მის სამოსს ჩააყოლა მზერა და ფეხსაცმელებზე დახედა.

„ფეხსაცმელები გაგმტვრიანებიათ, — თქვა მერე, — სად იყავით?“

„ქალაქს ვეცნობი“, — გამომძიებელს რატომღაც აფთიაქარის ასე დგომა აღიზიანებდა და მალი-მალ სინჯავდა სერთუქვეშ ზარდახშას. — „თქვენ კი ისევ ამინდის გამოცნობას ცდილობთ? რას იტყვით, ინვიმებს?“

„იქნებ ინვიმოს კიდევ, — აფთიაქარმა ხელები ჯიბიდან ამოიღო და გაშალა, — იქნებ წარღვნაც მოვიდეს... გირჩევთ, აქედან გაასწროთ“.

„ვერ წავალ, — თქვა გამომძიებელმა, — პატაკი მაქვს დასანერი“.

აფთიაქარმა ჯიქურ გადმოხედა და გაშლილი ხელები მომუშტა.

„შინ შემოდით, სელტერის წყალს დაგაღვინებთ“, — მან უკანმოუხედავად გაალაჯა აფთიაქისაკენ. გამომძიებელი მიჰყვა. აფთიაქის წინა ოთახში გრილოდა და ბინდბუნდი იდგა. ოთახიდან პირდაპირი ღია კარი ლაბორატორიაში გადიოდა. მარჯვნივ ნამლის შესანახი თაროები იყო, რომლის წინ აფთიაქარს დახლი გაემართა. მან უხმოდ მიუთითა გამომძიებელს ღრმა სავარძელზე, თავად დახლს შემოუარა, თაროდან ბოთლი გადმოიღო და მინერალური წყალი ჭიქაში ჩამოასხა.

„რა საზიზღრობა! — წამოიძახა უცებ გამომძიებელმა, ცნობისმოყვარედ რომ მისჩერებოდა დახლზე შემოდებულ სითხით სავსე მინის მრგვალ ჭურჭელს. ჭურჭელში თეთრი ნრუწუნა ცურავდა. — ეს რა არის?“

„ქალაქელებს ჰგონიათ, ვითომ ჩემს ლაბორატორიაში ჰომუნკულუსს ვქმნი, — მეაფთიაქემ სელტერის წყლით სავსე ჭიქა დახლს იქედან გამოიტანა, — ყმანვილკაცობისას ანატომიით ვიყავი გატაცებული. პატარ-პატარა ცდებს ახლაც ვატარებ ხოლმე... დალიეთ, გაგრილდებით!“

გამომძიებელმა ჭიქა ჩამოართვა და მოსვა.

„არ გეცოდებათ განა ეს პანია ცხოველები?“ — ჰკითხა მერე.

„პროგრესს მსხვერპლი სჭირდება, — აფთიაქარმა კიდევ დაუსხა წყალი, — თანაც, თუ გავითვალისწინებთ, რომ ამქვეყნად ყოველი სულიერი მსხვერპლია“...

„ეგ არ გამართლებთ, — შეიჭმუხვნა გამომძიებელი, რომელსაც უცებ თვლელა მოერია, — პროგრესიც არის და პროგრესიც... თქვენ მხოლოდ ადამიანური თვალთახედვით მსჯელობთ...“

აფთიაქარს განვდილი ბოთლი გაუშეშდა. ნახრილმა შემოხედა გამომძიებელს, თითქოს მზერით სცდისო.

„ადამიანური თვალთახედვით? — იკითხა შემდეგ, — იცოდეთ, ეგ სიტყვა სანანებელი გაგისდებათ... გაფრთხილებთ“.

„რატომ?“

გამომძიებელს უფრო და უფრო ერეოდა თვლელა, ლამის სკამიდან გადმოვარდნილიყო.

„იმიტომ, რომ თქვენც მარტო ადამიანური თვალთახედვით ცდილობთ ჩვენს ქალაქში მომხდარი ამბები გამოიძიოთ“.

„რატომ გგონიათ, რომ მიკერძოებულად ვიძიებ საქმეს? — გამომძიებელი უკვე ყვინთავდა, თვალი ეკიჟებოდა, ირწეოდა და ქანაობდა, მაინც არ უშვებდა ხელიდან სერთუქის ქვეშ დამალულ ზარდახშას... ჯერ რა იცით, რას ვაპირებ?! მე ხომ ჯერ ფაქტებს ვაგროვებ“.

„მიზანი დაგავინწყდათ... მიზანი, რისთვისაც ძიება წამოიწყეთ, — აფთიაქარმა სელტერის ბოთლი დახლზე დადგა და თავდაც ზედ ჩამოეყრდნო დახლს, ფეხი ფეხს გადააჯვარედინა ზეზეურად მდგარმა და აგრე დიდრაჯულად უმზერდა მოსაუბრეს, თითქოს მისი წვალებით ერთობაო. გამომძიებელს კი მართლა ცუდი დღე ადგა: სიცხეში სიარულს მოეთენთა და დაღლილობისაგან ქუთუთოები ებლიტებოდა, კინწმონწყვეტილივით ირწეოდა სკამზე, გეგონება სადაცაა ძირს გაიშლართებო. აფთიაქარის სიტყვები სადღაც შორიდან მოესმოდა. თითქოს გვირაბის ბოლოდან აღწევდა შორეული ექო.

„მიზანი? — იკითხა მერე, — რას გულისხმობთ?“

„ძველი ვითარების აღდგენას, სტატუს ქვოს დაბრუნებას, — გამოეხმაურა აფთიაქარი, — განა იმისთვის არ ირწვებით, რომ ქალაქში ისევ კეთილდღეობამ დაისადგუროს? სხვა შემთხვევაში თქვენს ვიზიტს რა აზრი ექნებოდა!.. თქვენი ჩამოსვლის მიზანი ხომ იმ ანომალიის აღმოფხვრაა, რამაც ჩვენი ქალაქის კეთილდღეობა შეაფერხა!.. აპრიორი იგულისხმება, რომ ქალაქის კეთილდღეობა კარგი და მოსანონი რამაა, თორემ სხვამხრივ რად მოინადინებდით ანომალიის გაქარწყლებას?“

„მე მხოლოდ ფაქტებს ვაგროვებ, — თავი იმართლა გამომძიებელმა, რომელსაც უკვე კამათის ნიათიც აღარ ჰქონდა, — ვინ თქვა, რომ კეთილდღეობას ვამართლებ?“

„თქვენ ქალაქმა დაგიქირავათ. ჰოდა, მისთვის ჩვეული ყოფის აღდგენისათვის უნდა გაისარჯოთ... განა ასე არ არის?“

„ფაქტებს ვაგროვებ, — დაუფინა გამომძიებელმა, — ეს წმინდა წყლის ლოგიკური საქმეა... რომელიმე საბუნებისმეტყველო ცდის მსგავსი... განა თქვენც ცდას არ ატარებთ ამ თქვენს ლაბორატორიაში?“

აფთიაქარი ახლა ორივე იდაყვით დაეყრდნო დახლს და თავი უკან გადასწია.

„ნუთუ მართლა გჯერათ, რაც თქვით? ცდას თქვენ კი არა, ისინი ატარებენ, — მან თითი ჭერისკენ აიშვირა და გამომძიებელი მიუხვდა, ვისაც გულისხმობდა, — ნუ დაგავინწყდებათ, რომ თქვენც მსხვერპლი ხართ“...

„მსხვერპლი?“

„იმის უფლებას არავინ მოგცემთ, ქალაქს წინ აღუდგეთ, — ავთიაქარი კვლავ ირიბულად უმზერდა სტუმარს, ფეხის წვერებს ათამაშებდა, — გგონიათ, ეს საქმე გამოგივით? რაც თქვენ ფაქტად მიგაჩნიათ, იქნებ ეგ წინასწარ მოფიქრებული გეგმის ნაწილია... თქვენ კი ფიქრობთ, ნეიტრალიტეტის შენარჩუნებას შეეძლება...“

„მატაკი მაქვს დასაწერი, — თქვა ძილბურანში გამომძიებელმა, — ეგ არის და ეგ“.

ავთიაქარი უცებ გასწორდა და სელტერის ბოთლი დახლიდან აიღო.

„წყალი აღარ გინდა?“

გამომძიებელმა ჭიქა გაუშვირა.

„დამისხით, ოღონდ არ მომწამლოთ... ამ თქვენი წრუნუნასავით“.

ავთიაქარმა სელტერი დაუსხა.

„ჩემი ხელით როდი მოკვდებით, — თქვა სერიოზულად, — თქვენივე შინაგანი წინააღმდეგობა მოგიღებთ ბოლოს, რაკილა ადრე თუ გვიან მიხვდებით, რომ აქ არ უნდა ჩამოსულიყავით“...

„კიდევ დამისხით, — თქვა გამომძიებელმა, რომელიც უცებ გამოფხიზლდა, — მწყურია!“

* * *

ავთიაქაში ბუზმა გაიფრინა და დუმილი გაფხაჭნა. ოთახში გრილოდა, ბინდ-ბუნდი იდგა და წამლების მძაფრი სუნი იყნოსებოდა. თაროების სიახლოვეს ავთიაქარი დაფათურობდა, წამლის ქილებს ანაცვლებდა, თაროდან თაროზე გადაჰქონდა.

გამომძიებელი მდუმარედ უყურებდა მასპინძლის საქმიანობას. თვლემამ გაუარა და უსიამოვნოდ ხვდებოდა სმენას მინას შეხლილი ბუზის ბუზილი.

„კარიერზე ვიყავი მდინარის ვალმა, — თქვა მერე ზარმაცად, — უცნაური კაცი ვნახე... იონა რქმევი... რა კაცია, ვერ მეტყვი?“

ავთიაქარი მისკენ შემობრუნდა.

„ძველად ცნობილი ანარქისტი და ტერორისტი იყო. ახლა გიჟია, თუმცა, მე რომ მკითხვით, ვერც მანამდე დაიკვეხნიდა დიდი ჭკუით... რად გაინტერესებთ?“

გამომძიებელი დუმდა. ბოლოს თქვა:

„ვალდებული ვარ, ყველა ვერსია შევამოწმო“.

ავთიაქარმა დახლს შემოუარა და წინ დაუდგა.

„ის კაცი გიჟია... ამბობენ, ვილაც ქალი უყვარდა და უიმედო ტრფობამ შეშალაო ჭკუიდან... სანამ ქალაქში ცხოვრობდა, მეზობლები ძალით ბანდნენ და ძალითვე კრეჭდნენ თმა-წვერს... მერე გაიქცა და კარიერზე დასახლდა“.

„დიდი ხანია იქ ცხოვრობს?“

მასპინძელმა გაიცინა.

„ტყუილად ფიქრობთ, თითქოს მაგ სულელს რაიმე კავშირი ჰქონდეს ჩვენს ქალაქში მომხდარ ამბებთან. აკი გითხარით, ერთი საბრალო გიჟია და თანაც უწყინარი... არავის ერჩის“...

„კარიერი რად ირჩია საცხოვრისად?“

ავთიაქარმა უცებ არ უპასუხა. დარბაზში გაიარა-გამოიარა. მერე სკამი მოიჩოჩა და სტუმარს წინ დაუჯდა. უკულმა იჯდა სკამზე, ხელები საზურგეზე ჩამოეყრდნო და გამომძიებელს პირისპირ უყურებდა.

„თქვენს ადგილას ეგ მეც დამაეჭვებდა, მით უმეტეს, თუკი მის წარსულს გაიხსენებთ, მაგრამ ახლა სრულიად უწყინარია... დამერწმუნეთ, არც ღირს მაგ კაცზე ფიქრი...“

„აგრე დაჟინებით რატომ იცავთ?“

ავთიაქარი წინ გადმოიხარა და სკამმაც მისი სიმძიმისაგან დაიჭრიალა. ერთხანს დუმდა, მერე თქვა:

„მინდა მცდარ გზას აგარიდოთ“...

„თქვენ რა იცით, მცდარი გზა რომელია?“

ავთიაქარი ისევ აბორგდა სკამზე, თითქოს ეკალი შეესოო. გამომძიებელს გამსჭვალავად უყურებდა და ღრმად სუნთქავდა. ბოლოს, სკამზე შესწორდა და წამოისროლა:

„გამაგებინეთ ერთი, რას იძიებთ: ფაქტს, დანაშაულს თუ ანომალიას?“

„ჯერ არ ვიცი“, — მშვიდად უპასუხა გამომძიებელმა.

„მამ, რატომ ფიქრობთ, ვითომ ქარხანა ტერორისტმა ააფეთქა... კვალი ნახეთ?“

„არაფერი მინახავს, მაგრამ ვალდებული ვარ, ყველა ვერსია შევამოწმო“.

„მე კი გეუბნებით, რომ მცდარ გზას ადგახართ“.

გამომძიებელი ადგა.

„სელტერისთვის დიდი მადლობა“.

ავთიაქარი დაჟინებით უყურებდა სერთუკის ქვეშ გამობურცულ ადგილზე.

„ვხვდები, სადაც ყოფილხართ, — თქვა იდუმალი ხმით, — მაგრამ ვაითუ ვარაუდმა გიმტყუნოთ“...

„მაშინ სხვა ვერსია უნდა გამოვძებნო... გმადლობთ მასპინძლობისათვის“.

ავთიაქარიც ადგა.

„მეცოდებით, — თქვა ხმამაღლა, — ინრო ბილიკით მოგინვეთ სიარული“.

გამომძიებელმა გაუცინა.

„ვერავის დავაბრალებ... პროფესია მაქვს ეგეთი“.

ავთიაქარი ეჭვით უყურებდა.

„ვითომ თქვენი ნებით ირჩიეთ ეს საქმე? უფროსებს რომ არ დაევალებინათ, განა ჩვენს ქალაქში ჩამოხვიდოდით?“

გამომძიებელმა თავი გააქნია და ისევ გაიცინა — მსუბუქად, მორიდებით.

„მართალი გითხრათ, მე დივანზე კოტრიალი და გაზეთის კითხვა მერჩია, მაგრამ რას ვიზამ, სამსახური სამსახურია“.

„მეც სწორედ მაგას გეკითხებით, უფროსებს რომ არ დაევალებინათ, ოდესმე ამ საქმეს ხელს თუ მოჰკიდებდით-მეთქი?“

ახლა გამომძიებელმაც შეხედა მასპინძელს ეჭვის თვალით.

„რა უნდა ვიპასუხოთ?... რას ელით ჩემგან?“

ავთიაქარი გადმოიხარა და ყურადღებით დააცქერდა. მერე უკან დაინია.

„იქნებ მართალიც ხართ და ყველაფერი დივერსიის ბრალია... თავდებად ვერავის დაუდგები... ეგ იონა კი დიდი ოინბაზი ვინმეა... იცით, რა ჰქნა ყმანვილკაცობისას? ტაძარში შეიპარა და საკურთხეველზე თავისი შედგენილი ხელშეკრულების პროექტი დალო“...

„მკრეხელია?“

„ვინ იცის... იქნებ იმასაც ფიქრობდა, მეორე დღეს ხელშეკრულებას ხელმოწერის ვნახავო“...

„მერე, მიიღო ალტქმა?“

„მაგ კაცს სხვისი აზრი არ აინტერესებს... ალტქმაც თავის თავს დაუდო... ტაძარში კი იმიტომ შეიპარა, ეგონა, ჩემი ხელშეკრულება სხვისას სჯობსო“...

„ვითომ აგრე ცუდი იყო მისი პროექტი?“

„იქნებ ცუდიც არ იყო... იქნებ კარგიც იყო, მაგრამ ხელმოწერელი კი დარჩა, — მეაფთიაქემ კვლავ აღმართა თითი ჭერისაკენ, — იმისი, იმ მეორის ხელმოწერა აკლდა...“

გამომძიებელი ცოტა ხანს ჩუმად იყო და რაღაცას ფიქრობდა.

„ყველაფერი გასაგებია, — თქვა მერე, — ჩემი ვერსიის სიმცდარეც სწორად დაგინახავთ... გამოდის, რომ მეც იმ მეორის კვალს უნდა მივყვე“...

აფთიაქარმა თითქოს შვებით ამოისუნთქა.

„ანომალიის არსიც ეგ არის — მინიშნება რაღაცაზე... ფაქტი კი არ შეიძლება ანომალიური იყოს... ფაქტი არაფერს მიანიშნებს... ის ხდება და მეტი არაფერი“...

„იმასაც ამაოდ დაეძებნით, რაც ფაქტს მიღმაა?“

აფთიაქარი რაღაცნაირად გაიზმორა, სხეული გაეშალა, თუ გადიდდა. სახეზე გაურკვეველი ღიმილი მოეფინა.

„ფაქტის მიღმა მხოლოდ ფაქტია, — მკაფიოდ, დამარცვლით თქვა, — საცთურიც ეგაა, ანომალიის მიღმა ისევ ანომალიას რომ ვეძებთ“...

გამომძიებელმა უცებ შეხედა მასპინძელს და თვალი აღარ მოაშორა. აფთიაქარს თითქოს ისევ ღიმი ემჩნეოდა სახეზე, მაგრამ ნაკვეთები გაჰქვავებოდა და თაბაშირისაგან ჩამოსხმულს უგავდა. ჟილეტქვეშ შეეყო ხელები, უძრავად იდგა.

„ეგრე როგორ ცხოვრობთ? — ხმა გაიღო გამომძიებელმა, — არ გიმძიმთ განა?“

აფთიაქარმა გაიცინა.

„ანომალიური იქნებ ჩვენი ცხოვრება იყოს... როგორც ამ ბუზისა, თავს რომ დაგვბუზის და მის ბუზილშიც ანომალიის ექო ისმის... რა გგონიათ, ვინმეს რომ სკალპელით სამყაროს გაკვეთა მოეხერხებინა, მსგავსი სამყაროს სახით ისევ ანომალიას არ წააწყდებოდა?..“

ახლა გამომძიებელმაც გაიცინა.

„სახალისო მეტაფიზიკას კი ქადაგებთ, მაგრამ უნდა წავიდე“.

„სად გეჩქარებათ?“

„პატაკი მაქვს შესადგენი. უფროსები ჩემს ანგარიშს ელოდებიან“.

„იმათ სადღა ეჩქარებათ?“

„ვერაფერს გეტყვით იმის გარდა, რომ განანესს უნდა დავემორჩილო და მოხსენება დროულად შევადგინო... ნახვამდის“.

გამომძიებელი კარისკენ გაემართა. აფთიაქარი მიჰყვა.

„ხვალ შემოვივლით, რაღაც მაქვს დასაზუსტებელი, — გამომძიებელი ღია კარში შემოტრიალდა, ცალი ხელი სახელურზე ედო.“

„როცა გენებოთ მობრძანდით. შუალამეც რომ იყოს... უძილობა მჭირს, თანაც, როგორც ნახეთ, ცდებს ვატარებ. დღისით ამისთვის ვერ ვიცლი, ღამით კი ხელს არავინ მიშლის“.

„იმ თეთრი თავგვივით ჩემზეც ცდის ჩატარებას ხომ არ აპირებთ?“

აფთიაქარმა თავი გადააქნია.

„აკი გითხარით, სხვისგან არაფერი დაგემართებათ. თქვენივე ეჭვიანობა მოგკლავთ“.

გამომძიებელს სახე შეეჭმუხვნა.

„ძიება მართლა საეჭვოდ მიგაჩნიათ?“

აფთიაქარმა ნიკაპი მოისრისა.

„ეგ თქვენვე უნდა გადაწყვიტოთ... სხვებისთვის თუ არა, თქვენთვის თუ არის აუცილებელი“...

გამომძიებელი ჩაფიქრდა, მერე კარი ბოლომდე გამოაღო, ზღურბლი გადაიარა. კარაპანიდან რომ ჩადიოდა, აფთიაქარი აივანზე გამოვიდა, მოაჯირს გადმოეყუდა და ხმა-მალღა დაუძახა:

„იცით, ის გოგო ვინ იყო, თქვენ რომ შეგხვდათ?“

გამომძიებელი შემობრუნდა.

„პოლიცემისტერის ქალიშვილი, — აფთიაქარი წელში გაიმართა და გამომძიებელს გამარჯვებული მთავარსარდალივით ზემოდან დაჰყურებდა, — როგორც ხედავთ, ძიებით მარტო თქვენ როდი ხართ დაინტერესებული“...

გამომძიებელმა თავი დაუქნია.

„ხვალ შემოვივლით... ვისაუბროთ“.

მიბრუნდა და ჩქარი ნაბიჯით წავიდა სასტუმროსაკენ. აფთიაქარმა თვალი გააყოლა, მერე ცას ახედა, წაუსტვინა და ისიც შინ შებრუნდა.

დარკილული ზარდახშის ფსკერზე მედალიონი და ნაბლისფერი თმის კულუღი იდო. გამომძიებელი დიდხანს სინჯავდა ლუპით მედალიონში ჩანებულ ქალის ფოტოს. შავგვრემან ქალს მბრძანებლური, ამპარტავნული სახე ჰქონდა, ფოტოზე პროფილით აღებუქდათ და ისე ჩანდა, თითქოს ვინმე უხილავს უმზერდა მომწუსხავად, თუმცა ის მეორე ფოტოზე არ ჩანდა. მედალიონის მინის ხუფზე ინიციალები ამოეკანრათ. გამომძიებელმა რამდენჯერმე უანგარიშოდ ახსნა და დაახურა ხუფი მედალიონს, თან ხუფის ტკაცანს უსმენდა, მერე ზარდახშაში ჩაიხედა, ფსკერს ხელი მოუფათურა — ასეთ ზარდახშაში ჩაიხედა, ფსკერს ხელი მოუფათურა — რომელთა შუაგულად შეიძლება საიდუმლო ქალადი დაგემალა, მაგრამ ძველი ზარდახშა ისე დაეჭამათ ჭიებს, ფსკერზე ნახვრეტები ილანდებოდა... გამომძიებელმა ფანჯრისკენ შეაბრუნა იგი და ჩამავალი მზის შუქზე გახედა ფსკერს... ზარდახშა მართლა არაფერს მალავდა იმის მეტს, რაც ხელთ ჰქონდა უკვე — მედალიონს და თმის კულულს, თუმცა არც ეს იყო ურიგო ნივთმტკიცება... გამომძიებელმა კიდევ ერთხელ ახსნა ხუფი მედალიონს და ფოტოს თითქმის სინანულით დააცქერდა. ვინ იყო ეს ქალი? ცოცხალია თუ არა? ...თავი გადააქნია და მედალიონი მაგიდის უჯრაში შეინახა, სადაც სამსახურებრივი ქალადლები ჩაენყო უკვე. მერე სამოსი გამოიცვალა, ზარი დარეკა და სასტუმროს ბიჭს სადილი მოატანინა... ცოტა ხანს გაზეთის კითხვით ერთობოდა, შემდეგ გაზეთი მაგიდაზე მიადგო და პატაკს ჩაუჯდა. შელამებამდე წერდა და არ გაუგია, როგორ ჩამობნელდა. დაისი ჩაქრა თუ არა, თითქოს ამას ელოდაო, ტანსაცმელი გაიძრო და ლოგინში შეძვრა. დაქანცულს მაშინვე ჩაეძინა და შუალამემდე გაუძმრევლად ეძინა, თითქოს ბანგმა კინწი მოსწყვიტაო.

შუალამისას წვეთების ტკაპუნმა გააღვიძა — წვიმა ხმა-
ურობდა მეზობელი სახლის ყავარზე. გამომძიებელი ადგა
და ფანჯარაში გაიხედა. ობობას ქსელივით გაბმულიყო
წვიმის ფარდა ცასა და მიწას შორის. წელი დგანდგარი ის-
მოდა და შორეული გუგუნის ექო... ქალაქი თითქოს ჩამკვ-
დარიყო. სულიერის ჭაჭანება არ ისმოდა... ძაღლებიც კი არ
ყეფდნენ. მარტო ორჯერ გაუფრინა სარკმელს რომელი-
ღაც დამფრთხალმა ღამის ფრინველმა და ფარვანა აფა-
თურდა რაფაზე... გამომძიებელი კისერგანვდილი იყურე-
ბოდა ბნელში იმ იმედით, რომ ქალაქს ცვლილებას შეამჩ-
ნევდა, მაგრამ ღამის უბეში მიმალული სახლები მტკიცედ
მაღავდნენ საიდუმლოს...

„ამოწყდნენ თუ რა არის?..“ — ხმამალა გაიფიქრა გა-
მომძიებელმა, შემცივნულმა ხელები გააქნია და ისევ ლო-
კინში შეძვრა. წვიმა უფრო გამეტებით არაა უნდა სახურავ-
ზე, დგანდგარი კი ღრიალად იქცა და გუგუნიც მოძლიერ-
და... გამომძიებელი გატრუნული უსმენდა სტიქიის ხმა-
ურს, არაფერზე ფიქრობდა... მერე ჩაეძინა და დილამდე
ალარაფერს შეუშფოთებია. ახალშობილივით უსიზმროდ
ეძინა, უსხეულმყოფელად, თითქოს სიცარიელეში ისრო-
ლეს და სადღაც მიექანებოდა, თუმცა ნაპირი და მიჯნა არ-
სად ჩანდა...

წვეთები ცრემლივით ბრჭყვიალებდა ფოთლებზე, რო-
ცა ქარმა წამოუბერა და ხეებს წინწკალი დააყრევინა. მთე-
ლი დღე ქროდა უსიამო ჭალიკონი, დაუზარებლად რომ
მოჰქონდა კირქვისა და ლპობის სუნი მდინარის მხრიდან.
ქუჩებსა და მოედნებზე ისევ იდგა ხაშმიანი ფუბები, რომ-
ლებშიც დამჭკნარი ყვავილის ფურცლები გადევრავდა...
ფარდულებისა და სახლების სახურავები გადაერეცხა წვი-
მას, ყორებისა და კედლებისთვის ფერი ეცვლევინებინა,
ბაზრის მოედანსა და მანჯურიელი გან ბაოს დუქანს შორის
კი, ხიდქვეშ, ადიდებული ღელე მოედინებოდა. მერეხს მო-
ხუცი მანჯურიელის დუქანიც გვარიანად შეელანძლა —
დამპალი ფიცრები ძნელად შრებოდა მზეზე. ქალაქის თავ-
ზე თვალთ შეუმჩნეველი ომხივარი დაცურავდა. ხასხასა
ჰაერში სირთა გაუთავებელი გნისი იდგა და მკაფიოდ ის-
მოდა ქალაქის მინავლული ხმაურიც — ეტლის რახრახი თუ
ურმის ჭრიალი, ძაღლის ყეფა და შეშის ჩხის ექო... ქალაქი
თითქოს გამოსხნოდა ლეთარგიულ ძილს, მაგრამ წამოუ-
ბერა ქარმა და ისევ მოგრაგნა ღრუბლები ცაზე; ქალაქსაც
თითქოს მრუმე ჩრდილი დაანვა, ჰაერი ჩაბნელდა და ჩა-
ლუსკუმდა, თითქოს ადამიანთა ეს საცხოვრისი ხუფის
ქვეშ მოექცაო.

გამომძიებელი გუბეებს ახტებოდა და ბაზრის მოედ-
ნისკენ მიაღაჯებდა. სერთუკის საყელო წამოენია, კარტუ-
ზი შუბლზე ჩამოეფხატა, წელში მოხრილი ისე მიაბიჯებდა,
თითქოს ვინმეს გაურბის ან ემალებოდა. მოედანზე რომ გა-
ვიდა, შეჩერდა და აქეთ-იქით მიმოიხედა, მერე ხიდისკენ
გასწია. მოდიდებული ღელე მიექანებოდა მის ფეხქვეშ. კა-
ცი ჩაფიქრებული უცქერდა მღვრიე, ჭუჭყიან წყალს, სი-
ბინძურე რომ მოეხვეჭა და მდინარისკენ მიჰქონდა. ხიდი-
დან მანჯურიელის დუქანთან გავიდა და ტალახიან ორლო-
ბეში შეუხვია. ყურადღებით აკვირდებოდა ჭიშკრებს, რამ-

დენჯერმე შეჩერდა და გაიხედ-გამოიხედა, მაგრამ სულიე-
რი არ შეხვედრია. კაცმა უფრო ღრმად ჩამოიფხატა კარ-
ტუზი, მხრები აიწურა და სწრაფად გააღაჯა.

ქეჩერუხზე, ქუჩის ბოლოს, ბაღში მიმალულ ორსართუ-
ლიან სახლთან შეჩერდა. ბაღს ქვის მაღალი გალავანი ერ-
ტყა. გამომძიებელმა გალავანს შემოუარა და კუტიკარი შე-
ალო. ბაღი სანახევროდ ვაზის ხეივანს დაეფარა. ვაზებს
შორის ჟოლო და ხურტკმელი ჩაერგოთ. შრამელებს შორის
ბეტონის ბილიკით გამომძიებელი უხმოდ მივიდა სახლამ-
დე, თან ფრთხილად იყურებოდა გარშემო. ვაზის ხეივანქ-
ვეშ ნაგვიანევად ჰყვოდნენ ასტრები, ჭანჭურისა და ქლი-
ავის ხეებს კი კვლავაც ელო კირქვის მტკერი, წვიმასაც
რომ ვერ ჩამოერეცხა. შეუღესაც კედელთან ტახტი იდგა.
ბაღისკენ მიქცეულ მხარეს სახლს კიბე ჰქონდა. გამომძიე-
ბელი შეჩქეფული შედგა კიბესთან. მეორე სართულის ღია
ფანჯრიდან უცებ გრამოფონი ახრიალდა — ვალსს უკრავ-
დნენ. გამომძიებელმა აიხედა და ფანჯრიდან გადმოყუდე-
ბული პირბადიანი ქალი დაინახა. ქალიშვილი ისე გადმოი-
ნია რაფიდან, თითქოს გადმოვარდნა სწადიაო, კაცს ხელი
დაუქნია და მოუთმენლად შესძახა ისე, რომ გრამოფონის
ხმა დაეფარა:

„ამოდიო, რას დგახართ?“

გამომძიებელმა მსუბუქად აირბინა კიბე, ოთახის კარი
შეაღო. მაღალჭერიან, დარბაზივით დიდი ოთახის შუა-
გულში პოლიცემისტერის ქალიშვილი იდგა: თეთრი სამოსი
ეცვა და შავი ვუალით დაეფარა სახე. გამომძიებელმა წამი-
ერად შეავლო მზერა ოთახის მორთულობას, მაგრამ ქა-
ლიშვილმა აღარ აცალა — მიეჭრა და კუთხეში მდგარი
დივისიკენ უბიძგა. ცალი ხელით კი კარი გადარაზა.

„იჩქარეთ, დრო ცოტა გვაქვს!“ — ნასწურწულა და ახ-
ლა გრამოფონისკენ გაექანა, სახელური გადაატრიალა.
ვალსის ხმაც უფრო ძლიერ გაისმა. გამომძიებელი დივანზე
დაჯდა დორსა და ბალიშებს შორის, ფეხი ფეხზე გადაიდო
და მასპინძელს მიაჩერდა. ქალიშვილი ისევ გრამოფონს
დასტრიალებდა, მისკენ ზურგი იდგა. მერე შემობრუნდა
და ხელებჩამოშვებული გაჩერდა გამომძიებლის წინ.

„მოიტანეთ?“ — იკითხა ჩამწყდარი ხმით.

„რა?“

„წერილები“.

„წერილები?“

ქალიშვილმა ანჩხლად დაბაკუნა ფეხი იატაკზე.

„მდინარის გაღმა კარიერზე ხომ იყავით?“

„ვიყავი. აკი იქ გნახეთ პირველად“.

„განდგილის წერილებიც ხომ წამოიღეთ იქიდან... ის
წერილები მჭირდება“.

გამომძიებელი შეინძრა და ზურგსუკან დორი შეისწო-
რა. ამ ოთახში ავეჯიც და დგამიც კომფორტული იყო.

„თქვენნი მოსაწვევი რომ გადმომცა სასტუმროს მსა-
ხურმა, მეგონა უფრო სერიოზულ თემაზე სასაუბროდ მი-
ბარებდით... როგორც ჩანს, შეეცდი... ფრიად ექსცენტრუ-
ლი ბრძანებულხართ“.

„თქვენ ხომ არ იცით, ეგ წერილები ჩემთვის რაოდენ
მნიშვნელოვანია“.

გამომძიებელი მოიღუშა.

„ქურდობას მწამებთ. წერილები რომ მენახა კიდევ,
გგონიათ, უკითხავად წამოვიღებდი?“

მასპინძლის თვალბემა ავად გაკვესა.

„ნუ თვალთმაქცობთ. დაგინახეთ, სერთუკის ქვეშ რასაც მაღავედით“.

გამომძიებელმა ჩაიცინა.

„კარგით, გნებდებით... ფასზე შევთანხმდეთ“.

„ფასზე?“

„ჰო, ფასზე... გეგონათ, მუქთად დაგიტომობდით?... გამომძიებელი დორს გადაწვა და ქალიშვილის შეცბუნებით აშკარად ერთობოდა, — ისეთი კაცისაგან, ვინც სხვის წერილებს იპარავს, ალტრუიზმს ტყუილად გამოელოთ“.

ქალიშვილმა კიდევ ერთხელ დასცა ფეხი იატაკს.

„სულმდებალო არსებავ, რას ითხოვთ ჩემგან?“

„აკი თქვით, რომ ეგ წერილები თქვენთვის ძვირფასია?..“

მასპინძელმა კისრიდან ბრილიანტის ფარლული შეიხსნა და კაცს გაუნოდა.

„თქვენნაირი ხარბი ადამიანიც ვერ იტყვის, რომ მცირე საფასურს ვთავაზობთ... აიღეთ და წერილები მომეცით“.

გამომძიებელმა ფარლული ჩამოართვა, ხელში შეატრიალა, მერე სართუკის ჯიბეში უბოდიშოდ ჩაიჩურთა.

„მიდინხართ?“ — შესძახა ქალიშვილმა, როცა დაინახა, რომ გამომძიებელი დივნიდან ადგა და კარისკენ გაემართა, — იცოდეთ, აქედან ვერ გახვალთ, სანამ წერილებს არ გადმომცემთ“.

ის უცებ მოსხლტა და კარებს აეფარა.

„ნუ ლელავთ, კარგო ქალიშვილო, — გამომძიებელმა სახელურისკენ გაინოდა მარჯვენა ხელი, — ერთი, რომ არაფერი ვიცოდი, რისთვის მიბარებდით, ამიტომაც, ბუნებრივია, წერილები არ წამომიღია; რომც წამომეღო, ასე ნაუცბათევეად არც გადმოგცემდით, რადგან ერთმანეთს თითქმის არ ვიცნობთ. თუ ბორანზე ექსცენტრულ შეხვედრას არ ჩავთვლით; უმთავრესი კი ისაა, რომ თქვენი საფასური წერილებისთვის უკმარია“...

„დედაჩემის ნაჩუქარი მარგალიტები გეცოტავებათ? იცით კი, რა ღირს?“

„მაგ ფარლულით ქვეყნიერების ყიდვაც რომ შეიძლებოდა, წერილების დასაბრუნებლად მაინც არ გეყოფათ... მე სხვა რამეს ვითხოვ“, — გამომძიებელმა სახე ახლოს მიუტანა და იმ ადგილას ჩააშტერდა ქალიშვილს, სადაც პირბადით დაფარული თვალები ეგულეებოდა. გოგო მის წინ აპკრობოდა კარს, ღრმად სუნთქავდა.

ერთხანს დუმდნენ, ბოლოს ქალიშვილმა ხმა გაიღო:

„შელამებისას გაუქმებულ ქარხანასთან მოდიო... ვერავინ დაგვინახავს, — მან კარის საკეტი ახსნა და სანახევროდ გამოალო, მერე კაცს მაჯაში მისწვდა, — ფარლული დამიბრუნეთ“.

„ვერა, ვერ მოგცემთ, — მტკიცედ თქვა კაცმა, — ვაითუ მოსვლა გადაიფიქროთ“.

ქალიშვილი შეყოყმანდა. მერე ზურგში უბიძგა.

„ნადით, თვალთ ალარ დამენახოთ“...

გამომძიებლის ზურგს უკან კარი გაჯახუნდა. მან ჯიბეში ჩაიყო ხელი, მარგალიტების აცმა მოსინჯა და კიბეზე ღიმმორეული დაეშვა.

* * *

მთავარანგელოზის მახვილივით წაგრძელებული ღრუბელი დადგა საკირეების თავზე და მისი ჩრდილი მდინარეს დაეფინა. ქარი ისევ უბერავდა, ოღონდ ქალიკონმა მიმართულება იცვალა და ახლა სამხრეთიდან ქროდა. მიწა სწრა-

ვად შრებოდა. გუბეთა პირას კი ბაღლის ამონასუნთქივით ცახცახებდა ნანვიმარი წყლის ანაორთქლი.

გამომძიებელი იმავე გზით ბრუნდებოდა ბაზრის მოედანზე. სანამ ხიდთან მივიდოდა, მანჯურიელის დუქანთან შედგა და შიგ შეიჭვრიტა. დუქნის უკანა ოთახში გან ბაო იჯდა და სახეზე იდიოტური ღიმილი ეფინა. გამომძიებელმა თავი დაუქნია მისალმების ნიშნად, მაგრამ მოხუცმა, როგორც ჩანს, ვერ შენიშნა სტუმარი, იჯდა და გამომძიებლის მხარს იქით უხილავს უღიმოდა.

დუქნის წირთხლებზე ისევ წითლად ლაღანებდა ორი ფარანი და ყალყზე შემდგარი დრაკონებიც ისე მკვეთრად ჩანდნენ, სადაცაა გაცოცხლებიანო. გამომძიებელმა ნკიპურტი ჰკრა ერთ-ერთ მათგანს, თითქოს ამომშებს, მართლა სულიერი ხომ არ არისო და მერე თავის ქნევით გაცვალა იქაურობას. ის იყო ხიდზე ფეხი შედგა, დუქნის უკნიდან ჭრელი ლეკვი გამოძვრა და ფეხებში გაუგორდა. გამომძიებელი დაიხარა და ლეკვი ქეჩოთი აიყვანა.

„სად იყავი, შე ნუნკო?“ — დრუნჩხე ნკიპურტი გაჰკრა და, რაკი ლეკვმა ყეფა ატეხა, დასვა მიწაზე. — ვიცოდე მაინც, სად დაძვრებოდი?“

ლეკვი კვლავ ყეფდა და გამომძიებელსაც ღიმილი უნათებდა სახეს. ის სწრაფად მიაბიჯებდა მოედანზე. უკან ჭრელი ლეკვი მისდევდა. ბელურები ჟიჟივებდნენ ჩირგვებში. ქარი კისერში უძვრებოდა. გამომძიებელი ხალისიანად მიაბიჯებდა და დროდადრო სერთუკის ჯიბეში მარგალიტის ფარლულს სინჯავდა — ეს მორიგი ნივთმტკიცება იყო, არიადნეს გორგალივით რომ მიჰყავდა მიზნისაკენ...

სადალაქოს კარს ნაცნობი ფიგურა მოსცილდა და გამომძიებელმა აფთიაქარი დაინახა. როგორც სჩვეოდა, ის შუა ქუჩაზე გაჩერდა და ჯიბეებში ხელებჩაყოფილი, ისე იდგა, თითქოს კორიდაზე ხარის გამოვარდნას ელოდებო.

„წარღვნასაც მოვესწარი!“ — ისე შეჰყვირა აფთიაქარმა, სადალაქოს სახურავზე შეყრილი ბელურები დააფრთხო, — ხომ გაფრთხილებდით, ასეც მოხდება-მეთქი“...

გამომძიებელი შედგა და თავის დაკვრით მიესალმა.

„რაც გიცნობთ, აფთიაქს გარეთ არ მიწახიხართ, — თქვა მერე, — სალამო მშვიდობისა“.

„ძველი მეგობარი გიპოვნიათ, — მეაფთიაქემ ლეკვს გვერდულად გახედა, — თანამემნედ წვრთნით, თუ“...

„ამ ქალაქში ვინმე მაინც მჭირდება, ვინც სწორ კვალზე დამაყენებს... ვინმე, სულიერი“, — ახლა გამომძიებელმაც მოუხედა ლეკვს და დაუნრუჰუნა.

ლეკვმა შეჰყეფა.

„ნამდვილი ცერბერია, — აფთიაქარი დაიხარა და ლეკვს მოურიდებლად სწვდა კუდში, — თქვენ ის თქვით, ჯოჯოხეთში ჩასვლას თუ ისურვებდით“...

მან კუდით აიტაცა ლეკვი და ჰაერში ააპრონილა.

„გაუშვით, ნუ აწვალბთ, — გამომძიებელი მხრებანურული იდგა, აფთიაქარის საქციელმა შეაცბუნა, — თუ ესეც საცდელი ცხოველი გგონიათ?“

„აკი გითხარით, ცდას ისინი ატარებენ-მეთქი, — აფთიაქარმა ლეკვი დასვა და გაშლილი მკლავი ცისკენ გაიშვირა, — თუკი იქ, ზემოთ, ვინმე მართლა არსებობს, იმაზე დიდი ოხუნჯი არავინაა“.

„რამე გაიგეთ?“ — პირდაპირ ჰკითხა გამომძიებელმა.

„განდევილი იონა დაუჭვრიათ... პოლიცემისტერის ბრძანებით, — აფთიაქარი გვერდულად ედგა გამომძიებ-

ბელს და ისე აკვირდებოდა. გამომძიებელმა ნელა შეხედა მოსაუბრეს. აფთიაქარმა ტუჩი მოილოკა. — არ დამიჯერეთ, როცა გარწმუნებდით, მაგ კაცის ბრალეულობის ვერსია მცდარია-მეთქი“...

„მაშ, მე მბრალდება ეგ ამბავი?“ — გამომძიებელმა რატომღაც ისევ მოსინჯა ჯიბეში ფარლული.

„ყოველ შემთხვევაში, მიზეზი თქვენ ხართ... კარიერზე რომ არ დაგენჯოთ სიარული, ვინ იცის, ის საბრალო გიჟი ახლაც თავისუფალი ყოფილიყო“.

„ახლა რა უნდა ვქნა? პოლიცემისტერთან მივიდე და ვთხოვო, ის კაცი გამოუშვას?“

„პირადი მტრობა აქვთ. ვერაფერს გახდებით“.

„როგორ თუ პირადი მტრობა?“

აფთიაქარმა გაიხედ-გამოიხედა და მერე მისკენ გადამოიხარა.

„ხომ გახსოვთ, გითხარით, ეგ იონა სატრფოს ღალატის შემდეგ შეცდა-მეთქი ჭკუაზე... ჰოდა, ის ქალი პოლიცემისტერის ცოლი იყო“...

„იყო?“

„მოკვდა ის ქალი, თუმცა ამბობენ, გათხოვების შემდეგ იონასთვის რამდენჯერმე წერილი მიუწერიაო... პოლიცემისტერი გამწარებული დაეძებს იმ წერილებს, რაკი ჰგონია, რომ შიგ მისი მამხილებელი კომპრომატებია... ქალს ცუდად ექცეოდა და იმანაც ყოფილ მიჯნურს სთხოვა შეეღა“...

„ჩემს ჩამოსვლას უცდიდნენ? აქამდე სად იყო ის მაცხოვრებული პოლიცემისტერი?“

აფთიაქარმა გაიღიმა.

„ვერც კი წარმოიდგენთ, ქალაქი როგორ ააფორიაქეთ... ეგრეა, ზოგჯერ გგონია, ჩვეულ წესს მივდეგ და სამსახურებრივ მოვალეობას აღვასრულებო, მაგრამ წინ ვის გადაეღობებით, ამას ვერ გამოიცნობთ... ჩვენი სულელი იონა კი დღემდე ჩუმად იმითომ იყო, შემწე არავინ ჰყავდა. გუშინ კი კარიერის მუშებისთვის უთქვამს, გამომძიებელს, როგორც მხსნელს, ისე ველოდი და ყველაფერს გავუმხელო... პოლიცემისტერმაც აღარ დაახანა და საკანში გამოკეტა, ბევრი რომ არ ილაპარაკოს“.

„თუ გიჟია, მის ჩვენებას ძალა არა აქვს“, — დაფიქრებით თქვა გამომძიებელმა

„წერილები დაგავინყდათ... პოლიცემისტერს ჰგონია და ასეც უნდა იყოს, რომ იქ იოლად იპოვნით კომპრომატებს“.

„ჰო, მაგრამ მე ხომ კერძო საქმის გამოსაძიებლად არ ჩამოვსულვარ! ჯანდაბამიც წასულა თქვენი პოლიცემისტერი თავის კომპრომატებიანად... მისი სამხილი არად მჭირდება. მე სხვა ნივთმტკიცებებს ვეძებ“...

აფთიაქარმა ისევ გაიღიმა.

„მაპატიეთ და გამოუცდელი ყოფილხართ... განა ყველა ფაქტი სამხილი არ არის? ფაქტებს თუ ეძებთ, ყველაფერი, თვით უმნიშვნელო წერილმანიც კი, ნივთმტკიცებად გამოგადგებათ... რაც ერთი შეხედვით კერძო საქმე გგონიათ, იქნებ უმთავრესი ის იყოს მაგ თქვენი ძიებისთვის... სხვანაირად კვალს როგორ მიაგნებთ?“

გამომძიებელმა ქუდი მოიხადა და ოფლიანი შუბლი მოინმინდა.

„თქვენი ვერაფერი გამიგია... ჯერ იყო და განდეგილის ბრალეულობის ვერსიას მცდარი უწოდეთ, ახლა კი მარწ-

მუნებთ, ძიება სწორედ მისგან განვაგრძო... რალაც შეუსაბამობა გამოდის“...

აფთიაქარი მისკენ გადმოიხარა და სახეში ნაზად ჩააცქერდა.

„შეუსაბამობად იმითომ გეჩვენებათ, რომ ძიებას დანაშაულისა და ბრალის მიხედვით უდგებით!.. თქვენი შეცდომა ის არის, ფაქტებს რომ ჩვეული პოზიციიდან განიხილავთ, თუმცა ეს იმდენად შეცდომა როდია, რამდენადაც ადამიანური გონის ბუნებრივი ცთომილება... ამიტომაც ფიქრობთ, თუკი დანაშაული მოხდა, დამნაშავეც აუცილებლად უნდა იყოსო... ეს სამყაროს თეოლოგიურ ახსნას ჰგავს, როცა ივარაუდება, რაკი სამყარო არსებობს, შემქმნელიც უნდა ჰყავდესო... პირიქითაც ხომ შეიძლება ვიფიქროთ: დამნაშავე არსებობს, მაგრამ დანაშაული — არა“...

„თქვენი კალამბური მაინც ვერ გავიგე, — გამომძიებელი შუბლს იმშრალეზდა ხელში მოჭმუჭვნილი კარტუზით, როგორც მთიბავებმა იციან ხოლმე სიცხეში, — პოლიცემისტერის საქმესა და ჩემი ძიების საგანს შორის კავშირს ვერ ვხედავ... კომპრომატები კიდევ რომ არსებობდეს, ანომალიასთან რა კავშირი აქვს?“

აფთიაქარმა სინანულით გადააქნია თავი.

„შეთქმულების ვერსია დაგავინყდათ. ისიც გაიხსენეთ, რომ ამქვეყნად შემთხვევით და უმიზეზოდ არაფერი ხდება“.

„ძიების მეთოდს მიწუნებთ?“

„სრულიადაც არა... თქვენი პროფესიონალიზმი იოტისოდენაც არ მაეჭვებს, მაგრამ მაინც გაკვალულ გზას მიჰყვებით, — აფთიაქარმა ნიკაპი მოიფხანა, — თქვენამდე აქ ინჟინრები და გეოლოგები იყვნენ და ყოველი წვრილმანი შეისწავლეს, მაგრამ ნგრევის მიზეზს კი ვერ ჩასწვდნენ... არა მგონია, მათ მიერ მოკვლულ ფაქტებს ბევრი რამ მიუმატოთ. ამიტომაც დაგიჟინეთ, ძიება სხვა მხრივ უნდა წარმართოთ-მეთქი“...

„ესეიგი დანაშაულისა და ბრალის ცნებებზე უარი ვთქვა“...

„ეგ თქვენი გადასაწყვეტია... მე იმას მიგანიშნებთ, რომ მიზეზს ტყუილად ეძებთ... უფრო სწორად, ამ საქმეში ყველაფერი მიზეზია“...

გამომძიებელს უმწეობა დაეცყო სახეზე.

„დავიბენი, — თქვა მერე, — მარტო იმას ვხვდები, ჩემი პროვოცირება გინდათ, მაგრამ ანომალიისა და ქურდბაცაცა პოლიცემისტერის გაიგივება მიჭირს“...

აფთიაქარმა ისევ გადააქნია თავი.

„როგორ ვერ ხედავთ, თუკი ყველაფერი ამას მიანიშნებს? ცოტა სხვა თვალთ რომ ჩაკვირვებოდით დეტალებს, მაშინვე მიხვდებოდით, რატომ არ შენდება ჩვენს ქალაქში საზოგადოებრივი შენობები და რატომ უწოდებენ ამას ანომალიას“...

„სხვა რალა შეიძლება ეწოდოს?“ — გამომძიებელი ისევ შეცბუნებული იდგა და ეტყობოდა, დაძაბული ფიქრობდა. ქუდი ხელში შერჩენოდა, დახურვა არც გახსენებია. ვერც მოსაუბრეს ამჩნევდა თითქოს, თუმცა კი მის ნაუბარს ძალზე დაეფიქრებინა.

„ანომალიად იმას მივიჩნევთ, რაც ჩვენი ადამიანური გონის შესაძლებლობებს სცდება, — თქვა მუაფთიაქემ, — რაკი ყველაფერი მყარად დადგენილი გვეგონია, იმითომაც ვფიქრობთ, თუ ბუნებრივი კანონზომიერება ირღვევა,

ანომალიაც ეგააო... თქვენი კარგად მესმის... თუ მოვლენის ან ფაქტის ზებუნებრიობას ვაღიარებთ, მაშინ ძიების ჩვეულ მეთოდებზეც უნდა ვთქვათ უარი... მიზეზ-შედეგობრივი კვლევა ამ შემთხვევაში არ გამოგვადგება, მაგრამ ანომალია მარტო ნგრევა როდია... აი, მაგალითად, დანგრეული ქარხანა რომ თავისით შენდებოდეს, ეს თუ იქნებოდა ანომალია, როგორ ფიქრობთ?”

„ეგ ჯოხის მეორე ბოლოა და თეოლოგიურ ახსნამდე მივყავართ“, — გაეპასუხა გამომძიებელი.

„რაც გინდათ თქვით, ეს მაინც მწყობრი ვერსიაა, რომლის გათვალისწინება არ განყენდება“, — აფთიაქარი ახლა გვერდულად უმზერდა მოსაუბრეს, როგორც სჩვეოდა, ჯიბეში ხელეები ჩაენყო და სახეზე უდარდებლობა ემჩნეოდა, — განა უფრო იოლი არაა ვიფიქროთ, რომ ღმერთი გვსჯის ჩვენი ცოდვებისათვის, ვიდრე ამოუცნობი მოვლენის არსში წვდომას ვცდილობდეთ?”

გამომძიებელი თავდაღუნული უსმენდა. ქუდი ორივე ხელით ეჭირა.

„ღმერთი თუ გვსჯის, ყველას თანაბრად უნდა გვსჯიდეს, რადგან ყველანი ცოდვილნი ვართ... ასე გვარწმუნებენ თეოლოგები... თქვენს ვერსიას ლოგიკა აკლია... სხვა შემთხვევაში მარტო თქვენს ქალაქს რად მოუვლენდა სასჯელს?“

აფთიაქარმა ტუჩები მომუნა, თითქოს დასტვენას ცდილობსო.

„სოლომ და ლომორა გაიხსენეთ... განა რა ისეთი ცოდვილნი იყვნენ მათი მცხოვრებნი, მაგრამ ღმერთმა მაინც უწყალოდ დააქცია ეს ქალაქები... ეგრეა, ღვთის ქმედების მოტივს ვერასოდეს ამოვიცნობთ... ამიტომაც გირჩიეთ, ძიებას სხვა მხრივ შეხედეთ-მეთქი“.

„უკან გავბრუნდე? — იკითხა გამომძიებელმა, — თუ ამ მოვლენებში ღვთის ხელი ურევია, აქ აღარაფერი მესაქმება“...

„უფროსებს რომ უნდა წარუდგინოთ, იმ მოხსენებაში რაღას ჩასწერთ: ძიებაზე ხელი ვინ ამაღებინაო. რას ეტყვიოთ?“

გამომძიებელმა ქუდი დაიხურა.

„სადაც ღვთის განგება მოქმედებს, იქ ადამიანი უძლურია, — თქვა მერე, — გამოდის, ეგ საქმე თეოლოგებისთვის დამილოცნია“.

„თქვენ ვინა ხართ? — ცნობისმოყვარედ ჩაეკითხა აფთიაქარი, — ბრძოლის ველიდან ისე გარბიხართ, არც კი გინდათ შეიტყოთ, რა დაგავალეს და რა აღასრულეთ?“

გამომძიებელმა ნერვიულად მოისრისა ცხვირი.

„მაგას უკვე დიდი მნიშვნელობა როდი აქვს... დიდი-დიდი სამსახური დავკარგო... კრიმინალისტობა მაინც არ მიტაცებს... უფრო უსაქმობა მირჩევნია, — ის შეეცადა გაელიმა, მაგრამ ღიმილი როგორღაც დაბნეული გამოუვიდა.

აფთიაქარი მისკენ გადმოიხარა და მოულოდნელად ორივე მხარში სტაცა ხელები. ისე ახლო იდგნენ, გამომძიებელს მისი სუნთქვა ესმოდა.

„გახსოვთ, გკითხეთ, უფროსებს რომ არ დაევალებინათ, ეგ საქმე თუ დაგაინტერესებდათ-მეთქი?.. ისიც თუ გახსოვთ, რა მიპასუხეთ? ანომალიის ძიებას დივანზე წოლა და გაზეთების კითხვა მირჩევნიაო, აგრე თქვით... ჰოდა ახლა ამას გეკითხებით: როგორ გგონიათ, აქ თქვენი ნებით ჩამოხვედით?“

„მივლინებით ვარ, — თქვა გამომძიებელმა, — ჩვეულ-ღმერთივი სახაზინო მივლინებით“...

აფთიაქარმა ხელი უშვა და უკან დაინია.

„ნუ ჯიუტობთ, იმის აღიარება მაინც მოგიწევთ, თქვენს აქ ჩამოსვლაშიც განგების ხელი რომ ურევია“.

„მეტისმეტად შორს შესტოპეთ, — გამომძიებელმა კარტუზი შუბლზე ჩამოიფხატა და თითქოს ჩვეული სიმტიციე დაიბრუნა, — მე მხოლოდ ფაქტებს ვაგროვებ, მათი მორალური შეფასება კი თეოლოგების საქმეა“.

„კარგით, ეგრე იყოს, — აფთიაქარს უკვე გაღიზიანება დაეტყო, მაგრამ, ჩანს, თავს იკავებდა, — მე ისიც გკითხეთ ჩამოსვლისას, ჩვენს ქალაქში ცხოვრებას თუ ისურვებდით-მეთქი“...

„მე მგონია, ამას არსებითი მნიშვნელობა არა აქვს, — გამომძიებელი გვერდზე იყურებოდა, თითქოს გასაქცევს ეძებო, — ამქვეყნად ყველა სადღაც ვცხოვრობთ“...

„სიტყვას ბანზე მიგდებთ, — შეაფთიაქე ცდილობდა, მოსაუბრისთვის თვალეებში შეეხედა, მაგრამ გამომძიებელი კვლავ განზე იყურებოდა, — თქვენი ნებით თუ დარჩებოდით აქ, ამას გეკითხებით?“

გამომძიებელმა მხრები აიჩეჩა.

„ვერაფერს შეცვლი, — თქვა მერე, — დანგრეულს ვერ ააშენებ“...

შეაფთიაქემ შევებით ამოისუნთქა.

„მადლობა ღმერთს, რომ თქვენგან სწორი პასუხი გავიგონე... ჩემთან წავიდეთ, რაღაც მინდა გაჩვენოთ!“

ღამე ჩამოდგა — ბნელი, უმთვარო. ნანვიმარი დღის შემდეგ გრილოდა და ჰაერშიც უცხო სურნელება იყნოსებოდა. ღამის ხავერდსაც სხვანაირი ელფერი გადაჰკრავდა: მუქ-ლურჯი, ცინცხალი, თითქოს იმქვეყნიური ფერადებით შეზავებული. ბნელი სულიერივით იმშუშნებოდა, იძვროდა, ძლივს გასაგონ ბგერას გამოსცემდა და საყოველთაო დუმილში თითქოს ვილაცის ხითხითი ისმოდა. გამომძიებელი დაძაბული აყურადებდა ღამეს, ცდილობდა ამოეცნო, სად გაქრა მთვარე ან ვინ იცინისო აქვე ახლო, მაგრამ ღამე ისეთივე განუჭვრეტელი იყო, როგორც უფსკრულის წიაღი. გამომძიებელიც ალაზბედზე მიიკვლევდა გზას რიყეზე. ერთი-ორჯერ ქვას წამოედო, ორმოშიც ჩაუცდა ფეხი, ფშანშიც ჩააჭყაპუნა, მაგრამ არ შეჩერებულა, სანამ ნანგრევთა ჩონჩხი არ აელანდა. კაცმა ხელის ცეცებით შემოუარა ყორედ შთენილ კედლებს, შესასვლელს ეძებდა. ბოლოს, იპოვნა და ქარხნის ეზოში შევიდა. ამ დროს დაკარგულმა მთვარემაც ამოაშუქა გორმახებიდან და ნანგრევთა ჩრდილი ეზოს დაეფინა. გრილი სიო მოელამუნა კაცს სახეზე და ჩურჩული შემოესმა: მას უხმობდნენ. გამომძიებელი ნაიკუზა და ხელგამვერილი წავიდა ნანგრევებისაკენ. ბრმად მიდიოდა, შეხების უნარს დანდობილი, წეროსავით ფრთხილად ადგამდა ფეხს, რათა კედელს არ დასჯახებოდა; ეგონა, სიცარიელეში მივაბიჯებო.

„აქ შემოდით!“ — მოესმა კვლავ და ისიც უფრო მოიხარა, კედელს მოუფათურა ხელი, გამონგრეულ კაზემატში შეძვრა. ვილაცის ნაზი მკლავი შეეხო კისერზე და კვლავ განმეორდა ჩურჩულიც, წელან რომ უხმობდა. კაცმა მძაფრი სურნელება იგრძნო, გაუპარსავ ლოყაზე თბილი კანი

მოელამუნა და ვილაც აეკრო მთელი ტანით. გამომძიებელმა უნებურად ხელები გაიწოდა — ცხელსა და შიშველ სხეულს შეეხო. გოცების შეძახილი აღმოხდა კაცს, დამხვდურს უგანა, მაგრამ კედელს შეეჩხრა და მიხვდა, ველარსად გაიქცეოდა. ავაზასავით ფიცხლად ეკვეთა ქალი, კედელს გააკრა, უსურვაზივით შემოეხვია და კაცს ლოყა და ტუჩები აუნვა ცხელმა კოცნამ. მაგრამ ხელებჩამოყრილი იდგა კვლავ, ამ მოულოდნელი თავდასხმით გაოგნებული.

„რას აკეთებ?“ — იკითხა ბოლოს მიძიმედ და ცალი ხელით მოიცილა ქალი.

„განა ამას არ ითხოვდით საფასურად?“ — ქალიც უცებ შეჩერდა, მკლავები ჩამოუცვივდა.

„ჩაიცივით, გაცივდებით, — კაცმა სერთუკი გაიძრო და ქალს მოახურა, — თქვენ რა იცით, რას ვითხოვდი!“

„მე კი მეგონა“... — ქალმა ველარ დაამთავრა, მოულოდნელმა სირცხვილმა დაუდუნა ენა.

„საფასური ისედაც არ მეკუთვნის, — თქვა კაცმა, — წერილები არ მომიტანია“.

„მომატყუეთ?“

„ქვაბულში სხვა რამ ვნახე, — მან სერთუკის ჯიბეში ჩაყო ხელი და ქალს ფარღული გაუნოდა, — აიღეთ თქვენი მარგალიტები და კარგად შეინახეთ... როგორ თქვით, დედაჩემის ნაჩუქარიო?“

„ჰო“, — ნალღლიანად გაეპასუხა ქალი.

„ეს ხომ არ იყო დედათქვენი?“ — გამომძიებელმა ასანთს გაჰკრა და კაზემატში სუსტმა შუქმა გაიფლავა. კაცს ხელში ახდილი მედალიონი ეჭირა, რომლის ფსკერზეც უცნობი ქალის პორტრეტი ჩანდა. ასანთის შუქი დასთამამებდა ფოტოს, ნაჩრდილებს ჰფენდა.

პოლიცემისტერის ქალიშვილმა მედალიონი გამოსტაცა.

„ვინ მოგცათ?“

„განდეგილის ქვაბულში ვნახე... ამას ეძებდით?“

„წერილებს... ამასაც... კიდევ რა ნახეთ?“

„თმის კულული... საფარაუდოდ, ისიც დედათქვენისაა ალბათ“.

„წერილები არ გინახავთ?“

„არა“.

ქალმა ნერვიულად მოუჭირა მაჯაზე სუსტი თითები.

„მატყუებთ, ჩემი წვალეა გინდათ. წერილები მომეცით და რასაც გინდათ შეგისრულებთ“.

მან სერთუკი გაიძრო და კაცის მარჯვენა მკერდზე დაისვენა. გამომძიებელმაც ხელისგულით შეიგრძნო ქალწულის მკვრივი ძუძუსთავი, ხელი დამდურულივით გამოსწინა.

„არ მოგწონვართ?“ — ჟინიანად დაეკითხა ქალიშვილი.

„მე სულ სხვა რამ მაინტერესებს: სახეს რატომ იფარავთ?“

პოლიცემისტერის ქალიშვილი დუმდა.

„წერილებს რატომ დაეძებთ ასე გამწარებით?“

ქალიშვილი კვლავ დუმდა და გამომძიებელმა იგრძნო, როგორ კანკალებდა გოგო. კაცი დაიხარა, სერთუკი აიღო და ქალიშვილს ისევ მოახურა.

„ამბობენ, იმ წერილებში მამათქვენის მაკომპრომეტირებული სამხილებიაო... დედათქვენს მიუწერია ერთ დროს განდეგილისათვის, თუმცა ვერ ვხვდები, ერთმანეთთან რა აკავშირებდათ?“

„დანიშნულები იყვნენ“.

„მამათქვენმა იცოდა ეს ამბავი?“

„კომპრომატებს რომ სწერდა ძველ შეყვარებულს?“

„დედათქვენს რომ შეყვარებული რომ ჰყავდა, სანამ ცოლად მოიყვანდა“...

„იცოდა“.

„ისიც იცოდა, მერეც რომ ჰქონდათ ურთიერთობა?“

„ვინ გითხრათ? ტყუილია!“ — შესძახა გოგომ.

„ასე ამბობენ, — ორჭოფულად მიუგო გამომძიებელმა, — იმასაც ამბობენ, განდეგილს რამდენჯერმე შეუთავაზებია დედათქვენისთვის აქედან გაქცევა, მაგრამ უარი მიუღია... ალბათ თქვენს გამო, — გამომძიებელმა ჩაახველა და ხმას დაუნია, — განდეგილიც მას მერე გადამცდარა ჭკუიდან და ანარქისტობაზეც ხელი აუღია... იცოდით ეს ამბები?“

„ქალაქში ჭორიკანებს რა გამოლევს, — ზიზლით თქვა გოგომ, — ათას სისაძაგლეს იტყვიან... ხალხს პირს ვერ აუკრავ“.

„რასაც მამათქვენზე ამბობენ, ეგეც ტყუილია?“

„რას ამბობენ?“

„მექრთამე და ფლიდი კაცია, თანამდებობას ბოროტად იყენებს და უდანაშაულოთა სისხლშიც ხელი ურევიან... განდეგილი იონა და მამათქვენი ძველი მტრები რომ არიან, ესეც იცით?“

გოგომ არ უპასუხა.

„ალბათ იმიტომაც დააჭერინა, თქვენ კი წერილებს ტყუილად დაეძებთ“, — წყნარად თქვა გამომძიებელმა.

„იონა დაიჭირეს? — ქალიშვილი აღელდა, — ვინ გითხრათ?“

„ნუთუ მამათქვენმა ეს ამბავი დაგიმალათ?“ — გამომძიებელი წყნარი ხმით ლაპარაკობდა და მისი ხმა დუდუნით ისმოდა ღამის სიბნელეში, — დღეს დილით დაუპატიმრებიათ... მას შემდეგ, რაც მე მნახეს კარიერზე... შემთხვევით თქვენ ხომ არ გითქვამთ მამათქვენისთვის, იქ რომ მნახეთ?“

ქალიშვილი დუმდა. მერე სერთუკი გაუნოდა კაცს.

„აიღეთ თქვენი სერთუკი... წავიდეთ აქედან“.

გამომძიებელმა სერთუკი გამოართვა და კაზემატიდან ეზოში გამოვიდა. დაუცადა, სანამ პოლიცემისტერის ქალიშვილი ჩაიცვამდა. მთვარე ისევ ანათებდა ქარხნის ეზოსა და ნანგრევებს. ქვემოდან მდინარის დუდუნი ისმოდა. წვირილფეხა ნადირი დაშლივინებდა ჯაგებში. გაიფრინა ღამურამ და სადღაც ბაყაყმაც დაიყიყინა. გამომძიებელი გატრუნული უსმენდა ღამეულ ხმებს, იდუმალ ფუსფუსს, გრძნობდა ჰაერის უმცირეს რხევას და გული განუცდელი სიამით ევსებოდა. ქარხნის ნანგრევები უტყვი განაჩენით აღმართულიყო მის წინ, მაგრამ გამომძიებელი ღვთის რისხვას როდი დაეფიქრებინა — მდინარის ბუბუნს წარეტაცა მისი სმენა; ეს ბუბუნი თითქოს უხმობდა, თავის წინაღობაში იპატიუებდა და გამომძიებელსაც თავბრუ დაახვია ამ წყნარმა, შეუმღელმა ხმამ, თითქოს მისივე არსებიდან რომ მოესმოდა.

მან ასანთი გაკრა და კაზემატს მიაშუქა.

„ახლა მივხვდი, რატომ არ იხსნით პირბადეს, — თქვა უცებ, როცა გოგოს სახე დალანდა სუსტ სინათლეზე, — ადრეც უნდა მივმხვდარიყავი, მაგრამ თქვენმა სიტყვებმა თავგზა ამიბნია... ხელი მომეცით, აქედან გაიყვანთ!“



დავით წერეთლიანი

მეგრული მოტივი

ჟამი მოკლე, ჟამი გრძელი,
მხარზე მადევს უფლის ხელი.
მოყვარენო შინ და გარეთ,
ვის რა გსურდეთ, დამაბარეთ,
ხვალ მივდივარ ცად.

ალის ქალი, ღელის პირი,
პირი ელვა, ცოდვის ძირი,
მზის კალო და მთვარის ბანი,
წვიმის თმა და ნისლის ტანი.
ხვალ მივდივარ ცად.

ფოთოლცვენა

საიდან ისმის, კაცი ჩაღმა ჩაექანოს, იმგვარი ხმაა,
„ა-ა“ და მეტი არაფერი, განწირული, გაბმული „ა-ა“.
საკვირველია, არა ნალველს არ ედება, არც არას ამღვრევს.
ხვალ ფოთოლცვენა კორომიდან ამოაჩენს გალავნის ნანგრევს.
ხმობა? მისნობა? უეცარი გაღვიძება ჟამთუნინარის?
მწუხარე სიყრმე? დაკარგული სახელები? ვინ ხართ? ვინ არის?

მწირმა აკეცა მზის საათი, ოქტომბერი ჩატეხა სხივში.
ხვალ ფოთოლცვენა კენწეროდან მოაშიშვლებს ჩიტების ჟივჯივს.
გზა ლაქაშებში ჩაფურცლულა, სამი სარკით ახლოა ფსკერი.
მე რა? ჭავლიდან გაზაფხული დაბრუნდება, გაზაფხულს ვმღერი.
მწირმა ქვის კიბე ჩაიარა, ჩრდილებს დახრის, აგროვებს ყვითელს.
მე სიხარული არ მჭირდება, ხელისგულზე მარჯანი მიდევს.

ჩიტი მზეგალმით მოფრენილა, ცალად დაკრთის, გუნდი გზად არი,
დამწივის: ჩქარა! სული მოგვეც! რა დარია, ნახე, რა დარი!
ჩიტო, რად გინდა ჩემი სული, ყველა ჩქამზე ხმას იცვლის, ჩიტო,
„ა-ა“ და მეტი არაფერი როგორ გინდა ნისკარტით ზიდო!
ქარი შებრუნდა, მეუბნება, ჩქარა, ჩქარა, სანამ დარია,
ამოგიკემსავთ, მზეზე გაფვენთ, მეუბნება, ჩვენ გვაბარია.

მაგრამ ღამეში, როცა წელი ფოთოლცვენა გახსნის დარაბას,
ირღვევა ღამში, ძილ-ღვიძილის შრიალია, სიზმარს არა ჰგავს.
სანთლებით ხელში — გესმის? — თეთრი მოხუცები მიდიან წყებად,
გესმის ფეხისხმა? გამჭვირვალე ტალანებში სიჩუმე დგება.
არაფერია, ალბათ ჩემი წუხილია, დაეძებს ყალიბს,
არაფერია, უფურცლებო სათავისკენ ბრუნდება წყალი.

მწუხარე სიყრმეც, დაკარგული სახელებიც, ყალბით და მრეშით,
განმეორდება, წამისწამად შემოსული სინათლის წრეში,
განმეორდება გაცრეცილი ოქრომკედით, ოქტომბრის ხელრთვით.
ვინ ხართ? ვინ არის? მორიალე ლანდები ვართ, კაბადონს ვერთვით.
კაბადონს ვერთვით, ლანდები ვართ მორიალე, გავქრებით დილით, —
და მხოლოდ ჭავლზე ღამეული საგალობლის ირწევა ჩრდილი.

დავით წერეთლიანის ლექსებს განსაკუთრებული ყურადღებით ვკითხულობთ. არის ამ ყურადღებაში თაყვანისცემაც, მორიდებაც, მოლოდინიც, დაფასებაც და შესაძლოა რალაცნაირი ჩასაფრებაც – როგორ იტყვის, როგორ გაგვაკვირვებს, როგორ შეძლებს შეუძლებელს. კაცმა რომ თქვას, ავტორიტეტებს სხვაგვარად არც კითხულობენ.

კარგა ხანია დავით წერეთლიანი ლიტერატურის მეტრად ითვლება და მის ყოველ გამოჩენას პრესის ფურცლებზე ისე ვხვდებით, როგორც მოვლენას.

მოვლენას, როგორც ფაქტს, როგორც კლასის დადასტურებას, ერთობლივად ქმნიან ავტორი და მკითხველები.

დავით წერეთლიანს გახსნილი აქვს თავისი „კლასი“, სადაც მკითხველები კლასიკური მორჩილებით დადიან.

ეს არის აკადემიური სკოლა, რომელშიც საგნებად „ისწავლება“ გემოვნება, სტილი, ესთეტიკური ხედვა, რეფლექსია, ფანტაზია, ვირტუოზობა, უშუალოება, მასშტაბურობა, ინდივიდუალობა და ის რალაც, თითქმის ხელშესახები, რასაც ფილოსოფოსები ობიექტურ სულს უწოდებენ.

დავით წერეთლიანის ლექსებში განსაკუთრებული ხასიათი იგრძნობა, ხასიათი პიროვნული და ხასიათი შემოქმედებითი.

მის ხელში სიტყვა ჯადოსნურ საფანელს იძენს და პოეტური შემოქმედების „იარაღად“ გადაიქცევა. საგნები ქმნიან პოეზიას – შენ თვალწინ, შენი თანდასწრებით. სასაუბრო ინტონაციაც როგორ შემპარავად, საყვარელი მელოდიასავით აღვიძებს ფანტაზიას. ყველაფერი გესმის, მაგრამ ახსნა გიჭირს, რადგან ეს არის აზრის მუსიკა:

*გესმის ფეხისხმა? გამჭვირვალე ტალანებში
სიჩუმე დგება.
არაფერია, ალბათ ჩემი წუხილია, დაეძებს ყალიბს*

აქ ცნება არის იმდენად მყარი, რამდენადაც საგანია მთლიანი და ცოცხალი. თითქოს ესწრები სიცოცხლისა და თვითშეგნების, ცნობიერებისა და თვითცნობიერების საწყისთა გამთლიანების აქტს. სადღაც აქვე ერთდება მატერია და სული, გარემომცველი სამყარო და ფანტაზია.

ამიტომ ყველაფერი მოძრაობს, ბორბავს, ეძებს, ხმიანობს.

ასეა ყოველთვის. სხვანაირად დავით წერეთლიანი ჩვენთან არ მოდის.



ნანა გასვიანი

ფერები ირევა, მუსიკის ხმები სმენას აყრუებს, ცოდვილი სული ბორგავს და კანკალით მოე-
ლის გათენებას.

იშლება ნალდი, ჩნდება ნალსს მიმსგავსებული.

ნანა გასვიანის ლექსების ლირიკულ გმირს ნამდვილზე ფიქრი არ ასვენებს, ნუხს და განიც-
დის იმას, რაც წარიხოცა, დრო და ჟამმა წაიყოლა. არადა, მათში სინრფელე იყო, ბუნებრიობა
დასადგურებულყო, გულს გული ერქვა, ცრემლს ცრემლი, სიხარულს სიხარული, ტკივილს
ტკივილი და ა.შ

ტკივილით იკემსება ფიქრი.

ინერება ლექსები, იქმნება შთამბეჭდავი პოეტური სახეები, რომლებიც გულგრილს არ ტოვე-
ბენ მკითხველს, რადგანაც მათში სინრფელეა, სინედლეა, ხალისიანი განწყობილებაა.

სიხალისე და სინედლე ნანა გასვიანის ლექსების თანამდევი თვისებაა.

ამით გვხიბლავს, გვანოწვებს თავს და მკითხველსაც ამ განწყობითა და სურვილით ვთავა-
ზობთ მისი ლექსების ამ ახალ რკალს.

* * *

გადაუჟარეთ მარტოობის სეფე-ქალაქებს
[რა საუცხოოდ მაშინ დარობდით],
ნისლის აკვანში მონანავე დედო-ალავი
ავგიფორაჯდა – შორიო ელდორადომდე,
გადაუჟარეთ მარტოობის სეფე-ქალაქებს.

ჟამი ბელავდა ყველა ცდუნებას,
ფარმუბის თვეში ნაქურდალი თოვლის იები
ფეხად ჩამოჭკნენ, მანამდე კი ბასრი ცულებით
აჩეხეს ჩვენი ვარდისფერი არტირები,
ჟამი ბელავდა ყველა ცდუნებას.

გუშინ გათოვდა რა უნებურად,
სტუმრად წავიდა ქოლგანი ნაზი მუსიე,
რომელსაც სდევდა მისტერია; ალფრედ მიუსე
და ბრეტანული კაეშანი მუდამ ებურა,
გუშინ გათოვდა რა უნებურად.

ვუსმენდით სენ-სანსს. [მინორულ ქარებს
მთებმა სიჩუმის ახსნეს ურდული.]
და ვიხსენებდით; მარტოობის სეფე-ქალაქებს
გადაუფრინეთ როგორ ქურდულად,
ვუსმენდით სენ-სანსს.

გუდამაყართან დაგვენია სიცილი ლოთის,
[გუდამაყარში საუცხოოდ აღარ დარობდით]
ვზი. ენკენისთვე იჩქითად მოდის
და შორი არი, შორი არი ელდორადომდე,
გუდამაყარში დაგვენია სიცილი ლოთის.

იუზილე

მოდი, ჩვენს სიყვარულს იუბილე გადაუხადოთ:
მე მარტოობას მოვიტან ფორთოხლის ტორტივით,
სიმორეს,
ლოდინს,
ეჭვების ნესტიან კრიალოსანს უბეში დავმაღავ
და დაბნულ ღიმილს ოჯალეშივით შემოვდგამ
მაგიდაზე;
შენ მოიტანე სიტყვები:
„ყველა“,
„სხვები“,
ღალატი, მკერდზე ბროწეულივით რომ გიყვავის

და ნატიფად დაალაგე ჩემი უნიჭო ერთგულების
გვერდით.

სტუმრად დღეები და რიცხვები მოვიპატიჟოთ.

შენ, ძვირფასო,

შენ შეეგებე კარებში მათ

და სათითაოდ შემოუძეხი,

მე ვერ ვიქნები ყველასათვის გულგახსნილი

მასპინძელი.

2 ოქტომბერს და 17 ივნისს ნუ წარმომიდგენ,

ეგ 2 ნოემბერიც, სადმე სუფრის ბოლოში დასვი.

თუმცა შავ ფრაკებში ლაზათიანად გამოწყობილან,

მაინც სიკვდილის ნაზი სურნელი ასდით.

მე უფაქიზეს 1 აგვისტოსთან დავედები,

შენ ბობოქარ და კადნიერ 7 ივლისს ჩასჭიდე ხელი

და როცა დარბაზში ბოშა ქალივით უტიფარი

მუსიკა დაირხევა —

მომძებნე,

ამდენ უსახურ დღეთა შორის

როგორმე გამოიკვლიე გზა

და მოდი ჩემთან.

თებერვალი პირბასრი ცულია,

დამალობანა ვითამაშოთ ცულებით იქ,

სადაც ტბა მგ ზავრივით დგას

და შუადღეს ხელები ჩრდილებივით დაგრძელებია.

შუალამისას,

მთვარე რომ ბეჯითად ამოვა არავის ცაზე,

მუხის ტყეში გავიდე

და საკუბოედ ჯიშინი ხეები შევიგულოთ.

.....

მანამდე კი...

იქნებ როგორმე ჩვენს სიყვარულს

იუბილე გადაუხადოთ.

ჯანყი

ივანობისთვემ მოგვიწყო ჯანყი,
შეეკრა დემონს, ქაჯს და მაცილებს—
ნაღველის ლორწო, იჭვების ჯანლი
წარსულს ლიბრივით რომ გავაცილებთ.
გადახრილია სიზმრების დისკო,
კამარებს ქარი არწევს ბორიო,
დილაა, როგორც მაღალი რისკი,
როგორც ღალატის შავი სქოლიო.
ხომლი გაკენკავს ფიქრების წენგოს,

ქიმერებიდან ნესტი გაჟონავს,
ჩვენ ამ უნიჭო დრამაში გვერგო
უარყოფითი პერსონაჟობა.
თითქოს ზეფირი ჭინჭრით დასუსხეს,
ან ცა თალხ მთებზე რისხვით განელეს,
ჩვენი ცხოვრება იყო ლაფსუსი
და ფრაზა, კედელს რომ წავანერეთ.

მაღალი ნოტი

რას უყვებიან ჩრდილები ჩრდილებს?
ჩრდილებზე ჩრდილი მიცოცავს, მარი,
ენკენისთვის მზე გულს აგირვილებს,
თმაგანენილი შეგვერება გზად ლამარია.
ჭყალ — ჭალის მწვანეს დაატყდა ბაცი,
მთოვარე რალაც შიშნეულს ბლანდავს,
ცხენისწყლისპირას ბაკუნებს ვაცი,
ბაკუნებს ნერბიც და კანონადა
ჭრიჭინობელთა ქუხს. ცხრაკლიტული
უფლის პრინცესავ, ცხრავე განახვე,
იაგუნდს იხდენს მჭლე ცისკიდური,
გაგანებივრებს ქრისტე, იახვეც.
რას უამბობენ ჩრდილები ჩრდილებს?
ჩრდილებზე ჩრდილი დაცურდა, მარი,
თვინიერი მზე გულს აგირვილებს,
მთვარის ბილიკზე შემოგხვდება გზად ლამარია.

მელანქოლიური მონოლოგი მარტის თვაში

ზეთისხილისფერ შემოდგომის თრიაქს
დასწავებია მზე — მემთვრალე და ძრუში.
შენი ხელები კვანძებივით თრთიან,
ჩემს შუბლზე ობი ჰყვავდა გუშინ.
გაუთელიათ ღობე კუნელის წნელის,
ვიდრე ხსოვნაში ჰალიკარნასებს ათოვს, —
საუკუნეთა გამოიარე სკნელი,
გელი მადათოვს.
ზოდიაქოთა გადმოგიდენი ფარებს,
სად მთვარის ნავი ცის გულისპირში ჩახმა,
რაისთვის უმტრე შენს ერთგულ პირის ფარემს,
რად მიაბჯინე თითი შემართულ ჩახმას?
წყვდიადებიდან ეჭვის ბუხარი ბოლავს,
გამრიდებიხარ უსაჩინოო მტერი,
მო, შეაჩერე დღეთა შლეგური სრბოლა,
გალაქტიკების შემომაყარე მტვერი.
რად გვიანდები გადავიწყების ზაფრად,
რად გეკეცება ჟღალი მიმინოს ფრთები,
ის ღვინობისთვე ჰგავდა ჩამოჭკნარ ზაფრანს,
ატუზულიყვინე მთები.
უუნოტიეს ცას აუტეხე ურვა,
ვიდრე სასახლეს დაამშვენებდე ვალსი,
მომასმენინე იმ ვასაკების კრულვა,
შავი ვარდები გამომატანე ვალში.
ჰორიზონტამდე სულთათანაა ყოფნის,
ქარში ვკარგავდით ფარშევანგების კუდებს,
მარმარილოს შუბლს მახსოვს შემსკდარი ოფლი, —

აგვისტოს მზეზე ასეირნებდი პუდელს.
შენს ნასახლარზე მწუხრის სიმშვიდე ჰგვიებს,
გაცხადებულხარ და საძვალეებს ალტობ,
მომიკითხავდე თმენის გათელილ იებს,
ჭრელ განთიადებს შემოჰყვებოდე მარტოდ.
ნითელფეხება დაკლეს ქალღმადის ყანჩა,
ნუ გაშფოთებენ სირინოზების ხმები,
ცისკიდურს მიღმა ნისლის კარეტა დამრჩა,
ვდარდობ და ვხმები.
დაეხეტება მთვარე — მამალი ფოთრი,
ო, ჰარპიები მოგაყვივლებენ სისხამს,
მშვიდობით, ღამეს სუნი აქვს შქერის ფოთლის,
მშვიდობით, ჟამი სისხლის ვარსკვლავებს ისხამს...

რეპორტაჟი ტაძრიდან

(მეორე რეპორტაჟი)

შენს მზერაში წამით მშვიერი ავაზები და
მელანქოლიური გედები
გვერდიგვერდ ჩამოსხდნენ.
ჩემი თვალების ზიმზიმა ჭაობში ობოლი კონკია
მიტოპავდა
თუ ჯადოსნური ოქროს თევზი ლაფავდა სულს?
დამალევიანე ტაძრის კედლებზე დადენილი
ჩამავალი მზის მჟავე სუნი
ბალახიანი ეზოც დამალევიანე
აბეზარი ბავშვებით და დალით მოყიჟინე.
ეს ხეები ეს ტაძარი ეს სამყარო **დალიაო...ამბობ.**
შენი თვალების ლივლივა ტბებში ახლა მხოლოდ
მელანქოლიური თეთრი გედები დაცურავენ
სად გაუჩინარდნენ მშვიერი ავაზები ჩემო?
ჭკუასუსტი დალის ბნედიან როკვაში განფენილა
მნიფე მინა და შელამების მწველი სურვილიც
ჩვენ აქ მოვედით უფლისა და ჩვენივე ნებით
სად მერცხლებს სველი ნისკარტებით
მოდარაჯე ზეცა ეჭირათ
და სად მკათათვე ყვავილობდა ფერებად ფითრის.
დამიხსოვრე უცოდველი ჩემი ტუჩები
მე კი შენს ტუჩებს დავიმახსოვრებ
ცოდვილს და მშვიერს
ჩემი სისხლიდან ვით მიწიდან გახაფხულზე
ლორთქო ბალახი —
ამოზრდილია ყოფნის სევდა.
იქნება შენ ხარ
ვინაც უნდა დაითმინოს ჩემი ხმა და ჩემი ხელები
ვინაც მარცხიან ღამეთა და ბალახოვანი
ჩემი თმების სურნელი ზიდოს
ვიტყვი სიჩუმეს
დუმილს ვიტყვი
ნამოვდგები
მოგიძებნი
მოგისაკლისებ
აკვილებული ჩემი ფესვიდან
ჩემი გულიდან
ჩემი ტანიდან
მოდიდებებიან მდინარეები
და სიტყვად მოვალ

იქნება მე ვარ
ჩამოისვენონ ვის ხელისგულზეც
ფრთაქათათათა შენმა გედებმა
ვინც უნდა შენი ავაზების დააცხროს ხვატი.
მიედინება ყველაფერი ამ ცისქვეშეთში
იფრქვევა და მიედინება
და რაც იფრქვევა
სისხლი
წყალი
ნალველი
ფრაზა
დედის რძე თუ უნმანური გინება კახპის
მინდა მეც ჰენრი მილერივით მიყვარდეს
და დასაწყისთან მარუნებდეს ყოველცისმარე
ეს დღე კი ოდნავ რომ გავაკვირვით
და უბიდან ოჯალუმის სუნი რომ ასდის
ჩემს ხსოვნაში ანი მრავალგზის გამოიზამთრებს
ანი მრავალგზის დამისნის და
გულგატეხილს მოლოდინად გამეფოთლება
ჩვენ კიდევ მოვალთ
ტაძრის კედლებზე დადენილი
ჩამავალი მზის მუჟავე სუნი მოგვიყვანს ისევ
ჩვენ კიდევ მოვალთ
მერცხლებს რომ სველი ნისკარტებიდან
მოთვალთვალე ცა რომ არ გაუვარდეთ
ცა რომელიც **დალის** ეკუთვნის
რომ ჯაჭვის ხიდქვეშ არხინად მიმავალ რიონს
არ ეუცხოოს ჩვენი ფეხის ხმა.

წერილი მეგობარს

ვარსკვლავთმრიცხველობ, ჩვილ განთიადებს ვითვლი,
სისხლის აკვნებში თვალგახელილებს, ჩემო,
და ხეჭეჭურზე აყვავებული ფითრის
მახურავს ბრიყვი და მოზუზუნე ჩერო.
მოთანდათანდა სინანულები მწუხრის,
ქარიშხალები და ნეტარება მალვის,
რა სისადავით თიბათვის ორბებს ვწუხდით,
ვიშით, ვაებით გავაკვირვებით ან ვის?
უუთვალავი წელიწადების ჭრიალს
ვაკრიალოსნებ, ელვის პანტერებს ველი,
ბალდახინების რად შემატოვე ბრჭყვიალს,
პილატესავით რად დაიბანე ხელი?
ნოემბერდება. ფოთოლცვენების თქეშში
მეხრჩობა მთვარე — პელაზგის ცხენის ნალი,
გახსოვს? ფარმუბის იმ გადარეულ თვეში
ჭმუნვის კუბოებს ვეზიდებოდით მალვით.
დასალიერზე მუხლად ჩამომწყდარ ფიჭვებს
ვითვლი და ვიცი ვერ გადავიხდი ამაგს,
ყოფიერების სევდა ყულფივით მიჭერს
და გული თეთრი ბაირალივით დამაქვს.
ისევ მოადგეს იქნებ ნაპირებს არგო,
სანმისიც გვქონდეს იქნებ იმ გრძნეულ დროში,
შაგრენისხელა დღეს ჩვენს მამულში, კარგო,
ზეობს ლიქნა და ფარისეველთა რომი.
ვარსკვლავთმრიცხველობ,

ჩვილ განთიადებს ვითვლი,
სისხლის აკვნებში თვალგახელილებს, ჩემო,
და ხეჭეჭურზე აყვავებული ფითრის
ისევ დამბზუის თავს ის ჩურჩუტი ჩერო.

ქანლი

ეჭვი!..— ვყვირი გალაქტიკების თქორში,
სად ხარ!— მოვარწევ კვაზივარსკვლავურ ბორანს
და პლანეტების ევდემონიზმურ ქომინს,
ქორონიკონი გლახის კვარივით ბოლავს.
სად ხარ!— მოვდენი ცაზე ცეცხლოვან ვერძებს,
მინას მთოვარის ჭუტი ციაგი კალავს,
დალიონების შარავანდედში მეძებ,
მარგალიტების მთებშუა მიშლი კარავს.
დამბადებლო, რისთვის კეისრის წილი?
კაფავ და ჩეხავ ჩემი სიზმრების ახოს,
იქნებ მოხვიდე გზაბნეული მწირი
და ერთხელ ჩემი წყალიდობები ნახო.
პატრიარქალურს დაგახვედრებდი საფარს,
ბამბუკის ქოხს და ქოხთან ვენერას ტბორებს,
დროის ცხენების ჩაფრენილი ხარ ფაფარს
და გზებზე სისხლის ედელვალისებს ტოვებ.
მე კი — ეჭვი!..— გალაქტიკების მიღმა
ისევ გიხმობ და მოვერეკები ანწყოს
და რიგრიგობით ყველა მინიერ ნილაბს
მდუმარედ ვიხდი და შენს ფეხებთან ვანყო.

**ქველი სახლის ბინადარი
ბაბიის ნამზითვი**

(კომოდის ტექსტი)

ნაბლის კომოდი ვარ, ართვალი, გლექური
და იმის მაგივრად, დროდადრო მლაქავდეს,
ეს ჩემი პატრონი, ჟამით გალახული,
დარდს მიაკაკუნებს ფილაქანზე.
მაჯაგ ტანს ტიალი გამიხრავს ჩრჩილი,
მაინც ვინ შემეღვევა სახლის მატიანეს
და უუთვალავი უჯრების ჩრდილში
წლებს მიჯრით ვალაგებ, ოლონდ ნაკიანებს.
კი, წვრილად დავიტევ ამათ მონაგარებს—
თეთრეულს, პიჯაკებს, სულებს და ავსულებს,
მენვევა ამ სახლის უყმური ასული
დლიურებს, წერილებს, ლექსებს მომბარებს.
სიძველის სურნელის გააღბობს ალაო,
მზითვთან რომ თან მოჰყვათ უიღბლო ბებიებს.
ჩუმად გაოცებს: „მაინც რა ამოოდ...“
მე გულში გავივლებ: „უნებლიეთ...“
ძილად ეწერში ვშრიალებ ატოტილი
(მუხთლები ვიდრემდე მაქცევდნენ მორებად),
ჩემს ნუგბარ ნაყოფს კი სოფლის ტილიანი
ღრუჩუნით ტკვირავენ ღორები.
ასული, თვალეები რომ ექცა სანთლებად,
მერე ჩირაღდნებად, მოვა, დამიბარებს:
„კუბოდ თუ შენი გვარისა გამეთლება...“
ვდუდუნებ: „სძალო უსძლო, დაიფარე!“

ბენჯამინ დიზრაელი


უტილიტარული სიბრძნე

კარიერის გზაზე, აღმასვლის დროს, 1835 წელს, დიზრაელიმ გამოაქვეყნა წიგნი „გამართლება ინგლისური კონსტიტუციისა“. მან პრემიერმინისტრის თანამდებობამდე სწორედ თავისი შემოქმედებისა და მჭევრმეტყველების შედეგად მიადგინა. ამ ადრეულმა წიგნმა კი სერიოზული მოაზროვნის სახელი მოუპოვა. წინამდებარე ესეი ნაწყვეტებია ამ წიგნის I, II, და III თავებიდან. აქ დიზრაელი ანგრევს რადიკალურ უტილიტარიანიზმს, რაც საფრთხეს უქადდა ინგლისურ კონსტიტუციას.

ასპარეზზე გამოჩნდა ერთი პოლიტიკური სექტა, ახდლად დაპირისპირებული სამეფოს სამფლობელოებს და, ცხადია, კანონიერი გზებით მიზნად ისახავს დააქციოს უმრავლესი ამ სამფლობელოთაგან. ეს ანტიკონსტიტუციური მწერლები, ყველა სხვა ახალი შეგირდივით, გამოირჩევიან მიზანსწრაფულობითა და აქტიურობით; ხელიდან არ უშვებენ საკუთარი კრედოს გავრცელების შემთხვევას; ძალზე მონდომებული მისიონერები არიან; არ არსებობს საჯარო პრესის არც ერთი საშუალება, თავიანთ სასარგებლოდ რომ არ გამოიყენონ; აქვთ ყოველდღიური და ყოველკვირეული გაზეთები, ჟურნალები და მიმომხილველები. მაჩანჩალა პრესა მათ მისდევს კუდში და პარლამენტში მსხდომი პარტიის წევრები შემთხვევას არ გაუშვებენ ხელიდან, მსჯელობა განავრცონ სასიამოვნო თემებზე ამომრჩევლებთან შეხვედრისას...

სახელმწიფო მოღვაწეთა ეს ახალი სექტა ამკარად ისახავს მიზნად სარგებლიანობის (Utility) გამოცდა ჩაუტაროს სახელმწიფო ინსტიტუტებს და ჩამოაყალიბოს ახალი კონსტიტუცია თეორიული მეცნიერების აბსტრაქტული პრინციპებით. მგონი, ვოლტერი ამბობდა, არაფერია ისეთი ჩვეულებრივი, როგორც კითხვა და სახეცვალებაო; და ისტორიაში, ზნეობასა და ღვთისმეტყველებაში უნდა მოვერიდოთ **ორმაგ ტერმინებს**. არა მგონია, პოლიტიკა გამოწკარისი იყოს ამ კეთილმოქმედი წესიდან; მაინც მგონია, რომ ტერმინი Utility ისეთივე ორაზროვანია, როგორც ყველა სხვა, რომლებიც მოყოლებული ნომინალისტებიდან და რეალისტებიდან, ჩვენი არ იყოს, წინააღმდეგობრივ და განუსაზღვრელ დღეებამდე, კვლავაც თავისუფლად კვებავენ სექტებს და აურზაურსა და ყაყანს წარმოშობენ ადამიანთა შორის. მატერიალური ობიექტის შესაბამისობა მატერიალურ მიზანთან არის გამოცდა მისი სარგებლიანობისა, რისი ხორცშესხმაც ჩვენს გრძნობებსა და მოთხოვნილებებს შეუძლია; მაგრამ არის სხვა გამოცდაც ზნეობრივი და პოლიტიკური სარგებლიანობისა, რომლის დროსაც იმდენი განსხვავებული და მრავალფეროვანი შეხედულებები ჩნდება კაცთა შორის, რომ გარკვევა მიჭირს; და რომ ეს ყველაფერი სრულიად უკმარი და არადაამაკაყოფილებელია, ვგონებ, ყველანი დამეთანხმებით.

აქამდე მართლაც რომ ტყუილად დავშვებ, უტილიტარული სექტის თხზულებებში მათი ფუნდამენტური ფრაზის განსაზღვრას რომ ვცდილობდი, რითაც მათთან შებრძოლებას შეეძლებოდა. უაზრობა იქნებოდა დავვემალა, რომ თავი მოაქვთ, თითქოს განსაზღვრებას გვანგედიდნენ, და ვიცით, რომ Utility (სარგებლიანობა) არის



„პრინციპი, რითაც იქმნება უდიდესი ბედნიერება უდიდესი უმრავლესობისათვის“. განა აქედან რაიმეს გავიგებთ? ვინ უნდა გადაწყვიტოს თუ რა არის უდიდესი ბედნიერება უდიდესი უმრავლესობისათვის? პრინციპი მეტერნისის მიხედვით, ავსტრიის მთავრობა უზრუნველყოფს უდიდეს ბედნიერებას უდიდესი უმრავლესობისათვის; სავარაუდოა, რომ ავსტრიული განათლების ნაყოფმა ავსტრიის მოსახლეობის უმრავლესობას იგივე აზრი უნდა შთააგონოს. და მაინც, ამ ჩვენს ანტიკონსტიტუციურ მწერლებს ავსტრიის მთავრობა გულზე არ ეხატებათ. გადამეტებულმა ცრურწმენამ შეიძლება უზრუნველყოფს უდიდესი ბედნიერება უდიდესი უმრავლესობისათვის, როგორც ეს ესპანეთსა და პორტუგალიაში მოხდა; სამხედრო იმპერიას შეუძლია უზრუნველყოფს უდიდესი ბედნიერება უდიდესი უმრავლესობისათვის, როგორც ეს მოხდა რომსა და საფრანგეთში; უხეშმა და ულმობელმა დესპოტიზმმა შესაძლოა უზრუნველყოფს უდიდესი ბედნიერება უდიდესი უმრავლესობისათვის, როგორც დღემდე ხდება აზიისა და აფრიკის ქვეყნებში. ყოველი — ამქვეყნად არსებული მთავრობა — ხანგრძლივი ძალაუფლებით რომ მოუწონებია თავი, ამ „დიადი ბედნიერების პრინციპზე“ უნდა ყოფილიყო დაფუძნებული, რადგან თუ უმრავლესობა არ იფიქრებდა ან არ იგრძნობდა, სწორედ ეს არის, რაც გვჭირდებაო, მთავრობა ვერაფრისდიდებით ვერ გადარჩებოდა. იყო დრო, და არც თუ ისე დიდი ხნის წინათ, როცა უდიდესი ბედნიერება ქრისტიანი ერებისათვის უზრუნველყოფილი იყო რელიგიური რწმენისათვის კოცონზე ადამიანთა ცოცხლად დანვით; და მანამდე, სანამ დავიყინებთ, რომ ყველა, ჩვენგან განსხვავებულ, რელიგიას სინამდვილეში სრულებითაც არ ეთაყვანებოდა მისი მიმდევარნი, უნდა შევიგნოთ, რომ უდიდესი ბედნიერება უმრავლესობისათვის იმითაც შენარჩუნდება, რომ სიყალბე გავიგოთ და დავიჯეროთ. ამიტომ, თუ უდიდესი ბედნიერება უმრავლესობისათვის ერთადერთი გამოცდაა პოლიტიკური ინსტიტუტთა ბრწყინვალეებისა, გამოდის, რომ ბრალს ვდებთ ამ ინსტიტუტებს, რომლებიც, განსაკუთრებით უტილიტარული სექტის თვალსაზრისით, აბსურდულია და მახინჯი; და თუ ამ დასკვნის თავიდან ასაცილებლად დავიჟინებთ, უმრავლესობა ვერ განსჯის სწო-

რად თუ რა არის უდიდესი ბედნიერებაო, ამით მხოლოდ განდევნილ ფილოსოფოსთა განყენებულ მოსაზრებას მოვიტანთ, ანდა, საუკეთესო შემთხვევაში, სექტორული უმცირესობის საკუთარ თავზე შეყვარებული აზრი გამოგვივა. თვითონ UTILITY უბრალო სიტყვაა, რასაც კაცი მიაწერს ნებისმიერ მნიშვნელობას, ნაკარნახევს საკუთარ ინტერესთა თუ მბრძანებლობის ვენებით. ამ ბრალდებას თუ ავყვებით, ერმა შეიძლება საჭიროდ სცნოს ქრისტიანულ მუზეუმებში გაფანტულ ძეგლთა მოგროვება ერთ დედაქალაქში და დაამხოს ქრისტიანობა იმით, რომ მისი საქმე თვითონ იტვირთოს; და იმავე ბრალდების ძალით, რომელიმე იკონოკლასტური მტერი ხვალ ომს გამოუცხადებს დილექტანტების ერს და გააცამტვერებს მის კოსმოპოლიტურ კოლექციას.

თუ მხოლოდ სამთავრობო მეცნიერებასთან მიმართებით განვიხილავთ, სარგებლიანობაში გამოცდის შედეგი, ისეთი, როგორც ჩვენ აღვიქვამთ, ალბათ უვნებელი უნდა იყოს და მისი პრაქტიკული ტენდენცია, თუკი მოეპოვება, უფრო შენახვისა და ოპტიმიზმის განცდამდე მიგვიყვანს, ვიდრე უთანხმოებასა და ცვლილებამდე. მაგრამ დარწმუნებით შეიძლება ითქვას, რომ ოპტიმიზმი უტილიტარტა სისტემის ნაწილი არ არის: ისინი სრულებითაც არ ფიქრობენ, ყველაფერი უკეთესობისაკენ მიდისო, პირიქით, ფიქრობენ, ყველაფერი უარესდებაო. ამიტომაც რათა მათ მიერვე მოგონილმა გამოცდამ სარგებლიანობისა, სასურველ მიზნამდე მიიყვანოს, მთავრობის თავისებური სისტემა ზნეობის თავისებურ სისტემას მოარგეს და ჩვენი მსჯელობაც სწორედ ამ კავშირის შესახებ უნდა წარიმართოს. ამ ბრძენმა გამომგონებლებმა, რომელთაც მთელი პოლიტიკური მეცნიერება სარგებლიანობაზე (Utility) დააფუძნეს, ზნეობრივი მეცნიერება საკუთარ ინტერესებს მოარგეს და მერე განაცხადეს, მთავრობის სისტემა უნდა დაეფუძნოს ადამიანისა და მხოლოდ ადამიანის ბუნებრივ ინტერესებსო. თუ ადამიანები შეთანხმდებიან და განსაზღვრავენ საკუთარ ინტერესებს, სიამოვნებით ვაღიარებ, რომ დიდი დრო არ დასჭირდებათ სარგებლიანობის (Utility) განსაზღვრების მოსაძებნად. მაგრამ რას გულისხმობენ უტილიტარები ტერმინში საკუთარ ინტერესს? უყოყმანოდ გეთანხმებით, რომ ადამიანი მხოლოდ საკუთარ ინტერესთა თანახმად მოქმედებს, მაგრამ ინტერესებში მეც ვხედავ და მგონია, რომ ყველა ფრთხილი მოაზროვნე უნდა ხედავდეს ყოველ მოტივს, რამაც შეიძლება გავლენა მოახდინოს ადამიანზე. თუ ყველა მოტივი, რამაც შეიძლება გავლენა მოახდინოს ადამიანზე, საკუთარ ინტერესებში შედის, მაშინ შეუძლებელია მეცნიერება დავაფუძნოთ უადრესად დაპირისპირებული მოტივებით სავსე პრინციპზე. თუ უტილიტარელები არ მიიღებენ ყველა მოტივს და მხოლოდ ზოგიერთს

ამოარჩევენ, მაშინ მთავრობის მათეული მეცნიერება ადამიანის ბუნებაზე კი არ ყოფილა დაფუძნებული, არამედ მხოლოდ ნაწილზე ადამიანის ბუნებისა და, ამრიგად, შედარებით არასრულყოფილია. მაგრამ უტილიტარელები აღიარებენ მხოლოდ ორიოდ მოტივს, რაც ადამიანზე ზემოქმედებს: ძალაუფლებასა და საკუთრების სიყვარულს; და ამიტომაც დაასკვნიან, ადამიანის ინტერესს შეადგენს ტირანია და ძარცვაო.

ზნეობისა და პოლიტიკის უტილიტარული სისტემის ნაზავი ამგვარად მიემართება: ადამიანს წარმართავს მხოლოდ საკუთარი ინტერესი; ადამიანს სურს იყოს ტირანი ან მძარცველი; ადამიანი არ იცვლის ბუნებას, რადგან მეფეა; ამიტომაც მეფე ტირანი და მძარცველია. თუ ერთი კაცის ნადილია, იყოს ტირანი და მძარცველი, მაშინ ორმოცდაათსაც და ხუთი ათასსაც აინტერესებს ტირანობა და მძარცველობა; ამიტომ, მეფისა არ იყოს, არისტოკრატისაც ვერ ვენდობთ. მაგრამ ადამიანური ბუნების მარადიული პრინციპია — ყოველთვის სიკეთის მოხელთება. არისტოკრატია მუდამაც პრივილეგირებული კლასია, ხუთი ათასი იქნება თუ ორმოცდაათი ათასი, ეს გახლავთ ჯგუფი კეთილშობილთა ან წარჩინებულთა სექტა; ამიტომაც, რომ ძალაუფლება უნდა ეკუთვნოდეს ყველას; ამიტომაც ერთადერთი ჭეშმარიტი და გამოსადეგი მთავრობა წარმომადგენლობითია, დაფუძნებული საყოველთაო არჩევნებზე. ასეთია ზნეობისა და მთავრობის უტილიტარული სისტემა, ამოკრებილი მათი „დიადი ნაშრომიდან“ ისეთი კაცის მიერ, ვისაც არა სურს მცდარად წარმოაჩინოს ისინი. დროებით კიდევაც რომ დავეთანხმეთ მათ წანამძღვრებს, მაინც ვერ ვხედავ მათი დედუქციის სისწორეს. შესაძლოა წარმოვიდგინოთ იმ საზოგადოების მდგომარეობა, სადაც მთავრობა უპირატესობა მინიჭებული უმრავლესობის ხელში იქნება — ხუთმილიონიანი თემი, სამილიონიანი პრივილეგირებული კლასით. განა ასე არ ვაღწევთ უდიდეს ბედნიერებას უდიდესი უმრავლესობისათვის? და თუ ასე მოხდება, მისივე თეორიის თანახმად, სამართლიანად მოიქცევა თუ არა უტილიტარელი, თუკი ხელს შეუშლის ასეთ პრაქტიკას? თუ იგი წინ აღუდგება ამგვარ კომპინაციას, თავისივე თეორიის უკუგდება მოუწევს; ხოლო თუკი დათანხმდება, მისი თეორია ტირანიასა და ძარცვა-გლეჯას დაამკვიდრებს.

ალარ გავაგრძელებ ამ მიმართულებით; საკმარისია იმის ჩვენება, რომ მათი მეტაფიზიკა არ შეიძლება პრაქტიკაში დაინერგოს. დაე უტილიტარელმა დაამტკიცოს, საკუთარი ინტერესი ყოველთვის უბიძგებს ადამიანს ტირანიისა და მძარცველობისაკენო. მაშინ ვაღიარებ, რომ საყოველთაო არჩევნები აუცილებელი და სასარგებლო ინსტიტუტია. ერი, რომელიც მსოფლიოს დაიპყრობს, საკუთარი ინტერესებიდან გამომდინარე მოქმედებს; ერი, რომელიც დამორ-

სამშაბათს, 15 ივნისს
უურნალ „ჩვენი მწერლობის“
დარბაზში გაიმართება
შეხვედრა

**ქსოვრელებთან
რუსუდან ბოლქვაძესა
და
მურმან ჯინორიასთან**

**ქალაქური ლაქსაზი
და
სიმღარაზი**

დასაწყისი 14 საათზე
ჩუბინაშვილის 41

ჩილდება დამპყრობს, მოქმედებს საკუთარი ინტერესებიდან გამომდინარე. საკუთარ ინტერესთა თანახმად მოქმედებენ მფლანგველიცა და ძუნცი; იგივე პრინციპი ამოქმედდება მესალინასა და ლუკრეციას, ბაიარდსა და ბინგს. გამოდის, რომ თუ ვიტყვით, კაცი საკუთარი ინტერესებიდან გამომდინარე მოქმედებს, ვგულისხმობთ, რომ თუკი კაცი მოქმედებს, ესე იგი მოქმედებს. აი, უმნიშვნელოვანესი ჭეშმარიტება, დიადი აღმოჩენა, რაც მიგვანიშნებს წინასწარმეტყველთა ან თუნდაც აჩრდილთა გამოჩენაზე. მაგრამ იმის გამოცხადება, რომ როცა კაცი მოქმედებს, მოქმედებს საკუთარი ინტერესით და ყოველ ადამიანს ინტერესი კარნახობს, ტირანი და მძარცველი იყავიო, ენი-ნააღმდეგება ადამიანური ბუნების გამოცდილებას; რადგანაც ყოველდღიურად და ყოველ საათში ვხედავთ, რომ არსებობს ათასობით სხვა მოტივი, რაც წარმართავს კაცის ქცევას, გარდა ძალაუფლებისა და ქონების შეძენის იდეისა; ამ მოტივებიდან თვითუფი უნდა მოვაქციოთ საკუთარი ინტერესის ტერმინში, რადგან ყოველი — მათი გავლენით მოქმედი — კაცი დარწმუნებული უნდა იყოს, რომ საკუთარი ბედნიერებისათვის იღვწის და ამიტომაც მოქმედებს საკუთარი ინტერესით. სარგებლიანობა (Utility), ტკივილი, ძალაუფლება, სიამოვნება, ბედნიერება, საკუთარი ინტერესი მხოლოდ ფრაზებია, რასაც ყოველი კაცი მიაკერებს იმ მნიშვნელობას, რაც მოეპოვინება და საიდანაძე ყოველი მახვილგონიერი და გამოცდილი მოპაქერე სილოგისტურად გამოიყვანს, როგორსაც მოისურვებს, ისეთ თეორიას. „ასეთი სიტყვები“, ამბობს ლოკი „ისევე ვერაფერს შესძენს ჩვენს შემეცნებას, როგორც ალმების ფრიალი ვერ ამოგვივსებს კუჭს“. მახვილგონიერების უაზრობაზე ფლანგვა უთანასწორო კავშირსა ჰგავს, რაც ხანდახან ხდება ხოლმე სუფთა სისხლის ულაყსა და პამპასთა გრძელყურა, კობტა ბინადარს შორის; მდაბალი და ფანტასტიკური შერწყმა მხოლოდ უნაყოფო ჯორულ შთამომავლობას გვაძლევს.

ოდესლაც გვექონდა კოსმიური მექანიკის *a priori* სისტემა და მისმა მიმდევრებმა ჯერ ტრიუმფალურად გააცამტვერეს და მერე სილოგისტური მტკიცებით ჯურღმულში ჩააგდეს გალილეო. ოდესლაც გვექონდა მეტაფიზიკის *a priori* სისტემა, მაგრამ სადღაა ერიგენას, ოკამის, სკოტუსის, რაიმონდ ლაელის ოქროს ტომები? ამჟამად კი პოლიტიკაში შემოვიდა *a priori* სისტემა, სქოლასტიკოსები ალორძინდნენ მეცხრამეტე საუკუნეში, ვინც სახელმწიფოს შეკონინებას აპირებენ თავიანთ უგზოუკვლო განსაზღვრებებით, უნაყოფო ლაქლაქითა და ბერნი დიალექტიკით.

ჩემი აზრით, ყოველი უტილიტარული ბრძენი შეურაცხყოფილი დარჩებოდა, თუკი — თომა აქვინელივით — ანგელოზურ დოქტორს ვუნდებდი; და მწარე გამოცდილება მკარნახობს ვნუხდე, რომ ჯერ ისე არ დაშვებულან დაბლა, კომპოზიციის ხელოვნება ესწავლათ, რათა შემძლებოდა უოლტერ ბერლის მსგავსი მკაფიო დოქტორი მენოდებინა.

ეს განაზრებანი ბუნებრივად მიმიძღვის დიდი ობიექტის, ჩვენს სახელმწიფო მოღვაწეთა ახალი სკოლის ზოგადი განხილვისაკენ, სკოლისა, რომელიც პოლიტიკურ ინსტიტუტებს თეორიული მეცნიერების აბსტრაქტულ

პრინციპებზე აგებს, ნაცვლად იმისა, რომ დააცადოს მოვლენათა დინებიდან გადმოდინდეს, და ბუნებრივად შეიქმნას ერის საჭიროებისდა მიხედვით. აღმოჩნდება, რომ ეს სქემა წარმოშობილია შეცდომის შედეგად, როცა ვარაუდობენ, თეორიები განაპირობებს ვითარებას, მაშინ, როდესაც სრულიად საპირისპირო რამ ხდება და სწორედ ვითარება განაპირობებს თეორიებს. თუ თვალს გავადევნებთ პიროვნების კარიერას, აღმოვაჩინებთ აშკარა თანმიმდევრულობას მის ქცევაში; თუმცა არავითარი შესაძლებლობა არ ყოფილა, რომ მას ორგანიზებული ფილოსოფიის მიხედვით ემოქმედა, რასაც **სისტემას** ვუნდებთ. მამ რამ წარმოშვა მისი თანმიმდევრულობა? რამ განაპირობა მისი ჰარმონია მიზანთან? მისმა პიროვნულმა ხასიათმა. ერებსაც აქვთ ხასიათი, როგორც პიროვნებებს, და სწორედ ეროვნული ხასიათია ის, რისი გადახვევა ან უარყოფა სურს სახელმწიფო მოღვაწეთა ამ ახალ სექტას თავისი სქემებითა და შეხედულებებით. ჟინი მმართველობისა, რაც ორგანიზაციის შედეგია, წარმართავს პიროვნების კარიერას, ვინც ემორჩილება მასზე მაღლამდგომ მოვლენებს იღბალისა, რომლის მეორადი გავლენაც კი ძნელად თუ დაემორჩილება პიროვნების ბუნების იმპულსებს. ბუნებისა და იღბლის გავლენის ნაზავი აყალიბებს პიროვნების ხასიათს; ასევე ემართებათ ერებსაც. არის მნიშვნელოვანი მოვლენები პიროვნების კარიერაში, რაც ადამიანს ჩააფიქრებს წარსულის გამო, და ამ შესწავლებისას იგი ითვისებს გარკვეულ პრინციპებს ქცევისა, რაც მას გარდასული წარმატების მიზეზად მიაჩნია, და მოელოდეს, რომ მომავალშიც განაპირობებს მის წინსვლას: გარდა ამისა, უძველეს ხალხთა ბედ-იღბალს ახლდა დიდი კრიზისები, რაც აგულიანებდათ, შეემონებინათ ბუნება იმ ინსტიტუტებისა, რომლებიც დროთა განმავლობაში ჩნდებოდა მათ შორის. ამ დიდი ეროვნული მიმოხილვისას ბრძნულად და სათანადოდ გაიმიჯნებოდა ხოლმე მათი ისტორიის არსებითი ხასიათი იმისაგან, რაც პირწინდა შემთხვევითობა იყო, და ამ დროს პოულობდნენ გარკვეულ პრინციპებს წინაპართა ქმედებისა, რასაც მიიჩნევდნენ იმ წარმატებულ ინსტიტუტთა შემორჩენის მიზეზად; და მათ მომავალ კარიერაში, ცვლილებების, რეფორმების, გარდაქმნების პროცესში, რაც მათივე აზრით მიზანშეწონილი გახლდათ, ფიქრობდნენ, რომ ძველი პრინციპები მათი წარმმართველი და დამმოდღვრავი უნდა ყოფილიყო. ამ შემონმებით უფრო ახლოს მიდიოდნენ თავის ეროვნულ ხასიათთან, რაც ზრდიდა მათ ცოდნას და რის გამოც ამგვარი მოქმედება ბრძნულად მიაჩნდათ. ამას ვაღიარებ, ჩემო ბატონო, უდიდეს თეორიად, რაც ოდესმე არსებულა იმ პოლიტიკურ ინსტიტუტებში, რომლებიც თავისი მარადიულობის გამო უნდა გაითვალისწინოს ფილოსოფოსმა სახელმწიფო მოღვაწემ; და ეს ზომიერი, კეთილგონივრული, გამჭრიახი და აშკარად პრაქტიკული მიმართებაა ქცევის პრინციპებისადმი, რაც კი ძველი დროის ბრწყინვალე ინგლისელ პოლიტიკოსთაგან გადმოგვცემია.

ინგლისურიდან თარგმნეს
პაატა და როსტომ ჩხეიძე

მერაბ კალანდაძე

ალექსანდრე ორბელიანი ახალი ისტორიის საკითხებზე

ალბათ, ინტერესს მოკლებული არ იქნება ალექსანდრე ორბელიანის ზოგიერთი საინტერესო გამოხატულება და მოსაზრება დასავლეთ ევროპის ახალი ისტორიის ცალკეულ თემებზე, რომელთაც იგი უმთავრესად საქართველოს ისტორიასთან კონტექსტში წამოჭრის.

ალექსანდრე ორბელიანის ნაწერებში ყურადღებას იპყრობს ინგლისის პრემიერ-მინისტრის, ლიბერალთა პარტიის თვალსაჩინო წარმომადგენლის ჩარლზ-ჯეიმზ ფოქსის (1749-1806) მოხსენიება. ამ თვალსაზრისით საგულისხმოა ჩვენს მიერ უკვე განხილული ალექსანდრე ორბელიანის მრავალმხრივ საინტერესო, ანალიტიკური მუშაობით გაჯერებული წერილი „ნაპალიონი და მაშინდელი ანგლის მთავრობა“.

მის პოლემისტურ წერილში „პლატონ იოსელიანსა“ ერთ ადგილას მოხსენიებულია ინგლისის პარლამენტი. ეს, რა თქმა უნდა, საინტერესოა.

წერილში „ქართველების ძველი დრო“, რომელიც გამოქვეყნდა ჟურნალ „ცისკარში“ 1861 წელს, იგი ეხება საკმაოდ აქტუალურ თემას - ნაპოლეონის მიერ 1804 წლის 21 მარტს ენგინის ჰერცოგის სიკვდილით დასჯას. რა თქმა უნდა, ეს ძალიან ცოტაა, მაგრამ საინტერესოა და მისი უყურადღებოდ დატოვება გამართლებული არ უნდა ჩანდეს.

ბუნებრივია, ადვილი გასაგებია, რომ ალექსანდრე ორბელიანის დაინტერესებას დასავლეთ ევროპის ისტორიის ამ საკითხებით ქართული სინამდვილე განსაზღვრავს. მას, პირველ რიგში, საქართველოს სვე-ბედი ალელეებს და ამ რთული მდგომარეობიდან გამოსავლის ძიებაში ყურადღებას მიაპყრობს ევროპის ისტორიას. ცდილობს გაიაზროს ევროპის გამოცდილების პოზიტიური მნიშვნელობა.

სავსებით მართლზომიერია, რომ იგი ყურადღებას ამახვილებს დასავლეთ ევროპის ახალი ისტორიის თემატიკაზე, და ეს მნიშვნელოვანწილად იმით აიხსნება, რომ მისთვის სასურველი პასუხები სწორედ აქ ეგულება. ალექსანდრე ორბელიანი სავსებით მართალი იყო. საქმე ის გახლავთ, რომ დასავლეთ ევროპის ისტორიაში მიმდინარე პროცესები ძირითადად დასრულებული სახით არის წარმოდგენილი. ანალოგიური ან სხვა მოვლენები, რომელსაც ადგილი ჰქონდა საქართველოს ისტორიაში, სწორად დაუსრულებელი სახისაა, რაც უპირატესად განუწყვეტელი საგარეო აგრესიით იყო გამოწვეული, რომლის მნიშვნელობასაც საბჭოთა ისტორიოგრაფია ჯეროვნად არ აფასებდა და სოციალ-ეკონომიკური ფორმაციების და კლასობრივი ბრძოლის ჩრდილში მიუჩენდა ხოლმე ადგილს.

დავინყოთ ფოქსით: „აქ მე ინგლისელი ფოქსის მართველობას არ გაურევ, ამისათვის, რომ იგი მშვიდობასა და ნაპოლიონის



ნის მეგობრობას ეძებდა და არა კაცობრიობის სისხლის დაღვრას“. პირველ ყოვლისა, მარადიული თავსატეხი ტერმინოლოგიის, მართლწერის საკითხი. უფრო სწორი იქნებოდა ფოქსი და არა ფუქსი, როგორც ამას ალ. ორბელიანი წერს. ეს რუსიციზმის გამოძახილია. ფოქსის მოღვაწეობაზე აქცენტის გაკეთება საინტერესოა და აქედან კარგად ჩანს, რომ ალექსანდრე ორბელიანი საკმაოდ ინფორმირებული იყო ამ ეპოქის ინგლისისა და საერთოდ ევროპის ისტორიაში. იცოდა კონკრეტული ფაქტები. საერთო ცოდნას უზამებდა კონკრეტულ მასალას. „მე ამათ დაწვრილებით განსაჯაში არ შევალ, ამიტომ რომ ვინცა ნაპოლიონისა და მაშინდელი ანგლისის მთავრობის გარემოება იცის ისტორიით თუ სხვა ზაპისკებით, მალე მიხვდება იმათ საქმეს“.

ალექსანდრე ორბელიანის დაინტერესება XIX საუკუნის დასაწყისის ცნობილი ინგლისელი პოლიტიკური მოღვაწით, ლიბერალთა ლიდერით ჩარლზ-ჯეიმზ ფოქსით, რა თქმა უნდა, შემთხვევითი არ ყოფილა და მნიშვნელოვანწილად იმით იყო განპირობებული, რომ ფოქსს, უილიამ პიტ (უმცროსთან) ერთად, ერთ-ერთი თვალსაჩინო ადგილი ეკავა XIX საუკუნის დასაწყისის ინგლისის პოლიტიკურ ცხოვრებაში, რაც ეტყობა, ალ. ორბელიანის გამჭრიახ მზერას შეუმჩნეველი არ დარჩენია.

რაც შეეხება ალექსანდრე ორბელიანის მიერ ფოქსის მოღვაწეობის შეფასებას, იგი ინგლისელი პოლიტიკოსის მიმართ საკმაოდ კეთილგანწყობილი ჩანს და ამის გასაღები ფოქსის პოლიტიკურ კურსში ძევს.

იგი ნაპოლეონის წინააღმდეგ უფრო ლიბერალურ მოქმედებათა მომხრე იყო. ფოქსისადმი ალექსანდრე ორბელიანის კეთილგანწყობა ნაპოლეონისადმი დამოკიდებულებამ განსაზღვრა. შესაძლოა ალ. ორბელიანი აიდეალებდა ფოქსს, რაც მნიშვნელოვანწილად იმით იყო გამოწვეული, რომ ლიბერალთა პოლიტიკა ფოქსის მეთაურობით ძალიან კარგად მიესადაგებოდა მის პოლიტიკურ შეხედულებებს და მას საფუძვლად ნაპოლეონისადმი დიდი სიმპათია ედო. ალ. ორბელიანის მიერ ფოქსის მოღვაწეობის დადებითი შეფასება, ცხადია, სავსებით სწორი იყო, მაგრამ მისი განდიდება არ ღირს, ზედმეტია.

ფოქსისადმი ალ. ორბელიანის კეთილგანწყობილი დამოკიდებულება კიდევ ერთი გარემოების გამო იპყრობს ყურადღებას და საინტერესოა. აქ, რა თქმა უნდა, ვგულისხმობთ, რომ მასში ძალიან კარგად მოჩანს უილიამ პიტისადმი (1759-1806) მისი უარყოფითი დამოკიდებულების ირიბი ანარეკლი. აქ აისახება რეალური ვითარება. საქმე ისაა, რომ უილიამ პიტი გახლდათ საფრანგეთის და ნაპოლეონის დაუძინებელი მტერი და მთელი თავისი პოლიტიკური მოღ-

ვანოების მანძილზე თავგამოდებით იბრძოდა მის წინააღმდეგ. ალექსანდრე ორბელიანის ღრმა რწმენით — და ამაში არის რაღაც რაციონალური მარცვალი — ინგლისისა და უილიამ პიტის პოლიტიკა მკვეთრად კონსერვატიულ ხასიათს ატარებდა და არ შეესაბამებოდა იმ ლიბერალურ ღირებულებებს, რომელზეც ალ. ორბელიანი იყო ორიენტირებული. მას ინგლისის და უილიამ პიტის პოლიტიკა პროგრესულად არ ესახება. ამაში ალ. ორბელიანი სავსებით მართალია. ინგლისის პრემიერ-მინისტრის უილიამ პიტის მოღვაწეობის უარყოფითი დამოკიდებულებას ალ. ორბელიანის მიერ ნაპოლეონის განდიდება უდევს საფუძვლად. ნაპოლეონისადმი დამოკიდებულება განსაზღვრავს მის კეთილგანწყობას ფოქსისადმი და უარყოფით მიდგომას უილიამ პიტის მოღვაწეობისადმი. ამ შეხედულებას აქვს თავისი ძლიერი და სუსტი მხარეები. ვგულისხმობ, რომ უილიამ პიტის მთლიანად მიწასთან გასწორება მეტისმეტი ხომ არაა?

ალექსანდრე ორბელიანი შორსაა უილიამ პიტის განდიდებასაგან, რაც, სხვათა შორის, დომინირებს XIX—XX საუკუნეების ინგლისურ ისტორიოგრაფიაში. ეს, რა თქმა უნდა, ძალიან კარგია, მაგრამ, როგორც ჩანს, იგი სხვა უკიდურესობაში ვარდება და, ჩვენი აზრით, შეიძლება ამუქებდა საქმის ვითარებას. არ უნდა დაგვავიწყდეს, რომ ინგლისის გადარჩენის საქმეში, ადმირალ ნელსონთან ერთად, უილიამ პიტის წვლილიც ვრცელია [1.490].

ალექსანდრე ორბელიანის საინტერესო, პოლემისტური ხასიათის წერილში „პლატონ იოსელიანსა“ ყურადღებას იპყრობს ინგლისის პარლამენტის მოხსენიება.

აი, რას ნერდა ალექსანდრე ორბელიანი: „რაო რათ ქუხდა, რას იძახდა, რა ანბავი ჰქონდა ჭაბუა დივანბეგსა, იმ კრებაში? — ინგლისის პარლამენტი ხომ არ ჰგონია პლატონს მეფე ირაკლისთან ის თავაზიანი თათბირი?“

აქ საგულისხმო ჩანს ალექსანდრე ორბელიანის დადებითი დამოკიდებულება ინგლისის პარლამენტისადმი. ადვილი შესაძლებელია, რომ ალექსანდრე ორბელიანი, რომელიც უმთავრესად პროგრესულ ლიბერალურ ღირებულებებზე იყო ორიენტირებული, თანაუგრძნობდა ინგლისის პოლიტიკურ წყობას და სიმპათიით იყო გამსჭვალული ინგლისის პარლამენტისა და კონსტიტუციური მონარქიის მიმართ [2].

ალექსანდრე ორბელიანი სტატიაში „ქართველების ძველი დრო“ ეხება ერთ აქტუალურ საკითხს. თუ სახელმწიფოში არაა წესრიგი, არის თუ არა ამაში დამნაშავე მთავრობა, მეფე.

ამ თემისადმი ალ. ორბელიანის დამოკიდებულება ერთმნიშვნელოვანია. მეფე პასუხისმგებელია ქვეყანაში შექმნილ მდგომარეობაზე. ამის საილუსტრაციოდ ის ყურადღებას მი-აპყრობს დასავლეთ ევროპის ქვეყნების ისტორიას, კერძოდ კი რესტავრაციის ხანის ინგლისს, ჯეიმზ II-ის მმართველობის დროს — 1685-1688 წლებში და 1804 წლის 21 მარტს ნაპოლეონის მიერ ენგიენის ჰერცოგის დახვრეტას.

ორივე შემთხვევაში ის სწორ დასკვნას აკეთებს და არსებულ უნესრიგობაში მთავრობას ადანაშაულებს. „მაკოლეის ისტორია ანბობს რა ანბავი ყოფილა ანგლიაში იაკობ II-ის დრო... ნაპოლეონმა ლერცოგი ენგიენსკი, რომ მოაშთობინა სიმართლე იყო“. აღსანიშნავია, რომ ენგიენის ჰერცოგის დახვრეტას იგი გმობს თავის წერილში „ნაპალიონი და მაშინდელი ანგლიის მთავრობა“. აქ რამდენიმე გარემოება იპყრობს ყურადღებას. პირველ რიგში კარგად ჩანს, თუ როდენ ჩახედული და ინფორმირებული იყო ალექსანდრე ორბელიანი ნაპოლეონის ცხოვრებასა და მოღვაწეობაში. მისი საქმიანობა ზოგადად

კი არა, დეტალებში იცის. ცხადია, ეს ძალიან კარგია და ალ. ორბელიანის დიდ პლიუსს წარმოადგენს. მეორე, მიუხედავად ნაპოლეონისადმი კეთილგანწყობისა, ძნელია ალ. ორბელიანი მის ბრმა აპოლოგეტად მივიჩნიოთ. ენგიენის ჰერცოგის დახვრეტისადმი მისი ნეგატიური დამოკიდებულება ამის ნათელი ილუსტრაცია უნდა იყოს. ის აშკარად არ ამართლებს ნაპოლეონის ამ ნაბიჯს. აქ კიდევ ერთი გარემოება ჩანს საგულისხმო. იგი გმობს ხელისუფლების ძალმომრეობას და იცავს პიროვნების ინტერესებს. ეს საინტერესოა და ალექსანდრე ორბელიანს ევროპული აზროვნების დონემდე ამაღლებს. ადამიანზე ძალმომრეობა მან თვით სათაყვანებელ ნაპოლეონსაც კი არ აპატიავს. აქ, ალბათ, ყოველგვარი კომენტარი ზედმეტი იქნებოდა. სხვათა შორის, ალექსანდრე ორბელიანის ჩახედულება დასავლეთ ევროპის ახალი ისტორიის საკვანძო საკითხებში კარგად გამოჩნდა 1832 წლის შეთქმულების დროს. ამ მხრივ საყურადღებოა მისი პასუხები დაკითხვის პროცესზე, როდესაც მას თავის დაცვის მიზნით მოჰყავს არგუმენტები დასავლეთ ევროპის ახალი ისტორიიდან, მაგრამ ეს ძალზე ზოგადია და მსჯელობის ფართოდ გაშლის საშუალებას ნაკლებად იძლევა.

...ყოველივე ზემოთქმულის შემდეგ ამგვარი სურათი იკვეთება. რა თქმა უნდა, ალექსანდრე ორბელიანის ცალკეული გამოხატულებები მეტად მწირ მასალას გვანვდის, მაგრამ ეს მცირე ინფორმაცია, ვფიქრობთ, საინტერესოა და მისი ნაყრუება, მიჩუმაობა, გამართლებული არ უნდა ჩანდეს. მისი მნიშვნელობა ისაა, რომ გარკვეულ წარმოდგენას გვიქმნის და საშუალებას გვაძლევს ვცადოთ განვსაზღვროთ, თუ როგორი იქნებოდა ამ საკითხებისადმი მისი მიდგომა.

ალექსანდრე ორბელიანის კეთილგანწყობა ინგლისის პრემიერ-მინისტრ ფოქსისადმი და ნეგატიური დამოკიდებულება უილიამ პიტისადმი, ვფიქრობთ, შემთხვევითი არ ყოფილა და უწინარესად მისი პროფრანგული ორიენტაციით, პირველ რიგში კი ნაპოლეონისადმი სიმპათიებით უნდა ყოფილიყო გამოწვეული.

ალექსანდრე ორბელიანის მიერ ინგლისის პარლამენტის დადებით კონტექსტში მოხსენიება საგულისხმო ჩანს. გამორიცხულად არ მიგვაჩნია, რომ მას მოსწონდა ინგლისის პოლიტიკური წყობა და თანაუგრძნობდა კონსტიტუციურ მონარქიას. გასაკვირი არაფერია. ის უმთავრესად ევროპულ რეალიზმზე იყო ორიენტირებული და ფრანგული განმანათლებლობის ფარვატერს მიუყვებოდა.

ცხადია, სავსებით მართალი იყო ალექსანდრე ორბელიანი, როდესაც ენგიენის ჰერცოგის სიკვდილით დასჯაში ნაპოლეონს ადანაშაულებს, თუმცა „მოაშთობინა“ მთლად ზუსტი ფორმულირება არ გახლავთ. იგი დახვრეტეს. ეს ამ თემაზე მისი მსჯელობის მცირე ნაკლად შეიძლება მივიჩნიოთ.

1. ჩ. ფოქსის და უ. პიტის შესახებ არსებობს მეტად მდიდარი ლიტერატურა. *История XX века, под редакцией Е. Лависса и А. Рамбо т. 2. М. 1938.*

2. Р. Гнейст. *Историй государственных учреждений Англии. М. 1885. Дж. Грин. История Английского народа т. 4. М., 1892. Дж. Тревельян. Социальная история Англии, обзор шести столетний от Чосера до королевы Викротии. М., 1959.*

3. Талеиран Мемуары М., 1959. Наполеон. Избранные произведения. М., 1956. Э. Тарле. Наполеон. М. 1957. А Манфред. Наполеон Бонапарт. М. 1973. ე. ტარლე, ტალეირანი, თბ., 1965, დ. ცისკარიშვილი, ნაპოლეონი, ნანილი 1. თბ., 1994. კ. ანთაძე, მ. კალანდაძე, საფრანგეთის ისტორია, კულტურა, გეოგრაფია. თბ., 2005.

ეკა ბუჯიაშვილი

აი, ასეთი რობერტ სტურუა

ამშ-ში, შექსპირული დრამატურგიის ფესტივალზე მარჯანიშვილის თეატრიც მონაწილეობს. მეც იქ ვარ, როგორც თეატრალური ჟურნალის რედაქტორი. ერთ საღამოს მომი-ახლოვდა ახალგაზრდა ქალბატონი და მეკითხება:

– თქვენ საქართველოდან ბრძანდებით? გია ყანჩელი თუ გაგიგიათ?

– ცხადია, – ვპასუხობ, – ვიცნობ კიდეც. ჩემი პიესა რომ დაიდგა (რუსთაველის თეატრში) მუსიკის ავტორი გია ყანჩელი იყო-მეთქი.

ის აღელვებული უხმობს ვიღაცას და ეუბნება:

– იცით, ეს ბატონი გია ყანჩელს იცნობს...

და მე ვგრძნობ, როგორ ვმალდები მათ თვალში. ცოტა ხანში ისევ მეკითხება:

– სტურუას? – თან ვგრძნობ, რომ ამის იმედი აღარ აქვს, – რობერტ სტურუასაც ხომ არ იცნობთ?

– სტურუა ჩემი მეგობარია-მეთქი, – ვეუბნები.

ის კი გაოცებული მიყურებს და მთხოვს...

ვუამბო იმაზე, თუ როგორია რობერტ სტურუა.

მაშინ ქიაჩელზე ცხოვრობდა.

ჩვეულებრივი ადამიანი იყო – ერთი თეატრის ერთ-ერთი რეჟისორი.

ფეხით დადიოდა, ჯერ უცნობი სახელი და გვარი ჰქონდა და არ მახსოვს უწინგებოდ მენახა, – თბრობას აგრძელებს ბატონი გურამი.

მოგვიანებით, სწორედ ასეთს, ილღიაში წიგნებამოჩრის გაიხსენებს რობერტ სტურუას **ნანა დემეტრაშვილი**:

– ის მაღაზიაში თავისი სტიპენდიით ყიდულობდა ახალ-ახალ გამოცემებს. მე მაშინ ქირით ვცხოვრობდი, „პური არსობისაც“ საფიქრალი მქონდა, ამიტომ წიგნის შეძენას ვერ ვახერხებდი. ვუყურებდი მაღაზიიდან მომავალ რობერტს, კეთილი შურით მშურდა მისი და ფიქრით ვათვალისწინებდი მის მდიდარ ბიბლიოთეკას.

გავიდა წლები და სწორედ რობერტ სტურუას ვუმაღლი იმას, რომ მერე, როცა უკვე აღარც ქირით ვცხოვრობდი და აღარც საინტერესო გამოცემების ყიდვა აღარ მიჭირდა, ვიჯექი და ვკითხულობდი წიგნებს, იმ წიგნებს, რომელთაც კეთილი შურით შევცქეროდი წლების წინათ, – იტყვის ქალბატონი ნანა, მაგრამ ეს იქნება ცოტა მოგვიანებით, ჯერ კი... ბატონი გურამი დგას ავანსცენაზე და ასე აგრძელებს საუბარს:

– საერთოდ, ქართულ თეატრალურ სამყაროში ორი ძალზე კარგი მკითხველი მეგულებს. პირველი რობერტ სტურუა – ის კითხულობს ყველაფერს განურჩევლად,

რეპეტიცია აქვს და აგვიანებს... ეს ჩვეულებრივი მოვლენაა მის ცხოვრებაში, რადგან როცა მუშაობს, დრო მისთვის არ არსებობს. ახლაც ისე ჩართულა თავის საქმეში, არც მეტი, არც ნაკლები, გადაავინყდა, რომ ჟურნალ „ჩვენი მწერლობის“ სალონში უკვე შეკრებილან და ელიან მის გამოჩენას.

ის კი... აგვიანებს.

ის – ჩვენი დროის ერთ-ერთი სახელოვანი რეჟისორი, რომელმაც არაერთი შედეგით აჩუქა არა მხოლოდ ქართველ მაყურებელს და ბევრწილად განსაზღვრა ბოლო ათწლეულების ქართული თეატრალური ხელოვნება.

რობერტ სტურუა რეპეტიციაზეა...

„ჩვენი მწერლობის“ სალონში შეკრებილ საზოგადოებას კი მოუთმენლობა ეტყობა, ბორგავს, ხმაურობს, ლელავს...

აი, ცოტაც, კიდეც ცოტაც და... დარბაზის დამშვიდებას ცდილობს როსტომ ჩხეიძე, დასახმარებლად გურამ ბათიაშვილსაც რომ უხმობს და მთავარი გმირის გამოჩენამდე ახლა ის ცდილობს საზოგადოების ყურადღების მიპყრობას.

ბატონი რობერტი მოგვიანებით შემოგვიერთდება, მანამდე კი არაერთი საინტერესო რამ ითქმება მის შესახებ და რაკი ეს ყველაფერი შემეცირებისა და ფრაგმენტებად დაშლისთვის დაგვენანა, ამ შეხვედრის ამსახველ მასალას ორ ნაწილად ვყოფთ: რას ამბობდნენ რობერტ სტურუას შესახებ და როგორი იყო დიდი რეჟისორის პასუხები სალონში შეკრებილთა კითხვებზე.

მამ ასე:

რეჟისორის მოლოდინში

– იყო ასეთი დროც – ვიდრე ფილმი დაიწყებოდა, ორკესტრი უკრავდა კინოდარბაზში, მღეროდა ერთი მოდიდან გასული მომღერალი რომელიმე მოსაწყენ სიმღერას და ასე ცდილობდა მაყურებელთა გართობას დარბაზის შეკრებამდე. აი, ეს ფუნქცია მაკისრია ახლა, თორემ მე რომ რობერტ სტურუა არ ვარ, ამას დიდი ფილოსოფია არ სჭირდებაო, – ამბობს გურამ ბათიაშვილი და საუბარს რეჟისორის შესახებ ერთი ამბის გახსენებით იწყებს:

* ნაწილი პირველი



გულდასმით და ინტერესით – გვერდს ვერ ნახავთ, მის მიერ რამე არ იყოს ჩანიშნული. არადა, გასაოცარია პირდაპირ, ის არის კაცი, რომელიც თეატრიდან არ გამოდის – რეპეტიცია დილით, შუადღით, საღამოს... გათენებამდისაც მუშაობს... და ვერ გეტყვით როდის ასწრებს კითხვას.

მეორე ასეთი მკითხველი კი გიგა ლორთქიფანიძეაო, – ამბობს და იხსენებს რობერტ სტურუას იმ სპექტაკლებს, დიდი ხმაური რომ მოჰყვა, მათ შორის „ყვარყვარეს“, რომლის შესახებაც გურამ ბათიაშვილმა, თავის დროზე, შესანიშნავი დიალოგი გამოაქვეყნა სპექტაკლის რეჟისორთან და ამ საუბარში აიხსნა, თუ რა საჭირო იყო ამ თხემით ტერფამდე ძალიან ქართული ნაწარმოების ასეთი განზოგადება.

გავიდა დრო, რომელსაც სპექტაკლმა გაუძლო და ბევრ კითხვას თავად გასცა პასუხი.

იმ დიალოგს კი... დღესაც ხშირად იმონებენ რობერტ სტურუას შემოქმედების მიმოხილვისას.

* * *

– ისრაელში ცნობილია კომპოზიტორ იოსებ ბარდანაშვილის სახელი. წლების წინათ ის საქართველოდან წავიდა, მუშაობდა პროდუქტების მაღაზიაში და მოკრძალებულად, უსახელოდ ცხოვრობდა. და აი, ჩადის ისრაელში სპექტაკლის დასადგმელად რობერტ სტურუა. მას და იოსებ ბარდანაშვილს თბილისშიც მოუწიათ ერთად მუშაობა შვარცის „დრაკონზე“, ამიტომ იქაც მოძებნა და დადგეს სპექტაკლი, რომელმაც არაჩვეულებრივი წარმატება ჰპოვა მაცურებლებში. რობერტ სტურუა თბილისში ბრუნდება, იოსებ ბარდანაშვილი კი არავინ იცის, ჰგონიათ საქართველოდან ჩაჰყვა რეჟისორს და ისევ მასთან ერთად დაბრუნდა სამშობლოში. უეცრად, ერთ-ერთი გაზეთის კორესპონდენტი მაღაზიაში შენიშნავს, იცნობს და გამოაქვეყნებს სტატიას – თუ როგორ ცხოვრობს მათ გვერდით ძალზე ნიჭიერი კომპოზიტორი.

ასე იწყება მისი აღმავლობის გზა და დღეს მისი სახელი უკვე კარგად იცნობს ისრაელის თეატრალურ სამყაროში.

თვითონ რობერტ სტურუას კი სახელი და ჯილდოები არასოდეს აკლდა.

აი, თუნდაც სულ ახლახან ტოვსტონოგოვის პრემიაც მიიღო, მაგრამ სულ სხვაა, როცა ეს ყველაფერი ილია ჭავჭავაძის სახელს უკავშირდება – ამ რამდენიმე ხნის წინათ, რეჟისორს, ქართული კულტურისა და სულიერების წინაშე განსაკუთრებული ღვაწლისათვის საგურამოს პრემია მიანიჭეს.

ეს ჯილდო, საგურამოს სახლ-მუზეუმის დირექტორის ანდრო ბედუკაძის თქმით, წელს მეშვიდედ გაიცა. მისი ლაურეატები არიან: საქართველოს კათალიკოს-პატრიარქი ილია II, ანზორ ერქომაიშვილი, ოთარ ჩხეიძე, ანა კალანდაძე, ბიძინა კვერნაძე, თამაზ ჩხენკელი.

– ზოგჯერ ასეც ხდება, – აღნიშნავს ბატონი ანდრო, – დანესებულ პრემიას სახელები სჭირდება პრესტიჟის მოპოვებისა და დამკვიდრებისათვის, აქ კი ის შემთხვევაა, როცა პრემია და ლაურეატები ერთმანეთს ავსებენ და განადიდებენ, ერთ მნიშვნელოვან მთლიანობას ქმნიან. აი, ასეთი რამ მოხდა წელსაც, როცა ეს ჯილდო ბატონ რობერტს მიეკუთვნა.

მაშინ ის საქართველოში არ იმყოფებოდა და არ ჰქონდა საშუალება, ნობელის პრემიის ლაურეატების მსგავსად, სეფე-სიტყვა წარმოეთქვა, მხოლოდ მაღლიერების გამოხატვას კი არა, შემოქმედებითი კრედოს ჩამოყალიბებასაც რომ გულისხმობს და შეკრებილებიც, როცა შეხვედებიან, უწინარესად სწორედ ამ სიტყვის წარმოთქმას სთხოვენ რეჟისორს, ოღონდ ჯერჯერობით ის ისევ არ ჩანს და საუბარი მის შესახებ ასე გრძელდება:

* * *

– ქართულ თეატრალურ სამყაროში რობერტ სტურუას სახელი უკავშირდება სპექტაკლებს: „კავკასიური ცარცის წრე“, „რიჩარდ მესამე“, „სელიემის პროცესი“, „მეფე ლირი“... და რატომღაც დაიჩრდილა „ას ერგასის დღე“, ერთ-ერთი საუკეთესო ნამუშევარი და ნიმუში იმისა, თუ როგორ შეიძლება იმ მასალის საფუძველზე დაიდგას სპექტაკლი, – ამბობს როსტომ ჩხეიძე, – მას საფუძველად უდევს მიხეილ კვესელავას თავისთავად შესანიშნავი ნიგნი ნიურნბერგის პროცესის შესახებ, დოკუმენტური წყაროებით სავსე, თუ როგორ მოხდა ფაშიზმის გასამართლება. სულ სხვა ყაიდის ნიგნია. მის მიხედვით ყველაფერზე შეიძლება იფიქრო, გარდა სპექტაკლის დადგმისა, რადგან აბსოლუტურად არადრამატურგია და, თუ მაინც გარისკავ, ალბათ ისიც უნდა იცოდე, რომ განწირული იქნება მარცხისთვის, მაგრამ... აი, ხელს კიდებს რობერტ სტურუა და... შესანიშნავ შედეგს იღებს. რატომღაც ეს სპექტაკლი დაუმსახურებლად მიივიწყეს, მე კი ის ერთ-ერთი საუკეთესო მგონია რობერტ სტურუას შემოქმედებამიო.

ალბათ ამიტომაც იყო, რომ როცა თეატრალური ხელოვნების ასეთმა დიდოსტატმა გადაწყვიტა „ვეფხისტყაოსნის“ დადგმა, საზოგადოება დიდი ინტერესით ელოდებოდა შედეგს და ხმაურიც ატყდა რობერტ სტურუას ინტერვიუს გამო, ერთ-ერთ გაზეთში რომ გამოქვეყნდა. სწორედ ამ აურზაურს გაიხსენებს შეკრებაზე იოსებ ჭუმბურიძე და იტყვის:

– ჩემი აზრით, მაშინ სწორად ვერ გაუგეს ბატონ რობერტს. ვფიქრობ, მას ასეთი ჩანაფიქრი ჰქონდა: ჰყოლოდა პერსონაჟი, რომელიც მთელი სპექტაკლის მანძილზე სცენიდან გააპირტიკებდა „ვეფხისტყაოსნის“, მაცურებელთან ერთად გაჰყვებოდა ტექსტს და თანდათანობით შეუყვარდებოდა ნაწარმოები. მორალი კი, სპექტაკლისა, იქნებოდა ის, რომ ჩვენ მხოლოდ ვსაუბრობთ „ვეფხისტყაოსანზე“ და არ ვკითხულობთ, არ ვიცით, ვერ ჩავენვით მის სიღრმეებს.

რობერტ სტურუას ჰყავს ოპონენტები, რომლებიც ამბობენ, რომ ის ძალიან ნიჭიერია, მაგრამ მსოფლიო მოქალაქეობისკენ მიისწრაფის და ეროვნული არ არის, მაგრამ... ჩემი აზრით, მან ყველაზე მძიმე წლებში დაამტკიცა თავისი ერთგულება ეროვნული ღირებულებებისადმი“.

მანანა გაბაშვილი გაიხსენებს, რა ლიტერატურას კითხულობდა რობერტ სტურუა „ვეფხისტყაოსნის“ ირგვლივ ამ ნაწარმოებზე მუშაობისას: ბევრი რუსთველოლოგიც ვერ დაიკვივნის ასეთ ცოდნასო...

...მაგრამ სპექტაკლი არ დაიდგა.

თუ რატომ, ამაზე ბატონი რობერტი თავად გვეტყვის და ვრცელი და საინტერესო საუბრითაც გაგვანებივრებს შეკრებილებს.

* * *

მაკა ჯოხაძე ასე მიმართავს რობერტ სტურუას:

„ადამიანები ხანმოკლე დღესასწაულებს ვაწყობთ. ვბრუნავთ, ვტრიალებთ თარიღების გარშემო, როგორც ხელჩაკიდებული ბავშვობის წრეში. წლიდან წლამდე ლოკალური, ოჯახური, ნათესაური თუ მეგობრული გუნდებით ერთმანეთს ვეხლებით (ვეახლებით), ვუბრუნებთ, ვუნათებთ ასაკს, წარმატებებს, მნიშვნელოვან დღეებსა თუ აღმოჩენებს. პატარებივით ვაფერადებთ შავ-თეთრი კონტურებით შემოსაზღვრულ ტერიტორიებს, პირადად ჩვენთვის, თითოეული ჩვენთაგანისათვის მკაცრად მონიშნული დროისა თუ სივრცის ფრაგმენტებს. და ასე თანდათან, ასე ნელ-ნელა შევდივართ ხანში. სიბერის ფაშს კი ვიგონებთ ერთადყოფნის იმ განცდას, იმ საყოველთაო დღესასწაულებს, რომელსაც ძირითადად ხელოვნება იმეტებს ჩვენთვის. დღესასწაულებს, რომელსაც გვჩუქნიან პოეტები, პროზაიკოსები, მხატვრები, რეჟისორები.“

ჩვენ ყველას გვახსოვს გლობალური დღესასწაული — „კავკასიური ცარცის წრე“, რომელიც რობერტ სტურუამ ჯერ საქართველოს, მერე მთელს თეატრალურ სამყაროს მოუწყო. მაგრამ სანამ რუსთაველის თეატრი მსოფლიოს მოივლიდა და ტრიუმფატორი დაუბრუნდებოდა სამშობლოს, მანამდე არაერთგვაროვანი დამოკიდებულება არსებობდა უშუალოდ რობერტ სტურუას თეატრისადმი. ამბობდნენ, რომ ის დიდი ტალანტია, გამორჩეული რეჟისორია, მაგრამ ეროვნული რეჟისორი არ არისო, მისი სპექტაკლები პოლიტიკური სპექტაკლებიაო, კოსმოპოლიტიაო, და ა.შ. და ა.შ.

მე ახლა წლების წინანდელი პრესიდან ჩემი წერილის ამონარიდი მინდა წავიკითხოთ, რადგან, ვფიქრობ, რომ როგორც აუდიტორიისთვის, ისე პირადად თქვენთვის, ბატონო რობერტ, საინტერესო იქნება თუ რას ფიქრობდა მაშინდელი ახალგაზრდობა ამ საკითხის შესახებ:

„თეატრის სცენაზე შესიებული, მოქუფრული ღრუბელივით ისევ ფორიაქობს, ისევ ცოცხლობს და ისევ წინ მიინეწვს საქართველო... „ცარცის წრიდან“ „მეფე ლირამდე“ მხოლოდ ერთი რეჟისორის კი არა, ანდა ერთი თეატრის, არამედ, საერთოდ, ჩვენი საუკუნის ქართული ცნობიერებისა და ყოფიერების დიალექტური პროცესისა გადმოცემული. ამ გზის თავსა და ბოლოში ორი უზარმაზარი, ორი ტოლფასი განცდა, ორი მოშულვე მტერი დგას — ოპტიმიზმი და პესიმიზმი, სიკეთის გამარჯვება და...“

მიუხედავად იმისა, რომ ერთის ავტორი ბრეხტია, მეორისა კი — შექსპირი, ეს მაინც ეროვნული, ქართული თეატრია. რადგან ჩვენი ეროვნული ცნობიერება სწორედ ამ მასშტაბების მოვლენებზე გადის; რადგან თუ პირველ შემთხვევაში ჯერ ისევ ხელშეუხებელი, ეჭვმიუტანელია დედაშვილობის ინსტინქტები (ამის ხორცშესხმულ ხატად გრუშე ვაჩნაძე გვევლინება. სწორედ ამ შეურყენელი ინსტინქტის წყალობით ზეიმობს არა მარტო დედაშვილობა, არამედ საერთოდ სამართალი ამ სპექტაკლში), მეორე შემთხვევაში კი, ჭკუიდან გადამცდარი მეფის წყალობით შეშლილობისა და გონიერების ზღვარადრეული, აპოკალიფსური ცნობიერებით შეპყრობილი მეოცე საუკუნე დაგვანახა ქართველმა რეჟისორმა; სამყარო, რომელშიც მთელი საუკუნის ე.წ. „პროგრესირებული დეგრადაცია“

წარმოჩენილი. ჩვენ, ქართველები, ამ პროცესში ჩვენი ვნებებით, ემოციებით, უგონობით თუ გონიერებით, ჩვენი ცოდო-ბრალით ვმონანილებთ...“

ამიტომაც, რომ მაყურებელი ორივე სპექტაკლში სულგანაბული უყურებს არა მხოლოდ აზდაკისა და ლირის მიერ გამოტანილ განაჩენს, არამედ თანამედროვე ხელოვანის მიერ გამოტანილ განაჩენსაც თავისი ეპოქის, თავისი ქვეყნის, თავისი სამშობლოს მიმართ, და ეს იმიტომ, რომ ეროვნული თეატრი ქართველი ხალხისათვის დღესაც რჩება კათარზისის, თავისუფლების სიმბოლოდ. რადგან იმ ავადმყოფისა და პატიმარისა არ იყოს, ქართველ მაყურებელს მედიცინასა და სამართალთან ერთად თეატრიც ნამდვილ ქომაგად უნდა რომ ეგულეობდეს სულიერი ჭრილობების მოსაშუშებლად, ენერჯის გასაძლიერებლად, იმედის მომცემად, და დგას ქალაქში გასული თეატრი, თავისუფლების პანია მაკეტი...“

ძირითადად პროზაზე ვმუშაობ, მაგრამ იყო ჩემს ცხოვრებაში პერიოდები, როცა სათქმელი სწორედ პიესის ფორმას ითხოვდა. სამი პიესა მაქვს სულ დაწერილი. მათ შორის ბოლო — „სასონარკვეთილთა თეატრი“ — 1996 წელსაა შექმნილი. ამ პიესას მიძღვნა ენერა, მაგრამ მერე რიდის გამო მოვხსენი. პირველად სწორედ ახლა ვამბობ, რომ ეს პიესა რობერტ სტურუას ეძღვნებოდა. მთავარი მოქმედი გმირი რეჟისორია, ჩემი თვალსაწიერიდან დანახული ბ-ნი რობერტი.

როცა „საკანში“ გამორჩნდით, საგანგებოდ გიყურეთ, დადარაჯებულიც კი ვიყავი და გამიხარდა, რომ არ უმტყუნია ჩემთვის გუმანს წლებისწინანდელი შეფასებისას. საქართველოში დიდი პიროვნებების და ხელოვანების დეფიციტი არასოდეს ყოფილა, მაგრამ როცა ეს ორი რამ ერთმანეთს ემთხვევა, ნამდვილი ბედნიერებაა. ჩემთვის სიმბოლოურია ისიც, რომ რობერტ სტურუა თეატრიდან არ გამოდის და ციხესიმაგრესავით იცავს მას. თითქოს ფიზიკურადაც უფრთხილდება იმას, რაც არ შეიძლება წარმავალი იყოს, დროებითი იყოს. შემოქმედებითა ენერჯიამ, შემოქმედებითა წარმოსახვამ მარადიულად უნდა იარსებოს. გაამდიდროს და გააფერადოს სამყარო, მარადიულად უნდა დაუპირისპირდეს რეალობას თავისი დღესასწაულებით“.

ლია სტურუა კი აღნიშნავს, რომ ბატონმა რობერტმა ისე მაღლა ასწია თეატრალური ხელოვნების თამასა, ძალზე კრიტიკულ მაყურებლად აქცია და მსოფლიოს სხვადასხვა ქვეყანაში მოგზაურობისას იშვიათად თუ ალაფრთოვანებს უცხოელი რეჟისორების ნამუშევრები, თვით ინგლისის სცენაზე გაცოცხლებული შექსპირიც კი... და ამიტომაც **ლევან ქურციკაშვილი**, საღამოს დასასრულს, თავის წიგნს — „შექსპირი და მედიცინა“ — რომ გადასცემს საჩუქრად რეჟისორს, ასე წაანერს: „შექსპირი რომ ცოცხალი ყოფილიყო, თავისი პიესების ვირტუოზ რეჟისორად რობერტ სტურუას დაასახელებდა“.

ქალბატონი ლია კი თავის დამოკიდებულებას ამგვარად ახსნის:

— ყველა დადგმას რობერტ სტურუას სპექტაკლებს ვადარებ. ამ ბოლო ხანს მისი „კაცია-ადამიანი“ მომეწონა. საერთოდ დიდი გულჩვილობა არ მახასიათებს, მაგრამ აი, რეფრენივით რომ გასდევს სპექტაკლს ჟანრი ლოლაშვილის ამოგმინვა — ალაზანოო!.. — ცრემლი მომდის. დარე-

რეპორტაჟი

ჯანის სახე კი ისეთია, პირდაპირ საოცრებაა! ცვეტაევას აქვს ლექსი „ჩემი პუშკინი“. ასე ჰყავს თითოეულ ჩვენგანს თავისი ილია და რუსთაველი, ამიტომ ამ თემაზე საუბარს აღარ გავაგრძელებ, უბრალოდ წაგიკითხავთ ლექსს „გოდოს მოლოდინი“, რომელიც რობერტ სტურუას მივუძღვენიო, – იტყვის და, სულ ცოტა ხნით, თავისი პოეზიის სამყაროში გადაგვიყვანს, მაგრამ ესეც მერე იქნება...

ჯერ კი ბატონი რობერტი გზაშია, აგვიანებს. **როსტომ ჩხეიძე** კი „მეფე ლირს“ იხსენებს:

– ხომ გახსოვთ, იწყება სპექტაკლი, მაყურებელი მოუთმენლად ელის, როდის გამოვა სცენაზე მეფე ლირი, ის კი... არა და არ ჩანს... როდის-როდის აუხსრულდებათ წადილი. რაღაც ასეთი გათამამდა დღესაცო, – ამბობს და დარბაზს კარისკენ მიანიშნებს.

„ჩვენი მწერლობის“ სალონში რობერტ სტურუა შემოდის.

აი, ის რობერტ სტურუა, ბევრნილად რომ განსაზღვრა ჩვენი დროის ქართული თეატრალური ხელოვნება; ძალიან მაღლა რომ ასწია გემოვნებისა და ოსტატობის თამასა; არაერთი სპექტაკლი რომ აჩუქა სხვადასხვა ქვეყნის სცენებს; საქართველოს სახელი საერთაშორისო ასპარეზზე რომ გაიტანა, მსოფლიო მოქალაქეობისკენ რომ მიილტვის, მაგრამ ამავე დროს ძალიან კარგად იცის ეროვნული ღირებულებების ფასი და არაერთხელ დაუდასტურა თავის ხალხს, რომ ჭეშმარიტი ფასეულობების ერთგული დარჩა...

და ამიტომ...

და კიდევ ბევრი რამის გამო მას ფეხზე დაუდგება შეკრებილი საზოგადოება.

ბამონაუარება

სად დასვას წერტილი...

□

ზვიად კვარაცხელიას ახალი ნოველის ბამონაუარება

ზვიად კვარაცხელიას სახელი უკვე კარგად მოეხსენება თანამედროვე პროზის იმ შემფასებლებს, რომლებიც დღეს ქართულ მწერლობაში, როგორც იტყვიან, ამინდს ქმნიან.

მან უკვე მშვენიერი დებიუტით დაიმკვიდრა მისთვის განკუთვნილი ადგილი და, როგორც ვხედავ, წინსვლას განაგრძობს. როგორც ჩანს, სურს პროზის „სხვადასხვა სახეობაში“ მოსინჯოს ძალები და სითამამე რომელიც მას საზოგადოდ ახასიათებს, როგორც შემოქმედს, საინტერესოა და ხშირ შემთხვევაში გამართლებულიც, რადგან ზომიერების გრძნობა არ ღალატობს და ამავე დროს მაძიებელი, კირკიტა შემოქმედი.

როგორც ირკვევა, მხატვრულ-დოკუმენტური პროზისკენ იხრება ყველაზე მეტად და ეხერხება კიდევაც ამ ჟანრში მუშაობა. მისი „ილია სამეგრელოში“ ამ თვალსაზრისის ხელშეასახები, შთამბეჭდავი დადასტურებაა.

ამის დასტურია ის ახალი ტექსტიც (რომ არაფერი ვთქვათ მის სხვა ნაწარმოებზე), რომელიც ჟურნალ „ჩვენი მწერლობის“ მე-10 ნომერში დაიბეჭდა და რომელმაც არც ამჯერად გამაზნობლა.

„ბებოს წმინდა წერილი“ სათაური თავისთავად ტევადია, სიმბოლური. დედაშვილობის მაღლზე გვაფიქრებს და თან, ამავე დროს, საზოგადოდ, ადამიანის, ქალის და ნიშნულებაზეც ამქვეყნად, იმაზე, თუ რა უნდა იყოს მთავარი ორიენტირი ცხოვრებაში.

საერთოდ, უნდა ითქვას, რომ ზვიად კვარაცხელიას ყოველი ახალი მხატვრული ტექსტი გამოირჩევა კიდევ ერთი ნიშნით — სიტყვასთან განსაკუთრებული დამოკიდებულებით. მისი სიტყვები, რომლებიც მხატვრულ ქსოვილს ქმნიან, ცოცხალია და არა მკვდრად შობილი. ამ ახალგაზრდა კაცს სიტყვის ისეთივე განცდა აქვს, როგორც ნამდვილ შეყვარებულს საყვარელი ადამიანის მიმართ. ამ მხრივ, ეტყობა, განგებამ დააჯილდოვა და ამიტომაც ის ერთგვარი შიში თუ სიფრთხილე, რომლითაც მის ყოველ ახალ ნაწარმოებს ვეცნობი, ტექსტის დასრულებისთანავე ქრება და მის ადგილს იკავებს სხვა განცდა — იმედი. ახლაც ასე მოხდა. არც ამჯერად მიუტყუებია რაღაც გამოგონილი ფოკუსებითა და ჟონგლირობით მკითხველი თავისთან, როგორც ეს მისი თაობის — და არა მხოლოდ მისი თაობის — ბევრ მწერალს ახასიათებს.

ის არ არის ყალბი და ხელოვნური. არ ერიდება ექსპერიმენტს და უკვე ნაცადი გზით სიარულსაც ბედავს. ავიღოთ თუნდაც — „ბებოს წმინდა წერილი“ — ეს სტილი უკვე გაცვეთილია, საკმარისია სულ ცოტათი გადაჭარბებული სენტიმენტალიზმი და მორჩა, ყველაფერი დაკარგულია, ვინდა გააგრძელებს კითხვას?! მაგრამ მან იცის, სად უნდა დასვას წერტილი. ემოციური მუხტიც, რომელიც ამ ტექსტიდან მოდის, ბენვის ხიდს გადის და ზღვარზე ჩერდება...

ის, რომ სიტყვის გრძნობა აქვს, მის მეტაფორულ აზროვნებაშიც მუდამაღებდა. დაუსრულებლად ეძებს ახალ მეტაფორებს, რათა მკითხველს შეახსენოს ქართული სიტყვის დაუღვეველი შესაძლებლობანი და თვითონაც გამოსცადოს თავი მხატვრული სიტყვასთან ურთიერთობისას. ეს, ვფიქრობ, მისი, როგორც მწერლის ერთ-ერთი ყველაზე გამოკვეთილი თვისებაა. ამავე დროს ნიჭიერების დასტურიც.

ეს არის ის მთაბეჭდილება, რაც მინდოდა ორიოდ სიტყვით გამომეხატა ზვიად კვარაცხელიას პროზაული ტექსტების გამო... იმედი, იგი არც მომავალში გაანზილებს მისი შემოქმედებით დაინტერესებულ მკითხველებს.

ნიმუ ჩხიკვიძილი

ნანა კუცია

„სევდის ფარვანებით შეხურვილი“

□

მარიამ ნიკლაურის „მეფარნე“

მარიამ ნიკლაურის უნატიფესი, ბიბლიური პარადიგმებითა და სიუჟეტებით განათებული ლექსების კრებულმა („მეფარნე“) გურამ დოჩანაშვილის სიტყვები მომაგონა: „ვერასოდეს მოიგონებს და შექმნის ადამიანი იმას, რაც ბიბლიაში არაა. მწერლის უპირველესი და უმთავრესი მოვალეობაა, ბიბლიის მარადი სიბრძნეები და გაფრთხილებები მთელი თავისი მწერლური ხერხებითა და საშუალებებით მიანოდოს მკითხველს“.

ქართული მწერლობის უმკვიდრესმა ლიბომ — შავიოგრაფიამ — თავისი უსაზმნო სიღრმით, „საღმრთოდ გასაგონის“ გზებით იმთავითვე განსაზღვრა მხატვრული სიტყვის გეზი — აერეკლა სიტყვა-ლოგოსი, მეტაფორა-პარადიგმებს დაემარხა „უცნაური და უთქმელი“ — შეუცნობელ-გამოუთქმელი.

სიტყვა უნდა მიმსგავსებოდა ლოცვას — სიტყვათაგან ყველაზე მაღალს, განწმენდილს.

მწერლობის „განწვალვა“ „სასულიეროდ“ და „საეროდ“ ლიტერატურული პირობითობაა, ქრესტომათიული კლიშე, მაგრამ მაინც არსებობს ერთგვარი სამანი, უზენაესობის ნიშანით რომ გამოარჩევს სასულიერო სიტყვას: „ქრისტიანთა სულელებისათვის განმზადებულ ტაბლაზე **სამეუფო საზრდელს** ღვთაებრივი სიტყვა ანუ სასულიერო მწერლობა წარმოადგენდა. უგულუბელყოფილი და დაუფასებელი არასოდეს ყოფილა საერო მწერლობაც. მას ბასილი დიდი წყალში არეკლილ მზეს ადარებს, რომელსაც თვალი უნდა შევაჩვიოთ, რათა შემდეგ ნამდვილი მზის ჭვრეტა შევძლოთ“ (**გვანცა კოპლატაძე, გრიგოლ რუხაძე, შავიოგრაფიის ღვთისმეტყველება**).

„სამეუფო საზრდელი“ — იაკობ ცურტაველის, იოვანე საბანისძის, გიორგი მერჩულიის, ათონელთა, ეფრემ მცირის, იოანე პეტრინის, არსენ იყალთოელის, ჰიმნოგრაფთა დასის — ღვთიური სიტყვა (სახარების ეროვნულ ტრანსკ-



რიფციასთან — „ვეფხისტყაოსანთან“ (გ. ასათიანი) ერთად) საუკუნეთა მანძილზე რჩებოდა სულის პურად, ციურ მანანად, საღმრთო გეზის იდუმალ მიმნიშნებლად.

ქართული მწერლობის უკეთესი ნიმუშები სწორედ „სამეუფო საზრდელის“ მაღლს, სურნელს იმარხავს.

„ნინ, მერჩულისაკენ!“ — კონსტანტინე გამსახურდია-სეული, ფორმულად ჩამონჭრული გეზი მწერლობისა უზუსტესად ირეკლავს ღირსეულთა დამოკიდებულებას ქართული მხატვრული სიტყვის თავანკარა ენგადისადმი.

მარიამ ნიკლაურის ლექსები ამ თავანკარა ენგადიდან მოედინება, ბინულიდან, სადაც „სიტყუაი ჰვი ჰეა და არაი — არა. ხოლო უმეტესი ამათსა უკეთურისაგან არს“ (მათე 5, 37).

ლექსთა ცრემლოვანი მარგალიტების თვალთაიში ყოველი ტექსტი მეტატექსტია, ზედაპირს მიღმა სიღრმეს რომ აღვითქვამს და არ განზილებს (კითხვისას არ გტოვებს განცდა, თითქოს მარგალიტის გრილ, ლიცილიცა, გლუვ კრილო-სანს მარცვლავდე და ლოცულობდე, ხელისგული ცრემლით — სულიწმიდის მაღლით გენამებოდეს).

ნიგინი უსარჩევოა და ეს სწორია — არჩევანი (ლექსისაც კი!) იმთავითვე გაიძულებს ჩხრეკას.

არც ფსალმუნსა აქვს ზანდუკი — ყოველი საგალობელი თვითკმარია, ცვარში სამყაროს ამრეკლავი.

მხოლოდ სათაურები — მხმოები, ყუჩად მომლოდინე: „დამიმახსოვრე“ (არაფრით რომ ჰგავს ლედი კაროლინა ლემის პრეტენზიულ-კაპრიზულ „Remember Me“-ს), „შროშანების მონასტერში“, „ჯუჯახე“, „ლექსის ნაჭრელა“, „ვიყო ყვავილი ველისა“, „ვითარცა ირემს“, „სინათლის ყვავილი“, „ვინ არის უფლის მესაიდუმლე?!“, „წვიმის ბატონები“, „მარადისობა წამს მემართლება“, „მზისფერი ქვიშა“, „მესევდე“, „მოვა საღამო“, „ჩიტის ბუდეში“...

თავისსავ ლექსებს ჰგავს მარიამ ნიკლაურიც — ფოთლოვით, ბუმბულივით, ცრემლივით ქალი, პანია კრებულს ცისნამივით რომ ჩამოგანვეთებს, თითქოს სულის პურს შეგიზიარაო, ჩურჩულით გეტყვის — „ეს თქვენ“ — და ისე სწრაფად გაგეცლება, ნიაქარივით, მაღლობის თქმასაც ვერ მოასწრებ, ბედნიერი და დაბნეული, რომ „ფრთათა საგრილთა“ სიგრილის ღირსგყო.

(უნებლიეთ წამოგაგონდება მარინა ცვეტაევასეული: «Давать нужно было бы на коленях, как нищие просят»).

საარაგვე პოეზიის ერთი ნაშალია მარიამ ნიკლაურის ლექსები — პეპლის ფრთებივით, ყყაჩოს ნაფერთალივით მსუბუქი, ცრემლივით მძიმე.

მთის საქართველოს მაღლი ჩამოჰყოლია, ბალახივით უბრალოსი (ბრალის არმქონესი), ბალახივით მზისაკენ განოდებულისა.

მთის ნაშალით ცასთან ახლოს ქვითკირის კოშკებს იგებდნენ, სატრფოს ნაკვალევს სიყვარულის ღობეს ავლებდნენ მზექალ-აშექალ-პირიმზენი.

მთა ინახავდა დავიწყებულ, წანისლულ მისტიკრიას ერთსულერთხორცობისას, ცრემლი რომ პურად იქციო და უფლის ტაბლად გაშლილ საქართველოში გახსოვდეს: „რა ვქნისა“ ციხე ავაგე, ჯავრი შევაბი კარადა. საიქიოდან მოიდენ იმ ციხის სანახავადა. ბევრი უარეს ციხესა, კარ ვერ გატეხეს ძალადა, მერმე თქვეს, დრო რომ მოალის, კარ გაიღების თავადა.“

კარი ჯავრისა იღებოდა ჟამით-ჟამ: ფშავით — ვაჟა-ფშაველათი, ხევით — სანდრო ყაზბეგით, გუდამაყრით — გოდერძი ჩოხელით, თუშეთით — ეთერ თათარაიძით...

მზექალ-ამქეალ-პირიმზეთა მემკვიდრე თუა მარიამ ნიკლაური.

ციურ ნამად მჭვირვალებს მისი უჩვეულო პოეტური საბრძანისი, სულშესაფარი, „უცხო ნაპირი.“ მისი „სიტყუანი სულისანი“ არაგვითაა განწმენდილ-განსაბუთებულ-ლი. სიბი ქვისაა ნაშალი, „ნისლად მოვიდეთ საარაგვოზე“ („საარაგვოზე“) კი — პოეტის (თუ პოეტურ) ოცნებათაგან აღმატებული.

„აქა არს ქვა, რომელ აიყრების კლდისაგან ფიქალ-ფიქალად. სხდის მას ქვასა, ვითარცა ოქრო და ვერცხლი, ნარევი, მბრჭყვიანავი ფრიალ“, — იტყვის მემატინე.

კლდის ანასხლეტია, ნისლის ფთილაა, არაგვის ზვირთის ანაშხეფია მარიამ ნიკლაურის მუხლადი სიტყვაც, ოქროვერცხლიანი, ართქმულის მთქმელი.

კლდის ანასხლეტში, ნისლის ფთილაში, ზვირთთა ანაშხეფში ერთს ავირჩევთ, ცვარვივით რომ ირეკლავს კრებულის მზიურ სათქმელს და თავად ავტორსაც მთელი წიგნის სათაურად აურჩევია — **„მეფარნეს.“**

ლექსზე ნაფიქრი არ იქნება არც „ანალიზი“, არც „კვლევა“ — „სულის ანატომირება“, როგორც დოსტოვე-სკი იტყოდა დაცინვითა და ნუხილით (ერთდროულად), რომ „ღვთაებრივი ცრემლის წვეთები წუმპეში არ გადაგ-ვენწუროს“ (ანა კალანდაძე).

მხოლოდ — მადლიერება სულის პურისთვის, „ფრთე-თა საგრისთვის“, შუქისთვის.

სულის ფარნის იმ ყური სინათლისათვის, ლექსიდან რომ გელვრება და, მიმოდარუნვით დაღალულს, გესალ-ბუნება, გეიმედება.

მარიამ ნიკლაურის ლექსთა კრებულის მხატვარი ნა-ნიკო ბურდულია, დიზაინერი — ბაჩო გაგუა.

ღვთისმშობლის კვართივით მენამული, შავნარევეპორ-ფირისფერი სასთუმლის წიგნის მარცხენა (გულისკენა!) კუთხეში ყუჩად ლიცლიცებს დაყურსული შუქი ფარნისა *„ბაღის ფარნისა — ორიბესი“*, — იტყოდა იასუნარი კავა-ბატა, **„ათასფრთიანი წერო“**.

ეს მცხრალი, მოკრძალებული ნათელი არაფრითა ჰგავს „დღის უტიფარ ნათებას“ (ნოვალისი). იმ „უმიზეზო ნაღველს“ აღვიძებს, „არსაიდან რომ არაფრითაა ნაკარ-ნახევი“, მაგრამ შუქად იღვრება სულის მღვიმეებიდან, რადგან „ყველას რაიმე აქვს სახსოვარი“...

ანჩისხატვიდან ორბელიანთა ბალისკენ რომ ამოუხვევ, ფიროსმანის „მეფარნეს“ გამოსცდები თუ არა, ირაკლი ნულაძის „მეფარნე“ მოგტაცებს მზერას. ქანდაკი უცნაუ-რად უხდება ძველ უბანს, მშვიდი სტატიურობით (და ექს-ტატიურობით!) მარადიულობის, წარუვალობის, სიმდოფ-რის განცდას გაღვრიდეს თითქოს.

მეფარნე ზეთს თუ უმატებს ლამპარს გონიერი ქალ-ნულივით („ნუ ჩამიქრები და იქაც, შიგნით, სულში“ — უნებლიეთ ნამოგაგონდება გალაკტიონისეულიც).

იქნებ მეფარნის ყური ქანდაკით, ან სახარების იგავის ლამპრითაა ინსპირირებული მარიამ ნიკლაურის ლექსი-პა-რაბოლა „მეფარნე“ — როგორც ყოველ ნამდვილ ლექსს, ვე-რაფრით რომ მოჰყვები, მხოლოდ რომ უნდა მიჰყვე — პოე-ზიის „მზიანი ჩრდილებისაკენ“?.. იქნებ გალაკტიონისეუ-ლი მესაფლავის ცინიკური ხატებაც გასხლტეს ხსოვნაში მეფარნის რეპლიკის გაგონებისას („სიბნელე ბევრად სჯობს სინათლეს, არ მოსჩანს მასშიო მისხალი ხინჯიც...“).

კონტრაპუნქტის პრინციპით იგება ლექსი, უფრო პოსტ-მოდერნისტულ ნოველას რომ ნამოგაგონებს ამბავთა და-ნურულიობით, ან გობელენს, ლაქებად რომ ჩასწვნია ლექსის სტრიქონებად ჩამოღვრილი მოგონებები — დარდის მენა-მული, სიხარულის ბაცი ლაჟვარი (იგივე ფერები, რაც — წიგნის ყდისა) (**«Как пламенно в лазури»** — ეს ცვეტავეა).

კონტრაპუნქტში ერთიანდება დარდიანი, ტკივილია-ნი, ბედნიერი ამბები, მოგონებები, და პოლიფონიზმი წარ-მოჩნდება ლექსის „სტრუქტურულ ღერძად.“

ინტერვალთა გაყოფილი ხუთი თორმეტსტრიქონედა ტექსტის მხატვრული ქსოვილი. ხუთივე ნაწილი მეფარნი-სადმი მიმართავა, შუქის გამოთხოვა, ვედრება — ფსალ-მუნის კლიშე-მოდელი მეორდებოდეს თითქოს.

მესაიდუმლედ აღირჩევა მეფარნე, შუქის მფლობელი („ყური მფლობელი“ (რ. ინანიშვილი).

აღსარებად გაიჟღერებს პირველი თორმეტსტრიქონე-დის ტაეპები:

**მეფარნე, მეფარნე, ანთე ფარანი!
ლამის სიბნელეს ფრთა მოჰკვეთო, ეგებ,
რომ არსად გაფრინდეს და არ გაიყოლოს
ჩემი ნამზეური სიზმრების ნეფე.
სინათლის ბადეში გავაბათ ეს ღამე,
დამალა, მეფარნე, ფრენამ და სიბნელემ.
ვაითუ, სიყვარულს ტყუილად დავეძებ,
ვაითუ, სიცოცხლეს ტყუილად ვიფარებ.
სანამ დრო სამკვიდრო მიწის ფრთებს მომახვევს,
კისერს მტკენს სიზმრების უტკეპის ყულფი
და ბედნიერების ულუფის მონარჩენს
ცისკარზე მაგალობელ ჩიტუნებს ვუყრი.**

ნამზეური სიზმრების ნეფე უფლის პარადიგმა თუა, მხოლოდ მზიურ ხილვაში გამოცხადებული მეუფისა, გუ-ლით ნაგზენი. სინათლის ბადეში გაბმული ღამეც (მარი-ამ ნიკლაურის სტრიქონი უცნაურად ეხმიანება გალაკტი-ონისეულს: „წმინდა ნათელში, ამბობს ჰეგელი, წმინდა სი-ნათლის დიად ბადეში, ისე ცოტაა გასაგებელი, როგორც რომ წმინდა სინყვდიადემი“).

„სიბნელეში ფრენის“ პარადიგმა „შემლილი სახეების ჩონჩხიანი ტყეების“ ხატებასაც ამოიყოლებს მეხსიერები-დან და აღარც გაძრწუნებს შემადრწუნებელი ეჭვი — „ვაი-თუ, სიყვარულს ტყუილად დავეძებო...“ ნესტან-დარეჯა-ნის *„ვისი მსგავსიც არ არის ქვეყნად“* — ასე ითარგმნება ეს სახელი/მძებნელი ტარიელის სულიც რამდენჯონის უღრ-ღნია იმავე ეჭვს... უფალს დანატრული ყოველი სულიც!

იჭვი ეშმასეულია და დიდი სიყვარულის ციდა ანამცვრე-
ვები — სულის პურის მინიერი ორანის ნამცეცები — არსო-
ბის პურისა — ცისკრის ჩიტუნებს ეწყალობება — გაცემ და
შენია... ისე ძველია, ისე იოლი და ძნელი სიყვარულის ეს
ძველთუძველესი დეფინიცია — გაცემული შენია...

მეფარნევ, მეფარნევ, ამინთე ფარანი!
უკუნი ღამეა. მარტო ვარ, ხედავ?
რომც მოვკვდე, სიზმარიც ვერ იგრძნობს. დიღამდე
ღამის ანგელოზი ფრთებით გადამხვეტავს
ქუჩაზე, რომელზეც დარდიანს მივლია,
ბრახუნით ვიკლებდი ჩარაზულ სახლებს,
მაგრამ ის შენობა, რომელშიც მელოდნენ
არ მდგარა მიწაზე და ვერსად ვნახე.
განა თავს გაცოდებ, შემინდე, მეფარნევ,
ქარად მივებარე წვიმიან ქუჩებს,
შენ, ალბათ, ვერცა მცნობ ასე ცრემლით მორთულს,
ჭრელი გრიმისა და ცრემლების უჩვევს.

მეორე თორმეტსტრიქონედის პეიზაჟი გრაფიკაა.
მხატვარი რომ ვიყო, დავხატავდი ქარიან ღამეში მეფარნის
სუსტად მბჟუტავ ძველ-სანათურთან სასონარკვეთით
ატუზულ პოეტს, „ჭრელი გრიმის და ცრემლების უჩვევს“
(ან რა გრიმი გაუძლებს სულის ქარებს და წვიმებს?!), სვე-
ლი კაბის კალთებს რომ უფრიალებს აბეზარი *[ვისთვის*
აბეზარი... ვისთვის — მესაიდუმლე... — „პოეტები იბადე-
ბიან ქარში და მიჰყვებიან ქარების ნაკვალევს“ (ტერენტი
გრანელი)] სტიქიონი და უნებლიე კითხვა — ეს ფარანია,
თუ პოეტის სხეულიდან ამოფრენილი, ამონურული, ქარის
ნებაზე მოლივლივე გული ანათებს?! თუ გული თვითონვე
იქცევა ქარად *[„ქარად მივებარე წვიმიან ქუჩებს“?]*.

ტრაგიკულია და მშვენიერი ქარადქცეული ქალის პა-
რადიგმა თუ პარაბოლა.

ჩარაზულია სახლები, ჩარაზულია გულები...
გულმოკლეული ჩავა ჭუჭყიანი მატარებლიდან გრი-
გოლ რობაქიძის გმირი, რადგან [თანამგზავრის] გული
[თანამგზავრის] გულს ვერ (თუ არ) გაეხსნა, მისტერია არ
შედგა...

„შენობა, რომელშიც მელოდნენ, არ მდგარა მიწაზე და
ვერსად ვნახე“ — კონსტატირდება ტრაგიკული მიუსაფ-
რობა, თუ მიუსაფრობის ტრაგიზმი...

„საოცარი შენობა“ [გალაკტიონი, „დომინო“] უფლის
სახლი თუა, ერთადერთი სახლი, სადაც ლოდინით დალა-
ლული არსთაგამრიგე მაინც მარად ელის ყოფით დალა-
ლულთ, „ირეკდით და განგელებათ“...

მეფარნეც ისე ჰგავს წუთისოფლის ყიამეთში ასე მო-
ნატრებულ ნათელს, რომელსაც „ბნელი ვერ ენია“...

„დევნილ ღათუ ვართ, არამედ არა დატევებულ ვართ“
— ისეთი შუქია ახალი აღთქმის სტრიქონ-ნამცვრევეში...

მეფარნევ, მეფარნევ, ამინთე ფარანი!
აქ ჩემს შეყვარებულს ხვდებოდი წინათ,
იმ სკამზე თამაშით დაღლილი კაცი ზის,
ხსნასავით მოელის მეძავთა წირვას.
მეფარნევ, ჩვენც ხომ სულ სინათლით ვთამაშობთ,
დალახვროს ეშმაკმა მომგონი დარდის!

ზურგსუკან ცერებზე დამყვება სიკვდილი,
ნაბიჯებს აყოლებს გულის რიტმს, მარტივს.
ნუ მეტყვი, სიბნელე ბევრად სჯობს სინათლეს,
არ მოსჩანს მასშიო მისხალი ხინჯიც!
აანთე, მეფარნევ, მახინჯს და ცრემლიანს
მიყურონ ნეტარი სიმართლის ჯიბრით.

„ყველას რაიმე აქვს სახსოვარი“, სულისმოსაბრუნე-
ბელი, მაგრამ „ხანი უნდობარი“ ერთ მშვენიერ (რა ცინიზ-
მია!) დღესაც იმ „სკამზე, „შეყვარებულს რომ ხვდებოდი
წინათ“, თამაშით დაღალულ ნიღაბს შემოგაფეთებს.

„თამაში რიოში მარგალიტებით“ ჩაენაცვლება მაღალ ძი-
ებას იმ მარგალიტისა, „ვაჭარნი სასუფეველისანი“ რომ მოი-
ნატრებენ, რადგან სპეკალის ლიცლიცა, ცრემლოვანი შუქია
ფარანი ყოფის წვეარამში... მეძავთა წირვის ბაქანალია ნა-
მით გალაკტიონის „სილაჟვარდის“ პეიზაჟსაც გააცოცხ-
ლებს ხსოვნაში, მესაფლავის მეფისტოფელურ ხარხარ-
საც(შდრ. მარიამ ნიკლაურთან: „სიბნელე ბევრად სჯობს სი-
ნათლეს, არ მოსჩანს მასშიო მისხალი ხინჯიც!“ ან ბაირონი-
სეული ეშმას ცინიკური თვითნარდგინება კაენისადმი — „მე
ვარო იგი, ვინც სამყაროს შექმნიდა სხვაგვარს“).

მარიამ ნიკლაურის „მახინჯი და ცრემლიანი“ ორანი
იგივე გალაკტიონისეული „ღამენათევი და ნამთვრალევი“
„სხუი ჩემი“ თუა — პოეტის, კაცთაგან უკეთესის უკეთე-
სი დეფინიცია, თვითგვემის (თუ „მაღალთა თავმდაბლო-
ბის“) სარკაზმით ნაკმაზი.

ნიღაბს ავტოპორტრეტი ჩაენაცვლება:

მე თავად ცეცხლის სულს მეძახდნენ, მეფარნევ,
ალის ფრთაც დამემტვრა... საშინლად მტკიცია.
მელევა სინათლე და ცეცხლის სისხლი მდის,
ღამის პეპლები ცრემლებად მცვივა.
მაგ კვარს შეუკეთე, რაც ჩემგან დარჩება,
აანთე, აანთე ეს ბნელი ღამე.
ვინ იცის, ჩემსავით სხვებიც დაგეძებენ,
სანთლებად საკუთარ სიცოცხლეს წვავენ!
მაგრამ შენ მარწმუნებ, ბნელია ადვილია,
ტკივილი დავმალეთ სულში და გავძლოთ!
ღამის მონასტერში უნდა აღვიკვეცოთ,
სინათლის ჯვარცმა რომ ქვეყანას ვამცნოთ?!

ფრთებდამსხვრეულ ანგელოზს ემსგავსება პოეტი (ბოდ-
ლერის ალბატროსიც ფრთებდამსხვრეული ეთრევა გემბან-
ზე, უბირ მეზღვაურთა უგვანი ჟივილ-ხივილით დაღალული).

კვლავ უზუსტესია მარიამ ნიკლაურისეული მეტაფო-
რა: „ცეცხლის სისხლი მდის“ — „სული სისხლშია“ [ლევ-
ტელთა 17, 11] და „ცეცხლია სული“.

სანთლად საკუთარ სხეულს განირავს (უფალს შესნი-
რავს) პოეტი („რაც არ იწვის, არ ანათებს“), მაგრამ, ტკი-
ვილით გათანგულს, წამით მეფარნეშიც, ვინც და ვისიც
ასე ეიმედებოდა, ეჭვი შეეპარება („რად დამიტევე მე?!“ —
რა ძველია და ძნელი სასონარკვეთის ბასრი ფორმულა!),
სულმოკლეობის პაროლად გასხლტება სტრიქონი: „ღამის
მონასტერში უნდა აღვიკვეცოთ, სინათლის ჯვარცმა რომ
ქვეყანას ვამცნოთ?!“

ელვად გაკრთება გაუსაძლისი ტკივილი ჯვარცმის...

მანათობელი, დამაბრმავებელი ტკივილი — აღდგომის შუქის წინამორბედი...

„ლამის პეპლები ცრემლებად მცვივაო“, დასცდება პოეტს. ფახრედდინ გორგანის იგავში ცეცხლის მაღალი არსი მხოლოდ იმ ფარვანამ უწყის, კოცონში რომ ჩაიფერფლა... მაგრამ ფარვანა ვერავის მოუყვება სიცოცხლის ფასად ნაგზნებს...

(სტრიქონი „სევდის ფარვანებით შებურვილი“ მარიამ ნიკლაურის სხვა ლექსის ნამცვრევია. პოეტი უცნაურად გზნებს შამიფარვანიანის ტრავიკულ ოქსიმორონს (სუფიზმში საღმრთო სიყვარულის ალევორიული ხატებაა ფარვანას ბედისწერული ლტოლვა ალისკენ).

მეფარვე, დაგიჯერო? ღამეს გაუყუჩდით? ჩავერეთ, ვერ გვიპოვნოს ფარვანა დარდმა? იქნებ, ვიმყოფინოთ, რაც გულში გვინთია და რაც სიყვარულის ცეცხლიდან დაგვრჩა? ნათლის და სიბნელის სამართალს ვინლა სჭედს, ღმერთო, გულების მეფარვე, მანიშნე, მაცოცხლე ცისკრამდე, სიყვარულს ვისიზმრებ, ცეცხლის ფრთებს ტკივილით ზეცამდე ავიქნევ. ისე გავთენდები, რომ გულის სინათლე არასდროს, არასდროს, არასდროს ჩამიქრეს.

სანუთროს ქარების ხმაურში ღმერთს — სიყვარულს დაისიზმრებს პოეტი.

მაღალი სულისთვის ტკივილიც ჯილდოა, უფლის მაღალი ნების „ექსტატიური მოციქული“ (ნაირა გელაშვილი).

ცეცხლის ფრთებს (ვაჟა იტყოდა — „ფრთებს“) ტკივილი დააქენივინებს ცეცხლოვან სულს — ზეცად უხმობს (გოდერძი ჩოხელის „ცასწავალას“ კათარსისიცი წამოგაგონდება უნებლიეთ) — უფლისკენ — „გულების მეფარვისაკენ“, იმ მარადი შუქისკენ, „ბნელი რომ ვერასდროს ეწევა“...

უფლის მაღალი ნებისადმი მდაბალი მორჩილებით განიშინდება, განათდება სული და მერე... თუნდ იკაროსის ფრთებივით დადნეს პოეტის ცეცხლოვანი ფრთები...

ასეთ ნათელში „დარდიც ფარვანაა“ — სხეულის წამიერი აბრიალება და... დაბრუნება შინ — მამასთან... შუქში...

P.S. რეზო ინანიშვილის ერთ ნოველაში („თებრო“) ახალგაჯნობილი მეშუქურე და მევიოლინე საუბრობენ. თავისი ხელობის არსს ასე განუმარტავს მეშუქურე წვეულს — „გემებს რომ გზა არ აებნეთო.“

როდესაც მევიოლინემ რამდენიმე მელოდია დაუკრა, „მეშუქურემ ფრთხილად, ძალიან ფრთხილად გადაუსვა ხელი ვიოლინოს და გაღიმებულმა თქვა: კარგი საქმე გცოდნია. ადამიანთა სულებს რომ არ აებნეთ გზა“.

მარიამ ნიკლაურის „მეფარვეც“ იმისთვის თუ ჩამოინურა პოეტის მაღალი წარმოსახვიდან, „ადამიანთა სულებს რომ არ აებნეთ გზა“...

„მეფარვის“ — ამ პატარა (დიდი!) წიგნის ნაკითხვის შემდეგ გათბობს ბედნიერი (თუ ბედნიერების) განცდა (გურამ დოჩანაშვილის სიტყვებით დაწყებულ წერილს მისივე სტრიქონებით დავასრულებ): „ჩვენი პანია საქართველო მსოფლიო პოეზიურ (!) რუკაზე ერთ-ერთი დიადი, ძლევაძმოსილი სახელმწიფოა“.

გივი გამრეკელი

ანანდი: ღიას, ჭადრაკი ინდოეთში გამოიბონეს

მას შემდეგ, რაც მანამდე უძლეველმა გარი კასპაროვმა ჯერ მსოფლიო ჩემპიონობა დათმო ვლადიმირ კრამნიკთან, ხოლო შემდეგ 2005 წელს საბოლოოდ გამოეთხოვა აქტიურ ჭადრაკს, „მწვერვალზე“ დარჩა სამი დიდოსტატი: კრამნიკი, ანანდი და ტოპალოვი. მეოთხე დიდი მოჭადრაკე თითქოსდა აღარც არსებობდა, ყველა პრესტიჟულ ტურნირს ან ერთი იგებდა, ან მეორე და მესამე. ვინ იყო მათ შორის უძლიერესი? ეს უკვე მსოფლიო ჩემპიონობისათვის ბრძოლას უნდა გაერკვია. გასაოცარი ამბავია! 1886 წლიდან მოყოლებული, მსოფლიოს ჩემპიონის ოქროს გვირგვინს სულ 15 (!!) დიდოსტატი ფლობდა (ჩვენ ბედნიერად ვრაცხთ თავს, რომ 10 მათგანს პირადად ვიცნობდით), რაც ზოგიერთის უდავო გენიალობაზე მეტყველებს. ამასთან წელს დადგა დრო, რომ რიცხვით მეთხუთმეტე ჩემპიონს თავისი წოდების დაცვაზე უნდა ეზრუნა.

ვიშვანათან ანანდმა რომ 2008 წელს ღირსეულად მოიპოვა თავისი წოდება, ეს არავისათვის საეჭვო არ გამხდარა. მან ხომ კრამნიკს სძლია, დაახლოებით ისეთივე დამაჯერებლობით, როგორც თავის დროზე კრამნიკმა — კასპაროვს. მაგრამ შემდეგ კრამნიკს ხანგრძლივი ჩავარდნა ჰქონდა. ცხადი გახდა, რომ ინდოელის ახალი მეტოქე იგი ნამდვილად ვეღარ იქნებოდა.

მაშ ვინ?! ეს უკვე მთელ შესარჩევ სისტემას უნდა გამოევილინა, რომლის მინურვის შემდეგ ცხადი გახდა, რომ ახალი მეტოქე ან ვესელინ ტოპალოვი იქნებოდა, ან გატა კამსკი. ტოპალოვი კარგა ხანია მსოფლიოს ერთ-ერთ ნამყვან დიდოსტატად ითვლება (მსოფლიო ჩემპიონიც იყო ე.წ. ფიდეს სისტემით, ამ სისტემას კი ახლა „ხაზი გადაესვა“ და ბულგარელს, ისევე, როგორც დანარჩენ გამარჯვებულებს ილიუმ-ჟინოვის მიერ ამ გამოგონილ შეჯიბრებაში „ცივი წყალი“ გადაასხეს და უწინდელი მიღწევა აღარ ჩაუთვალეს). სამაგიეროდ, ტოპალოვს ახლა შეეძლო მსოფლიოს „სრული“ ჩემპიონი გამხდარიყო, იმ შემთხვევაში, თუ ინდოელს სძლევდა. ჯერ კი საჭირო იყო კამსკის გზიდან ჩამოცილება.

გატა კამსკი ნამდვილად უცნაური ბედის ადამიანია. სრულიად ყმანვილმა ჯერ სენსაციური გამარჯვებები იზეიმა, ვინლა აღარ დაამარცხა (ასე გასიხფეთ, თვით ანანდიც), რის შემდეგ მსოფლიო პირველობის მატჩში (ღიას, დღეს უკვე ყბადალებული, ე.წ. ფიდეს სისტემით) ანატოლი კარპოვთან წააგო. ისე შეიცხადა, რომ ჭადრაკს მთელი ათი წლით თავიც კი დაანება, ამ რამდენიმე ხნის წინათ დაბრუნდა და მსოფლიო თასიც დაისაკუთრა.

ეს ყველაფერი ასეა, მაგრამ 2009 წლის მარტში ცხადი გახდა, რომ ტოპალოვი ამჟამად უფრო ძლიერია. კამსკის ძლევის შემდეგ კი ტოპალოვმა ორმილიონიანი ევროს ოდენობის ჰონორარი უზრუნველჰყო და ანანდსაც „ხელთათმანი

ესროლა“. ამ ორმა მილიონმა მას საშუალება მისცა უკვე საკუთარ „მინდორზე“, სოფიაში ეთამაშა. დიახ, მაგრამ აქვს კი ამას ჭადრაკში გადამწყვეტი მნიშვნელობა? ზოგი ფიქრობს, რომ აქვს, ზოგისთვის კი ეს, უბრალოდ, ცრურწმენაა.

აი, რასაც ცრურწმენა ჰქვია, ზოგი ექსპერტი ასეთად სწორედ დღეს მოქმედ სარეიტინგო სისტემას მიიჩნევს. გადახედოთ რეიტინგთა მდგომარეობას, ვთქვათ, მაისის დასაწყისისათვის. აქ პირველ ადგილზე (2813 ქულით) იყო მაგნუს კარლსენი, ერთი ქულით ნაკლები (2812) ჰქონდა ტოპალოვს, 2790 — კრამნიკს, 2789 — ანანდს. ეს იმას ხომ არ ნიშნავდა, რომ ტოპალოვს აუცილებლად უნდა დაემარცხებინა ანანდი? ასე რომ ყოფილიყო, მაშინ პრეტენდენტის მთელ შერჩევით სისტემას აზრი ხომ ეკარგებოდა. რახან კარლსენი ვახსენეთ, ისიც ვთქვათ, რომ 20 წლის ნორვეგიელის დრო (როგორც თვითონ მიიჩნევს) ჯერ არ დამდგარა. ზოგი პირიქით ფიქრობს: ითვალისწინებს იმ ამბავს, რომ მაგნუსი იგებს ყველა იმ ტურნირს, სადაც კი მონაწილეობს, და მსოფლიოში უძლიერესად სწორედ მას აღიარებს. ვინ იცის?! ერთმა ცნობილმა მიმომხილველმა პარადოქსული აზრიც კი გამოთქვა: ანანდი და ტოპალოვი ახლა იმას არკვევენ, რამდენიმე წლის შემდეგ რომელი მათგანი უნდა შეხვედეს... მსოფლიო ჩემპიონ კარლსენსო (!!).

რას ფიქრობდნენ მიმომხილველები ანანდ-ტოპალოვის ორთაბრძოლის დაწყების წინ? ყველა მოელოდა უაღრესად მწვავე ბრძოლას, არა მარტო იმიტომ, რომ ორივე დიდოსტატი შემმართველი სტილით გამოირჩევა და ყაიმებს არა სცნობს (ყაიმთა „სერიის“ საშუალებას არც ახლანდელი ხანმოკლე, სულ 12 პარტიისაგან შემდგარი მატრი იძლევა). თუ ადრინდელი, 24 პარტიისაგან შემდგარი ორთაბრძოლა „ლოდინის ტაქტიკას“ რამდენადმე გზასაც უხსნიდა, ახლა ასეთი თითქმის გამოირიცხა. მეტოქეები იბრძოდნენ მანამდე, სანამ ამის შესაძლებლობა ოდნავ მაინც რჩებოდა. აი რამდენ სვლას გრძელდებოდა შეხვედრები: პირველი პარტია — 30 (ჩავთვალოთ, რომ ეს გამონაკლისი იყო), მეორე — 43, მესამე — 46, მეოთხე — 32, მეხუთე — 44, მეექვსე — 58, მეშვიდე — 58, მერვე — 41, მეცხრე — 83 (!), მეათე — 60, მეთერთმეტე — 65 და ბოლო, მეთორმეტე — 56 სვლა.

მატრი დაიწყო ბულგარელის მოულოდნელი სწრაფი გამარჯვებით. გრიუნფელდის დაცვაში შავებით ანანდმა მიმართა სისტემას, რომელსაც თეორია სავსებით საიმედოდ მიიჩნევს. აქ ტოპალოვმა მეტოქეს „შესთავაზა“ ნაღმი მხედრის შეწირვით, რომელიც საგანგებოდ ამ ორთაბრძოლისთვის ჰქონდა მომზადებული, თეორეტიკოსები კი სახტად დატოვა. პირდაპირ საოცარია, როგორი უიმედო პოზიცია მიიღო ანანდმა, რომელსაც უდიდესი შეუპოვრობა კი აქვს, მაგრამ ახლა რაღას გაანყობდა! ისე, თავისი მარცხი შემთხვევითად ჩათვალა („უიც“ თეორეტიკოსებს მიანერა), მეორე პარტიაში ღირსეული რევანში აიღო, მესამეში უსიამოვნო პოზიცია გააყაიმა, მეოთხე კვლავ ბრწყინვალედ მოიგო და მატრის პირველი მესამედი თავის სასარგებლოდ დაასრულა: 2,5:1,5.

ამ მომენტისათვის ბევრი ექსპერტი ფიქრობდა, რომ ინდოელის გამარჯვებას წინ ვერაფერი დაუდგებოდა. ისინი აშკარად მოტყუვდნენ. ანანდი განერვიულდა, რამდენჯერმე მისთვის უჩვეულო ცაიტნოტში აღმოჩნდა (ჩვეულებრივ ხომ ძალიან სწრაფად თამაშობს), მომდევნო სამ შეხვედრაში სერიოზული შეცდომებიც მოუვიდა (ტოპალოვი ნაკლებად ცდებოდა და სულ უკეთესად გამოიყურებოდა). და აი, ზედიზედ სამი ყაიმის შემდეგ ტოპალოვმა გამარჯვა — 4,5:4,5. ერთი სიტყვით, თითქოს ყველაფერი თავიდან იწყებოდა. ბოლო მეცხრე პარტია ანანდმა იმდენად პასიურად ითამაშა, რომ მისი ჩემპიონობა საეჭვო გახდა. ტოპალოვის კიდევ ერთი შეტევაც და...

აი, აქ კი ექსპერტები კიდევ ერთხელ მოტყუვდნენ. მეათე-მეთერთმეტე პარტიების ყაიმით დამთავრების შემდეგ (კიდევ ერთი ყაიმიც და მატრში „დამატებითი დრო“ დაინიშნებოდა) თითქოს მიძინებულმა ანანდმა გამოიღვიძა და ბოლო, მეთორმეტე პარტიაში მეტოქეს საშინელი ძალის დარტყმა აგემა. ეს პარტია, სადაც ინდოელი შავებით თამაშობდა (ე.წ. ლაზიერის გამბიტის მიღებული დაცვა, ლასკერის ვარიანტი) მატრში საუკეთესოდ აღიარეს. ეს უკვე ადრინდელი ანანდი იყო, როგორ არ გავიხსენოთ კლასიკური გამოთქმა: ზოგჯერ მოხუცებულ ჰომეროსსაც ჩამოეძინება ხოლმეო.

ამას ასე, 6,5:5,5 — საბოლოო ანგარიშით, ჩემპიონის დამსახურებული გამარჯვება. გამართლდა ის პროგნოზი, ორთაბრძოლის დაწყებამდე რომ გამოითქვა. მას ასე, ანანდი, რომელიც ამ წოდებას 2008 წელს დაეუფლა და ახლაც შეინარჩუნა, მომავალ მეტოქეს 2012 წლისათვის ელის. ვინ იქნება იგი? ადრე შემუშავებული, სავსებით სამართლიანი გეგმით, მოეწყობა პრეტენდენტთა ორნრიანი მატრი-ტურნირი 8 დიდოსტატის მონაწილეობით.

აი, მათი სიაც: 1) ვესელინ ტოპალოვი, როგორც მსოფლიო პირველობის მატრის მონაწილე. ეს უფლება რომ არ ჰქონოდა, ტოპალოვი მაინც ითამაშებდა პრეტენდენტთა ტურნირში 2010 წლის იანვრისათვის მაღალი რეიტინგის გამო. 2) მაგნუს კარლსენი — 2010 წლის იანვრისათვის მაღალი რეიტინგის გამო. 3) გატა კამსკი — 2009 წელს პრეტენდენტთა ფინალური მატრის მონაწილე. 4) ბორის გელფანდი — 2009 წლის გათამაშებული მსოფლიო თასის მფლობელი. 5-6) ვასილი ივანჩუკი და ლევონ არონიანი — 2008-09 წლების გრან-პრის პირველი და მეორე პრიზიორები. 7) ვლადიმირ კრამნიკი — მსოფლიოს ექს-ჩემპიონი, თავისი მაღალი რეიტინგის გამო. 8) ეს ერთი ადგილი ფიდეს ხელმძღვანელობის განკარგულებაში რჩება. ვის მიაკუთვნებს მას?

როგორც ვხედავთ, პრეტენდენტთა მომავალი მატრი-ტურნირის შემადგენლობა არა მარტო მეტად ძლიერია, არამედ



მატრი მსოფლიო პირველობაზე: ანანდი და ტოპალოვი

პასუხისმგებლობა და მოვალეობა

ქეთევან ბურნაძე

(ივანე ჯავახიშვილის სახელობის თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის ქართული ფილოლოგიის მიმართულების IV კურსის სტუდენტი)

1.

აღამიანი, როდესაც პროფესიას ირჩევს ამით გარკვეულ პასუხისმგებლობას იღებს საკუთარ თავზე. პედაგოგი პასუხისმგებელია ბავშვის აღზრდა-განათლებლაზე, ეკონომისტი ფინანსებზე, ექიმი ადამიანის სიცოცხლეზე. პროფესიონალი ის, ვისაც კარგად აქვს გათავისებული ეს პასუხისმგებლობა და მოვალეობის შესასრულებლად, თუ საჭირო გახდა, გვერდით დებს პირად ცხოვრებას, მიზნებსა თუ განცდებს.

სერიალი „ექიმი ჰაუსი“ დიდ პოპულარობით სარგებლობს საქართველოში (და არამარტო საქართველოში). ჰაუსი თითქმის ყველა რიგითი ექიმისაგან გამოირჩევა. არ უყვარს თეთრი ხალათი და არც იცვამს, უყვარს განსხვავებული აზრის გამოთქმა და არ ემორჩილება კანონებს. ჰაუსის ეს თვისებები კარგად გამოჩნდა ერთ-ერთ სერიაში – „უარი რენიმაციზე“. მუსიკოსი ჯონ ჰენრი ერთ დროს თავისუფლად უკრავდა, თავისი პროფესიონალიზმით სიამოვნებას ანიჭებდა მსმენელს. ცდა, კვლავ დაეკრა, კრახით დამთავრდა. ჰაუსმა პნევმონია დაუდგინა. მუსიკოსს ყველანაირი იმედი გადაეწურა. იგი დარწმუნებული იყო, რომ დაკვრას ვეღარ შეძლებდა, მუსიკა კი მისთვის სასიცოცხლო წყარო იყო, ამიტომ უარი თქვა ყოველგვარ რენიმაციულ ჩარევაზე.

ნამალმა, რომელიც ექიმებმა მუსიკოსს მიაღებინეს, მასზე ცუდად იმოქმედა. რომ არა ჰაუსი, იგი მოკვდებოდა. ჰაუსის მოსვლამდე სამი ექიმი მორჩილად იდგა და უყურებდა, როგორ იღუპებოდა პაციენტი. ხელმოწერილი დოკუმენტის გამო ექიმის მოვალეობას არ ასრულებდნენ. ჰაუსმა კანონები გვერდით გადადო, წინა პლანზე ადამიანის სიცოცხლე დააყენა, ამიტომაც აღმოჩნდა სასამართლოში. ეს ყველაფერი ჰაუსისათვის მეორეხარისხოვანია, ვფიქრობ, ამით იგი ერთობა კიდევ, ხალისობს ადამიანთა ქცევებზე.

წინააღმდეგობების მიუხედავად, ჰაუსმა პაციენტის გადასარჩენად იბრძოლა, მიზანსაც მიაღწია. ჯონ ჰენრიმ საავადმყოფო საკუთარი ფეხით დატოვა.

სერიალში კარგად ჩანს ექიმის, როგორც პროფესიის სპეციფიკა. ეს პროფესია ძალიან რთულია. შენ ხელშია ადამიანთა სიცოცხლე, პასუხისმგებელი ხარ მათ წინაშე. ეს უდიდესი მოვალეობა კარგად უნდა გქონდეს გათავისებული. ჰაუსმა კანონი დაარღვია პაციენტის სიცოცხლის გამო. ვფიქრობ, ეს სწორი გადაწყვეტილება იყო.

ადამიანი როდესაც ხელს ჩაიქნევს ცხოვრებაზე, შენ თავი არ უნდა დაუქნო, პირიქით, უნდა ეცადო და ბრძოლისთვის განანყო. სიცოცხლე უფალმა გვაჩუქა

და უფლის ნებითვე ჩამოგვეერთმევა. არ გვაქვს უფლება ჩვენი სურვილით დავთმოთ ის. თუ ღმერთი ბოლომდე არ გვწირავს, ესე იგი, შანს გვაძლევს ცხოვრება განვაგრ-

ძობ, შევქმნათ ღირებული. თუ ვმღერით, ვიმღეროთ, თუ ვწერთ, დავწეროთ, ან უბრალოდ ღირსეულად ვიცხოვროთ.

2.

გურჯი-ხათუნის შესახებ მცირე ინფორმაცია მქონდა. ჩემთვის მხოლოდ ის იყო ცნობილი, რომ რუსულად მეფის ქალიშვილი თამარი, გარკვეულ პოლიტიკურ მოსაზრებათა გამო, რუმის სულთანს მიათხოვეს. სამწუხაროდ, ეს ისტორიული ცნობა ამით მთავრდებოდა სასკოლო პროგრამაში. დათო ტურაშვილის ტელემოთხრობის — „გურჯი-ხათუნი“ — მეშვეობით კი ეს ძალზე საინტერესო ამბავი გაგრძელდა.

ტელემოთხრობა, ვფიქრობ, კარგი საშუალებაა მოთხრობილი უფრო მკვეთრად და ნათლად წარმოიდგინო. კადრები გეხმარება იმ ადგილებში იმოგზაურო, სადაც ეს ამბავი მოხდა. ეს კი ჩვენი ზარმაცი თაობისთვის, უხეშად რომ ვთქვათ, „მისწრებაა“, დღესდღეობით „მაუსის“ ნკაპუნის უფრო გვიყვარს, ვიდრე წიგნის გვერდების ფურცვლა.

დათო ტურაშვილმა თავის გადაამღებ ჯგუფთან ერთად გაიარა ის გზა, რომლითაც ცამეტი წლის ქართველი დედოფალი ჩაიყვანეს სელჯუკთა იმპერიაში. ტელემოთხრობის ყურების დროს დიდი სურვილი გამიჩნდა ჩემი თვალთ მენახა ეს ყველაფერი. ამაყი ვიყავი, როდესაც მოვისმინე მონეტების მოჭრის შესახებ. პირველად მოხდა სელჯუკთა იმპერიაში ქალის გამოსახვა მონეტაზე და ეს ქალი ქართველი დედოფალი იყო. გურჯი-ხათუნი პასუხისმგებლობით მოეკიდა თავის საქმეს, სრულყოფილად ასრულებდა თავის მოვალეობას. გაჭირვებულთა ქომაგი იყო, მისი მეშვეობით გაიადფა პური.

ისტორიიდან ვიცით, რომ სამეფო კარზე მემკვიდრეების დაოჯახება ძირითადად პოლიტიკური თვალსაზრისით ხდებოდა. არც გურჯი-ხათუნი ყოფილა გამონაკლისი. დათო ტურაშვილის თქმით, იმ დროის ცამეტი წლის გოგო მოზარდად აღარ ითვლებოდა და მონიფულ ქალად მიაჩნდათ. სწორედ ცამეტი წლისა მიათხოვეს ქართველი უფლისწული რუმის სულთანს. გურჯი-ხათუნისთვის ეს დღე ძალიან რთული იქნებოდა. იგი მოწყვეტეს მშობლიურ მიწას და „გადაისროლეს“ სხვა შეხედულებების, სხვა მრწამსის ხალხთან, მაგრამ ამან არ შეაშინა ქართველი ქალი, პირიქით, დიდი სიყვარულით მოეკიდა თავის საქმეს. დედოფალი გრძნობდა პასუხისმგებლობას როგორც საკუთარი ქვეყნის, ისე უცხო მიწის მიმართაც. გურჯი-ხათუნმა მოახდინა ქართული კულტურის, ჩვეულებებისა და მრწამსის სინთეზი კი სელჯუკთა ქვეყანაში. ამაზე მიგვანიშნებს XIII საუკუნეში, იხლარას ხეობაში, კლდეში ნაშენი წმ. გიორგის ეკლესია. მიუხედავად იმისა, რომ



ფრესკები ძალიან არის შელახული, კარგად ჩანს მუსლიმური და ქრისტიანული სამყაროს წარმომადგენლები ერთად. ეს კი მსოფლიო კულტურაში იშვიათია და მიუთითებს იმ ლიბერალიზმზე, რომლის დამკვიდრებაში უდიდესი წვლილი ქართველ დედოფალს მიუძღვის.

გურჯი-ხათუნის ყველა მოქმედებაში ჩანდა ის დიდი სიყვარული მშობლიური ქვეყნისადმი, რომელიც უცვლელად შეინახა ქართველი დედოფლის გულმა. გურჯი-ხათუნმა თავის მასწავლებელს, იმ დროის მსოფლიოში ცნობილ ბრძენ მეფლანას, უკანასკნელი საჩუქარი უძღვნა, საფლავზე აუგო თურბე, რომელიც ძალიან ჰგავს ქართული ეკლესიის გუმბათს. ლეგენდის თანახმად, დედოფალი გაუჩინარების წინა ღამეს აივნიდან სწორედ ამ თურბეს გაჰყურებდა...

ქართველი დედოფალი მისი სილამაზისა და სიკეთის გამო ხალხს შეუყვარდა. დღეს ქალაქ კონიის ერთ-ერთ პატარა ქუჩას გურჯი-ხათუნის სახელი ჰქვია. ეს პატარა ქუჩა ინახავს ხსოვნას გამოჩენილი ქართველი დედოფლისა, რომელმაც ქართული სახელი ღირსეულად გაიტანა ქვეყნის გარეთ. პასუხისმგებლობის აღება საკუთარ თავზე რთულია. ადამიანები ხშირად გაუბრძან მას, ეს მათი სუსტი ბუნების გამო ხდება. ყველა ძლიერი ვერ იქნება. გურჯი-ხათუნმა ცამეტი წლის ასაკშიც კი იცოდა თავისი დანიშნულება, იცოდა, რა ვეალებოდა სამყაროში. მან დათმო თავისი ყმანვილქალობის წლები, საყვარელი სამშობლო, ხალხი. კარგად ჰქონდა გააზრებული, რომ "ვისაც მეტი მიჰნიჭება, მეტიც მოეთხოვებს".

ქართველი დედოფალი არც მისი პირველი და არც მეორე ქმრის გვერდით არ განისვენებს. მისი გაუჩინარების ამბავი ლეგენდად არის ქცეული, ვფიქრობ, ეს ლეგენდა ლოგიკურად აბოლოვებს დედოფლის სიცოცხლეს. მან მოიხადა ვალი ქვეყნისა და ხალხის წინაშე, იმსახურა და... ქარავანს გაჰყვა მონატრებული გურჯისტანისკენ.

3.

„ცნობილია, რომ კითხვაზე, - ვინ არის მწერალი, თომას მანმა ასეთი პასუხი გასცა: ის, ვისი ცხოვრებაც სიმბოლოა!“ - ასე იწყებს გურამ შარაძე წიგნს „ილია ჭავჭავაძე. ცხოვრება. მოღვაწეობა. შემოქმედება“. სწორედაც, რომ ასეა, მაგრამ ისიც უნდა აღვნიშნოთ, რომ ყველა მწერალი ამ სიტყვებს ვერ გაამართლებს. ილია ჭავჭავაძემ კი თავისი ცხოვრებითა და შემოქმედებით რეალობად აქცია თომას მანის სიტყვები.

ეპოქა, რომელშიც ილია მოღვაწეობდა, ძალზე რთული იყო საქართველოსთვის. დაკარგული იყო ქართველობა, ქართული სული. ილიამ სასწავლებლად მძვინვარე თერგის წყალი „დალია“ და უცხო ქვეყანაში წავიდა. ეს არ გაუკეთებია საკუთარი კეთილდღეობისთვის, არამედ — მხოლოდ საქართველოსთვის. მან იცოდა ყველაფერი, რაც ქვეყანაში ხდებოდა, იცოდა რუსეთის დამოკიდებულება თავისი სამშობლოსადმი. სტუდენტმა ილიამ უსიტყვოდ დატოვა ქვეყანა, მაგრამ ჩამოსულმა გრძელი სიტყვა თქვა, გრძელი და ჭეშმარიტი.

როდესაც ადამიანი არის ისეთი დიდი, როგორც ილია ჭავჭავაძეა, ბევრს საუბრობენ მასზე: ცუდს, კარგს. წერენ,

იხსენებენ, ბაძავენ... საზოგადოება მეტად გიყურებს, მეტად გაკვირდება და კიდევ უფრო მეტად შურს შენი, როცა იცის რას წარმოადგენ, იცის რომ მასზე მეტი ხარ.

როდესაც ერის საქმეში დგები, კარგად უნდა გქონდეს გაცნობიერებული, რომ გეყოლება მტრები, ცრუ მეგობრები. არაკეთილისმსურველნი.

ეს ნათლად ჩანს როსტომ ჩხეიძის „ეკლიან და პატარა გზაში.“

აღსანიშნავია ნოე ჟორდანიას სიტყვები ილია ჭავჭავაძის წინააღმდეგ. თითოეული ადამიანი არის ინდივიდუალური, გააჩნია განსხვავებული მოსაზრებები, მისწრაფებები, სურვილები, ეს ნორმალურია, მაგრამ ქვეყნის წინააღმდეგ თუ არის ეს ყველაფერი მიმართული — დაუშვებელია. ნოე ჟორდანიას და მისი თანამაზრენი რუსული სოციალ-დემოკრატიის გავლენის ქვეშ იყვნენ. ისტორიაში ნათქვამია, რომ ამის მიუხედავად, ისინი ცდილობდნენ შეენარჩუნებინათ დამოუკიდებელი ქართული ორგანიზაცია. ნოე ჟორდანიას რევოლუციის მომხრეა — მერე რა, რომ რევოლუციას უდანაშაულო ადამიანები ეწირებიან?! მისთვის ეს არაფერს ნიშნავს. საფრანგეთის რევოლუციამ ქიმიკოსი ლავუაზიეც კი შეიწირა და ჩვენთვის, ქართველებისთვის რა გახდა ეს ერთი ილია?! — აი, ეს აზრი დევს ნოე ჟორდანიას სიტყვებში. მე კი უბრალოდ ვიტყვი, რომ ის ძალიან, ძალიან ცდებოდა. ვაი, რომ ყველას არ გვაქვს ძალა ჩვენი შეცდომების დანახვისა. „ილია მიყვარს როგორც პოეტი და ბელეტრისტი, მაგრამ ვებრძვი როგორც პუბლიცისტსა და საზოგადო მოღვაწეს!“ — ამბობს ჟორდანიას. და, ებრძოლოს, მაგრამ, ბრძოლაშიც კი კაცმა არ უნდა დაკარგოს პატიოსნება, სამართლიანობა. ან დამარცხდები, ან გაიმარჯვებ — რჩეულს ორივეს ღირსეულად მიღება უნდა შეეძლოს. ვფიქრობ, ნოე ჟორდანიას ილიასთან ყოველთვის დამარცხებული იყო, თავად ამბობს: „ხალხმა ყველაფერი იცის, ხალხს ვერაფერს გამოაპარებ!“ — მართლაც, ასეა, ამიტომაცაა, რომ თანამედროვე მართლმადიდებლური საქართველოს ყველა ეკლესია-მონასტერში შეგვიძლია შევიდეთ და სანთელი დავანთოთ წმ. ილია მართლის ხატის წინაშე. ხალხი მართლაც რომ ბრძენია...

ნიკო ხიზანიშვილის სიკვდილმა ვერაფერი დაატყო ილიას კალამს, იგი ღირსეულად აგრძელებდა თავის საქმეს. მერე რა, რომ სიკვდილის დღეს გული ცუდს უგრძობდა, მაინც არ ჩქარობდა, მაინც გააჩერა ეტლი თავის საყვარელ წყაროსთან, ორმოცი წუთის მერე დაბრუნდა ეტლში. ილიამ კარგად იცოდა სიკვდილ-სიცოცხლის თეორია, სიცოცხლე ხომ საფუძველია იმისა, რომ მოკვდე, ამისთვის ის მზად იყო. მთავარი ხომ აღასრულა, თავისი სიტყვა თქვა ისე, რომ დღემდე ქართველი ხალხი მისი მცნებებით ცხოვრობს.

საბედნიეროდ, ილიას ეპოქაშიც იყვნენ ადამიანები, რომლებიც ასე თუ ისე გვერდით ედგნენ მას. მიუხედავად პატარ-პატარა კონფლიქტებისა, მათ სწამდათ ილიასი და იცოდნენ, რომ იგი საქართველოსთვის ცოცხლობდა. ილიამ პირობა „სამშობლო მთებო! თქვენი შვილი განებებთ თავსა, მაგრამ თქვენ ხსოვნას ვერ მივცემ მე და ვინცეას...“ სრულყოფილად აასრულა. საკუთარ თავზე აიღო პასუხისმგებლობა, რომ უცხოთათვის არ მიეცა ნება ქვეყნის სულიერების აღმოფხვრისა და ამას დღემდე განაგრძობს მის მიერ დატოვებული შემოქმედებით.

ნათია ფურცელაძე

(ივანე ჯავახიშვილის სახელობის თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის თარგმანის თეორიისა და მთარგმნელობითი პრაქტიკის მიმართულების II კურსის (IV სემესტრის) მაგისტრანტი)

1.

ადამიანი, რომელიც მხოლოდ „მოვალეობის მოხდის მიზნით“ აკეთებს საქმეს, შინაგანად ცარიელია, მისი ცხოვრება კი — უშინაარსო და უინტერესო. როცა გიყვარს შენი საქმე, მთელ სულსა და გულს დებ მასში, მაშინ პასუხისმგებლობაც მეტი გაქვს, მაგრამ პასუხისმგებლობა არ არის ის თვისება, რომელსაც შეიძენ ან ისწავლი. იგი ნიჭია ერთგვარი.

ექიმი ჰაუსი — უაღრესად საინტერესო ტიპაჟი. შეიძლება ითქვას, რომ იშვიათად იზადებიან მისნაირი ადამიანები. იგი ექიმია, მაგრამ არა — ყველასნაირი, არამედ — გამორჩეული. თითოეული ექიმი ხომ დებს „ჰიპოკრატეს ფიცს“ და მათი მთავარი მიზანი ადამიანის სიცოცხლის გადარჩენაა. მაშ რა განასხვავებს ჰაუსს დანარჩენი ექიმებისგან? ის, რომ სხვისი სიცოცხლის გადასარჩენად მზადაა დათრგუნოს საკუთარი „მე“!

ექიმობა არ არის მხოლოდ მოვალეობა. ის უდიდეს პასუხისმგებლობასთან არის დაკავშირებული და ეს კარგად აქვს შეგნებული ჰაუსს (უფრო სწორად — შესისხლხორცებული), განსხვავებით თავისი კოლეგებისგან.

წყდება ცნობილი მუსიკოსის, ჯონ ჰენრის, სიკვდილ-სიცოცხლის საკითხი. იგი უარს ამბობს რეანიმაციაზე და ამას ხელმოწერით ადასტურებს. კანონის თანახმად, ცუდად გახდომის შემთხვევაში ექიმებმა მას მშვიდად სიკვდილის უფლება უნდა მისცენ. ასეც მოხდება. ექიმი ფორმანი ამჯობინებს, დაიცვას იურიდიული, მაგრამ დაარღვიოს მორალური კანონი. რა გამოდის? რომ მისთვის ადამიანის სიცოცხლის გადარჩენა ყოფილა მხოლოდ პროფესიული მოვალეობა, რომელსაც ხან შეასრულებ, ხან — არა.

სრულიად განსხვავებულია ექიმ ჰაუსის ხედვა. იგი მზადაა გახდეს კანონდამრღვევი, წავიდეს ციხეშიც, ოღონდ გადაარჩინოს ავადმყოფის სიცოცხლე (ამ უკანასკნელის სურვილის მიუხედავად) და ასეც იქცევა. ჰაუსის მთავარი ღირსება ისაა, რომ იგი თავისუფალია, არ ცხოვრობს ჩარჩოებით და სიამოვნებს საკუთარი საქმე.

ჰაუსსაც ხომ შეეძლო მშვიდად შეჰგუებოდა პაციენტის სიკვდილს და ამ შემთხვევაში კანონიც მის მხარეს იქნებოდა. არც არავინ მოსთხოვდა პასუხს. მაგრამ არა! რატომ?.. იმიტომ, რომ ჰაუსი გრძნობს პასუხისმგებლობას საკუთარი თავის წინაშე. აი, ეს არის სწორედ დასაფასებელი.

შესაძლოა, ადამიანი პასუხისმგებლობით ეკიდებოდეს საქმეს იმიტომ, რომ ეს დაავალა ხელმძღვანელმა, დირექტორმა, მშობელმა, მასწავლებელმა და ა. შ. მაგრამ, ჩემი აზრით, როცა არავინ გავალებს, საკუთარი სინდისის წინაშე გრძნობ პასუხისმგებლობას და ისე აკეთებ, მაშინ ხარ ყველაზე ძლიერი...

2.

დათო ტურაშვილის ტელემოთხრობა „გურჯი-ხათუნი“ რომ ვნახე, მაშინვე ეს განცდა დამეუფლა — რამხელა პასუხისმგებლობა გვაკისრია, როცა ვატარებთ ქართველი ქალის სახელს, ვართ იმ ქვეყნის შვილი, რომელშიც გურჯი ხათუნი დაიბადა.



ცამეტი წლის ასულს, რომელიც ყველამ განირა, საკუთარმა დედამაც კი სელჩუკთა სულთნის ცოლად გაიმეტა, წამითაც არ დაეინყნია ის უდიდესი პასუხისმგებლობა, ქართველობა რომ აკისრებდა.

ვინ იცის, როგორ ტკიოდა სული თამარს, იქნებ მის ადგილას სხვას ბოლმაც კი ჩადო გულში, ასე როგორ მომექცნენო, მაგრამ არა! იგი საქართველოს სიყვარულით ცხოვრობდა.

ეს საიდან იცითო, შეიძლება იკითხოს ვინმემ...

საიდან? იქიდან, რომ ქართველისთვის ქრისტიანობა და ეროვნულობა განუყოფელი იყო ოდითგანვე. საქართველოსადმი უდიდესი სიყვარული ჩანს სწორედ იქიდან, რომ თავის უძვირფასეს მოძღვარს, ჯელალ ედ-დინ რუმს, გურჯი-ხათუნმა განსაკუთრებული სიყვარულის ნიშნად ისეთი თურბე აუგო, ქართულ ეკლესიას რომ მიაგავდა. სულთნის სასახლეზე გამოსახული ბოლნური ჯვარი და იჰლარას ხეობაში, სოფელ ბელისირმასთან, წმ. გიორგის ტაძარიც ხომ მის სახელს უკავშირდება. აი, სად ჩანს სელჩუკთა დედოფლის პატარა სამშობლო (ან იქნებ ყველაზე დიდიც).

გურჯი-ხათუნს არავინ ავალებდა თუნდაც იმას, რომ სელჩუკთა იმპერიაში ქართული გუმბათი გაეცოცხლებინა, ან ბოლნური ჯვარი უქვდავეყო. იგი გრძნობდა უდიდეს პასუხისმგებლობას უფლისა და ქართველობის წინაშე და ამიტომაც იქცეოდა ასე. შემთხვევით არც ის ლეგენდა გაჩნდებოდა, სელჩუკთა დედოფალი სიცოცხლის ბოლოს საქართველოში დაბრუნდაო.

უმიზეზოდ არ დაარქმევდა ასტროლოგი ბიბი მუნაჯი-მე ვარსკვლავს გურჯი ხათუნის სახელს. გურჯი-ხათუნი იმიტომ არის ასე დიდი პიროვნება, რომ იგი ღირსეული დედოფალიც იყო და ქართველი ქალის სახელიც ღირსეულად ატარა.

სიმბოლური და დამაფიქრებელია ის სიტყვები, რომლითაც დათო ტურაშვილი ტელემოთხრობას ამთავრებს: გურჯი-ხათუნის „ვარსკვლავი, გადმოცემის თანახმად, ადრე უფრო დიდი და კაშკაშა იყო, ახლა კი ძნელად შესამჩნევად, ოდნავ თუ ციმციმებს. უცხო ქვეყნის სახელოვანი ქართველი დედოფლის, გურჯი-ხათუნის, ვარსკვლავი, იმედაი, მაინც არ ჩაქრება, როგორც ერთი ქართველი ქალის ლამაზი ისტორია“.

ხომ არ ვეძებთ ვარსკვლავის გამკრთალების მიზეზი საკუთარ თავში? იქნებ ახლა მაინც დაფიქრდეთ, რამხელა პასუხისმგებლობაა, ვიყოთ იმ ქვეყნის შვილები, რომელშიც გურჯი-ხათუნი დაიბადა...

3.

წერა ზოგისთვის მოვალეობაა, ზოგისთვის — დიდი პასუხისმგებლობა. ერთნი მართლაც „რალაციისთვის“ წერენ, მაგრამ მწერლობა ხომ არ არის მხოლოდ წერა. სიტყვის შემოქმედს უდიდესი პასუხისმგებლობა აკისრია მკითხველის წინაშე. მან მხატვრულად უნდა ასახოს სინამდვილე და ისე მოიტანოს საკუთარი სათქმელი ჩვენამდე.

ვიქნები გულწრფელი. პირველად რომ წავიკითხე როსტომ ჩხეიძის „ეკლიანი და პატარა გზა“, თითქოს ვერ გავიგე, ვერ ჩავწვი ავტორის სათქმელს. თუმცა ერთმა კი დამაფიქრა — შემთხვევით არ იყო ილია ნანარმოების მთავარი პერსონაჟი, ადამიანი, რომელიც „სიყრმიდანვე ქართლის ბედმა აიყოლია“.

მეორედაც გადავიკითხე, ოღონდ — სხვა თვლით.

„ეკლიანი და პატარა გზის“ მოქმედი პირები XIX-XX საუკუნის შვილები არიან. ბევრს ფიქრობენ ისინი სამშობლოზე, ილიაზე, წინამურზე (იმ წინამურზე, სადაც „დიდი ეპოქა გათავდა“). ერთი შეხედვით ისინი თავიანთ ეპოქას აფასებენ. ჩემი აზრით, პერსონაჟთა მიერ თქმული არ მიემართება მხოლოდ ჩვენს წარსულს, მგონია, ნანარმოების ავტორი ამით ჩვენს თანამედროვეობაზეც მიგვანიშნებს. მას აწუხებს დღევანდელი დღე, ჩვენი საზოგადოების მდგომარეობა.

ფიქრობ, შემთხვევითი არ უნდა იყოს არც გრიგოლ რობაქიძის სიზმარი („ანგელოსი მაშინ ვიხილე, გაღვიძებისთანავე ცრემლი რომ მოვიწურე, რადგანაც გული უცნაური ძალით მიცემდა და ვერც აბურდული ფიქრი მატყობინებდა რაიმე სანუგეშოს“) და არც ივანე მაჩაბლის მონოლოგი, განსაკუთრებით ბოლო სიმბოლური

ფრაზა „ჰამლეტიდან“ — „ცუდი, ძალიან ცუდი ამბებია მოსალოდნელი დანიის სამეფოში“.

ყურადღებამისაქცევია ნოე ჟორდანის მონოლოგის დასასრული. მართალია, ამ მონაკვეთის ნაკითხვა უარყოფით ემოციას იწვევს მკითხველში (კონტექსტიდან გამომდინარე), მაგრამ საინტერესოა ის ასოციაცია, რომელსაც ეს სიტყვები აღძრავს, თუ ჩვენს დღევანდელობას მოვარგებთ — „ხალხმა ყველაფერი იცის, ვერაფერს გამოაპარებ და განაჩენიც მასვე გამოაქვს. ამ განაჩენს ვერავინ შეცვლის. ისტორია? ისტორიაც ეს არის... ისტორიის მამოძრავებელი ძალა ხალხია და არა ცალკეული პიროვნებანი, მითუმეტეს, ბნელეთში თუ ჩარჩენილან.“

ხალხი ბრძენია.

უსამართლოდ არაფერს გადაწყვეტს...

ხალხმა ყველაფერი იცის.

ხალხს ვერაფერს გამოაპარებ.

ხალხი...“

ამდენი მაგალითის მოყვანა იმისთვის დამჭირდა, რათა დასაწყისში დასმული საკითხი ლოგიკურად გამეგრძელებინა. ამ შემთხვევაში ჩემთვის მწერლის პოზიციაა მნიშვნელოვანი. ტექსტის ნაკითხვის შემდეგ ცხადი ხდება, რომ ავტორს „რალაც“ ტკივა და ეს „რალაც“ სამშობლოა. მწერალი პასუხისმგებლობას გრძნობს ქვეყნის, ქართველებისა და საკუთარი თავის წინაშეც. რომ არა პასუხისმგებლობის დიდი განცდა, ალბათ, ძნელი იქნებოდა ამგვარი ნანარმოების შექმნა და, რაც მთავარია, სათქმელის ჩვენამდე მოტანა.

და შემდეგ?

გამგები ხომ ამ სათქმელს (მწერლის სათქმელს ვგულისხმობ) ყოველთვის გაიგებს.

„მძივი“, როგორც ცხოვრება



ღია ბარათი კოტე კაკიტაქის

კოტე! დღეს ვახტანგმა პატარა წიგნი მოიტანა და მაგიდაზე დადო. შევათვალე, გარეგნულადაც მესიმიპათიურა; როცა ავტორი შევიცანი, გავოცდი: — რა, კოტე ლექსებს წერს? — ვკითხე. მარტო ჩემთვის კი არა, როგორც შევიტყვე, ეს ყველასთვის აღმოჩენა ყოფილა.

უნდა გამოვტყდე, პოეზია ძალიან მიყვარს. მიყვარს ნაღდი ლექსი, სუფთა და ნეღდი.

წიგნი გადავფურცლე და პირველ ჯერზე შერჩევით ჩავიკითხე. გულწრფელად გეუბნები, მათში ნაჯახირალი, ნაცოდვილარი, თითოდან გამოწოვილიო რომ იტყვიან, ბნკარიც კი ვერსად აღმოვაჩინე. მერე მივუბრუნდი და ხელახლა სათითაოდ ჩავმარცვლე. არ იფიქრო, რომელიმეს დავდე წუნი, მაგრამ „მძივი“ ჩემთვის აღმოჩენა იყო. ახლა უკვე ზეპირად ვიცი და მინდა აქაც გავიმეორო:

ძუა-თვალი: ძუა-ქვა; შეკრბა, მძივი დაირქვა, აყელყელდა, აყონდა, ჯავრი გულზე იყარა. მერე განყდა, ძარღვიან პეშვზე ჩამოიყარა... აღარც ძუა, აღარც ქვა, აღარც თვალი გიშერის... მოწყენილი მეძახის უმძივებო კისერი.

მასხენდება ნიკო ლორთქიფანიძის „თავსაფრიანი დედაკაცი“... „სამი წელი — სამჯერ გამოწეული მუცელი და შეზნექილი წელი, სამჯერ ჭორფლი და მჟაფე კიტრი...“ ეს ფეხმძიმე ქალის სწორუპოვარი პორტრეტია, „მძივი“ კი — სულ რამდენიმე სტრიქონში — ადამიანის მთელი ცხოვრებაა სრულქმნილი.

ექვსი წელია, რაც ჟურნალმა „დროშამ“ არსებობა შეწყვიტა, კალამი ხელში აღარ ამიღია. კადნიერებად ნუ ჩამითვლი, და-ძმურად გთხოვ, არ შეჩერდე. დაე, ეს პატარა ლექსების კრებული იყოს შენი პოეტური გზის დასაწყისი... გოეთემ „ფაუსტი“ 80 წლისამ დაწერა, შენ კი შენი „სვეტიცხოვლის“ საძირკველი უკვე ჩაყრილი გაქვს...

წუწუ კუპაიივილი

P.S. ახლა რომ რედაქციაში ვმუშაობდე, ჟურნალის ფურცლებს სიამოვნებით დავუთმობდი „წვიმის შემოქმედებას“ და თან ამ ჩემს მოკრძალებულ მინაწერსაც წარვუძღვარებდი.

მარინე ტურავა

შინაგანი სიტყვა

□

ზაზა ბიბილაშვილის „წელიწადი, როგორც ერთი დღე“

პოეტი ყოველთვის, ყველა დროსა და ეპოქაში მარტო-სულია, ვერასოდეს პოულობს საკუთარ „საბრძანებელს“ და „საგანდევლოს“. მას მუდმივად საკუთარი თავი „ითრევს“, საკუთარ გრძნობებს დაკირკიტებს, აანალიზებს, სჩხრეკს. ზაზა ბიბილაშვილის პოეზიისათვის ნიშნულია თვითანალიზი, ფიქრი, აქ გრძნობა და გონება, ცნობიერი და არაცნობიერი ერთმანეთს ხელს არ უშლის, პირიქით, ჰარმონიაშია. „იმდენს ვფიქრობდი, ველარ ვიცხოვრე“, „იმდენს ვფიქრობდი, ველარ ვიცხოვრე, ვერც მოვიფიქრე“, — ველარ იცხოვრა, რადგან ფიქრობდა, ე.ი. წერდა, წერდა ანუ არ იყო მიწაზე, მაგრამ თავისი ნაფიქრით ანუ პოეზიით მეტს ელოდება, მეტი უნდა, სულ ძიებაშია.

დღიურების სახით დანერილი პოეტის განცდები ზოგჯერ თითო სტრიქონში ეტევა, მაგრამ მეტყველი და მრავლისმთქმელია, ავტორივით შესაგრძნობი უფროა, ვიდრე თვალშისაცემი — „მეც განა ვჩანვარ? — მხოლოდ ვიგრძნობი!“ ამ დღიურებში ბევრი დარღია. სევდა უფრო ინტიმურია, ვიდრე სიხარული, პოეტი ნაღვლიანია, დარდს მოუცავს — „განა არ ვიცი? — ამოდის კიდეც. მეც ეგ არ მიკვირს? — სულ ჩასვლაზე რად მენერება?“ ეს თავისთავად ხდება, პოზირების, თამაშის გარეშე, ბევრი მცდელობის მიუხედავად, სხვანაირად არ ეწერება, ბოლომდე თვითონაც არ აქვს გაცნობიერებული, ასე რატომ ხდება.

აზრი ნათელია, გამჭვირვალე, არ არის დამძიმებული ხელოვნური ნიაღვრეებით, ქვეტექსტებით. მარტივი ფრაზებით ჩვენ თვალწინ ზაზა ბიბილაშვილის ღრმა, საინტერესო, რთული პოეტური სამყარო იხატება. მარტივად რთულის გადმოცემას კი ოსტატობა სჭირდება.

ეს ციკლი მისი სულის მატრიანაა, ასე ცხოვრობს მთელი წელიწადი, „როგორც ერთი დღე“, დღიურს დღიური ემატება, განცდას განცდა. ზოგჯერ „თითქმის არ არის“, ზოგჯერ ყოფნასა და არყოფნას შორის აღმოჩენილი ირონიას უხმოებს საშველად — „სასაცილოა თავიც და ბოლოც. შუა — ყველაზე სასაცილოა.“ ამის მიუხედავად, მაინც აგრძელებს ცხოვრებას, „ასეა, როცა სიკვდილის ცოტათი მაინც უფრო მეტად გეშინია, ვიდრე სიცოცხლის.“ უარს ამბობს თვითმკვლელობაზე — „არც ეგ გამოდის გამოსავალი. აბა, მეორედ რომ დაგჭირდეს, რაღას მოიკლავ?“ ზოგჯერ ეს უარი მორიგ ირონიაში გადაიზრდება — „უშუალოდ დღეა, აფსუსს, რა დროს გაგხსენი, ყულვო!“

არქეტიპული მეხსიერება კარნახობს პოეტს, რომ იარაღის ჟღარუნში ჩუმად უნდა იყოს, მაგრამ ნატყვიარი არ ასვენებს — „ჩუმად ვარ, ჩუმად. ქვეყნის ქარები თუ წვიანი ნატყვიარებში.“ ნატყვიარი მისი სულია და არა სხეული, იარაღის ჟღარუნიც ფიზიკურს კი არა, სულიერ საფრთხეს გულისხმობს.

პოეტებს სხვანაირად უყვართ, თუმცა ეს სხვანაირი ხშირად ძველის განმეორებას, ფერშეცვლას, რემინისცენციას მაინც გულისხმობს, რადგან ამაზე იმდენი თქმულა, იმდენი დანერილა, ძნელია იყო ორიგინალური, გამორჩეული. „შენი თვალები? ხერხემალში გადამამტვრევდა. გამომშაშრავდა შენი ტანი, როგორც უდაბნო. ეს — უშენობა — არა მკლავდეს, რა იქნებოდა!“ არა მარტო შეგრძნებების სიმძაფრით, მოულოდნელი ესთეტიკითაც საინტერესოა.

„განა მომწონს, რომ მგონია, რომ არა ხარ, სულ არ მომწონს, რომ მგონია, რომ არა ხარ. კიდეც უფრო ის არ მომწონს, რომ არა ხარ,“ — წინა ფრაზასავით ორიგინალურად, გამორჩეულად ვითარდება ეს ფრაზაც, თითქოს კადრი კადრს მიყვება...

„ჩვენი სიყვარული ზღაპარს ჰგავდა — უმრავლესობას — ათასერთის კი არა და — ერთი ლამისას,“ პოეტს კი ზღაპრების არ სჯერა, არ სჯერა, რადგან ეგეთი დიდი სიყვარული ოცნების სფეროს უფრო განეკუთვნება, ვიდრე რეალობას, ამიტომაც მისი სიყვარული ცალმხრივია, უიმედო, და მას გულგრილობა, სულერთიას შეგრძნება უპირისპირდება. დასასრულიც ლოგიკურია — „ჩვენ გავიყარეთ, მე და შენ გავხდით.“

პოეტი მაინც აგრძელებს თავისი გზით სიარულს, გაუცხოების არ ეშინია, არც მარტოობის — „რატომ კვდებიო გზაჯვარედინზე? იქით ბილიკიც კი არ მიდის, მე რომ მოვდივარ.“

ზოგჯერ ამბებს გვიყვება, ორიგინალურად, საინტერესოდ: გვიყვება, როგორი მარტოსულია თავყრილობებზე, როგორ ვერ გაუძლო უმიჯნურობას, როგორია ფანტასტიკური სიყვარულის ნამდვილი მსხვერპლი. „ჰოი, ძალო, ხეჯიუტის ამომზიდავო უდაბნოთა ბერწი მინიდან... ჰოი და ჰოი, თავნება ხეო, მზის ცხელ უბეში იმისათვის თავამორგულო, რომ ჯამით ჯამამდე მომთაბარე აქლემებმა გაისველონ მყრალი კბილები, და სხვებზე ზრდილმა ბედუინმა ნაკეები გვამი შენ ტოტებქვეშ შეიმსუბუქოს“ — პოეტს საჭირო სიტყვები ამოაქვს ენის გამოუღვევი წილიდან და მკითხველს თვალწინ ულაგებს არა გასანვალებლად, არამედ სიტყვით ტკობისათვის, მის ნამდვილ არსთან საზიარებლად.

ზაზა ბიბილაშვილის ლექსებიდან „განდევნილია ცრუ-პენტელა რითმა“, რადგან „პოეტური სიმართლე რითმებში არ გამოიპრანჭოს“, აზრი „არავითარ ზომამი არ არის ჩაჭედილი“, გამოცხადებულია „ვითარცა შინაგანი სიტყვა“ (გრიგოლ რობაქიძე), თუმცა მაინც არის რიტმულობა, მუსიკალურობა, ესთეტიკა, ერთგვარი ღვედი, რომელიც კრავს და აერთიანებს. ამგვარი ლექსის ტრფიალება გემოვნების საკითხია, ბევრისთვის ლექსი რითმა და რიტმიკაა, კლასიკური საზომის ერთგულებაა, მიუხედავად ამისა, ეს ნამდვილი პოეზიაა, გამოკვეთილი ფერით, გემოთი, სათქმელით, პოზიციით, დიდი პოტენციით.

...რათა ტრაგედია აღარ განმეორდეს

□

ფოტოგამოფანა საბჭოთა რეპრესიების ისტორიიდან

საქართველოს ფოლკლორის სახელმწიფო ცენტრის საგამოფანო დარბაზში 18 მაისს უჩვეულო და მეტად საინტერესო გამოფენა გაიხსნა — „საბჭოთა რეპრესიები და ქართული ფოლკლორი“. უსასტიკესი რეჟიმით გამოწვეული ტვივილი ჯერ არ განელებულა, თუმცა ახალი თაობისთვის ტოტალიტარული მმართველობის ხანა უკვე შორეული წარსულია. ექსპოზიციას ორი მოზრდილი დარბაზი უჭირავს. კედლებიდან შემოგვცქერიან უსამართლოდ დასჯილნი, ერის, მამულის სიყვარულისთვის გადასახლებულ-დახვრეტილები: ფოლკლორისტიები, ლოტბარები, ქორეოგრაფები, მკვლევარები, პოეტები, მსახიობები...

ფოლკლორის ცენტრის ხელმძღვანელს, გიორგი უშიკიშვილს თავისი საწინაო საქმეებით კარგად იცნობს ქართველი საზოგადოება. ამ გამოფენის მონყოლაში მას მხარში ედგნენ და დიდად შეეწოდნენ აღიარებული ფოლკლორისტიები ეთერ თათარაიძე და ამირან არაბული, ცენტრის თანამშრომლები: ნუნუ შველიძე, უჩა დვალისვილი, ნანა კალანდაძე და სხვები. ერთობლივი თავდაუზოგავი შრომით გახდა შესაძლებელი არქივებსა და კერძო კოლექციებში ფოტოების, ხელნაწერების, სხვადასხვა ნივთის მოძიება. დამთვალეირებლის ყურადღებას სხვა ექსპონატებთან ერთად დიდი მეცნიერის, ვახტანგ კოტეტიშვილის მიერ შექმნილი სამი ქანდაკებაც იპყრობს. კედლებზე გაკრულია საბჭოთა ხელისუფლების მონოდებები და იმავე სულისკვეთების გამომხატველი ლექსები: „ძირს რელიგია და სამღვდლოება!“ „ვაშა გ. პ. უ.“, „მე მამას მოვკლავ, დავახრჩობ დედას“... მსგავს ლოზუნგებთან კონტრასტს ქმნის სტალინის მასწავლებლის, ვასილ კარბელაშვილის წერილი ყოფილი მოსწავლისადმი: „კიდევ გთხოვ, რომ ეკლესიებისა და სარწმუნოების დევნას თავი ანებონ და ლმობიერება გამოიჩინონ“. პასუხად — დახვრეტა.

ღრმა სევდის გამომხატველი და ამავე დროს ნათელი მზერით შემოგვცქერიან ლევან რაზიკაშვილი, მისხ ხელამვილი, ადამ ბობლიაშვილი, არჩილ კიტოშვილი, დავით კაცსაძე... ყველას ვერ ჩამოთვლი. ქართული ჯიშის, ქართული გე-

ნის, განათლების, გონიერების, ზნეობის სიმბოლოდ, ნიმუშად გამოდგება თითოეული. შთამომავლობამ უნდა იცოდეს, როგორი წინაპრები ჰყავდა. მომავალ თაობას ორიენტირი რომ არ აერიოს, აუცილებლად უნდა ნახოს ეს გამოფენა.

გახსნაზე გიორგი უშიკიშვილმა აღნიშნა, რომ ამ სახით ასეთი ექსპოზიციის აქამდე არასოდეს წარმოუდგენიათ. ეს პირველი გამოფენაა, სადაც ერთადაა თავმოყრილი ყველა იმ ადამიანის ფოტო, რომლებიც იდევნებოდნენ ქართული სიმღერის, გალობის, სიტყვის გავრცელებისთვის. მან მსმენელს მოუთხრო ტრაგიკული თავგადასავალი დავით კასრაძისა, რომელიც გერმანიაში ნაცისტების მიერ დახვრეტას გადაურჩა იმით, რომ თან აღმოაჩნდა ცოლ-შვილის ფოტო, რომლითაც გერმანელები მოი-

ხიბლნენ. მაგრამ ვერ გადაურჩა საბჭოთა ხელისუფლებას, დახვრეტეს სოჭში ბოლშევიკებმა. თბილისში ფოლკლორის ცენტრი თურმე ვახტანგ კოტეტიშვილმა დააფუძნა. დღევანდელი ცენტრი ცდილობს, განაგრძოს ძველი ტრადიციები. ბატონმა გიორგიმ გამოთქვა რწმენა, რომ ამ გამოფენას აუცილებლად ნახავენ მოსწავლეები და მათ სულიერ ფორმირებაზე ეს ექსპონატებიც მოახდენს სასიკეთო გავლენას.

როსტომ ჩხეიძემ დიდი ტრაგედიის ანარეკლი უწოდა იმდღევანდელ გამოფენას. ყალბი ისტორიის წილ უნდა შეიქმნას ნამდვილი ისტორია. წარსულისთვის კი წვრილმანი არ არსებობს, რადგან წვრილმანებში აირეკლა უსაზარლესი სამყარო. თითოეული ფოტოს უკან თითო რომანი დგას. უფრო მძიმე რეალობა წარმოუდგენელია, მაგრამ სწორედ მათ, იმ ეპოქის შვილებმა შეინარჩუნეს სულიერება და მოიტანეს დღემდე. ეს სურათები არ უნდა დარჩეს კედლებზე, უნდა გამოიცეს ფოტოალბომი, როგორც ფოტორომანი, —

დაასრულა ბატონმა როსტომმა.

ზაალ სამადაშვილისთვის, რომელმაც ძალიან კარგად იცის იმ ტრაგიკული ეპოქის შესახებ ბევრი რამ, გამოფენაზე მაინც აღმოჩნდა რამდენიმე სიახლე. საბჭოთა რეჟიმს მან შემზარავი, ყოველგვარი თავისუფლების მტერი უწოდა და იმედი გამოთქვა, რომ იმ ეპოქას არასოდეს დაუზბრუნდებოდა.

საზოგადოებას მიმართა რეპრესირებული ოჯახის შთამომავალმა, ელენე ვირსალაძის შვილმა, **მანანა ხიდაშელმა**. მისი ოჯახი — დედა, დეიდა, ბიძა — ნიმუშია იმისა, როგორ იდევნებოდა, ითრგუნებოდა მოაზროვნე და ზნემაღალი საზოგადოება ბოლშევიკების მიერ.

ესტონეთის ელჩმა საქართველოში ტომას ვულფმა გაიკვირვა, რომ დარბაზი გადავსებული იყო დამთვალეირებულთ. მან ერთმანეთს დაუკავშირა საქართველოსა და ესტონეთში გატარებული რეპრესიები და დაასკვნა: ეს უნდა ნახოს ყველამ, რათა ტრაგედია მომავალში აღარ განმეორდეს.

პირველ დღესვე დავრწმუნდით, რომ ათდღიანი გამოფენა წარმატებით ჩაივლის და მნახველი არ მოაკლდება.



ტომას ვულფი და გიორგი უშიკიშვილი

პაატა ჩხეიძე

და სხვა „ალუდა“...

კარგად დაწერა გია მურღულიამ, კარგად განმარტა „ალუდას“ ფიქრები, მაგრამ მე, სხვა „ალუდა“, ცოტა სხვაგვარად ვფიქრობ და მსურს ჩემი ფიქრებიც გაგიზიაროთ.

აღამიანებს მტრები იმიტომ ჰყავთ, რომ აღამიანები არიან, მტრობა აღამიანური თვისებაა. აღამიანს მტერი ჰყავს შიგნით, საკუთარ თავში, და გარეთ; მაგრამ ჩვენთან, „ალუდა ქეთელაურში“, ხომ ჯერ კონკრეტული, ხევსურულ-ქისტური მტრობაა დახატული და მერე ეძლევა განზოგადება. აბა, თუ კონკრეტულიდან არ დავინწყეთ, ისე როგორ განვაზოგადებთ?!

ხევსურებს მტრები გვყავს: ქისტები, ლეკები და სხვა მთიელები; იმიტომ, რომ საზღვარზე ვართ და სასაზღვრო ცხოვრებით ვცხოვრობთ; თავს გვესხმიან, გვხოცენ, გვტაცებენ, თავს ვიცავთ, ქონებას ვიცავთ, ხან დავასწრებთ და ჩვენ ვესხმით თავს, ვტაცებთ, ვხოცავთ, საქონელს გამოვირეკავთ.

საზღვარზე ვცხოვრობთ, საზღვარს ვიცავთ, ბატკნები კი არა ვართ, მგლები ვართ და მგლის ლეკვები. მგელმა მტრობა იცის იმიტომ, რომ მგელია. მტრები გვყავს იმიტომ, რომ მტრობა ვიცით, იმიტომ, რომ არ ვეპუებით, ფერს არ ვიცვლით, რჯულს არ ვიცვლით, ქართველობას არა ვთმობთ და არა გვსურს, სხვად ვიქცეთ; და ყოველივე ამას რომ კარგად ვახერხებთ, კარგად რომ ვიცავთ თავსა და ქვეყანას, კარგი ვაჟები რომ ვართ, იმიტომაც გვყავს მტრები.

განა მშვიდობის ფასი არ ვიცით? — ვიცით, მაგრამ ასეთი ყოფა გვერგო, ასეთი მოვალეობა დაგვიკისრებია და რა ვქნათ? განა ის არ ვიცით, რომ ჩვენსა და ქისტებს შორის მორიგება სჯობს? — ვიცით, მოვრიგებულვართ კიდევ და „ალუდა ქეთელაურშიც“ ხომ თითქმის მოვრიგდით, მაგრამ ხვევისბერობის სკამს გამოკიდებულმა ბერდიამ ჩაშალა ყველაფერი.

არა, თავი არასოდეს მომწონებია, ეგება მხოლოდ ყმანვილობაში, გონით რომ არ ვიყავ ჯერ მოსული. თავმო-სანონი რა მაქვს ან მე და ან სხვას; კაცნი ვართ, ცოდვილნი, ნაკლულოვანნი; არც თავი მომწონებია და არც სხვა ვინმე; თავი რომ მომწონებოდა, ჩინსა და წოდებას მოვინდომებდი და მომხრეებს გავიჩენდი; არა, მაგეებს არასოდეს დავყოლივარ.

მუცალი იმიტომ მოვკალი, რომ მტერი იყო. მტერსა და მომხვედურს უნდა შეებრძოლო და შეეცადო მოკლა, თუ არა და ის მოგკლავს და აგიკლებს.

მაგრამ მუცალი შემეცოდა; შემეცოდა იმიტომ, რომ ვაჟკაცი იყო და ეს ბრძოლაში შევიცანი. ეგებ მისი ძმაც ვაჟკაცი იყო, მაგრამ პირველი გასროლით მოვკალი და მისი არაფერი ვიცი; აი, მუცალი კი...

ერთუროთის პირისპირ ვიდექით, თოფის სასროლ მანძილზე, არაფერს ვეფარებოდით; აზრადაც არ მომსვლია სანგარში ჩანოლა, დავენიე თუ არა, ვესროლე და ერთი მოვკალი; არც მუცალი შემკრთალა და არც იმას უძებნია საფარი; ჯერ იმან მესროლა, სანამ თოფს გავტენდი, და

ამაცდინა; მერე მე ვესროლე თავში და ოდნავ დამიცდა, ქუდი გაფუხვრიტე; მერე მუცალმა გულში მესროლა და უთუოდ მომკლავდა, საპირისნამლე ქისას რომ არ გადავერჩინე; სროლა ეგრე არ უნდა-მეთქი, და მომდევნე ნასროლით გულის ფიცარი შევეუმტვრიე; ეს არაფერი, ბევრისთვის მისვრია და ბევრსაც უსროლია ჩემთვის; მაგრამ იმას, მუცალს, ფერი არ უცვლია, სიკვდილი ვერ მოერიო, მომაკვდავმა ნატყვიარში ბალახი ჩაიტენა და კიდევ მესროლა, რჯულიც კიდევ ერთხელ მისხენა.

კარგი ყმა იყო, კარგი ვაჟკაცი! ჰო, თოფი გადმომიგდო სიკვდილის წინ, ისედაც ჩემი ნადავლი, მაგრამ თვითონ გადმომიგდო, იმიტომ კი არა, რომ მოვენონე და მოყვრად გამიხდა, არა! რომ შესძლებოდა, ტყვიით დამხვრეტდა, ხანჯლით ამკუნავედა; თოფი იმიტომ გადმომიგდო, რომ გამარჯვებულად, უკეთეს მებრძოლად მაღიარა და ისურვა, რომ უკეთეს მსროლელს ჰქონოდა მისი სანაქებო თოფი.

მტრები ვიყავით და მტრებად დავრჩით, ის მკვდარი და მე ცოცხალი; რომ გაცოცხლდეს, კვლავ მოვკლავ, ისიც ჩემს მოკვლას შეეცდება, მაგრამ ვაჟკაცი იყო და შემებრალა, თვალზე ცრემლი მომადგა, არც მარჯვენა მოვჭერი და არც იარაღი ავყარე; ვიფიქრე და ჩავთვალე, რომ ასე სჯობდა.

ქველობა უნდა დაფასდეს, ეს წინაპართა ნაანდერძე-ვია და უნდა გვახსოვდეს. მუცალის ძმას იარაღი ავყარე, მარჯვენა მოვჭერი და წამოვედი. მე, ალუდა ქეთელაურს, ნესი არ დამირღვევია და წინაპართა ანდერძი არ დამინწყებია. მაშ მკლავი თუ არ მოსჭერი, როგორ უნდა გამოირჩე სხვებისაგან? როგორ განასხვავოს თემმა კარგი ყმა და უნდელი? ეგრე ხომ ყბელები დასჯდებიან საფიხვნოს თავში. სადა გვყავს მემამათიანე, რომ ჩვენი გმირობა აღწეროს, მარტო ლექსის იმედად ხომ არ დავრჩებით, საბუთი ხომ უნდა გვქონდეს, რათა გაირჩეს კარგი და ავი, რათა ყველანი არ გავთანასწორდეთ.

აი, მუცალის მკლავი კი არ მინდოდა, ცოდვა იყო, დაე დააკლდეს სახელსა-მეთქი, გადავწყვიტე.

არა, მუცალი ჩემიანი არ ყოფილა, მტერი იყო, ოღონდ ღირსეული მტერი.

ვაჟკაცი, საზღვარზე მცხოვრები, მტერობას ვერ გაექცევა; თვითონაც მოჰკლავს და მასაც მოჰკვლენ, სისხლი თანა სდევს, სისხლში ცხოვრობს, სისხლში დგას და სისხლში წევს. ეგ თქვენ, ქალაქში, სამოქალაქო საზოგადოების აბსტრაქტულ ღირებულებებს გამოდევნებულნი, იგონებთ რაღაც ჰუმანისტურ იდეალებს, მე მაგეებისა არა ვიცი რა.

მაგრამ ჩემი და მუცალის ბრძოლა სხვა იყო; ამას შეეძლო გამოვეფხიზლებინეთ და წინაპართა ანდერძისაკენ მივებრუნებინეთ, ქისტებთან ზავი ჩამოეგდო, ზავი თუ არა, ეგებ პირობა მაინც გვეთქვა და ჭდე დაგვედო; რახანია უსიტყვოდ და გაბოროტებითა ვმტრობთ ერთმანეთსა.

მე ასე ვფიქრობდი. ამიტომაც შევეუქე მუცალს ვაჟკაცობა, ცხოვნებული ვუნოდე და ფულით ნაყიდ ადგილებზე გადავუკარი სიტყვა ხევსურებს. ხევისბერი ბერდია მიმიხვდა, შეეშინდა ძალაუფლებას მართმევსო, და ლანჩი-კები მომიგზავნა, ტყუილში დამდეს ბრალი. რა უნდა მეთქვა, გაეჩუმდი, იმათ ხომ არ დავყვებოდი, ხელს ხომ არ გავისვრიდი და თემს ხომ არ გავხლებდი.

ბედად მინდია გამოჩნდა, გამომესარჩლა და სიმართლის დადგენა იდო თავსა; წავიდა, მუცალს მარჯვენა მოს-

ჭრა და მოიტანა, ჩემთვის კარგი უნდოდა და საქმისთვის ავი გამოუვიდა; ახლა ვილა გაარჩევს ვაჟკაცსა და ლაჩარს, ქველსა და მდაბალს; ქისტებთან რაღა გვაქვს სათქმელი, ისევ იმათსავით დავქვეითდით.

დავდარდიანდი. ვდარდობდი, რომ კარგი მინდოდა და ვერ გამიგეს, წესი დავიცავი და დარღვევა დამაბრალებს; ვდარდობდი ჩემგან მოკლულ ვაჟკაცს; ავი ფიქრები მომეძალა, ეჭვი შემეპარა გულში, ეშმაკმაც დრო იხელთა და ხელი დამრია, სიზმრებით შემიშოფოთა სული; მაგრამ არ გავსტყდი.

მინდიათ რომ მუცალის მარჯვენა მომიტანა, მაშინ ავიმალღე ხმა და შევუძახე, ვაი ეგეთას სამართალს-მეთქი; ახლა იტყვი, თემის სამართალს გმობსო; არა, სამართლის დარღვევასა ვგმობ, წინაპართა ანდერძისას, რითაც სიქველე და ზნეობა ყველაფერზე მაღლა დგას. არც ჩვენი სახელი და არც ჩვენი სახელო ზნეობაზე მაღლა არ უნდა დავაყენოთ.

მერე კიდევ ერთხელ ვცადე. ხატობას მოზვერი მივიყვანე და მუცალის დამწყალობნება მოვიწოდებ; რომ არ გამიგონეს, მე თავად მოვსჭერი თავი კურატს. აი, აქ კი მართლა შეშინდა ბერდია, ვერაფერი გაიგო; ეგონა ხვეისბერობას ვეცილებოდი და მთელი თემი ამიმხედრა.


რა მინდოდა? რატომ არ გაჩერდი? ზნეობრივი მაგალითის ჩვენება მსურდა, სიქველის ზეობა, მთელს ფშავ-ხევსურეთს რომ მოედებოდა და ქისტებშიც გადააღწევდა; მერე რა მოხდებოდა? — არ ვიცი, მაგრამ მოხდებოდა, ვგრძნობდი.

კიდევ რა მინდოდა? სამართლებრივი პრეცედენტის დამკვიდრება; ჩვენს მამა-პაპათ ეგრე უვლიათ. თემმა ვერ გამიგო, იმიტომ, რომ, თქვენი არ იყოს, დემოკრატიის ბაცილა შეჰპარვოდა, უფლებანი აეყარა და მთელი ძალაუფლება ერთი კაცისათვის გადაეხარებინა, უმრავლესობა მის გარშემო შეკრებილიყო და იდგა ის ერთი კაცი, ბერდია, და ყიმყიმებდა.

თემობა რომ ყოფილიყო, სამართალი რომ ყოფილიყო, წინაპართა ანდერძის პატივისცემა შემორჩენილიყო, განა ბერდიას მოგზავნილი ლაწირაკები შემოყვებას გამიბედავდნენ, თავს გამიტოლებდნენ?!

განა მე კი არ შემეძლო მომხრეებისათვის მეხმო, მაგრამ, ვიმეორებ, თემს ვერ გაეხლეჩდი, ამბოხს ვერ მოვანყოფიდი, ხევსურთა სისხლს ვერ დავვფრინდი.

ისე, კინალამ დაიღვარა სისხლი; ნასმებმა იარაღი მოიმარჯვეს, მინდია განზე გადგა, ის იყო თავს უნდა დამსხმოდნენ... ერთმა ბალღმა გვიშველა, მუცალის მარჯვენა გაეგდებინებინა ყორანისათვის და სწორედ მაშინ მოიტანა, როცა... დრო იხელთა მინდია, წინ წამოდგა, შეახსენა თუ ვინ ვიყავი, შეაჩერა.



ლევან ცუცქერიძე

ალუდა

მარჯვენა ძალს მიუგდეს, ძალი ბრალით აღმუფლდა, ბერდია კვლავ შეშფოთდა, არავინ მიხვდესო და — ძალი ძალის ძვალს არ სტეხსო, ჩააგონა მთვრალ ხევსურებს. მეც გადავრჩი და ზოგნი ისინიც.

აკლებით კი ამიკლეს; დიდხანია თვალი ეჭირა ბერდიას ჩემს ქონებაზე, სათემოდ გამოირეკეთო, ჰყვიროდა; ეჰ, რა თემი, რის თემი, სულაც არ ადარდებს...

გამომაძევეს, როგორც თემის სამართლის დამრღვევი; გამომაძევეს, ჯალაბი წამოვიყვანე და წამოვედი, არც კი ვიცოდი, საით მივდიოდი...

მე კი არა, ბერდიამ და მისმა ამფსონებმა დაარღვეეს კანონი; მე კი არა, ბერდიამ მოანყო ამბოხი, ბერდია შეეცადა თემის გახლეჩას, სისხლის დაღვრაც ძალიან უნდოდა, უფრო შეაკავშირებდა თავის მომხრეებს...

ვერ გამიგეს? რა ვქნა, ეტყობა, კარგად ვერ ვუთხარი; სხვა უკეთესად ეტყვის; ხალხი ბრძენია, ერთხელაც იქნება მიხვდება, თუ როგორი უნდა იყოს თემი და მისი ზნეობა.

მინდიას მინანერი: ყველაფერს მართალს ამბობს ალუდა, ოღონდ იმას არ იხსენებს თუ რამდენჯერ გავაფრთხილე, სხვა დრო მოდის, ჯიქურ არაფერი გამოვა, გონიერი მიდგომა უნდა; ეს ყარაყორუმელი აქ ტყუილად არ დაძვრება-მეთქი; ვერაფერი შევასმინე, ვერც ვერაფერი ვუშველე. უბედურება ის არის, რომ თემმა საუკეთესო ვაჟკაცი დაჰკარგა და, აბა, მიდი და ჰკითხე, ნაღვლობენ? ჩირადაც არ მიაჩნიათ; ეგ კიდევ რაა, თემის საფუძვლები ირღვევა და აინუნშიც არ მოსდით, სხვა ვარსკვლავს შესცივინებენ.

ბერდიას მინანერი: დროის შეგრძნება დაჰკარგეს ამ ბრიყვმა ხევსურებმა, თუ ლაგამი არ ამოსდე და გახედნე, თავს წააგებენ. მომინდომა ალუდამ სიქველე და წინაპართა ანდერძი, ზნეობრივი მაგალითი და სამართლებრივი პრეცედენტი; მომინდომა და როდის, ჩვენს დროში, როცა ყველაფერი ერთ უდიადეს მიზანს უნდა ემორჩილებოდეს. ქისტებთან შერიგებაც მომინდომა, ის კი არ იცის, ქარი საიდანა ჰქრის; ძლივს მიზეზი გაჩნდა ჩხუბისა და კინალამ ყველაფერი წყალში ჩამიყარა; ეს ყარაყორუმელი კაცი მაინც რა დროულად გამოჩნდა და მიჩრია, როგორ შემოქმედა. იაროს ახლა ალუდამ უგზო-უკვლოდ.

* * *

გია მურღულიას „ალუდა“ სხვა იყო, ჩემი „ალუდა“ სხვაა; ორნივე ჩვენს ნაფიქრალს ვამბობთ.

ვაჟას ალუდა ნამდვილია, ის სულ სხვაა, იმას უფრო შორიდან უნდა გამავსცქირათ.

ერიკ-ემანუელ შმიტი

დაუკავშირებელი სტუმარი

ამჯერად მან ის ნამდვილად მკაფიოდ დაინახა. უცნობ-
მა ქალმა მისაღები ოთახის სიღრმეში გაიარა და, სანამ სამ-
ზარეულოს სიბნელეში გაუჩინარდებოდა, გაკვირვებული
მზერა მიაპყრო.

ოდელი ორჭოფობამ შეიპყრო: უცნობს ფეხდაფეხ გა-
მოდევნებოდა თუ სასწრაფოდ თავად მოეკურცხლა ბინი-
დან?

ვინ იყო ეს შემოხიზნული ქალბატონი? ყოველ შემთხვე-
ვაში ეს აგერ უკვე მესამე ვიზიტი გახლდათ. წინა შემოჭრე-
ბი იმდენად ხანმოკლე იყო, რომ ოდილმა ერთი კვალობა
ისიც კი გაიფიქრა, ეს ყველაფერი მომეჩვენა და წმინდა
წყლის ჩემი წარმოსახვის ნაყოფიაო. ამჯერად ერთმანეთის
სწრაფი შეთვალერებაც კი მოასწრეს. ოდილს ისიც კი მო-
ეჩვენა, დაუკავშირებელმა სტუმარმა მოულოდნელობისა
და გაკვირვებისაგან ყვირილი ძლივს რომ შეიკავა და ში-
შისგან დაბრეცილი სახით მოქუსლა.

ოდელმა ფიქრი შეწყვიტა და ყვირილით უცნობს კვალ-
ში ჩაუდგა:

— შეჩერდით, დაგინახეთ. დამალვას აზრი არ აქვს, აქე-
დან გასასვლელს ვერ იპოვით.

ოდელი ხან ერთ ოთახში შევარდა შურდულივით, ხან
მეორეში. ყველაფერი გადააქოთა. სამზარეულო, ტუალე-
ტი და საბაზანო ოთახიც კი. არსად უცნობის ჭაჭანება არ
იყო.

შესამონებელი მხოლოდ ტანსაცმლის გარდერობი
დარჩა დერეფნის ბოლოში.

— ახლავე გამოდით, თორემ პოლიციას გამოვიძახებ.

ოდელის მუქარას შედეგი არ მოყოლია.

— მითხარით რას აკეთებთ ჩემს სახლში? აქ როგორ შე-
მოდევრით?

ყრუ სიჩუმე.

— კეთილი! მე თქვენ გაგაფრთხილეთ.

უეცრად ოდილის მთელი არსება პანიკამ მოიცვა: რა
სურდა უცნობ ქალბატონს? აცახცახებულმა შემოსასვლე-
ლისკენ იწყო უკუსვლა; იქ ტელეფონის ყურმილს ჩააფრინ-
და, ერთი-ორი უშედეგო მცდელობის შემდეგ როგორც იქ-
ნა პოლიციის ნომერი სწორად აკრიფა. „ჩქარა რა, ჩქარა
რა, აილეთ ყურმილი, თორემ გამოვარდება კარადიდან და
იერიშს პირდაპირ ჩემზე მოიტანს.“ ელექტრო კომუტატო-
რის ათასგვარი ჯურის მისაღმებასა და განცხადებას სა-
ჯარო მოსამსახურის მოხელის კარგად დაყენებული ხა-
ვერდოვანი ხმა მოყვა.

— მეთექვსმეტე უბანი. პარიზის პოლიცია გისმენთ.

— სასწრაფოდ გამოცხადდით. ჩემთან ბინაში უცნობი
ქალი შემოიჭრა. დერეფნის გარდერობშია დამალული და
ცოცხალი თავით იქიდან არ გამოდის. სწრაფად! სწრა-
ფად! გემუდარებით! ვინ იცის, იქნებ გიყუია ან კიდევ
მკვლელი. იჩქარეთ! შიშისგან ლამის ჩემი დამემართოს.

პოლიციის თანამშ-
რომელმა ჯერ ოდი-
ლის სახელი, გვარი
და მისამართი ჩაი-
ნიშნა, შემდეგ კი და-
არწმუნა, რომ პატ-
რული ხუთ წუთში გა-
მოძახების ადგილზე
გაჩნდებოდა.

— ალო, ალო,
ისევ ხაზზე ხართ?

— ე ე ე ე.

— როგორ
გრძნობთ თავს ქალ-
ბატონო?

—

— ყურმილი არა-
ვითარ შემთხვევაში არ დაკიდოთ. ამგვარად გექნებათ შე-
საძლებლობა, თუ რამე ხდება, სასწრაფოდ შემატყობინოთ.
ახლა კი ხმამაღლა გაიმეორეთ, რაც ეს-ეს არის მითხარით,
რათა იმ ადამიანმა კარგად გაიგოს და შეიგნოს, რომ თქვენ
დაუცველი არ ხართ. მიდით, გააკეთეთ, რაც გითხარით.

— დიახ, სავსებით მართალი ბრძანდებით. რა თქმა უნ-
და ყურმილს არ დავკიდებ. თუ იმ ადამიანმა რამე მოიმოქ-
მედა, თქვენ იქნებით პირველი, ვინც ამას შეიტყობს.

ოდელი ისე კიოდა ყურმილში, რომ ლამის ყურთასმენა
დაკარგა. ნეტავ გამოკვეთილად და გასაგებად წარმოვთქ-
ვი? მთავარია დისტანციის, კარისა და პალტოების მიუხე-
დავად მესიჯს ადრესატამდე მიეღწია და მისთვის არაა-
დექვატური ქმედების სურვილი წაერთმია.

ბინის ყველა კუთხე-კუნჭულში სრულ სიჩუმესა და
უმოდრაობას დაესადგურებინა. ის კია, რომ ეს სიწყნარე
ოდელისთვის ნებისმიერ ხმაურზე უფრო გაუსაძლისი აღ-
მოჩნდა.

ოდელმა ლამის ჩურჩულით შეახსენა თავი პოლიციელს.

— ისევ აქ ხართ?

— დიახ, ქალბატონო, მე თქვენ არ გტოვებთ.

— მე... მე... ცოტა არ იყოს მემშინია...

— გაქვთ რამე, იერიშის შემთხვევაში თავი რომ დაიც-
ვათ?

— არა, არაფერი, აბა საიდან?

— ნახეთ გვერდით რამე საგანი, თავდაცვის საშუალე-
ბას რომ მოგცემთ. იმასაც შეაშინებთ თუ ვინცობაა ღმერ-
თი გაუნყრება და აგრესიას გამოავლენს.

— არა.

— ყვარჯენი? ჩაქუჩი? ან რამე ქანდაკება? მიმოიხე-
დეთ გარშემო.

— აჰ დავინახე. ბრინჯაოს პატარა ქანდაკება.

— მშვენიერია, აილეთ ახლა ეს ქანდაკება და თავი მოი-
კატუნეთ, რომ ხელში იარაღი გიჭირავთ.

— უკაცრავად, ვერ გავიგე.

— ხმამაღლა გამოაცხადეთ, რომ ხელში მეუღლის პის-
ტოლეტი გიჭირავთ და არაფრის არ გეშინიათ. მიდით,
ოღონდ ხმამაღლა!

ოდელმა ღრმად ჩაისუნთქა და შიშნარევი ხმით იღრიალა.

— არა, ბატონო კომისარო, რისი უნდა მემშინოდეს. ჩემი
ქმრის პისტოლეტი მიჭირავს ხელში.



ოდილმა ხმაურით ამოიხვნეშა. ისეთი დაზაფრული იყო, თავს ძლივს იკავებდა, იქვე რომ არ მოეშარდა.

ყურმილში ისევ გაისმა მამაკაცის ხმა.

— აბა, როგორი რეაქცია ჰქონდა?

— არანაირი!

— მშვენიერია. შეშინებულია და იმიტომ. გარწმუნებთ. სანამ ჩვენი თანამშრომლები მოვლენ, ადგილიდან არ გაინძრეთ.

რამდენიმე წუთის შემდეგ ოდილი უკვე ინტერფონზე პოლიციელებს პასუხობდა. სანამ მათ ლიფტი მეთავე სართულამდე ამოიყვანდა, კარის გაღება იჩქარა და კიბის ბაქანზე გავიდა. კაბინიდან სამი ბეხლენი გამოცვივდა.

— აი იქ. — თქვა მან. — ტანსაცმლის გარდერობში იმალება.

ოდილი თრთოლამ აიტანა, როცა ახმახმა პოლიციელებმა იარაღი დააძვრეს და დერეფანში შერგეს თავი. იმისათვის, რომ არ დასწრებოდა სცენას, რომელსაც მისი ნერვები უეჭველად ვერ გაუძლებდა, ოდილმა ამჯობინა თავი მისაღებისთვის შეეფარებინა. აქედან მის სმენას ბუნდოვნად აღწევდა სამართალდამცველთა მუქარები და ბრძანებები.

ოდილმა გაუაზრებლად მოუკიდა სიგარეტს და ფანჯარას მიუახლოვდა. მიუხედავად იმისა, რომ მხოლოდ ივლისის დასაწყისი იყო, გაზონებს უკვე შეპარვოდათ სიყვითლე. ხეებიდან გაჟღავნებული ფოთლები ცვიოდა. ზაფხულის პაპანაქებს, ცხადია, ტროკადეროს მოედანიც ვერ დაენდო, მთელი საფრანგეთში სულთამხუთავი სიცხე ჩამონოლილიყო. მხურვალეობა ყოველდღე ხვეწდა მსახვრალის მომაკვდინებელ ხელოვნებას. ტელევიზიით საინფორმაციო გამოშვებები მისი ახალი მსხვერპლის შესახებ იუწყებოდნენ. უსიცოცხლო უსახლკაროებსა და მანანალებს გავარვარებული გუდრონის ასფალტზე პოულობდნენ, მოხუცთა თავშესაფრებში ხანდაზმულები ბუზებივით იხოცებოდნენ, ჩვილი ბავშვები წყლის ჭარბ გამოყოფას ვერ უძლებდნენ და კვდებოდნენ. განადგურებულ ცხოველებს, ყვავილებს, ბოსტნეულსა და ხეებს ხომ ვერ მოსთვლიდით...

ოდილმა მგონი ქვემოთ სკვერში მიწაზე დაგდებულ უსულდგმულო შაშვს მოკრა თვალი. შორიდან ფეხებმომტვრეული საბრალო ფრინველი მელნით შესრულებულ ნახატს ნააგავდა. რა სამწუხაროა. შაშვები ხომ ისე ტკბილად და გემრიელად გალობენ...

უეცრად ოდილს უსაფრთხოების ზომები გაახსენდა, დიდი ჭიქა პირამდე წყლით გაავსო და სულმოუთქმელად გადაკრა.

იმ დროს, როდესაც ირგვლივ გაუსაძლისი სიცხისგან ადამიანები პანტაპუნტით იხოცებოდნენ, საკუთარ თავზე მსგავსი ზრუნვა ოდილს ეგოიზმის ტიპურ გამოვლინებად ეჩვენა. ისე კი სხვანაირად როგორ უნდა მოქცეულიყო?

— ქალბატონო... ქალბატონო! გვაპატიეთ...

სალონის შესასვლელთან პოლიციელებს პაპანაქების მიერ დატრიალებულ უბედურებაზე ფიქრით დამძიმებული ოდილის მობრუნება რეალობისკენ ცოტა არ იყოს გაუჭირდათ; მოგვიანებით ის მოტრიალდა და დაინტერესდა:

— მაშინ აღმოჩნდა ის ქალბატონი?

— აქ არავინ არ იყო, ქალბატონო.

— როგორ თუ არავინ?

— წამობრძანდით, თავად ნახეთ.

ოდილი სამ პოლიციელს ფეხდაფეხ მიჰყვა. მართალია გარდერობი სამოსითა და ფეხსაცმლის კოლოფებით იყო გამოტენილი, მაგრამ იქ შეხიზნული ქალბატონის ნაკვალევიც კი არსად ჩანდა.

— კი მაგრამ, სად არის?

— თუ გნებავთ ერთად მოვძებნოთ.

— რა თქმა უნდა, რა თქმა უნდა.

ასოცკვადრატულ მეტრიანი ბინის ყოველი კუთხე-კუნჭული პოლიციელებმა რუდუნებით შეამოწმეს. შემოჭრილი ქალბატონი არსად ჩანდა.

— ბოლოს და ბოლოს დამეთანხმებით, ალბათ, რომ ეს ერთობ უცნაურია. — გამოაცხადა ოდილმა პროტესტის ნიშნად და იქვე სიგარეტს მოუკიდა, — გეუბნებით, რომ დერეფანი გამოიარა და შემთხვევით მე გადამანყდა. შეშინებული სამზარეულოსკენ გავარდა. კი მაგრამ, საიდან შეიძლება, რომ გასულიყო?

— სათადარიგო კარიდან.

— ის ყოველთვის გასაღებითაა ჩაკეტილი.

— მოდით, ვნახოთ.

ოთხივენი სამზარეულოში გადაბარგდნენ. კარი რომელიც სათადარიგო კიბეზე გადადიოდა, მართლაც ჩაკეტილი აღმოჩნდა.

— ხო ნახეთ, — დაასკვნა ოდილმა. — აქედან გასვლას ვერანაირად ვერ მოახერხებდა.

— თუ მეორე გასაღები ჰქონდა, მშვენივრად მოახერხებდა. აბა როგორ აღმოჩნდა აქ?

ოდილს შეაბარბაცა. პოლიციელებმა დაჯდომაში ხელი შეაშველეს. მშვენივრად ჰქონდა შეგნებული, რომ ძალოვანი სტრუქტურის წარმომადგენლები მართლაც ბრძანებდნენ: თუ ვინმეს აქ შემოჭრა მართლა გადაენწყვიტა, აუცილებლად დასჯირდებოდა გასაღები როგორც შემოსასვლელად, ასევე გასასვლელადაც.

— საშინელებაა...

— შეგიძლიათ ის ქალბატონი აგვიწეროთ?

— ბებერი?

— უკაცრავად?

— დიას, ბებერი ქალი, ჭაღარა თმიანი.

— როგორ იყო ჩაცმული?

— კი აღარ მახსოვს უკვე. როგორ გითხრათ, ჩვეულებრივად, როგორც ბევრი.

— კაბა ეცვა თუ შარვალი?

— მგონი კაბა.

— რასაც ბრძანებთ სრულიად არ შეესატყვისება ქურდებისა თუ გარეკილებისათვის ნიშნულ პორტრეტს. დარწმუნებული ხართ, რომ ის ადამიანი თქვენს ნაცნობთა წრეს ნამდვილად არ განეკუთვნება, რომელიც თქვენ უბრალოდ ვერ ამოიცანით?

ოდილმა პოლიციელებს ერთგვარი ზიზღნარევი მზერა ესროლა.

— თქვენი პროფესიიდან გამომდინარე, შენიშვნა სრულიად ლოგიკური მესახება, მაგრამ აქვე შევნიშნავ, რომ ჯერ მხოლოდ 35 წლის გახლავართ და ამდენად ჯერჯერობით არც ბებერი მგონია თავი და არც გამოშტერებული. ფაქტია, რომ თქვენზე მეტი დიპლომის მფლობელი ვარ. ვმუშაობ როგორც დამოუკიდებელი ჟურნალისტი, ასევე გახლავართ ახლო აღმოსავლეთის გეოპოლიტიკურ სა-

კითხთა სპეციალისტი, ვმეტყველებ ექვს ენაზე და, მიუხედავად ამ პაპანაქებისა, გადასარევ ფორმაში ვარ. მადლიერი დაგრჩებით თუ დამიჯერებთ, რომ ნამდვილად არ მაინყებდა, ვის ვანდე ჩემი ბინის გასაღები.

გაკვირვებულმა და ქალბატონის შესაძლო გაცოფებით ცოტა არ იყოს შეშინებულმა პოლიციელებმა პატივისცემის ნიშნად თავი დახარეს.

— მოგვიტევეთ, ქალბატონო, ჩვენ ყველა შესაძლო ჰიპოთეზა უნდა განვიხილოთ. ხშირად გვინევს სუსტი ნებისყოფისა და ნერვების მქონე ადამიანებთან ურთიერთობა, რომლებსაც...

— უდავოდ, ამასწინათ მეც მილაღატა ცივისსხლიანობამ.

— ბინაში მარტო ცხოვრობთ?

— არა, გათხოვილი ვარ.

— სად არის თქვენი მეუღლე?

ოდელიმა პოლიციელს გაოცებული მზერა შეავლო. მიხვდა, რომ ეს სრულიად მარტივი და ბანალური კითხვა — „სად არის თქვენი მეუღლე?“ — დიდი ხანია მისთვის არავის დაუსვამს.

— ახლო აღმოსავლეთში მოგზაურობს. ჟურნალისტიკა და რეპორტაჟებს ამზადებს.

პოლიციელებმა ჩარლის პროფესიისადმი პატივისცემა და მონივნება პირის დაფრენითა და თვალების გადმოკარკვლით გამოხატეს და ენა ჩაიგდეს. მათ შორის ყველაზე ასაკოვანი კი ჯიუტად განაგრძობდა დაკითხვას.

— იქნებ თქვენმა ქმარმა გასაღებთა აცმა ათხოვა ისეთ ადამიანს, რომელიც...

— ღმერთმა იცის ახლა რა წარმოისახეთ. როგორ გგონიათ, ასეც რომ ყოფილიყო, არ გამაფრთხილებდა?

— ვერ გეტყვით.

— არა, უეჭველად გამაფრთხილებდა.

— შეგიძლიათ დაურეკოთ, რომ ამაში ერთხელ და სამუდამოდ დარწმუნებული ვიყოთ?

ოდელიმა უარყოფის ნიშნად თავი გააკანტურა.

— არ უყვარს, ვინმე რომ უკავშირდება, როცა ქვეყნის მეორე დასალიერზე იმყოფება.

— პირველად ხდება მსგავსი რამ?

— რა მსგავსი რამ? ბებრუხანას გულისხმობთ? არა, რა თქმა უნდა; თუ არ ვცდები, მესამეჯერ მსტუმრობს.

— აგვიხსენით.

— წინა შემოჭრების დროს ჩემს თავს ჩავაგონე, კარგად ვერ გავარჩიე და მომეჩვენა-მეთქი, რომ ეს შეუძლებელი იყო. ზუსტად ისევე ვფიქრობდი, როგორც ახლა თქვენ. ახლა რაც ვნახე, ნამდვილად არ მომჩვენებია და არც სიზმარი ყოფილა: ისეთი შემაშინაა, მაგრამ არც მე დავაკელი არაფერი. კაი გვარიანად დავზაფრე.

— ერთადერთი რჩევა შემიძლია მოგცეთ, ქალბატონო ორსინი; სასწრაფოდ გამოცვალეთ გასაღებები და საკეტი. ამგვარად მშვიდად დაძინებას შეძლებთ. ერთ დღესაც თქვენი მეუღლე დაბრუნდება და შემოხიზვნის მიზეზიც სავსებით ნათელი გახდება. მანამდე კი თქვენს მშვიდ ძილს არაფერი დაემუქრება.

ოდელი დაეთანხმა პოლიციელებს, მადლობა გადაუხადა და კარამდე მიაცილა.

ოდელიმა მექანიკურად გახსნა სიგარეტის ახალი კოლოფი. ჩართო ტელევიზორი და არჩევანი საყვარელ უწყვეტი

ინფორმაციის არხზე შეაჩერა. შემდეგ, პრობლემის რამდენიმე კუთხიდან განხილვის მიზნით, ფიქრებში გადაეშვა.

ერთი საათის თავზე მიხვდა, რომ ვერცერთი მისი ჰიპოთეზა ელემენტარულ კრიტიკას ვერ უძლებდა.

ოდელიმა ყურმილი აიღო და სპეციალისტს მეორე დღისათვის საკეტის გამოცვლაზე მოელაპარაკა.

— გარდაიცვალა 2200 ადამიანი. — აცხადებდა ჟურნალისტი ტელევიზორში. — ეს ზაფხული ნამდვილად მომაკვდინებელია.

მან გასაღები ბოლო კაბის ჯიბეში ჩაიღო. თავს დამშვიდებულად გრძნობდა, რაკილა ახალი საკეტი მისი ბედობის უსაფრთხოების გარანტიად ევლინებოდა.

ოდელს გვალვის მიერ დატრიალებულ საშინელებათა ყურება და მოსმენა ლამის გარყვნილ ფიზიკურ ტკბობას განაცდევინებდა: დამშრალი მდინარეები, სილაში გაჩხერილი პირდაფრენილი თევზები, სიცხისაგან გათანგული ჯოგები, გაცოფებული ფერმერები, წყლისა და დენის გრაფიკს დაქვემდებარებული მინოდების შემოღება, გადატვირთული საავადმყოფოები, ექიმებად შერაცხული ახალბედა პრაქტიკანტები. კიდევ რა. დამკრძალავი ბიუროები დაკვეთებს ვერ აუდიოდნენ. მესაფლავებებს პლაჟზე განცხრომის შეწყვეტა და სამსახურში დაბრუნება მოუწიათ. გაცხარებული მწვანეები გლობალური დათბობის საწინააღმდეგო ღონისძიებათა აუცილებლობაზე აყვირდნენ.

ოდელი ყოველ საინფორმაციო გამოშვებას ისეთი გაფაციცებით უყურებდა, როგორც ჩამთრევი ტელესერიალის უკანასკნელ გამოშვებას... ახალ პერიპეტივებსა და კატასტროფებს მონყურებულს, თუ მდგომარეობა სტაბილურობისკენ იხრებოდა, ლამის იმედგაცრუების განცდა ეუფლებოდა. ხშირად არც ჰქონდა შეგებულთა თუ რა ვნებითა და სიამტკბილობით ითვლიდა დაღუპულთა რაოდენობას. პაპანაქება ის სპექტაკლი იყო, რომელიც მას არანაირად არ ეხებოდა, სამაგიეროდ, მის ყურადღებას იქცევდა და ართობდა, ზაფხულის სევდასა და კაემანს უქარწყლებდა.

* * *

სამუშაო მაგიდაზე მისი რამდენიმე ტანჯვით დაწერილი ჯერ კიდევ დაუმთავრებელი სტატია და მომავალი წიგნის ხელნაწერი იდო. ოდელი საკუთარ თავში ძალას ვერ პოულობდა მათ დასასრულებლად, მანამ, სანამ მთავარი რედაქტორები და გამომცემლები ტელეფონზე არ აიკლებდნენ და დაგვიანებისათვის კარგად არ გამოთათხავდნენ... ისე საინტერესოა, რატომ ჩაუვარდათ ხმა? რატომ ჩაიგუბა ყველამ პირში წყალი? იქნებ სიცხემ მათაც გამოაცალა არაქათი, ან კიდევ სულაც გააფრთხილბინა სული?

როცა ცოტა თავისუფალ დროს მოიხელთებს ან სურვილი არ მისცემს გასაქანს, ოდელი მათ აუცილებლად დაურეკავს და თვითონვე შეახსენებს თავს.

ოდელიმა ერთმანეთის მიყოლებით რამდენიმე არაბულ არხზე გადართო. შეურაცხყოფილად იგრძნო თავი, რომ ისინი სრულ დაუინტერესებლობას იჩენდნენ ევროპის კონტინენტზე მიმდინარე მოვლენებისადმი. ის კია, რომ მათ პაპანაქებით ნამდვილად ვერ გააკვირვებ...

სინდისის დასამშვიდებლად ოდელიმა გადაწყვიტა, ერთი ჭიჭი წყალი დაეღია. გზად სამზარეულოსკენ მას ისევ

დაეუფლა უცნაური განცდა. დაუპატიჟებელი სტუმარი ისევ აქ იყო.

მან რამდენიმე ნაბიჯით დაიხია უკან. ირგვლივ სწრაფი მზერა მიმოავლო. არაფერი. მიუხედავად ყველაფრისა მოეჩვენა, რომ... ნამის მეოთხედის განმავლობაში მოასწრო მოხუცის სახე მკაფიოდ დაენახა. როგორც ჩანს, ეს მისი ანარეკლი იყო სარკეში, ლამფის შუშაზე ან კიდევ კომოდის პრიალა გალაქულ ზედაპირზე. გამოსახულება ოდილის გონებაში ჩაიბეჭდა.

შემდეგი საათი ოდილმა მთელი ბინა გადააქოთა. შეუთვალიერებელი და შეუმონებელი ერთი მისხალიც კი არ დატოვა. შემდეგ კი ერთი ათჯერ მაინც დაირწმუნა თავი, რომ უცხო ძველ გასაღებებს ვერანაირად ვერ მოარგებდა ახალ საკეტს. დამშვიდებულმა დაასკვნა, მსცოვანი ქალი უბრალოდ მომეჩვენაო.

ოდილი სალონს დაუბრუნდა და ტელევიზორი ჩართო. იმ დროს, როდესაც სავარძლისკენ მიემართებოდა, შემოხიზნული დერეფანში გამოკვეთილად დაინახა, ზუსტად ისე, როგორც ბოლო ჯერზე. უცხო ქალბატონი ნამიერად გაშეშდა, გვარიანად დაფრთხა, მერე კი მოქუსლა. ოდილი დივანზე გაიშლართა და ტელეფონის ყურმილს ეძგერა. პოლიცია სწრაფ ჩარევას დაითანხმა.

ამჯერად პოლიციის მომლოდინე წინა დღისაგან სრულიად განსხვავებულმა გრძობებმა შეიპყრო. ადრე შიშს ერთგვარი შემოსაზღვრულობა და კონკრეტულობა ახასიათებდა და გარდერობში დამალული უცნობი ქალითა და ამ უკანასკნელის ბოროტი ზრახვებით იყო განპირობებული. ამჯერად შიშს თავზარდაცემა, ტერორი ჩაენაცვლა. ოდილი ლამის ამოუხსნელი, ბურუსით მოცული საიდუმლოს პირისპირ აღმოჩნდა: რა ეშმაკის მანქანით მოახერხა უცნობმა ქალბატონმა უკან მობრუნება, როცა ჩამკეტი სისტემა მთლიანად შეიცვალა.

პოლიციელებმა აღიქვეს, რომ ოდილი ღრმა შოკში ჩავარდნილიყო. წინა დღის გამოცდილებით გათვითცნობიერებულებს აღარც უკითხავთ, რა ან ვინ უნდა ეძებნათ. ოდილს გაკვირვებისგან წარბიც არ შეუხრია, როცა პოლიციელები ჩხრეკის შემდეგ სალონში დაბრუნდნენ და მოახსენეს, მათი გარჯა ფუჭი რომ გამოდგა.

— ეს საშინელებაა, — ეცადა ოდილი ახსნა-განმარტებას, — ამ დილით კარზე ახალი საკეტი დავაყენეთ, რომლის გასაღები გამორიცხულია ჩემ გარდა ვინმეს ჰქონდეს. იმ ქალბატონმა კი შემოძრომა მაინც მოახერხა.

პოლიციელები ოდილის წინ მოეწყვენ და მისი ჩვენების წერას შეუდგნენ.

— ქალბატონო, გთხოვთ მოგვიტყვეთ დაჟინება და სიჯიუტე. დარწმუნებული ხართ, ის მოხუცი ქალი ხელმეორედ რომ იხილეთ?

— ვიცოდი, რომ ამ შეკითხვას უეჭველად დამისვამდით... თქვენ ჩემი არ გჯერათ... მეც არ დაუფჯერებდი, ალბათ, საკუთარ თავს, ყველაფერი თვითონ რომ არ გადამეტანა. ვერ გისაყვედურებთ იმის გამო, რომ მე — არც მეტი, არც ნაკლები — ჭკუიდან გადამდგარი გგონივართ... ძალიან კარგად მესმის თქვენი... ძალიან კარგადაც კი... უეჭველად მირჩევთ, რომ დახმარებისთვის ფსიქიატრს მიემართო, არა, სანინაალმდეგოს თქმას ნუ ეცდებით. თქვენ ადგილას მეც ზუსტად ასე მოვიქცეოდი.

— არა, ქალბატონო, ჩვენ მხოლოდ ფაქტები გვალაპარაკებს. დღევანდელი მოხუცი ქალბატონი ნამდვილად ის იყო, გუშინ რომ იხილეთ?

— განსხვავებულად იყო ჩაცმული.

— ვინმეს ხომ არ გაგონებთ?

ოდილის ეჭვები დადასტურდა. პოლიციელებმა მისი შემთხვევა ფსიქიატრიის სფეროში გაამნესეს. შეეძლო კი ოდილს ამის გამო მათთვის საყვედური გამოეცხადებინა?

— თქვენთვის მისი აღწერა რომ გვეთხოვა, ვის მიამსგავსებდით? ოდილმა თავისთვის გაიფიქრა: ახლა რომ ვუთხრა, სადღაც ბუნდოვნად დედაჩემს მაგონებს-მეთქი, უეჭველად ჭკუაშეშლილად გამომაცხადებენ.

— არავის, მე მას არ ვიცნობ.

— და რა უნდა თქვენი აზრით?

— წარმოდგენა არ მაქვს, გიმეორებთ, არ ვიცნობ.

— რას შიშობთ მისი მხრიდან?

— ყური მიგდეთ, ძვირფასო პოლიციელო, ახლა იმ ველურ ფსიქოანალიზის მეთოდს მაინც და მაინც ჩემზე ნუ მოსინჯავთ. თქვენ არ ხართ ექიმი თერაპევტი და არც მე — თქვენი პაციენტი. ის ადამიანი, გარწმუნებთ, ნამდვილად არ არის ჩემი ქვეცნობიერის პროეცირება, არამედ დაუპატიჟებელი სტუმარი, რომელიც აქ შემოღწევას ჩემთვის აქამდე დაუდგენელი გზით ახერხებდა.

ოდილის გაცხარებაზე პოლიციელებმა მოსაბოდიშებელი სიტყვები ჩაილულულეს. სწორედ ამ დროს გაუნათდა გონება.

— ჩემი ბეჭდები! რა იქნა ჩემი ბეჭდები?

იგი ტელევიზორის გვერდით მოთავსებული კომოდისკენ გაქანდა, უჯრიდან მომცრო ზომის ცარიელი ზარდახმა დააძრო.

— ხედავთ? ცარიელია. არა და აქ მედო ბეჭდები.



მხატვარი კარლო ფაჩულია

პოლიციელებს დამოკიდებულება მყისიერად შეეცვალათ. ოდილს უკვე სულიერ ავადმყოფად აღარ მიიჩნევდნენ. შემთხვევა საგამომძიებლო რუტინისთვის ნიშნულ რაციონალურ ხასიათს იძენდა.

ოდილმა სათითაოდ ჩამოთვალა ბექტები, არ დაიზარა მათი დეტალური აღწერა და შეფასება. ისიც კი გაისხენა, როდის და რა გარემოებებში ერგო ისინი ქმრისგან საჩუქრად. მონათხრობი კი ხელმოწერით დაადასტურა.

- და როდის ბრუნდება თქვენი მეუღლე?
- ვერ გეტყვით, არ მაფრთხილებს ხოლმე.
- უნდა დაგტოვოთ. არა უშავს, ქალბატონო?
- არა უშავს, დარდი ნუ გექნებათ, როგორმე გავუძლებ.

როგორც კი პოლიციელებმა შემთხვევის ადგილი დატოვეს, ყველაფერმა ისევ ყოველდღიური უინტერესო იერი შეიძინა. დაუპატიჟებელი სტუმარი, არც მეტი, არც ნაკლები, ერთი ბანალური ქურდობაცაა აღმოჩნდა. ის კია, რომ გასაშუქებული სისწრაფითა და თავდაჭერილობით მოქმედებდა. ბანალურობამ ოდილის ნერვებს ძირი გამოუთხარა, მან გულამოსკვნით ინყო ტირილი.

* * *

გაუსაძლისი სიცხისგან დაღუპულთა რიცხვმა 2700 მი-აღწია. გამოითქვა აზრი, მთავრობა ზუსტ სტატისტიკურ მონაცემებს მოსახლეობას უმაღლავსო.

ოდილიც იმავე შეხედულებას იზიარებდა. მისი გათვლების თანახმად, მსხვერპლთა რაოდენობა ბევრად მეტი უნდა ყოფილიყო. ამ დილით ეზოში წყალსადენი მილიდან ორი ბელურის გვამი განა საკუთარი თვალთ არ იხილა?

შემოსასვლელ კართან ვილაცამ ზარს ჩამოკრა

რახან გარეთა ინტერფონს არ მიმართეს, ეს ან ერთ-ერთი მეზობელი ან მოგზაურობიდან დაბრუნებული მეუღლე უნდა ყოფილიყო. ამ უკანასკნელს, მიუხედავად იმისა, რომ საკუთარი გასაღები ჰქონდა, მივლინებიდან დაბრუნებისას კარზე ზარის ერთხელ ჩამოკრა სჩვეოდა, ოდილისთვის მოულოდნელი გამოცხადებისათვის თანმხლები გაკვირვება რომ შეერბილებინა.

— ღმერთო ჩემო, ნეტავი შარლი იყო.

ოდილმა კარი გააღო. ბედნიერებისაგან მთვრალი ლამის ნაბარბაცდა.

— ო, ჩემო ძვირფასო, როგორ მიხარია, რომ ისევ გხედავ. დასაბრუნებლად უკეთეს დროს კაცი ვერც მოიფიქრებდა.

ოდილი მეუღლისკენ გაქანდა და ტუჩებზე ამბორს ეცადა. შარლმა მის განზრახვას სხეულზე ხელების შემოჭდობით უპასუხა. არა, განევა არ უცდია. „რა თქმა უნდა მართალია, მე ვარ გიჟი. კი მაგრამ, რამ აღმაგზნო ასე?“

— როგორ ხარ? როგორ ჩაიარა მოგზაურობამ? გამახსენე, სად იყავი?

შარლი დინჯად და უემოციოდ პასუხობდა მეუღლის კითხვებს. ოდილს კი უჭირდა მოსმენა; საინტერესო კითხვებსაც ვერ მოაბა თავი და ამის გამო დაიტანჯა. ორ-სამ შავბნელ მზერასა და ხმაურიან ხანგრძლივ ამოხვნეშაზე მიხვდა, რომ შარლს, რბილად რომ ვთქვათ, აღიზიანებდა.

სულ აემღვრა გონება. დაიბნა. მისი ქმარი ისეთი სიმპათიური იყო. შესაძლოა ასე უბრალოდ ხანგრძლივი განშორების გამო ემართებოდა. რაც უფრო აკვირდებოდა, მით უფრო სასურველი და მიმზიდველი ეჩვენებოდა.

ოცდაათი წლის შავგრემანი მამაკაცი, გარუჯული კრი-ალა კანით, თავზე ერთ ჭალარა თმასაც ვერ უპოვიდა, ლამაზი ხელები ჰქონდა, გრძელთითებიანი, ჯანიანი ზურგი და ვიწრო წელი... ოო არა, ამ მხრივ ოდილს ნამდვილად გაუმართლა.

ოდილმა ცუდი ამბისგან სასწრაფოდ გაათავისუფლება გადაწყვიტა.

- ჩვენ გაგვქურდეს.
- რაა?
- გაგვქურდეს, ჩემი ბექტები წაიღეს.

ოდილმა ხურჯინს თავი მოხსნა და მთელი პრესტორია სხაპასხუბით ჩამოუყაჭა. ქმარი მოთმინებით უსმენდა, არცერთი კითხვა არ დაუსვამს, არც რამე დაუყენებია ეჭვქვეშ. შარლსა და პოლიციელებს მონათხრობისადმი დიამეტრულად განსხვავებული რეაქცია ჰქონდათ და ამის გამო ოდილს უკმაყოფილების განცდა დაუფლავა: „მას ყოველ შემთხვევაში სჯერა ჩემი“.

ცოლი როგორც კი მოყოლას მორჩა, ქმარი უსიტყვოდ გაეშურა საძილე ოთახისკენ.

— არ გინდა წყალი გადაივლო? — იკითხა ოდილმა.

შარლი უმაღლ მობრუნდა უკან. ხელში პატარა ზარდახშა ეჭირა.

- აი შენი სამკაულები.
- არა!!!!!!!
- შევამონმე სამი თუ ოთხი ადგილი, სადაც გჩვევია შენახვა. რა, არ გიძებნია?

— მომეჩვენა, რომ... დარწმუნებული ვიყავი, რომ... ბოლო ჯერზე მისაღები ოთახის კომოდეში გადავმალე... ტელევიზორის გვერდით... ეს როგორ დამავინწყდააააააააა.

— კარგი, კარგი, ნუ გაუბრაზდები საკუთარ თავს. ყველას რაღაცა გვავეინყდება. — ქმარი ცოლს მიუახლოვდა და ლოყაზე აკოცა. მეუღლე ფრიად გაკვირვებული ჩანდა. ჯერ ერთი იმის გამო, რომ ასეთი შტერი აღმოჩნდა. მეორეც — მის სისულელეს ქმრის ასეთი თავაზიანობა და დელიკატურობა რომ მოყვა შედეგად.

ოდილი სამზარეულოში გავარდა, რათა შარლისთვის რამე დასალევი დაესხა. ცოტა ხანში სინით ხელში დაბრუნდა სალონში. გზად შეამჩნია, რომ ქმარს პოლში არანაირი ჩანთა არ დაეტოვებინა.

- კი მაგრამ, ბარგს რა უყავი?
- და რატომ უნდა მქონოდა ბარგი?
- შენ ხომ მოგზაურობიდან დაბრუნდი?
- მე აქ უკვე აღარ ვცხოვრობ.
- ვერ გავიგე...
- დიდი ხანია, რომ აქ აღარ ვცხოვრობ. შენ ვერ შეამჩნიე?

ოდილმა სინი ძირს დადგა და კედელს მიეყრდნო. ეცადა გონს მოსულიყო. კი მაგრამ, შარლი რატომღა მის მიმართ ასეთი შეუწყალებელი, ასეთი მკაცრი? არა, ფაქტია, რომ ბოლო დროს იშვიათად ხვდებოდნენ ერთმანეთს, მაგრამ ეს არ იძლეოდა იმის საბაზს ეფიქრა, ერთად უკვე რომ აღარ ცხოვრობდნენ. კი მაგრამ...

ოდილი ნელ-ნელა ძირს დაეშვა და გულამოსკვნით აქვითინდა. შარლი მიუახლოვდა. ჩაიხუტა და ისევ თავაზიანი და ყურადღებიანი გახდა.

— ნუ ტირი, საყვარელო. ცრემლებით ვერაფერს გაანყოფ. და საერთოდ, არ მსიამოვნებს, რომ მსგავს მდგომარეობაში გხედავ.

— მითხარი, რა ჩავიდინე? კი მაგრამ, რა ჩავიდინე ასეთი გამოუსწორებელი? რატომ აღარ გიყვარვარ?

— მორჩი სისულელეებს. არც არაფერი ჩავიდინია და გეუბნები, რომ ძალიანაც მიყვარხარ.

— მართლა?

— მართლა, მართლა.

— ისევე, როგორც უნინ.

შარლმა პასუხი შეაყოვნა. თვალები ცრემლებით დაე-
ნამა. ოდილს თმებზე მიეფერა.

— შესაძლოა უფრო ძლიერაც...

დამშვიდებული ოდილი შარლის ძლიერ მკერდს მიეკრა.

— მოდი ახლა წავალ, — თქვა და ოდილს წამოდგომაში
წაეშველა.

— როდის დაბრუნდები?

— ხვალ... შეიძლება ორი დღის შემდეგ. ძალიან გთხოვ,
წურაფერზე ნუ სწუხარ.

— არა, არაფერზე არ ვწუხვარ.

შარლი წავიდა. ოდილს განცდისაგან გული შეეკუმშა:
ნეტავი სად წავიდა? და რატომ ჰქონდა სევდიანი ადამიანის
ნიღაბი მორგებული?

ოდილი სალონში დაბრუნდა. ზარდახმას დაავლო ხე-
ლი და გადაწყვიტა ამჯერად მისთვის ადგილი საძილე
ოთახის კომოდში მიეჩინა. არა, ამჯერად წამდვილად არ
დაავიწყდებოდა საგანძურის ადგილსამყოფელი.

* * *

— ზაფხულის პაპანაქებამ უკვე ოთხი ათასი ადამიანის
სიცოცხლე შეინირა.

არა, ზაფხული ოდილისთვის საუცხოო თავშესაქცევი
გამოდგა. ჟურნალისტურ სერიალს საკუთარი ბინიდან გა-
ფაციცებით ადევნებდა თვალყურს, სადაც მუდმივად იყო
ჩართული კონდიციონერი. კი აღარ ახსოვდა, როდის დაა-
ყენებინა ის შარლმა. ინფორმაციის მორევში ჩათრეული
სიგარეტს სიგარეტზე ეწეოდა.

ოდილი დიდი ხანია კონსიერჟს მოელაპარაკა და — რა
თქმა უნდა გარკვეული საზღაურის სანაცვლოდ — სურ-
სათ-სანოვაგით მომარაგებაზე დაითანხმა. რამდენიმე ბან-
კნოტის წამატებით კი დრო და დრო სადილის მომზადება-
ზეც. ოდილი გადასარევი მზარეული არც არასდროს ყოფი-
ლა. შეიძლება შარლი სწორედ ამ მიზეზით გახდა ასეთი
დისტანციური? რა სისულელეა...

ოდილი ცხოვრებაში პირველად დაისაჯა აგრერიგად.
შარლი პარიზში კი დაბრუნდა, მაგრამ მასთან გაჩერება არ
ისურვა. ბევრი იჭყლიტა ტვინი. გონებაში უახლოესი წარ-
სული გადაქექ-გადმოქექა. მიზეზს, შარლის ქმედებას რომ
გაამართლებდა, ვერა და ვერ მიაკვლია.

ეს არ გახლდათ ოდილის ერთადერთი სადარდებელი:
მოხუცი ქალბატონი ისევ დაბრუნდა, თანაც რამდენჯერმე.
ყოველ ჯერზე ერთი და იგივე მეორედებოდა: დაუპატიჟებ-
ელი ქალბატონის მოულოდნელი გამოცხადება და მყისიერი
გაუჩინარება ერთი იყო.

სამკაულებთან დაკავშირებული გაუგებრობის გამო
ოდილს პოლიციაში დარეკვა უკვე ველარ გაეგება: მაშინ
უნდა ელიარებინა, რომ ზარდახმის შიგთავსი ხელუხლებე-
ლი იყო. ცხადია მას ყველა შემთხვევაში შეეძლო პოლიცია
გამოეძახებინა. რომც შემცდარიყო, არავის გამოძალვას
არ აპირებდა; შარლის დაბრუნების შემდეგ სადაზღვევო

კომპანიისთვის გამზადებულ განცხადებას გაქურდვაზე
ნაგვის ყუთში გადაუძახა...

და მაინც, მიუხედავად ყველაფრისა, ოდილი გრძნობ-
და, რომ პოლიციელები მას უკვე აღარ დაუჯერებდნენ;

ამას გარდა ოდილმა ბოლოს და ბოლოს დაადგინა
უცხო ქალბატონის ხშირი სტუმრობის მიზეზი. ცხადია,
ამის ფიქრიც კი პოლიციელებს მეტად გაუჭირდებოდათ.
შემოხიზნული ქალბატონი არანაირ საშიშროებას არ წარ-
მოადგენდა, არც ქურდი იყო და არც ბოროტმოქმედი, მაგ-
რამ იმდენად უხშირა ვიზიტებს, რომ ოდილისთვის მისი
სტრატეგია უკვე აღარ წარმოადგენდა საიდუმლოს: დაუ-
პატიჟებელ სტუმარს მხოლოდ ერთი მიზანი ამოძრავებდა
— ნივთების უნებართვო, თვითნებური გადაადგილება.

დიახ, დიახ, რამდენად უცნაურიც უნდა მოგეჩვენოთ,
მისი შემოჭრის ერთადერთი მიზეზი ნივთების გადაადგი-
ლების სურვილი გახლდათ. ბეჭდებს, რომლებსაც ოდილი
თავიდან საშუადაზოდ დაკარგულად მიიჩნევდა, რამდენიმე
საათის თავზე სხვა რომელიმე ოთახში მიაგნებდა ხოლმე;
მოხუცი ქალბატონი მათ გადასამალად სულ უფრო და უფ-
რო წარმოუდგენელ ადგილებს ირჩევდა. აი მაგალითად
ბოლო ჯერზე მაცივრის საყინულე ამოიღო მიზანში. „ბრი-
ლიანტები საყინულეში?! ნეტავი ერთი მაგის თავში ჩამახე-
და!”

ოდილმა ერთი რამ თავისთვის გაისიგრძეგანა: „დაუპა-
ტიჟებელი სტუმარი კრიმინალი თუ არა, ბოროტი უდავოდ
იყო, ან წამდვილი დასაბმელი გიჟი! გაგიგია მსგავს რისკზე
წასვლა ასეთი უკბილო ხუმრობის გულისთვის? ერთხელაც
კუთხეში მოვიმწყვედე და ჩემთვის ყველაფერს ნათელი
მოეფინება.“

კარზე ვილაცამ ზარს ჩამოკრა.

— შარლი!

ოდილმა კარი გააღო, კიბის ბაქანზე მართლაც შარლი
იდგა.

— რა ბედნიერებაა, რომ დაბრუნდი! როგორც იქნა!

— გთხოვ მაპატიო. ისე ადრე დაბრუნება კი ვერ მოვა-
ხერხე, როგორც შეგპირდი.

— არა უშავს, ნაპატიები ხარ.

შარლის ზურგს უკან მოულოდნელად უცნობი ქალი აღ-
მოცნდა.

— იცანი აისმინი?

ოდილმა ვერ გაბედა დაუდასტურებლობით შარლის
წყენა გამოეწვია; ამ აშოლტილ შავტუხა ლამაზმანს საერ-
თოდ ვერ იხსენებდა.

„შეიძლება ადამიანს მასსოვრობიდან ყველაფერი ასე
პირწმინდად ამოგეშალოს! ფიზიონომიები კი საერთოდ!...
დაწყნარდი, ოდილ, დამშვიდდი, ნუ პანიკობ. ცოტა ხან-
ში ამოგიტივტივდება გონებიდან,” — გაიფიქრა თავისთვის.

— რა თქმა უნდა მასსოვს. შემობრძანდით!

იასმინი ოდილისკენ გაემართა და ორივე ლოყაზე აკო-
ცა. გადახვევისას ოდილმა შესაძლოა მისი იდენტიფიცირე-
ბა ვერ მოახერხა, მაგრამ ერთ რამეს აშკარად მიხვდა:
სძულდა იასმინი.

ყველანი მისაღებ ოთახში გადაბარგდნენ და სამასლაა-
თო თემად ზაფხულის პაპანაქება აირჩიეს. ოდილი ყოჩა-
ლად მონანილებოდა საუბარში, თუმცა ფიქრები დრო და
დრო სადღაც გადაისროდნენ ხოლმე. „არა, ეს წამდვილი
აბსურდია. მოგვირგია ეს ბომონდური ტონი და უცხო ქალ-

ბატონის თანდასწრებით ამინდზე ვყბედობთ. არადა მე და შარლს იმდენი რამ გვაქვს ერთმანეთისთვის სათქმელი.“
უეცრად მან საუბარი განწყვიტა და შარლს დაჟინებით მიაშტერდა.

— მითხარი, იქნებ ბავშვები გაკლია?

— რა?

— დიახ, ამასწინათ ვფიქრობდი, რა მიზეზით აირია ჩვენს შორის ურთიერთობანი. ვფიქრე, უშვილობას ხომ არ განიცდის-მეთქი. ჩვეულებისამებრ მამაკაცები უფრო ძნელად ეგუებიან მსგავს მდგომარეობას, ქალები კი პირიქით... გინდა ბავშვები?

— უკვე მყავს.

ოდილს მოეჩვენა, რომ მოესმა.

— რა თქვი?

— მყავს ბავშვები, თანაც ორი — ჟერომი და ჰიუგო.

— რამდენის არიან?

— ორის და ოთხის.

— ვისგან გყავს?

— იასმინისგან.

ოდილი იასმინისკენ შეტრიალდა. ამ უკანასკნელს ფართო ღიმილი მიაგება.

„ოდილ, გაიღვიძე, შენ ახლა ნამდვილად კომპარები გესიზმრება, გაიღვიძე, გაიღვიძე! დაუბრუნდი რეალობას.“

— თქვენ... თქვენ ორივეს ერთად ორი ბავშვი შეგეძინათ?

— დიახ, — დაუდასტურა ინტრიგანმა და ფეხი ფეხზე ელევანტურად გადაიდო. თითქოს არც არაფერი მომხდარიყო.

და თქვენ ასე უსირცხვილოდ მობრძანდით ჩემთან, რათა გაბადრული სახით ეს ამბავი გეუწყებინათ? არა, ნამდვილი ურჩხულები ხართ!

რაც ამ სცენას მოყვა, ოდილს ბუნდოვნად ახსოვდა. დარდმა მთლიანად შეძრა. ხან ხმამალა გაჰკიოდა, ხანაც ცრემლებად იღვრებოდა; არაფერი ესმოდა, რასაც ამბობდნენ. რამდენჯერმე შარლი ეცადა გადახვეოდა, მაგრამ მის ყოველ მცდელობას ოდილი შეუწყნარებელი აგრესიით პასუხობდა.

— მოლაღატე! მოლაღატე! ჩვენს შორის ყველაფერი დასრულდა! დასრულდა! გესმის? წადი აქედან, რაღას ელოდები, წადი!

ამაოდ ცდილობდა ოდილი მეუღლის მოცილებას. შარლი ჯიუტად ებლაუჭებოდა მას.

საჭირო გახდა ექიმის გამოძახება. ოდილი ლოგინში ჩაანგინეს და ძალით ერთი სედატიური ნემსი გამოუწერეს.

— პაპანაქებით გამოწვეულ მსხვერპლთა რაოდენობამ თორმეტი ათასს მიაღწია.

— ასეც მოუხდებათ! ახია მავათზე, — ზეიმობდა ტელევიზორის წინ სავარძელში კომფორტულად ჩაფლობილი ოდილი.

გავიდა რამდენიმე დღე. მდგომარეობა საგრძნობლად გაუარესდა: შარლმა გამოავლინა რა თავისი ხასიათის სრული სიმახინჯე, ოდილს ბინიდან სასწრაფო გადაბარგება მოსთხოვა.

— ვერ ეღირსები, — უპასუხა ტელეფონზე ოდილმა, — აქ შენს კახასთან ერთად ვეღარასოდეს იცხოვრებ. ტყუილად გაქვს ამის იმედი. კანონის თანახმად ეს კედლები მე მეკუთვნის. არ გაბედო აქ მოსვლა. ჯერ ერთი, კარს არ გა-

გიღებ, მეორეც, ერთი შენი გასაღებით აქ ცხვირს ვერ შემოყოფ, საკეტი გამოვცვალე.

ის დაუპატიჟებელი სტუმარი ოდილს ერთ რამეში მაინც წაადგა. არა, ის ბებრუხანა მას ნამდვილად განგება მოუვლინა.

შარლი რამდენი მიადგა კარს, ბევრი რეკა, მოლაპარაკებას ეცადა. ოდილმა ყურიც კი არ შეიბერტყა. საერთოდ არ ისურვა მისი მოსმენა. სამაგიეროდ, ჯიუტმა შარლმა მკურნალი ექიმი გამოუგზავნა.

— ოდილ, თქვენ გადაქანცული ხართ, — განაცხადა ექიმმა მალანდიემ. — ნუთუ არ გიფიქრიათ, რომ დასასვენებელი სახლი ერთობ დაგამშვიდებდათ? ამას გარდა იქ გაცილებით უკეთესად მოგივლიდნენ.

— გმადლობთ, ჯერჯერობით როგორღაც ვახერხებ საკუთარ თავზე თვითონვე ვიზრუნო. აშკარაა, ამ პრობლემების გამო სტატიებს ვერა და ვერ მოვაბი თავი და მათი გადაგზავნა ძალიან დამიგვიანდა, მაგრამ ვიცი ჩემი ხასიათი, თუ თავი უკეთესად ვიგრძენი, თუ ოდნავ მაინც მოვმჯობინდი, ყველაფერს ერთბაშად მოვრჩები.

— მეც ამას მოგახსენებდით, თავი უკეთესად რომ იგრძნოთ, ვფიქრობ, დასასვენებელი სახლი თქვენთვის...

— დღესდღეობით, ექიმო, დასასვენებელ სახლებში ადამიანები ბუზებით იხოცებიან. იქ კონდიციონერები სანატორელი გაუხდათ. აქ გრილა მაინც... თქვენ, ეტყობა, საინფორმაციო გამოშვებებს თვალყურს არ ადევნებთ. ერთ ალუნერელი პაპანაქება... უფრო დამანგრეველი, ვიდრე ნებისმიერი ციკლონი. დასასვენებელი სახლი? ალბათ უფრო ტანჯვა-წამების. მე ვიტყვი, სიკვდილის ან მკვდრების სახლი. იმან გამოგაგზავნათ, არა, ჩემს მოსაკლავად?

— კარგი რა, ოდილ. წარმოუდგენელ აბდაუბდას ბრძანებთ. და კონდიციონერული დასასვენებელი სახლისთვის რომ მიგვეკვლია, მაშინ...

— გინდათ წამლებით გამჭყიპოთ, წარკომანად მაქციოთ და არარაობას დამამსგავსოთ. ჩემი ქმარი, ცხადია, ასე უფრო ადვილად ამნაპნის ბინას, რათა იქ თავის ძუკნასთან ერთად ლაღად იცხოვროს. ამას ვერ მოესწრებთ. აქ არაბი კახა თავის ნაშიერებთან ერთად? ვერ მოგართვით. თქვენ ხომ მშვენივრად იცოდით, ჩემს ბედოვლათ ქმარს ორი ბავშვი რომ გაუჩინა.

— ოდილ, თქვენი ფიზიკური უნარი თითქმის ამონურულია. დადგება დღე, როცა თქვენი მოსაზრებით არავინ დაინტერესდება, ძალით ნაგიყვანენ აქედან.

— კეთილი, შესანიშნავად მიმიხვდით სათქმელს, მე ჩემი ნებით აქედან წამსვლელი არ ვარ. ვიდრე ეს ჟამი დადგება, გარწმუნებთ, არაფერი ღირშესანიშნავი არ მოხდება. ახლა კი წაბრძანდით აქედან და უკან არ მოიხედოთ. დღეიდან იგულისხმეთ, რომ მე სხვა ექიმი მყავს.

იმ საღამოს უკიდურესად გაღიზიანებულმა და წყობიდან გამოსულმა ოდილმა რაღაც წუთს თავის მოკვლავზეც კი იფიქრა, მაგრამ იმის გაფიქრებამ, რომ მისი ამქვეყნიდან ნასვლა მხოლოდ შარლისა და იასმინის წისქვილზე დაასხამდა წყალს, განზრახვაზე ხელი ააღებინა.

„არა, ოდილ, დაიმორჩილე თავი. ყველაფერს თავი რომ დავეანებოთ, შენ ჯერ კიდევ ახალგაზრდა ხარ... რამდენის? ოცდათორმეტისა თუ ოცდაცამეტის, მეტის კი არა... ყოველთვის გავიწყდება, რომ ცხოვრება ჯერ კიდევ წინაა. უთუოდ შეხედები სხვა მამაკაცს. შექმნი ოჯახს და გეყო-

ლება ბავშვები... ის შარლი შენი ღირსი ნამდვილად არ იყო, ამას აქამდე უნდა მიმხვდარიყავი. წარმოიდგინე, ჯიუტად რომ ჩაბლაუჭებული წარსულს, უთუოდ მენოპოზს აიკიდებდი...”

“უცბათ ოდილს ფანისთან, თავის საუკეთესო დაქალთან ქაქანის სურვილი დაეუფლა. ისე საინტერესოა, რამდენი ხანია, რაც მას არ შეხმიაწებია. ამ გაუსაძლისი სიცხისგან ხომ საერთოდ დაკარგა დროის შეგრძნება.

მიუხედავად მისი ადგილსამყოფელის სიგრილისა, ზაფხულის პაპანაქებისა და გათანგულობისაგან უფრო მეტად იტანჯებოდა, ვიდრე ვარაუდობდა? ოდილმა ბლოკ-ნოტს დაავლო ხელი და მყისვე შორს მოისროლა.

„არ მჭირდება შემონმება, ყველაფერს თავი რომ დავაგებოთ, ფანის ნომერი მაინც მახსოვს ზეპირად.“

ოდილმა ნომერი აკრიფა. ყურმილში მძინარე ხმა გაისმა.

— დიახ. გისმენთ...

— ბოდიშს ვიხდი შენუხებისთვის, ფანისთან მსურდა დალაპარაკება.

— ფანისთან?

— დიახ, ფანი დეპრესთან. სხვაგან მოვხვდი?

— ფანი გარდაიცვალა, ქალბატონო.

— ფანიი! როდის?

— ათი დღის წინათ. გაუნყოფებისგან.

პაპანაქება! ვიდრე ოდილი ტელევიზორის წინ მოკალათებული სულელურად დაღუპულთა ზუსტი რაოდენობის დადგენას ცდილობდა, ერთი წამითაც არ უფიქრია, რომ მეგობარიც შესაძლოა მათ რიცხვში მოეაზრებინა. ყურმილი დაკიდა. ვერც რამის დამატება და ვერც რაიმე დეტალით დაინტერესება ვერ მოახერხა.

ტკბილი და საყვარელი ფანი, სკოლის მეგობარი, რომელსაც სხვათა შორის უკვე ჰყავდა ორი ბავშვი... ორი ჩვილი... ღმერთო, ეს რა ტრაგედია დატრიალებულა! მერე ისეთი ახალგაზრდა იყო. ისინი ხომ ერთსა და იმავე წელს დაიბადნენ. გამოდის რომ ამ მხურვალეებს მარტო ბებრები და ძუძუმწოვარა ბავშვები კი არ ეწირებოდნენ, არამედ უკვე ზრდასრული, მონიფული ადამიანებიც... კი მაგრამ, ვინ უპასუხა ტელეფონზე ფანის მაგივრად. ეს ხრინჩიანი ხმა მას არ ეცნო... უეჭველად ერთ-ერთი მხცოვანი ბიძა იქნებოდა.

შეძრულმა ოდილმა წყლით სავსე მთელი ბოთლი დასცალა, შედეგ კი საძილე ოთახს მიაშურა, რათა ტირილით გული ეფერებინა.

— თხუთმეტი ათასი გარდაცვლილი, — აცხადებდა წარბმეუხრელად დიქტორი, სახე კვადრატული ფორმის რკინის შემოსასვლელ კარს რომ მიუგავდა.

— მალე ეს ციფრი თხუთმეტი ათას ერთს მიაღწევს, — თქვა ოდილმა და სიგარეტის კვამლი ღრმად ჩაისუნთქა. — ჯერჯერობით ვერ გამირკვევია, ღირს კი ცხოვრების გაგრძელება ამ მახინჯ და საძაგელ სამყაროში?

— სინოპტიკოსები უახლოეს მომავალში ტემპერატურის დაცემას არ ვარაუდობენ. არც წვიმაა მოსალოდნელი, ჰორიზონტზე ღრუბლის ერთი ნაფლეთიც არ დაფიქსირებულია, — აზუსტებდა ჟურნალისტი.

მინა დასკდა და დაიბზარა ტკივილებისგან.

ჯერჯერობით არც ოდილისთვის უჩანდა გამოსავალს პირი. დაუპატიჟებელი სტუმარი ახლა უკვე დღემი ორჯერ სტუმრობდა. ისე აურია ნივთები ერთმანეთში, ოდილი უკვე ველარაფერს აგნებდა.

კონსიერჟის შვებულებით პორტუგალიაში გამგზავრების შემდეგ, — წარმოიდგინეთ მათი იქ მოზღვაება აგვისტოს თვეში, — პროდუქტები და მზა კერძები ოდილისთვის მის დისშვილს ამოჰქონდა, თავხედ გომბიოს, ბინას ცეცხლი რომ მოკიდებოდა, ნაბიჯსაც არ აუჩქარებდა. საღებო რეზინას პირიდან რომ ვერ გააგდებინებდი. ჯინსებს დღეში ათჯერ უცვლიდა ქამარს. ნამდვილი ბატი იყო, ორ დალაგებულ ფრაზას ვერ მოაბამდა თავს.

შარლიც არ გამოჩენილა. უფრო სწორად, ოდილს ტელეფონზე ურეკავდა და საუბრის დასასრულს ყოველ ჯერზე მისგან ამოჩემებულ „არას“ ისმენდა. სხვათა შორის შარლით უკვე აღარ იყო მისი გონება დაკავებული. ყოველ შემთხვევაში მასზე ნაკლებად ფიქრობდა. შარლმა წარსულში გადაინაცვლა. უფრო სწორად, თითქოს არც არასდროს არსებობდა. ოდილის ერთადერთი საზრუნავი ამჟამად უნივერსიტეტში ახალი სასწავლო წლისათვის ჩანერის განახლება იყო. ზაფხულში დაქირავებული დროებითი მოსამსახურე პერსონალის გამო ვერა და ვერ უკავშირდებოდა მისთვის სასურველ ადამიანს და ამის გამო საშინლად ღიზიანდებოდა.

ოდილი სწავლის განახლების დიდი საურვილმა შეიპყრო. როცა უწყვეტი საინფორმაციო არხი თავს მოაბეზრებდა, საათობით მეცადინეობდა. უამრავი წიგნი გადაიკითხა ახლო აღმოსავლეთზე. ხვეწდა ენებს. სერიოზულად ფიქრობდა დისერტაციის დასრულებაზე, რომლის შესავალი უკვე დანერილი ჰქონდა.

თემის ხელმძღვანელთან დაკავშირება კი არსებითად შეუძლებელი აღმოჩნდა. როგორც ჩანს, კლიმატურ კატაკლიზმებს ქვეყნის სრული პარალიზება მოყვა შედეგად. გამართულად არაფერი ფუნქციონირებდა. არც მშობლები პასუხობდნენ ტელეფონის ზარებს. ფაქტია სიგრილის ძებნაში ზოგი სად გაიქცა და ზოგი სად.

„ვისარგებლოთ არსებული მდგომარეობით, საკუთარი თავი მთლიანად ჩვენთვის მნიშვნელოვან საქმეებს მიუძღვნათ“ — ფიქრობდა ოდილი და საათობით ხვეწდა პარაგრაფების სტრუქტურას, ზრუნავდა ფრაზების გამართულობაზე. „კიდევ ერთ კვირას ვაძლევ საკუთარ თავს და შესავალს მაგიდაზე ვდებ.“

მუშაობამ და მეცადინეობამ ოდილი ისე გაიტაცა, რომ ხშირად სითხის აუცილებელი რაოდენობის მიღებაც ავიწყდებოდა. ამას გარდა, ბოლო დროს კონდენციონერმაც ძალიან აურია: ოცდაორ გრადუსზე დაყენებული რამდენიმე საათიანი წვალეებისა და ტანჯვის შემდეგ ხან ოცდაათ გრადუსამდე ავარდებოდა, ხანაც ოცდათორმეტზე. ერთხელაც სრულიად სანინალმდეგო დამართა — თხუთმეტ გრადუსამდე ჩამოვარდა. ოდილმა ყველაფერი გადააქოთა და როგორც იქნა ექსპლოატაციის წესებსა და საგარანტიო ფურცელს მიაგნო, დაურეკა წარმომადგენლობას და ხელოსანი გამოიძახა; მან კონდენციონერს მთელი ნახევარი დღე უჩხიკინა და ბოლოს გამოაცხადა, გაუმართაობის მიზეზს მაინც ვერ მივაგინი, შეიძლება ყველაფრის თავი და თავი მოკლე ჩართვა იყო; ყოველ შემთხვევაში დეტალ-დეტალ შემონმებული აპარატი გონს მოეგო და იმ საათიდან ჩინებულად ამუშავდა. და მაინც, მეორე დღიდან ყოველი ოთახის გადამცემი სრულად განსხვავებულ და ხშირად ტემპერატურის დაუჯერებელ ცვალებადობას იუნყებოდა.

ოდილს ხელოსნის ხელმეორედ გამოძახების აუცილებლობის განცდა არ დაუფლებია. მშვენივრად ჩასწვდა გაუ-

მართაობის მიზეზს: დაუპატიჟებელი სტუმარი! ცხადია, ბებრუხანამ ინსტრუქციაში მოყვანილი მონაცემების გადაკეთება საყვარელ გართობად გაიხადა.

ოდილი გრძნობდა, რომ არაქათი გამოეცალა და ამის არაერთი მიზეზი ჰქონდა: სამუშაო, სულთმხუთავი სიცხე, წყლის არასაკმარისი მიღების გამო — დალევვა უბრალოდ ავინწყებოდა — ორგანიზმის გამოფიტვა. გადაწყვიტა დაუპატიჟებელ სტუმარს დადარაჯებოდა, დანაშაულის ადგილზე წაესწრო და მასთან ერთხელ და სამუდამოდ გაესწორებინა ანგარიში.

როცა ბინაში თავი მარტოდ იგულა, ცოცხების შესანახ კარადაში შერგო თავი, შუქი ჩააქრო და სულმოუთქმელად მიეცა ლოდინს.

რამდენი ხანი იყო მოიერიშის პოზიციაზე გამაგრებული ოდილი ნამდვილად ვერ გეტყვოდათ. როგორც ჩანს, ის გადაღუბებული მიხვდა, რომ ჩაუსაფრდნენ...

რამდენიმე საათის მინურულს წყურვილისგან ყელგამომშრალი და გათანგული ოდილი კარადიდან გამოძვრა და მისაღები ოთახისკენ გაეშურა. იქ კიდევ მხოლოდ ღმერთმა თუ უწყის რატომ, უეცრად მოუნდა პასტისი გადაეკრა. გაალო ბარი, ჭიქა პირამდე გაივსო და ერთი ყლუპი სულსწრაფად მოსვა. ამ დროს მისი ყურადღება ერთმა ფრიად უცნაურმა რამემ მიიპყრო.

ბიბლიოთეკაში ერთ-ერთი ნიგნის შემონაჭერზე მისი სახელი და გვარი ეწერა: ოდილ ორსინი. გადმოიღო და მოულოდნელობისგან ადგილზე გაშეშდა. გარეკანზე დატანილი წარწერა მისი სადისერტაციო თემის იდენტური აღმოჩნდა: თემა, რომლის გამო ახლა ამდენს ირჯებოდა. ოთხას-გვერდიანი დასრულებული ნაშრომი ერთ-ერთ პრესტიჟულ გამომცემლობას დაეუბქდა: არა, მსგავს სასწაულზე ოდილი მხოლოდ თუ იოცნებებდა.

კი მაგრამ, ვინ მოუწყო ეს ოინი?

ოდილმა სულმოუთქმელად გადაავლო პირველ გვერდებს თვალი. გაფითრდა. ადამიანის ფერი დაკარგა: ეს ხომ შესავალია, რომელზეც აგერ უკვე მერამდენე დღეა ოფლს ღვრის და ვერა და ვერ მოაბა თავი. ეს კიდევ დასრულებული ჩანდა, ბევრად უკეთესად გამართული. იგრძნობოდა, რომ ავტორი კარგად იყო საკითხში გათვითცნობიერებული.

კი მაგრამ, რა ხდება?

ოდილმა თვალი როგორც კი მოწყვიტა გამოცემას, დაუპატიჟებელი სტუმარი დაინახა. მსცოვანი ქალბატონი მას მშვიდად და აუღელვებლად ათვალიერებდა.

არა, ეს უკვე სცილდება ნებადართულ ზღვარს! ნამეტანია! ნამეტანი!

ოდილი თავქუდმოგლეჯილი სანგრისკენ გავარდა და იქიდან გოლფის ჯოხით შეიარაღებული უცხო ქალთან საქმის გასარჩევად ისევ მისაღებში შეიჭრა.

* * *

იასმინი ფანჯარასთან იდგა და ტროკადეროს ბალებს გადაჰყურებდა. წვიმას, როგორც ჩანს, ცა და დედამინა შეერიგებინა და სიკვდილის ტრიუმფული სვლისთვის წერტილი დაესვა.

მის უკან ბინაში თითქმის არაფერი შეცვლილა. ნიგნებისგან ტევა აღარ იყო. ახლო აღმოსავლეთით დაინტერესებული აქ, სულო და გულო, ნამდვილად გაახარებდა თავის ჭიას. ვერც იასმინმა და ვერც მისმა მეუღლემ ინტერი-

ერის გადასახალისებლად და ავეჯის გამოსაცვლელად ვერა და ვერ მოიცალეს. რემონტი არაფერი საჩქარო არ არის, მოიცდისო, ფიქრობდნენ. სამაგიეროდ, ქალაქის განაპირა მდებარე პანანინა ბინის დატოვებასა და აქ გადმობარგებაზე ერთი წამით არ უფიქრიათ. იქ შეყუჟულებს ორ ბავშვთან ერთად ხომ სუნთქვაც კი უჭირდათ.

იასმინის ზურგს უკან სატელიტური ტელევიზიის აღმოჩენით გახარებული ჟერომი და ჰიუგო არხიდან არხზე გადახტომით იქცევდნენ თავს.

— გენიალურია, დედი, არაბული არხებიცაა!

ბავშვებს რომელიმე პროგრამაზე შეჩერებისა და ყურების სურვილი კი არ ჰქონდათ, უფრო პროგრამების შთაბეჭქდავი სიუხვე ხიბლავდათ.

შინ დაბრუნებული შარლი იასმინს შეუმჩნევლად მიუახლოვდა უკნიდან და კისერზე აკოცა. იასმინი შემოტრიალდა და მკერდით შარლს მიეკრო. ისინი ერთმანეთს მიეტმასნენ.

— იცი, თქვენი საოჯახო ალბომი დავათვალიერე: გასაგიჟებლად გავხარ მამაშენს. შუაში გაჭრილი ვაშლივით.

— ნუ ამბობ ამას.

— რატომ? ეს სევდას გვერის იმიტომ, რომ იგი ეგვიპტეში გარდაიცვალა, როცა მხოლოდ ექვსის იყავი.

— არა, ვითრუნები იმიტომ, რომ ეს დედაჩემს მახსენებს. ხშირად მამაჩემში ვეშლებოდი... შარლსაც კი მეძახდა.

— ნულა იფიქრებ ამაზე. მხოლოდ ის დრო გაიხსენე, როდესაც დედაშენი სალ-სალამათი იყო, ბრწყინვალე ინტელექტუალი, მახვილგონიერი, სხარტი და ენაკვიმატი. ასეთი ოდილი მე ყოველთვის მხიბლავდა. დაივიწყე ბოლო ორი წელიწადი.

— მართალი ხარ. აქ მარტოდმარტო გამოკეტილი იმ საშინელი ალცჰაიმერის ავადმყოფობის გამო საწყალი უკვე საკუთარ თავსაც ველარ ცნობდა. მახსოვრობა თანდათანობით ხელიდან ეცლებოდა. ველარაფერს იხსენებდა, თავი ახალგაზრდა ეგონა, სარკეში არეკილ საკუთარ გამოსახულებას აქ უნებართვოდ შემოჭრილ მოხუც ქალბატონად აღიქვამდა. როგორ ეგდო ძირს გოლფის ჯოხით დამსხვრეული სარკის წინ. ალბათ დაუპატიჟებელ სტუმარს ემუქრებოდა, მისი დაშინება სურდა... შემდეგ უთუოდ თავს იცავდა... ალბათ ეგონა, რომ უცნობი დედაბერი საპასუხო დარტყმას მიაყენებდა.

— კვირას აუცილებლად მოვინახულებთ ოდილს.

იასმინი ფრანსუას ლოყაზე მიეფერა, მის ტუჩებს მიუახლოვდა და ჩურჩულით დასძინა:

— ის ახლა ნაკლებად მტკივნეულია. ოდილი ახლა გონებით იმ ეპოქაში ცხოვრობს, როცა მამაშენს ჯერ კიდევ არ იცნობდა. ახლა უკვე აღარ ერევით ერთმანეთში. რა თქვა, რამდენის ვარო?

ფრანსუამ თავი იასმინს მხარზე დაადო.

— ზოგჯერ ოცნებას მივეცემი ხოლმე და ჩემთვის ვნატრობ: „ნეტავი მალე დადგეს ის დღე, როდესაც დედაჩემი ჩვილ ბავშვად გადაიქცევა.“ ო, როგორ ჩავიკრავდი გულში და ბოლოს და ბოლოს ვეტყვოდი, თუ როგორ ძლიერ მიყვარს იგი. ვაკოცებდი... ჩემთვის გამოსამშვიდობებელი კოცნა იქნებოდა, მისთვის კი პირველი.

ფრანგულიდან თარგმნა
მერაბ ზიფია

* * *

ისტორიას შემორჩებოდა ფრიდრიხ დიდის ფრაზა:
— აღმოსავლეთში მეფე ერეკლეა, დასავლეთში მე.

გულს მაინც მოვიხებდით ამ სიტყვებით, თავს შევაფარებდით — ერეკლე მეორეზე მაინცდამაინც კი არ მოგვიბრუნდებოდა გული, მაგრამ მისი მეომრული ძალა და სახელი რაღაცად ხომ ღირდა, კრწანისს თუ ვერ აგარიდებდა და ვერც რუსეთის ორთავიანი არნივის კლანჭებისაგან გიხსნიდა, ეროვნული სიმხნევის განმტკიცებას როგორღაც მაინც წაადგებოდა.

სახუმაროდაც გამოდგებოდა — ვითომ რატომაც არა.

და ელგუჯა თავბერძის კიდევ ერთხელ რომ ჩავაკითხავდით და ქუთაისი ერთ მნიშვნელოვან კერად დამკვიდრდებოდა ალექსანდრე ორბელიანის საზოგადოების კულტურულ-საგანმანათლებლო მოღვაწეობის გზაზე, ქუთათურთა ლაღობა-მახვილსიტყვაობის ფონზე უეცრად ის ფრაზა წამომავიწყდებოდა და მასპინძელს შევძახებდი: აღმოსავლეთში მე ვარ და დასავლეთში შენ-მეთქი!..



ელგუჯა იუმორს მოისაკლისებდა თუ რა, და: იყოს ნება შენით, — დიდი სერიოზულობით დამიქნევდა თავს.
მისი პატარა ნინიკო სუფრასთან ტრიალებდა, იმ ხნისა, რომ გგონია, ამას ან რა ესმის ან რას დაიმახსოვრებსო.

აი, ელგუჯას ცოლ-შვილი თბილისში მოჰყავს და ვაჟასა და ნინიკოს უხსნის: ახლა დასავლეთში ვართ, გვირახს რომ გავივლით, აღმოსავლეთში ვიქნებითო.

აგერ, ნიფის გვირახი უკვე გავილია და საბაჟოზე ფულს იხდის.

მერე კვლავ განაგრძობს ექსკურსიამძღოლობას, ბავშვებს გულდასმით აცნობს ყოველ ადგილს... მაგრამ უეცრად ნინიკო შეანყვეტინებს.

- ჩვენ ახლა აღმოსავლეთში ვართ, არა?
- ჰო, მამიკო.
- და მერე როსტომ ბიძია შენ ფულს გახდევინებს?
- ...პატარები არიანო, ადვილად იტყვი... პატარები არიან, დიახ, როგორ არა!..

* * *

ავტობიოგრაფიულ რომანში „ცამეტი წელიწადი კინოში“ აკაკი ბაქრაძე იხსენებს იმასაც, თუ რა წვერთაგლეჯა ატყდა კინემატოგრაფიის მთავარ სამმართველოში, როდესაც ლანა ლოლობერიძემ გადაწყვიტა გადაელო ნოდარ დუმბაძის რომანი „მე ვხედავ მზეს“. მოითხოვდნენ, აუცილებლად ამოეგდოთ ფილმიდან ის სცენა, რომელშიც ბაბილო ვამბაყაძე ერთ ფუთ სიმინდს ჩუქნის სოსოიასა და ხატიას. დაიჩემებდნენ: ომის დროს ხალხი შიმშილით კვდებოდა და ერთ ფუთ სიმინდს უფასოდ ვინ გაიძეებდა. ბაბილო ანგელოზი ხომ არ იყო, ასეთი უშურველობა, ხელგაშლილობა, მოყვასის სიყვარული გამოეჩინა. ეს სცენა ყალბია და მისი დატოვება ფილმში შეუძლებელიაო.

და სცენარი უკან დააბრუნეს კატეგორიული მოთხოვნით: თუ არ ამოაგდებთ, ფილმის გადაღების ნებართვას ვერ ეღირსებითო.

რა უნდა ელონათ?

როგორც ამჯერად ვერ შეასმინეს, ისე ვერც შემდგომ შეასმენდნენ, რომ ამ დიდი სულიერებით აღსავსე ეპიზოდის ამოკლება საგრძნობლად დააზარალებდა ფილმს.

არადა, როგორ გინდა ასეთ უხეშ ჩარევას შეეგუო?

საშველი მაინც გამოჩნდებოდა და გადამღები ჯგუფის მოკავშირე აღმოჩნდებოდა... ბიუროკრატიზმი. დიახ, სწორედ ბიუროკრატიზმი.

სცენარს უცვლელად, ისე, რომ ერთ სიტყვასაც არ გაასწორებდნენ, გაუგზავნიდნენ ხელახლა მთავარ სამმართველოს და წერილსაც აახლებდნენ: თქვენი ყველა შენიშვნა გათვალისწინებულია, სცენარი გასწორებულია და გათხოვთ, გადაღების ნება დაგვართოთ.

უზარმაზარ ბიუროკრატიულ აპარატში არავის აღმოაჩნდებოდა სურვილი ხელმეორედ წაეკითხა „მე ვხედავ

მზეს“ და შეემომნებინა, მართლა შესრულდა თუ არა მათი განკარგულება.

ისე თუნდაც წაეკითხათ, ისე იყვნენ დარწმუნებულნი, რომ მათი მოთხოვნა აუცილებლად აღსრულდებოდა, უკვე ველარც გააცნობიერებდნენ, ეს ეპიზოდი უცვლელად თუ დარჩენილიყო.

ამისთანა შემთხვევები სხვაც მოიკრიბება და საბოლოოდ ფრიად სახალისო (დღეის გადასახედიდან!) სურათიც დაიხატება. ერთი ნიმუში კი სახელდახელოდაც შეიძლება გავგვხსენებინა.

იოსებ ჭუმბურიძე იმხანად ახალგაზრდა ჟურნალისტიკა და ჯერ მხოლოდ იწყებს თავის მრავალმხრივ საგულისხმო მოღვაწეობას ჟურნალისტურ თუ პედაგოგიურ ასპარეზზე. იმ პირველივე ნიმუშებში უკვე მკაფიოდ მოჩანს მისი არაორდინარულობა და მკითხველიც ცნობისწადილით ადევნებს თვალს მის ყოველ ახალ პუბლიკაციას.

გაზეთ „თბილისის“ რედაქტორი ოთარ იოსელიანი ავალეებს სტატიას ქართული ენის დღესთან დაკავშირებით. ისიც ჩვეული მონდომებით შეასრულებს დავალებას და რედაქტორის მონონებასაც დაიმსახურებს, მაგრამ გამაოგნებელ დავალებასაც მოისმენს: ანაწყობი ქალაქის ცენტრალურ კომიტეტში უნდა წაიღო და წელი გურგენიძეს წააკითხო. მანამდე ვერც წარმოიდგენდა, ამ კომიტეტის მდივნები შეთავსებით ცენზორის მოვალეობასაც თუ ასრულებდნენ. და ის იმ ქვეყანაში, სადაც ცენზორები ცენზორებსაც კი არ ერქვათ და უწყინარი თიკუნის – მთავარი ლიტერატურული კომიტეტი – ქვეშ მყუდროდ გრძნობდნენ თავს.

ახლა კი დარწმუნდებოდა, რომ სტატიის წარდგენა ქალაქკომში სულაც არ ყოფილა ფორმალობა და ქალბატონი

ნელი – ვინც, სხვათა შორის, საკმაოდ გათვითცნობიერებულიყო ლიტერატურულ პროცესში და ისეთ მწერლებსაც დიდად აფასებდა, რომელთაც ნომენკლატურული კრიტიკა ან ჩამოთვლაში მიაყოლებდა ან „და სხვა“-ში გულისხმობდა – საკმაოდ აუჭრელებდა ტექსტს.

რასაც საბჭოური ნორმები ვერ იგუებდა, ქალაქის ოფიციალური გაზეთის ფურცლებზე არც უნდა გაეღწია.

იოსებ ჭუმბურიძე დამძარებული ბრუნდება რედაქციაში და ჩახაზულ სტატიას მაგიდაზე დაუდებს რედაქტორს. ის ახლა დაავალებს, თვითონვე შევიდეს სტამბაში და შესაფერისადაც გადააკეთოს უკვე დაკაბადონებული ტექსტი. ეს შესვლით კი შეევა, მაგრამ სულ უფრო და უფრო დაენანება ის ფრაზები და: რაც მომივა, მომივაო, – ასოთამწყობს მხოლოდ კორექტურულ შეცდომებს ჩაასწორებინებს.

გაზეთი გამოვა.

სტატია იმ თავდაპირველი სახითაა, თითქოს ქალაქკომში არც ემოგზაუროს.



იოსებ ჭუმბურიძე ყოველდღე მოელის გამოძახებას და პასუხის მოთხოვნას ასეთი თვითნებობისათვის.

არადა, ყველაფერი წყნარად ჩაივლის, გაივლის...

ლამის მეოთხედი საუკუნის შემდეგ გაახსენებს ამ ამბავს ნელი გურგენიძეს და სიცილით დასძენს: მაშინ რომ ვერ მიხვდითო.

– ეგ შენ გგონია, რომ ვერ მიხვდები, – ის ჩაიღიმებს, – ეგ არის, ისეთი გულისტკივილით

ნაგიშალე ის ფრაზები, კიდევ გამეხარდა, გაზეთში რომ ვიხილე.

სხვა კი არავინ გამოდევნებია, არც ჩაკვირვებიან იმ მოტივით: რა შემონმება უნდა, ისეთ წნეხში იქნება გამოვლილიო.

* * *

მოსკოვს მიემგზავრებიან რეზო ჭეიშვილი, ბაჩანა ბრეგვაძე და ლევან მალაზონია. მანქანით მგზავრობა უმჯობინებითა და აგერ, დარიალის ხეობაშიც შეურავთ თავი. რეზო ჭეიშვილი მართავს მანქანას და თანამგზავრებს უეცრად ასეთი შეკითხვით მიმართავს:

– ხომ ვართ სამოციანელები?

– ვართ, ვართ, მაშ არა ვართ!

– უდასტურებს ორივე.

– და ბარემ თერგდალეულებიც ვიყოთ, – შესვდავებით და ადგილის ძებნას შეუდგება, საიდანაც შეიძლება მდინარის პირას დაშვება.

თუ ვინმეს შერქმეოდა უპირველესი თერგდალეული, ილია ჭავჭავაძეს შერქმეოდა, მიუხედავად იმისა, რომ იმას წინდანივე ეფრთხილა და თერგის ხიდი ისე გადმოეგლო ტფილისისაკენ მომავალს, არამცთუ წყალი არ გაუსინჯავს გემოთი, თვალიც არ აუხელია: ვაითუ თერგდალეულობა დამწამონო.

ეს სახელი მაშინ საზოგადოებაში რალაც საშიშს რომ უკავშირდებოდა, ილია „მგზავრის წერილებში“ ამის თაობაზე სარკასტულადაც ჩაიცინებდა („ამაზედ ფრიად საფუძვლიანი საბუთიც აქეთ: პირველი, იმიტომ არ მოსწონთ, რომ თერგ-დალეულები მართლა-და თერგ-დალეულები არიან, მეორე იმიტომ... იმიტომ, რომ მეორედაც თერგ-დალეულები არიან, მესამე იმიტომ... იმიტომ... იმიტომ, რომ მესამედაც თერგ-დალეულები არიან. მოდი და ამისთანა ჭკვიანური საბუთი დაურღვიე ჩვენს დარღვეულ ქართველობას“).

არადა, რალაც საშიშს იმიტომაც უკავშირდებოდა, თერგდალეულთა გუნდი ლიბერალურ იდეებს რომ მოეზიდებოდა ამ ხეობით საქართველოში და ამ იდეების კვალობაზე ლამობდა მშობლიური ქვეყნის გარდაქმნას.

მოგვიანებით ილია უკვე აღარ გაიცინებდა თვისტომთა ამ შიშსა თუ შეფიქრებებზე, ეს მაშინ, როდესაც მკვეთრად განუდგებოდა ამ მოძრაობას და კონსერვატივში დაიწყებდა სამშობლოს გადარჩენის სახსრის ძიებას.

თერგდალეულის სახელს ველარასოდეს მოიცილებდა, თუნდაც სწორედ იმ განდგომას შესწიროდა.

არამცთუ დაღევა, თვალიც არ აუხელიაო...

ესენი არ დაგიდევდნენ „მგზავრის წერილების“ იმ პასაჟს, არც ილიას სრულ ფერისცვალებას და, თვალებით რომ ჭამდნენ თერგს, მისი წყლის დაგემოვნებაც მოენდომებინათ.

აგერ მდინარის პირას ჩასასვლელი.

მიგნებით მიაგნებდნენ და ჩასვლითაც ჩავიდოდნენ, მაგრამ ნავავს ისე წაელეკა იქაურობა, სასწრაფოდ გამოშორდებოდნენ იმ იმედით, კიდევ რამდენი იქნება ასეთი ჩასავლელი და მათგან საუკეთესოს შევარჩევთო.

და რამდენსაც მიადგებოდნენ, თანდათან ჩაებჟუტებოდათ იმედი, რაკილა უკეთესი ყოფა არსად დახვდებოდათ.

ყველგან ნავავი, ნავავი, ნავავი...

და ბოლოსდაბოლოს შეეგუებოდნენ ბედს, რომ თერგდალეულებს ვერ დაირქმევდნენ.

თუმც ილიასაც როდი დაელია თერგიდან ერთი პეშვიც კი!..



მხატვარი ბადრი გავნიძე

უნიგნური შიქსპირი

ახალგაზრდა ქართველი თავადიშვილი, გვარად ნიჟარაძე, კიევის უნივერსიტეტში სწავლობდა. ღმერთმა უწყის, საიდან და როგორ საზრდოობდა მშობლიურ კერას მონყვეტილი და უმაღლეს განათლებას დანაფებული ხელმოკლე სტუდენტი. სახუმაროდ როდი ჰქონდა საქმე, მაგრამ მარადიული ქართული ოპტიმიზმით იყო ცხებული და უდარდელად ხუმრობდა, აქლემივით ძალმის თვეობით ვიმარხულო, წელიწადში სამჯერ ხსნილი ხომ მიწევს და ესეც მეყოფაო.

თავისი ღვთიკურთხეული სამშობლოდან წელიწადში სამჯერ — სააღდგომოდ, თავის დღეობაზე (ავგისტოში) და საშობაოდ მუდამ მოსდიოდა გულუხვი ნობათით სავსე კალათები, სადაც ელაგა ცხვრის ხორცი და გამოყვანილი ლორი, უგემრიელესი ნახუქები, ყურძენი, ბაღრიჯანი, ჩურჩხელები და, რაც მთავარია, ტიკები, მაგარი და სურნელოვანი ღვინით რომ იყო გატიკნული.

თავადი ნიჟარაძე თავის რომელიმე ამხანაგთან მართავდა ლხინს (თავად უბინაო იყო), სადაც მუსრს ავლებდნენ ბარაქიანი საქართველოს მადლიან ნობათს, მღეროდნენ მრავალჯამიერს, ქანცის განყვეტამდე ცეკვავდნენ ლეკურს, ჰაერში ატრიალებდნენ დანებს და ტოლუმბაშად არჩეული ნიჟარაძე თავისი ელვარე იმპროვიზაციებით ატკობდა თანამეინახეთა სმენას.

...ზემოთქმული პასაჟები გვხვდება გამოჩენილი რუსი მწერლის ალექსანდრე კუპრინის საუცხოო რომანში, რომელსაც ჰქვია „ორმო“ და რომელშიც მოთხრობილია ერთი რევოლუციამდელი საროსკიპოს ბინადართა და იქ მოსიარულე სტუდენტების ასავალ-დასავალი.

კუპრინი აღნიშნავს, რომ თავადი ნიჟარაძე ლაპარაკის დიდოსტატი იყო და აღზნებულს შეეძლო წუთში წარმოეთქვა სამასი სიტყვა. რუსი მწერლის გადმოცემით, კავკასიური აქცენტი ჩრდილს კი არ აყენებდა ჭეშმარიტი ოქროპირის მეტყველებას, არამედ ამშვენებდა კიდევ. და რაზედაც არ უნდა ელაპარაკა კიევი სსსწავლებლად ჩასულ ქართველ თავადიშვილს, თავის მონოლოგს უსათუოდ მიიყვანდა ხოლმე საყვარელ სამშობლომდე და აცხადებდა, რომ ამქვეყნად არსებობს მსოფლიოში ყველაზე მშვენიერი, ყველაზე ბარაქიანი, ყველაზე განათლებული, ყველაზე მონინავე, ყველაზე რაინდული და, იმავდროულად, ყველაზე დაჩაგრული ქვეყანა, რომელსაც საქართველო ჰქვია.

და მერე ხმამაღლა, გამოთქმით, წარმოთქვამდა სტრიქონებს ქართველი პოეტის რუსთველის პოემიდან „ვეფხისტყაოსანი“ და ამტკიცებდა, რომ „ეს პოემა ათასჯერ მაღლა დგას, ვიდრე შექსპირი, გამრავლებული ჰომეროსზე“.

საფიქრებელია, რომ ნიჟარაძის პორტრეტი უშუალოდ ნატურიდან გადმოუხატავს რუს მწერალს. ამას ადასტურებს როგორც მთელი ანტურაჟი, ასევე ქართული ხასიათის ნიშანდობლივი შტრიხები და შეურყვნელად დამონებული ქართული სიტყვები (სხვათა შორის, კუპრინი „ტოლუმბაშს“ რომ ახსენებს, იქვე შენიშნავს: თუ, მგონი, „თამადა“ ჰქვიაო?).

აი, ერთი ძალზე საგულისხმო ფაქტი რომანის ქართველი პერსონაჟის წარმოსადგენად:

თავადი ნიჟარაძე, როგორც ჭეშმარიტ ქართველ ვაჟკაცს შეჰფერის, ქალების დაუოკებელი მუსუსი ყოფილა, მაგრამ დედის ძუძუდან ჰქონდა შენოვილი უსასტიკესი ტაბუ, ცოცხალი თავით რომ ვერ დარღვევდა, — ძმაკაცის ცოლი ხელშეუხებელი არისო. ოდინდელი ქართველია, მა რა არი, დღევანდელი ნუ გეგონებათ!

რუსი მწერლის ამჟამად არცთუ პოპულარულ რომანში ქართველი თავადის მიერ

გამოთქმული მოსაზრება რუსთველის უდავო უპირატესობის შესახებ ერთად აღებულ შექსპირსა და ჰომეროსზე, ჩვენს მტერს რომ შესაძლოა უსაფუძვლო კვენხად მოეჩვენოს, ერთი საუკუნის შემდეგ, ოდნავ შეცვლილი ელფერით, მთელი მსოფლიოს გასაგონად გახმინდა რუსთველის იუბილეზე, რომელსაც დასავლეთიც ზეიმობდა და აღმოსავლეთიც, ე.წ. პროგრესული სამყაროც და ე.წ. რეაქციულიც.

პურმარლი იყო არნახული და გაუგონარი. სმა-ჭამა დიდად შესარგო, როგორც ბრძანებს თვით რუსთველი. საქართველოში დადგმულ გრანდიოზულ სანახაობას ერთმა აღფრთოვანებულმა სტუმარმა „რუსთველური თამაშები“ უწოდა (ოლიმპიური თამაშების ანალოგიით).

ერთი სიტყვით, 1966 წლის შემოდგომაზე მთელი მსოფლიოს სიტყვისა თუ საქმის ოსტატებმა მოიყარეს თავი თბილისში და ერთმანეთს ეჯიბრებოდნენ, ვინ უფრო ხატოვან ხოტბას შეასხამდა ქართული გენიის უკვდავებას.

ყველაზე მეტად ინგლისელებმა იმარჯვეს.

იმდროინდელ საბჭოეთში ფრიად სახელმწიფოეჭილი ინგლისელი პროზაიკოსი ჯეიმს ოლდრიჯი თავგამოდებით გვარნმუნებდა, რუსთველი უფრო მაღლა დგას, ვიდრე დანტე და შექსპირი, ვინაიდან ისინი მარტოოდენ პოეტები იყვნენ, რუსთველი კი ფილოსოფოსიც გახლდათო! მერე ფამილარულად დასძენდა: რუსთველს, ჩემსავით, ღვინო და ქალები უყვარდა, ამიტომაც თქვენი რუსთველი ჩვენს შექსპირზე გაცილებით მეტად მიყვარსო.

ასეთი ტექსტი წარმოთქვა ინგლისელმა სტუმარმა ზაქარია ფალიაშვილის სახელობის თბილისის ოპერისა და ბალეტის თეატრის გაჩახჩახებული სცენიდან და გადაჭედილი დარბაზი გასუსული უსმენდა უბადლო სადღეგრძელოს.

ეგება ბრძანოთ, ჯეიმს ოლდრიჯი, რომელსაც საბჭოეთში უფრო იცნობდნენ, როგორც მწერალს, ვიდრე მშობლიურ ინგლისში, წაიკომუნისტებდა კიდევ და, კრემლის ხათრით, რუსთველიც შეუყვარდებოდა, აბა რაო! კეთილი და პატიოსანი, გული რომ არ დაგწყვიტოთ, ახლა სხვა სტუმარსაც ვათხოვოთ ყური.

იმავე ღირსსახსოვარ იუბილეზე დიდი ბრიტანეთის პარლამენტის წევრმა, მწერალმა ემრიზ ჰიუზმა განაცხადა: „მე აქ გამოვდივარ შექსპირის სამშობლოს სახელით. მთელი მსოფლიოს სწავლულნი, უკვე სამი საუკუნე იქნება, გაცხარებით დაობენ მის თაობაზე, თუ ვინ იყო სინამდვილეში შექსპირი — უმეტარი კაცი, ვისაც საკუთარი გვარის ხელმოწერაც კი უჭირდა თუ დიდად განათლებული პიროვნება, ნაზიარები ანტიკურ მწერლობასა და ფილოსოფიას. დიახ, გაცხარებით დაობენ და დაობენ დღემდე, მე კი ვფიქრობ, რომ ორთავე შემთხვევაში შექსპირს, უდავოდ, უნიგნური უნდა ვუნოდოთ, რადგანაც მას არ ჰქონდა ნაკითხული „ვეფხისტყაოსანი“.

ამას ამბობდა დიდი ბრიტანეთის პარლამენტის წევრი. დიახ, წევრი იმ პარლამენტისა, რომელიც ლამის ადამის დროიდან ევროპული დემოკრატიის აკვნად და ბურჯად ითვლება, და, რაც მთავარია, არასოდეს სათოფეზე არ გაუკარებია ავადსახსენებელი კომუნისტები.

ნეტავი მოსწრებოდა რუსთველის იუბილეს კუპრინი და თავისი ყურით მოესმინა ემრიზ ჰიუზისათვის, რომელიც თავისებურად იმეორებდა დარდმინდი ქართველი თავადის მოხდენილ აფორიზმს, თუმცა თავის სიცოცხლეში არც ნიჟარაძე სმენოდა და არც მისი ლიტერატურული ძიებანი.

ლიბოს რომ გაეგო

ბოლოს და ბოლოს მექსიკამ შეიკედლა ლევ ტროცკი — უსახლკარო ლტოლვილად ქცეული მედროშე „პერმანენტული რევოლუციისა“, ვისაც ევროპის ყველა ქვეყანამ ერთსულვნად გამოუკეტა კარი, ხოლო უინსტონ ჩერჩილმა საჯაროდ უწოდა „კაციჭამია რუსეთიდან“.

და აი, 1937 წლის იანვარში ტროცკიმ, მეუღლესთან ერთად, ფეხი დაადგა მექსიკის მიწას. სახელგანთქმულმა მექსიკელმა მხატვარმა, კომუნისტმა დიეგო რივერამ შეიხიზნა ოქტომბრის რევოლუციის მთავარი ორგანიზატორი და უანგაროდ დაუთმო თავისი „ცისფერი სახლი“. ეს იყო ნამდვილი სასახლე — მზით გაჩაჩხახებული, მორთული აუარებელი ნახატებით, ყვავილებითა და მექსიკური ხელოვნების ნივთებით. ამ სახლში ტროცკი და მისი მეუღლე ცხოვრობდნენ ორი წლის განმავლობაში. მაგრამ 1939 წლის დამდეგს რივერასთან კონფლიქტის გამო ტროცკი იძულებული შეიქნა მიეტოვებინა იქაურობა და სახლი დაექირავებინა მეხიკოს გარეუბანში, სადაც ტრაგიკული აღსასრული ელოდა.

კონფლიქტის მთავარ მიზეზად მიიჩნევენ ტროცკის მიერ ამერიკულ ჟურნალში გამოქვეყნებულ მანიფესტს, რომელიც ქადაგებდა ხელოვნების თავისუფლებას. კომუნისტი რივერა, ბუნებრივია, არ დაეთანხმა ამ მანიფესტის დებულებებს და სკანდალიც ამან გამოიწვია. მიუთითებენ სხვა მიზეზსაც — თითქოსდა ტროცკი განრისხდა იმის გამო, რომ რივერა საარჩევნო პროპაგანდას ეწეოდა პრეზიდენტ კარდენასის წინააღმდეგ, ვისგანაც ტროცკი დიდად იყო დავალებული — მექსიკის კარი ხომ სწორედ მან გაუღო ლტოლვილს.

მაგრამ როგორც აღნიშნავენ, ამგვარი წვრილმანი შეხლა-შემოხლა ადრეც ჰქონიათ და საქმე განხეთქილებამდე როდი მისულა. ტროცკისა და რივერას შორის ურთიერთობის განწყვეტის ნამდვილ მიზეზად მიუთითებენ ტროცკის რომანს რივერას მეუღლესთან.

დიეგო რივერა და ფრიდა კალო, რომელიც ქმარზე არანაკლებ სახელმძღვანელო მხატვარი გახლდათ, დასახლდნენ „ცისფერი სახლის“ მეზობლად და თითქმის ყოველდღე სტუმრობდნენ თავის მდგმურებს. ტროცკი ნახევრადხუმრობით ასე მიმართავდა ფრიდას: „ლავ, მაი ლავ!“ (29 წლის ფრიდა კალო, როგორც იტყვიან, შვილად ეკუთვნოდა 58 წლის ტროცკის).

მინერ-მონერაც გააჩაღეს. ამასაც თითქოსდა ხუმრობის ელფერი ედო. ტროცკი ჩადებდა ბარათს წიგნში და ატანდა ფრიდას. ისიც ამგვარად პასუხობდა. ყოველივე ეს ხდებოდა დიეგოსა და ნატალია სედოვას (ტროცკის მეუღლე) თვალწინ, რომელთაც აცბუნებდათ მათი მეორე ნახევრების ელვანტური არშიყობა.

1937 წლის 7 ივლისს ტროცკი დასასვენებლად, სანადიროდ (ნადირობის ტრფიალი გახლდათ) და თავისი საყვარელი კატუსების შესაგროვებლად გაემგზავრა მეხიკოდან 130 კილომეტრით დაშორებულ აგარაკზე, რომელიც დიეგოს დაექირავებინა თავისი ძვირფასი სტუმრებისათვის. 11 ივლისს მას შეუერთდა ფრიდა — ცხადია, უქმროდ.

მეხიკოში ეულად დარჩენილი მეუღლე ტროცკისა უკვე ეჭვიანობდა და შფოთავდა. მაგრამ დიეგოს, ალბათ, ვერც წარმოედგინა, რომ სათაყვანო სტუმარი სტუმართმოყვარე მასპინძელს ასე გადაუხდია სამაგიეროს.

ტროცკი აგარაკიდან ყოველდღე, ზოგჯერ დღეში ორჯერაც კი, სწერდა წერილს საყვარელ მეუღლეს.

„როგორ მიყვარხარ, ნატაშა, ჩემო ერთადერთო, ჩემო მარადიულო სატრფოვო, ჩემო ერთგულო, ჩემო სიყვარულო, ჩემო მსხვერპლო... ო, რომ შემეძლოს მცირეოდენი სიხარული მაინც შევიტანო შენს ცხოვრებაში. როცა ამას ვწერ, ორი-სამი სტრიქონის შემდეგ ფეხზე წამოვხტები, ბოლთას ვცემ ოთახში და ვტირი შენდამი მადლიერების ცრემლით. და ვტირი იმის გამოც, რომ სიბერე უეცრად დაგვატყდა თავს“.

ცოლი თავის წერილებში ქმრისადმი ცდილობდა თავშეკავებას, მაგრამ ტექსტი თვალნათლივ ლაღადებდა იმას, რომ ეჭვიანობის მწვანე ურჩხული ძალუმად დაუფლებოდა მის სულსა და გულს.

ტროცკი მოთმინებით ამშვიდებდა: „გევედრები, მოეშვი შეჯიბრს იმ ქალთან, ვინც ესოდენ ცოტას ნიშნავს ჩემთვის... მრცხვენია და მძულს ჩემი თავი“.

და ხელს ასე აწერდა: „შენი ბებერი და ერთგული ძალი“.

იმონმებდა ლევ ტოლსტოის მოგონებას — თუ როგორ ბრუნდებოდა ცხენით სეირნობიდან სამოცდაათი წლის მწერალი და სწყუროდა ცოლის ალერსი. ტროცკი დასძენდა: მეც ასევე ვარ, მეც მწყურისხარო. უკიდურესად გაშიშვლებული ანუ უცენზურო ტექსტით გამოხატავდა თავის ნყურვილს და მორცხვად შენიშნავდა: „მრცხვენია, რომ ჩემს სიცოცხლეში პირველად დავწერე ასეთი სიტყვები ქალადზე. ვაი რომ, უმნიფარი ყმაწვილივით ვიქცევი“.

დიეგო რივერა უსაზღვრო თავყვანს სცემდა და ლამის აღმერთებდა ლევ ტროცკის, მაგრამ ამაცი მექსიკელი ესოდენ ძვირფას სტუმარსაც კი ვერ აპატიებდა უპატიებელს.

ტროცკის ერთი ბიოგრაფი ირონიულად შენიშნავს: როცა მხურვალე რომანი იყო გაჩაღებული, რივერას მაშინვე რომ გაეგო ეს ამბავი, ტროცკის აღარ დასჭირდებოდა თავისი მკვლელის — რამონ მერკადერის ლოდინი. ამ ცრუ და მუხთალ წუთისოფელს 1940 წლის ნაცვლად 1937 წელსვე გამოესალმებოდაო.

ქრონიკა

საპატრიარქოსთან არსებულ ახალგაზრდობის სულიერი და ინტელექტუალური განვითარების ცენტრში გაიმართა შეხვედრა ეთერ თათარაიძესთან. ლიტერატურულ თავყრილობას უძღვებოდა პოეტი ერეკლე საღლიანი. სიტყვით გამოვიდნენ: ეთნოგრაფი ლევან ფრუიძე და მსახიობი გია ჯაფარიძე. თავისი განუყრელი გარმონითა და ფანდურით მონაწილეობდა მომღერალი ლელა თათარაიძე, აგრეთვე ხალხური სიმღერების შემსრულებელი ნუგზარ ფსუტური.

გაიმართა მრავალრიცხოვანი აუდიტორიის დიალოგი პოეტთან, რაც მოიცავდა ჩვენი სამწერლო და საზოგადოებრივი ცხოვრების მრავალფეროვან თემატიკასა და სატკივარს და მეტად საგულისხმო გახლდათ მოსაზრებანი იმ შემოქმედისა,

რომელიც ყოველთვის გულღიად საუბრობს მწვავე პრობლემებზე.

მისი პოეტური გზის დასაწყისში ხშირად გაისმოდა საყვედურები თუშური კილოკავის სალიტერატურო ენის რანგში აყვანისათვის. თუმც თანდათანობით ნათელი გახდა, რომ ეთერ თათარაიძე ქმნიდა იმ მხატვრულ სტილისტიკას, რაც მისი პოეტური ნატურისათვის ყველაზე ბუნებრივი და სიღრმისეულია. და თუ, ვთქვათ, იტალიურ პოეზიაში არავის ეხამუშება დიალექტური ლირიკული ნაკადი, რატომ უნდა აკრძალულიყო ის ჩვენს ლიტერატურაში?

ყველაზე უკეთ ეს კამათი მოაგვარა ეთერ თათარაიძის ჩინებულიმა პოეტურმა მიღწევებმა, რადგანაც უიმისოდ სრულიად წარმოუდგენელია ჩვენი პოეზიის მდინარება.